

第三處：入法界

(三會)

一. 室羅筏國逝多林給孤獨園

二. 福城東大塔廟

三. 善財童子五十三參



入 法 界 品

三. 善財童子五十三參

十 地	
歡喜地	婆珊婆演底主夜神
離垢地	普德淨光主夜神
發光地	喜目觀察眾生主夜神
焰慧地	普救眾生妙德夜神
難勝地	寂靜音海主夜神
現前地	守護一切眾生主夜神
遠行地	開敷一切樹華主夜神
不動地	大願精進力救護一切眾生夜神
善慧地	藍毘尼道場主林神
法雲地	釋迦瞿波女

入法界品善財童子五十三參之第三十一會婆珊婆演底夜神(初地)之一

會 處		閻浮提摩竭提國迦毘羅城。(四十華嚴第三十一參，見附A31)		
善財童子參訪佛波羅蜜初地善知識	聞法信行	時，善財童子禮地神足，遶無數匝，慇懃瞻仰，辭退而去。		
	前法契入	爾時，善財童子一心思惟安住神教，憶持菩薩不可沮壞智藏解脫，修其三昧，學其軌則，觀其遊戲入其微妙，得其智慧達其平等，知其無邊測其甚深。		
	見 依 其善思 境界維 依報思 其知識 正報先	漸次遊行，至於彼城，從東門入，佇立未久，便見日沒。心念隨順諸菩薩教，渴仰欲見彼主夜神，於善知識生如來想，復作是念：由善知識得周遍眼，普能明見十方境界；由善知識得廣大解，普能了達一切所緣；由善知識得三昧眼，普能觀察一切法門；由善知識得智慧眼，普能明照十方刹海。(依佛法僧及智慧成就，起四種由善知識所得思維，此即四智成就入法界智慧生起)		
		作是念時，見彼夜神於虛空中，處寶樓閣香蓮華藏師子之座，身真金色，目髮紺青，形貌端嚴，見者歡喜，眾寶瓔珞以為嚴飾，身服朱衣，首戴梵冠，一切星宿炳然在體。		
		於其身上——毛孔，皆現化度無量無數惡道眾生，令其免離險難之像；是諸眾生，或生人中，或生天上，或有趣向二乘菩提，或有修行一切智道。又彼一一諸毛孔中，示現種種教化方便，或為現身，或為說法，或為示現聲聞乘道，或為示現獨覺乘道，或為示現諸菩薩行、菩薩勇猛、菩薩三昧、菩薩自在、菩薩住處、菩薩觀察、菩薩師子頻申、菩薩解脫遊戲，如是種種成熟眾生。		
發心陳述	善財童子見聞此已，心大歡喜，以身投地，禮夜神足，遶無數匝，於前合掌而作是言：聖者！我已先發阿耨多羅三藐三菩提心，我心冀望依善知識獲諸如來功德法藏。唯願示我一切智道，我行於中，至十力地！			
婆珊婆演底夜神成就初地位	讚歎發心	時，彼夜神告善財言：善哉善哉！善男子！汝能深心敬善知識，樂聞其語，修行其教；以修行故，決定當得阿耨多羅三藐三菩提。		
	於惡苦眾生起九種心破癡暗	善男子！我得菩薩破一切眾生癡暗法光明解脫。善男子！我於惡慧眾生起大慈心；於不善業眾生起大悲心；於作善業眾生起於喜心；於善惡二行眾生起不二心；於雜染眾生起令生清淨心；於邪道眾生起令生正行心；於劣解眾生起令興大解心；於樂生死眾生起令捨輪轉心；於住二乘道眾生起令住一切智心。善男子！我以得此解脫故，常與如是心共相應。(起九種起心)		
	為十類眾生說法令出	惡慧眾生	善男子！我於夜闇人靜，鬼、神、盜賊、諸惡眾生所遊行時，密雲重霧、惡風暴雨、日月星宿並皆昏蔽不見色時，見諸眾生，若入於海，若行於陸，山林、曠野、諸險難處，或遭盜賊，或乏資糧，或迷惑方隅，或忘失道路，悼惶憂怖不能自出；我時即以種種方便而救濟之。	
		不善業眾生	為海難者，示作船師、魚王、馬王、龜王、象王、阿脩羅王及以海神；為彼眾生，止惡風雨，息大波浪，引其道路，示其洲岸，令免怖畏，悉得安隱。復作是念：以此善根，迴施眾生，願令捨離一切諸苦。	
		夜暗種眾生	為在陸地一切眾生於夜暗中遭恐怖者，現作日月及諸星宿、晨霞、夕電種種光明，或作屋宅，或為人眾，令其得免恐怖之厄。復作是念：以此善根，迴施眾生，悉令除滅諸煩惱暗。一切眾生，有惜壽命，有愛名聞，有貪財寶，有重官位，有著男女，有戀妻妾，未稱所求，多生憂怖；我皆救濟，令其離苦。	
歧路眾生		為行山險而留難者，為作善神，現形親近；為作好鳥，發音慰悅；為作靈藥，舒光照耀；示其果樹，示其泉井，示正直道，示平坦地，令其免離一切憂厄。		

入法界品善財童子五十三參之第三十一會婆珊婆演底夜神(初地)之二

婆珊婆演底夜神成就初地位	為十類眾生說十波羅蜜相應法令出苦難	具恐怖眾生	為行曠野、稠林、險道，藤蘿所罽、雲霧所暗而恐怖者，示其正道，令得出離。作是念言：願一切眾生，伐見稠林，截愛羅網，出生死野，滅煩惱暗，入一切智平坦正道，到無畏處畢竟安樂。
		憂苦眾生	善男子！若有眾生，樂著國土而憂苦者；我以方便，令生厭離。作是念言：願一切眾生不著諸蘊，住一切佛薩婆若境。
		貪愛眾生	善男子！若有眾生，樂著聚落，貪愛宅舍，常處黑暗，受諸苦者；我為說法，令生厭離，令法滿足，令依法住。作是念言：願一切眾生，悉不貪樂六處聚落，速得出離生死境界，究竟安住一切智城。
		無有智慧想見顛倒眾生	善男子！若有眾生行暗夜中，迷惑十方，於平坦路生險難想，於險難道起平坦想，以高為下，以下為高，其心迷惑，生大苦惱。我以方便舒光照及，若欲出者，示其門戶；若欲行者，示其道路；欲度溝洫，示其橋梁；欲涉河海，與其船筏；樂觀方者，示其險易安危之處；欲休息者，示其城邑、水、樹之所。
			作是念言：如我於此照除夜暗，令諸世事悉得宣敘；願我普於一切眾生生死長夜、無明暗處，以智慧光普皆照了。
			是諸眾生無有智眼，想心見倒之所覆翳，無常常想，無樂樂想，無我我想，不淨淨想，堅固執著我人眾生、蘊界處法，迷惑因果，不識善惡，殺害眾生，乃至邪見，不孝父母，不敬沙門及婆羅門，不知惡人，不識善人，貪著惡事，安住邪法，毀謗如來，壞正法輪，於諸菩薩訾辱傷害，輕大乘道，斷菩提心，於有恩人反加殺害，於無恩處常懷怨結，毀謗賢聖，親近惡伴，盜塔寺物，作五逆罪，不久當墮三惡道處。
			願我速以大智光明，破彼眾生無明黑暗，令其疾發阿耨多羅三藐三菩提心。既發心已，示普賢乘，開十力道，亦示如來法王境界，亦示諸佛一切智城、諸佛所行、諸佛自在、諸佛成就、諸佛總持、一切諸佛共同一身、一切諸佛平等之處，令其安住。
	住邪道眾生	纏縛眾生	善男子！一切眾生，或病所纏，或老所侵，或苦貧窮，或遭禍難，或犯王法，臨當受刑，無所依怙，生大怖畏；我皆救濟，使得安隱。復作是念：願我以法普攝眾生，令其解脫一切煩惱、生老病死、憂悲苦患，近善知識，常行法施，勤行善業，速得如來清淨法身，住於究竟無變易處。
			善男子！一切眾生入見稠林，住於邪道，於諸境界起邪分別，常行不善身、語、意業，妄作種種諸邪苦行，於非正覺生正覺想，於正覺所非正覺想，為惡知識之所攝受，以起惡見，將墮惡道；我以種種諸方便門而為救護，令住正見，生人天中。復作是念：如我救此將墮惡道諸眾生等，願我普救一切眾生，悉令解脫一切諸苦，住波羅蜜出世聖道，於一切智得不退轉，具普賢願，近一切智，而不捨離諸菩薩行，常勤教化一切眾生。(雜染眾生)
	自性為先導		爾時，婆珊婆演底主夜神，欲重宣此解脫義，承佛神力，觀察十方，為善財童子而說頌曰：(二十一偈)
		勸聞	我此解脫門，生淨法光明，能破愚癡暗，待時而演說。
			我昔無邊劫，勤行廣大慈，普覆諸世間，佛子應修學。
		佛	寂靜大悲海，出生三世佛，能滅眾生苦，汝應入此門。
		法	能生世間樂，亦生出世樂，令我心歡喜，汝應入此門。
		僧	既捨有為患，亦遠聲聞果，淨修諸佛力，汝應入此門。

入法界品善財童子五十三參之第三十一會婆珊婆演底夜神(初地)之三

婆珊婆演底夜神成就初地位	以自性為先導的十波羅蜜入世間十種相	目	我目甚清淨，普見十方刹，亦見其中佛，菩提樹下坐，
			相好莊嚴身，無量眾圍遶，一一毛孔內，種種光明出；
			見諸群生類，死此而生彼，輪迴五趣中，常受無量苦。
		耳	我耳甚清淨，聽之無不及，一切語言海，悉聞能憶持；
			諸佛轉法輪，其聲妙無比，所有諸文字，悉皆能憶持。
		鼻	我鼻甚清淨，於法無所礙，一切皆自在，汝應入此門。
		舌	我舌甚廣大，淨好能言說，隨應演妙法，汝應入此門。
		身	我身甚清淨，三世等如如，隨諸眾生心，一切悉皆現。
			我心淨無礙，如空含萬像，普念諸如來，而亦不分別。
		心	了知無量刹，一切諸心海，諸根及欲樂，而亦不分別。
			我以大神通，震動無量刹，其身悉徧往，調彼難調眾。
		神通	我福甚廣大，如空無有盡，供養諸如來，饒益一切眾。
	初地位自性本體成就因緣本事	福	我智廣清淨，了知諸法海，除滅眾生惑，汝應入此門。
		智	我知三世佛，及以一切法，亦了彼方便，此門徧無等。
			一一塵中見，三世一切刹，亦見彼諸佛，此是普門力。
		佛智	十方刹塵內，悉見盧舍那，菩提樹下坐，成道演妙法。
			爾時，善財童子白夜神言：汝發阿耨多羅三藐三菩提心為幾時耶？得此解脫其已久如，乃能如是饒益眾生？
			其神答言：善男子！乃往古世，過如須彌山微塵數劫，有劫名寂靜光，世界名出生妙寶，有五億佛於中出現。彼世界中有四天下，名寶月燈光，有城，名蓮華光，王名善法度，以法施化，成就七寶，王四天下。王有夫人，名法慧月，夜久眠寐。時，彼城東有一大林，名為寂住，林中有一大菩提樹，名一切光摩尼王莊嚴身，出生一切佛神力光明。
		初地位本事因緣	爾時有佛名一切法雷音王，於此樹下成等正覺，放無量色廣大光明，徧照出生妙寶世界。蓮華光城內有主夜神，名為淨月，詣王夫人法慧月所，動身瓔珞以覺夫人，而告之言：夫人當知，一切法雷音王如來，於寂住林成無上覺，及廣為說諸佛功德自在神力、普賢菩薩所有行願。令王夫人發阿耨多羅三藐三菩提意，供養彼佛及諸菩薩、聲聞、僧眾。
			善男子！時王夫人法慧月者，豈異人乎？我身是也！
			我於彼佛所發菩提心種善根故，於須彌山微塵數劫，不生地獄、餓鬼、畜生諸惡趣中，亦不生於下賤之家，諸根具足，無有眾苦，於天人中福德殊勝，不生惡世，恒不離佛及諸菩薩、大善知識，常於其所種植善根，經八十須彌山微塵數劫常受安樂，而未滿足菩薩諸根。
		見性成就世界有五百佛出現(佛)	過此劫已，復過萬劫，於賢劫前，有劫名無憂徧照，世界名離垢妙光。其世界中淨穢相雜，有五百佛於中出現。其第一佛，名須彌幢寂靜妙眼如來、應、正等覺；我為名稱長者；女名妙慧光明，端正殊妙。
			彼淨月夜神，以願力故，於離垢世界一四天下妙幢王城中生，作主夜神，名清淨眼。我於一時，在父母邊，夜久眠息。彼清淨眼來詣我所，震動我宅，放大光明，出現其身，讚佛功德言：妙眼如來坐菩提座，始成正覺。勸諭於我及以父母并諸眷屬，令速見佛；自為前導，引至佛所，廣興供養。

入法界品善財童子五十三參之第三十一會婆珊婆演底夜神(初地)之四

婆珊婆演底夜神成就初地位	初地位自性本體成就因緣本事	調伏眾生三世智光明輪(法)	我纔見佛，即得三昧，名出生見佛調伏眾生三世智光明輪。
			獲此三昧故，能憶念須彌山微塵數劫，亦見其中諸佛出現，於彼佛所聽聞妙法；以聞法故，即得此破一切眾生暗法光明解脫。得此解脫已，即見其身遍往佛刹微塵數世界，亦見彼世界所有諸佛，又見自身在其佛所；亦見彼世界一切眾生，解其言音識其根性，知其往昔曾為善友之所攝受，隨其所樂而為現身，令生歡喜。
		成就淨行及其精進(僧)	我時於彼所得解脫，念念增長，此心無間；又見自身遍往百佛刹微塵數世界，此心無間；又見自身遍往千佛刹微塵數世界，此心無間；又見自身遍往百千佛刹微塵數世界。
			如是，念念乃至不可說不可說佛刹微塵數世界，亦見彼世界中一切如來；亦自見身在彼佛所，聽聞妙法，受持憶念，觀察決了；亦知彼佛諸本事海、諸大願海，彼諸如來嚴淨佛刹，我亦嚴淨；亦見彼世界一切眾生，隨其所應而為現身教化調伏。此解脫門，念念增長，如是乃至充滿法界。
	自法門		善男子！我唯知此菩薩破一切眾生暗法光明解脫。
	自宗門——十波羅蜜精進	佛	如諸菩薩摩訶薩，成就普賢無邊行願，普入一切諸法界海，
		法	得諸菩薩金剛智幢自在三昧；
		僧	出生大願住持佛種，
		精進	於念念中，成滿一切大功德海，嚴淨一切廣大世界；
		禪定	以自在智，教化成熟一切眾生；
		般若	以智慧日，滅除一切世間暗障；
		方便	以勇猛智，覺悟一切眾生惛睡；
		願	以智慧月，決了一切眾生疑惑；
		力	以清淨音，斷除一切諸有執著；
		智	於一切法界一一塵中，示現一切自在神力，智眼明淨，等見三世。
			而我何能知其妙行、說其功德、入其境界、示其自在？
	推薦精進		善男子！此閻浮提摩竭提國菩提場內，有主夜神，名普德淨光。我本從其發阿耨多羅三藐三菩提心，常以妙法開悟於我。汝詣彼問：菩薩云何學菩薩行、修菩薩道。
	初地功德十種所見及讚歎		爾時，善財童子向婆珊婆演底神而說頌曰：
		佛	見汝清淨身，相好超世間，如文殊師利，亦如寶山王。
		法	汝法身清淨，三世悉平等，世界悉入中，成壞無所礙。
		僧	我觀一切趣，悉見汝形像，一一毛孔中，星月各分布。
		精進	汝心極廣大，如空遍十方，諸佛悉入中，清淨無分別。
		禪定	一一毛孔內，悉放無數光，十方諸佛所，普雨莊嚴具。
		般若	一一毛孔內，各現無數身，十方諸國土，方便度眾生。
		方便	一一毛孔內，示現無量刹，隨諸眾生欲，種種令清淨。
		願	若有諸眾生，聞名及見身，悉獲功德利，成就菩提道。
		力	多劫在惡趣，始得見聞汝，亦應歡喜受，以滅煩惱故。
		智	千刹微塵劫，歎汝一毛德，劫數猶可窮，功德終無盡。

附A31：四十華嚴善財童子之第三十一會春和主夜神(初地)之一

會 處		閻浮提摩竭提國恒河北岸，迦毘羅城。（此處經文依四十華嚴）
善財童子參訪初地佛波羅蜜	聞法信行	時，善財童子，禮地神足，遶無數匝，慇懃瞻仰，一心戀慕，辭退而去。
	前法契入	爾時，善財童子，蒙地神教，一心思惟，憶持菩薩難摧伏智慧藏解脫門，修其三昧，學其軌則，觀其遊戲，入其智海，悟其甚深，行其勝行，住其大願，得其智慧，達其平等。
	見其境界依報思其正報	如是思惟，漸次前行，北度恒河，向迦毘羅城，至城南門，敬心右遶，從東門入，佇立未久，遇日沒時，心念隨順諸菩薩行，渴仰欲見春和夜神，於善知識生如來想，復作是念，由善知識得周遍眼，普能明見十方境界，由善知識得廣大解，普能了達一切所緣，由善知識得三昧眼，普能觀察一切法門，由善知識得智慧眼，普能明照十方刹海。（依佛法僧及智慧成就，起四種由善知識所得思維）
		作是念時，見彼夜神，於虛空中，處眾色寶摩尼樓閣香蓮華藏寶師子座，身真金色，頂髮紺青，眼如廣大青蓮華葉，形貌端嚴，見者歡喜，眾寶瓔珞，以為嚴飾，身服朱衣，首戴梵冠，一切星宿，炳然在體。
		於其身上——毛孔，皆現化度無量無數世界眾生，臨欲顛墜墮惡道者，悉令免離而得解脫，是諸眾生，或生人中，或生天上，或有趣向二乘菩提，或有修行一切智道，如是影像，炳然顯現，又彼一一諸毛孔中，示現種種教化方便，成熟眾生，或為現身種種形色，或為說法種種言音，或為示現聲聞乘道，或為示現獨覺乘道，或為示現諸菩薩行，菩薩勇猛，菩薩三昧，菩薩自在，菩薩住處，菩薩觀察，菩薩思惟，菩薩神通，菩薩境界，菩薩師子頻申，菩薩解脫遊戲，如是種種成熟眾生。（示現十一種菩薩行成熟眾生）
發心陳述	善財童子，見聞此已，心大歡喜，踊躍欣慶，心願圓滿，愛敬尊重，以身投地，禮夜神足，遶無數匝，於前合掌，而作是言：聖者！我已先發阿耨多羅三藐三菩提心，我心冀望，依善知識威神力故，獲諸如來功德法藏，唯願聖者，與我決定，作依止處，示我趣向一切智道，令我於中修行增進至十力地。	
春和主夜神成就初地位	讚歎發心	時彼夜神，告善財言：善哉善哉！善男子！汝能深心敬善知識，法力聖力入汝身中，令汝勤求不惜身命，一心親近，樂聞其語，隨順聽聞，修行其教，以汝親近聞教修行決定心故，當得阿耨多羅三藐三菩提。
	於惡苦眾生起十種心破癡暗	善男子！我得菩薩教化調伏破一切眾生癡闇法光明解脫門。善男子！我於惡慧眾生起大慈心；於不善業眾生起大悲心；於作善法眾生起於喜心；於善惡二行眾生起不二心；於雜染眾生起令生清淨心；於邪行眾生起令生正行心；於劣解眾生起令興大解心；於懶惰眾生起令生精進心；於樂生死眾生起令捨輪轉心；於住二乘道眾生起令住一切智心。善男子！我以得此解脫門故，常與如是心共相應。（起十種起心）
	為十類眾生說十波羅蜜相應法令出苦難	善男子！我於夜暗人靜，鬼神盜賊，諸惡眾生，所遊行時，密雲重霧，惡風暴雨，日月星宿，並皆昏蔽不見色時，見諸眾生若入於海，若行於陸，山林曠野，沙磧險難，一切危厄，諸恐怖處，或遭盜賊，或乏資糧，或迷惑方隅，或忘失道路，悵惶憂怖，不能自出，我時即以種種方便而救濟之。（惡慧眾生） 為海難者，示作船師，魚王，馬王，龜王，象王，阿脩羅王，及以海神，捕漁人像，為彼種種海難眾生，而作救護，所謂：止惡風雨，息大波浪，於洄漩中，及迷方中，引其道路，示其洲岸，令免怖畏，悉得安隱，復作是念：以此善根迴施眾生，願令捨離一切諸苦。（不善業眾生）

附A31：四十華嚴善財童子之第三十一會春和主夜神(初地)之二

春和主夜神成就初地位

為十類眾生說十波羅蜜相應法令出苦難

為在陸地一切眾生，於夜闇中，遭諸恐怖，瓦礫荊棘，虎豹豺狼，師子惡獸，毒蛇險路，盜賊鬼神，肆暴之處，現作日月及諸星宿，晨霞夕電種種光明，或作屋宅，或為人眾天龍八部菩薩如來，種種形相引導覆護，令其得免恐怖之厄，復作是念：以此善根迴施眾生，悉令除滅諸煩惱闇，一切眾生，有惜壽命，有愛名聞，有貪財寶，有重官位，有著男女，有戀妻妾，眷屬稠林，種種纏縛，未稱所求，多生憂怖，我皆救濟，令其離苦。

為行山險而留難者，為作善神現形親近，為作好鳥發音慰悅，為作靈藥舒光照耀，示其果樹，示其泉井，示正直道，示平坦地，或現龕室，或現勝居，令其免離一切憂苦。

為行曠野險道稠林，毒樹藤蘿交蔽隱密，闇努囉獸潛伏傷殘，震吼出聲驚駭聞者，墮此難中種種憂怖，雲霧所暗心識昏迷，種種事中而恐怖者，現大力身，救其危難，示其正道，令得出離，作是念言：願一切眾生，伐見稠林，截愛羅網，出生死野，滅煩惱暗，入一切智無畏大城，到平坦處，畢竟安樂。

善男子！若有眾生，戰爭城邑乃至小獸，忿競無時，我以方便使其和好，各起慈心永息乖諍，作是念言：願一切眾生，離煩惱諍得法和合。

善男子！若有眾生樂著國土，角力求取，勝負不安，種種諍訟而憂苦者，我以方便，令捨堅執，示現無常，令生厭離，作是念言：願一切眾生不著諸蘊，住一切佛薩婆若境。

善男子！若有眾生樂著聚落，貪愛宅舍常處黑暗，甘被繫縛受諸苦者，我為說法，令生厭離，令法滿足，令依法住，作是念言：願一切眾生，悉不貪樂六處聚落，速得出離生死境界，究竟安住一切智城。

善男子！若有眾生，行闇夜中迷惑十方，於平坦路生險難想，於險難道起平坦想，以高為下，以下為高，其心迷惑生大苦惱，我以方便，舒光照及，若欲出者，示其門戶，若欲行者，示其道路，欲濟彼岸，示其橋梁，欲涉河海，與其船筏，若於熱時，示其清冷，若於寒際，示作溫和，暖殿涼宮，隨時適意，若或遊觀，常導其前，示其險易安危之處，欲休息者，示其城邑近處宮室，令其憩止，遠行渴乏，示其池沼河水流泉，令其飲沐，華林果樹，使得清涼身心安樂，若有父母妻子眷屬，恩愛分離，令其合會，無諸苦惱。作是念言：如我於此，照除闇夜，救眾災厄，令諸世事，悉得宣敘，願我普於一切眾生生死長夜，無明闇處，以智慧光，普皆照了。

是諸眾生無有智眼，想心見倒之所覆翳，無常常想，苦中樂想，無我我想，不淨淨想，堅固執著我人眾生蘊界處法，迷惑因果，不了善惡，殺害眾生，乃至邪見不孝父母，不敬沙門及婆羅門，不知惡人，不識善人，貪著惡事安住邪法，毀謗如來壞正法輪，於諸菩薩毘辱傷害，輕大乘道斷菩提心，於有恩人反加殺害，於無恩處常懷怨結，毀謗賢聖親近惡伴，盜塔寺物作五逆罪，不久當墮三惡道中。(邪道眾生)

願我速以大智光明，破彼眾生無明黑闇，令其疾發阿耨多羅三藐三菩提心，既發心已，示普賢乘，開十力道，亦示如來法王境界，亦示諸佛一切智城，諸佛所行，諸佛自在，諸佛成就，諸佛總持，一切諸佛同共一身，一切諸佛平等之處，皆令安住。

善男子！一切眾生，或病所纏，或老所侵，或苦貧窮，或遭禍難，或犯王法，臨當受刑，無所依怙生大怖畏，我皆救濟使得安隱，謂以方藥除諸病苦，供事老朽安樂終年，給足資具令無貧乏，無主作主，無歸作歸，苦難逼迫，同事救攝，令離憂惱，令無怖懼，復作是念：願我以法普攝眾生，令其解脫一切煩惱，生老病死憂悲苦患，近善知識，常行法施，勤修善業，速得如來清淨法身，住於究竟無變易處。

附A31：四十華嚴善財童子之第三十一會春和主夜神(初地)之三

春和主夜神成就初地位	依根本智入法界釋十種起心		善男子！一切眾生入見稠林，住於邪道，於諸境界起邪分別，常行不善身語意業，妄作種種諸邪苦行，於非正覺生正覺想，於正覺所非正覺想，為諸惡友之所攝持，以起惡見，將墮惡道，我以種種諸方便門，而為救護，令住正見，當生人天復作是念：如我救此將墮惡道諸眾生等，願我普救一切眾生，悉令解脫一切諸苦，住波羅蜜出世聖道，於一切智得不退轉，具普賢願，近佛菩提，而不捨離諸菩薩行，常勤教化一切眾生。(雜染眾生)
	以自性成就為先導的十波羅蜜入世間十種相		爾時，春和主夜神，欲重宣此解脫義，承佛威力，普觀十方一切法界，為善財童子而說偈曰：(二十一偈)
		勸聞	我此寂靜解脫海，出生具足智光明，遠離一切愚癡暗，觀眾生根而演說。
			我於往昔無邊劫，具修廣大清淨慈，如日普照於世間，汝應勇猛勤修習。
		佛	我此難量大悲海，出生三世諸如來，能救法界苦眾生，汝應勇猛勤修習。
			能生聖道無為樂，亦生世間安隱樂，令我踊躍心歡喜，汝應入此甚深門。
		法	已背有為如幻法，亦棄聲聞解脫乘，常修佛力具莊嚴，汝應入此難思教。
			我眼清淨廣無邊，普見十方諸刹土，其中所有一切佛，悉坐菩提樹王下。
		目	見佛處於大眾會，相好莊嚴妙色身，於諸毛孔放光明，一一光明恒普照。
			見諸群生墮業海，死此生彼各差別，相續輪迴五趣中，常受種種無邊苦。
		耳	我耳清淨量無邊，一念聽周諸刹海，眾生所有語言法，皆悉憶持無忘失。
			及聞諸佛轉法輪，其音勝妙無能比，言辭訓釋諸方便，我悉憶持無忘失。
		鼻	我鼻廣博甚清淨，於諸法中無所著，住一切處解脫門，汝應入此無疑惑。
			我舌光明赤銅相，具足清淨妙辯才，巧宣妙法應群心，汝應入此無疑惑。
		舌	我身離相恒清淨，常遍一切諸世間，普隨信樂眾生心，為現色身令得見。
			我心離著無諸垢，如響普應諸眾生，隨念悉見諸如來，而於其中不分別。
		心	不思議刹眾生海，所有樂欲及諸根，我於一念悉能知，而於其中不分別。
			我以廣大妙神通，普震難思諸佛刹，威力光明無不現，調伏一切難調眾。
		神通	我福廣大甚清淨，無量莊嚴無盡藏，普能供養諸如來，等與一切眾生樂。
			我智廣博甚清淨，了達無邊諸法海，普斷一切眾生疑，佛子宜應善修學。
	福	我知三世諸佛海，及了一切諸法海，亦入彼諸大願門，此無等行應修習。	
		我於三世刹塵中，悉見十方諸刹海，亦見其中所有佛，此是普門無等力。	
	智	普於十方一切刹，悉見大智盧舍那，一切塵中坐道場，以寂靜音宣妙法。	
	發心久如		爾時，善財童子白春和主夜神言：汝發阿耨多羅三藐三菩提心，經幾時耶，得此解脫其已久如，乃有如是大威德力，能作如是利益眾生
	本體成就	初地位 本事因緣	夜神告言：佛子！我念往古過須彌山極微塵數劫，有劫名寂靜光，世界名出生吉祥寶，五百億佛於中出現，彼世界中，有四天下，名寶月燈光，有城名蓮華光，有轉輪王，名妙法岸，具足七寶，領四天下，以聖王道，安樂眾生，王有夫人，名法智月，妓樂自娛，夜久眠寢，時彼城東，有一大林，名寂靜出生妙德，林中有一大菩提樹，名一切勝法摩尼王莊嚴身，出生諸佛神力光明。
			爾時有佛，名一切法大吼聲王，於此樹下成等正覺，放無量色廣大光明，名摩尼王，普照一切妙寶世界。

附A31：四十華嚴善財童子之第三十一會春和主夜神(初地)之四

春和主夜神成就初地位	初地位自性本體成就因緣本事	於彼佛所發心種善根故不生惡趣(十信)	蓮華城內，有主夜神，名淨月光，詣王夫人法智月所，動身瓔珞環佩出聲，以覺夫人，而告之言：夫人當知，一切法大吼聲王如來，於寂靜出生妙德大林之中，而成等正覺，及廣稱讚諸佛功德自在神力，普賢菩薩所有行願，令王夫人發阿耨多羅三藐三菩提心，供養恭敬，承事彼佛，及諸菩薩聲聞僧眾。
			善男子！時王夫人法智月者，豈異人乎，我身是也。
			我於彼佛發菩提心，深重愛敬種善根故，於須彌山極微塵數劫，不生地獄餓鬼畜生諸惡趣中，亦不生於下賤之家，諸根具足無有眾苦，於天人中福德殊勝，不生惡世，恒不離佛及諸菩薩大善知識，常於其所種植善根，經八十億須彌山極微塵數劫，常受安樂而未滿足菩薩諸根。
		見性成就生世界有五百佛出現(佛)	過此劫已，復過萬劫，於賢劫前，有劫名無憂遍照，世界名離垢勝德，其世界中，淨穢相雜，有五百佛於中出現，其第一佛，名須彌幢大寂靜吉祥眼如來，應正等覺，我為名稱長者女，字妙慧光明，端正殊妙，人相具足。
			彼淨月夜神，以本願力，於離垢勝德世界一四天下眾色幢王城中，作主夜神，名妙淨眼，我於一時，在父母邊，夜久眠息，彼妙淨眼，來詣我所，震動我宅，放大光明，出現其身，讚佛功德言：彼如來坐菩提樹，始成正覺。勸諭於我及以父母，并諸眷屬，令速見佛，自為前導，引至佛所，廣興供養。
		調伏眾生三世智光明輪(法)	我纔見佛，即得調伏眾生見佛三昧，及得普照三世智光明輪三昧。
			獲此三昧故，能憶念須彌山極微塵數劫，亦見其中一切諸佛菩薩出現，於彼如來，及菩薩所，聽聞妙法，以聞法故，即得此教化調伏破一切眾生癡暗法光明解脫門，得此解脫故，即見其身遍十佛刹極微塵數世界，亦見彼世界所有如來，又見自身一一親近，亦見彼世界一切眾生，解其言音識其根性，知其往昔曾為善友之所攝受。隨其所樂而為現身，令生歡喜。
		成就淨行及其精進(僧)	我時於彼所得解脫，念念增長，此心無間，又見自身遍往百佛刹極微塵數世界，此心無間，又見自身遍往千佛刹極微塵數世界，此心無間，又見自身遍往百千佛刹極微塵數世界。
			如是念念，乃至不可說不可說佛刹極微塵數世界，亦見彼世界中一切如來，亦見自身在彼佛所聽聞妙法，受持憶念觀察決了，亦知彼佛諸本事海，諸大願海，彼諸如來嚴淨佛刹，我亦嚴淨，亦見彼世界一切眾生，心性根器形量差別，種類不同，隨其所應而為現身教化調伏，令此解脫，念念增長，如是乃至充滿法界。
		自法門	善男子！我唯知此菩薩教化調伏破一切眾生癡暗法光明解脫門。
	自宗門——十波羅蜜門	佛	如諸菩薩摩訶薩，成就普賢無邊行願，普入一切諸法界海。
		法	得諸菩薩金剛智幢自在三昧遊戲神通，心無障礙。
		僧	出生大願住持佛種。
		精進	於念念中，成滿一切大功德海，嚴淨一切廣大世界。
		禪定	以自在智，教化成熟一切眾生。
		般若	以智慧日，滅除一切世間闇障。
		方便	以勇猛智，覺悟一切眾生昏睡。
		願	以智慧月，決了一切眾生疑惑。

附A31：四十華嚴善財童子之第三十一會春和主夜神(初地)之五

春和主夜神成就初地位	自宗門	力	以清淨意，斷除一切諸有執著。
		智	於一切法界一一塵中，示現一切自在神力，智眼明淨等見三世。
			而我何能知其妙行，說其功德，入其境界，示其自在遊戲神通。
	推薦精進		善男子！此閻浮提恒河南岸摩竭提國菩提場中，有主夜神，名普遍吉祥無垢光，我本從其發阿耨多羅三藐三菩提心，常以妙法開悟於我，汝詣彼問，菩薩云何學菩薩行，修菩薩道。
	初地功德十種所見及讚歎		爾時，善財童子，合掌恭敬，向春和夜神，以偈讚曰：
		佛	我今見汝清淨身，色相端嚴如妙德，威光超世無能比，殊特猶若寶山王。
		法	見汝清淨妙法身，等於三世無分別，普入一切諸世間，若壞若成無所著。
		僧	我今普觀一切趣，見汝所現差別身，猶如星月處虛空，一毛孔中皆得見。
		精進	汝心廣大常清淨，如空普遍於十方，一切諸佛悉入中，智慧平等無分別。
		禪定	汝身一一諸毛孔，放剎塵數光明雲，悉遍十方佛剎中，普雨一切莊嚴具。
		般若	汝身一一諸毛孔，等眾生數而現身，普於十方世界中，方便化度令調伏。
		方便	汝身一一諸毛孔，示現不可思議剎，普隨一切眾生心，莊嚴顯現令清淨。
		願	若有眾生見汝身，聞名愛樂生歡喜，獲功德利清淨命，當必成就大菩提。
		力	墮於惡趣無邊劫，恒受種種無量苦，聞名暫發歡喜心，諸煩惱業皆銷滅。
		智	於千佛剎微塵劫，讚歎汝身一毛德，微塵劫數猶可窮，汝身功德終無盡。

入法界品善財童子五十三參之第三十二會普德淨光夜神(二地)之一

會 處		閻浮提摩竭提國菩提場內。(四十華嚴第三十二參，見附A32)
善財童子	聞法信行	時，善財童子說此頌已，頂禮其足，遶無量匝，慇懃瞻仰，辭退而去。
	前法契入	爾時，善財童子了知彼婆珊婆演底夜神初發菩提心所生菩薩藏、所發菩薩願、所淨菩薩度、所入菩薩地、所修菩薩行、所行出離道、一切智光海、普救眾生心、普遍大悲雲、於一切佛刹盡未來際常能出生普賢行願。(初地十種菩薩行)
	發心陳述	漸次遊行，至普德淨光夜神所，頂禮其足，遶無數匝，於前合掌而作是言：聖者！我已先發阿耨多羅三藐三菩提心，而我未知菩薩云何修行菩薩地？云何出生菩薩地？云何成就菩薩地？
普德淨光夜神成就第二地法波羅蜜	讚歎發心	夜神答言：善哉善哉！善男子！汝已能發阿耨多羅三藐三菩提心，今復問於菩薩地修行、出生及以成就。
	成就十種初地法（佛）	善男子！菩薩成就十法，能圓滿菩薩行。何者為十？
		佛 一者，得清淨三昧，常見一切佛；
		法 二者，得清淨眼，常觀一切佛相好莊嚴；
		僧 三者，知一切如來無量無邊功德大海；
		精進 四者，知等法界無量諸佛法光明海；
		禪定 五者，知一切如來，一一毛孔放等眾生數大光明海，利益無量一切眾生；
		般若 六者，見一切如來，一一毛孔出一切寶色光明焰海；
		方便 七者，於念念中出現一切佛變化海充滿法界，究竟一切諸佛境界調伏眾生；
		願 八者，得佛音聲同一切眾生言音海，轉三世一切佛法輪；
		力 九者，知一切佛無邊名號海；
		智 十者，知一切佛調伏眾生不思議自在力。
		善男子！菩薩成就此十種法，則能圓滿菩薩諸行。
	是解菩薩知一切如來——諸佛遊步	善男子！我得菩薩解脫，名寂靜禪定樂普遊步。普見三世一切諸佛，亦見彼佛清淨國土、道場、眾會、神通、名號、說法、壽命、言音、身相，種種不同，悉皆明觀而無取著。何以故？
		知諸如來非去，世趣永滅故；
		非來，體性無生故；
		非生，法身平等故；
		非滅，無有生相故；
		非實，住如幻法故；
		非妄，利益眾生故；
		非遷，超過生死故；
		非壞，性常不變故；
		一相，言語悉離故；
		無相，性相本空故。
		善男子！我如是了知一切如來時，於菩薩寂靜禪定樂普遊步解脫門，分明了達，成就增長，思惟觀察，堅固莊嚴，不起一切妄想分別，大悲救護一切眾生，一心不動。

入法界品善財童子五十三參之第三十二會普德淨光夜神(二地)之二

普德淨光夜神成就第二地法波羅蜜	是了解菩薩一切見寂靜如來——(淨行等)		修習初禪，息一切意業，攝一切眾生，智力勇猛，喜心悅豫；修第二禪，思惟一切眾生自性，厭離生死；修第三禪，悉能息滅一切眾生眾苦熱惱；修第四禪，增長圓滿一切智願，出生一切諸三昧海，入諸菩薩解脫海門，遊戲一切神通，成就一切變化，以清淨智普入法界。
			善男子！我修此解脫時，以種種方便成就眾生。所謂：於在家放逸眾生，令生不淨想、可厭想、疲勞想、逼迫想、繫縛想、羅刹想、無常想、苦想、無我想、空想、無生想、不自在想、老病死想。
			自於五欲不生樂著，亦勸眾生不著欲樂，唯住法樂，出離於家，入於非家。若有眾生住於空閑，我為止息諸惡音聲，於靜夜時為說深法，與順行緣，開出家門，示正道路，為作光明，除其闇障，滅其怖畏，讚出家業，歎佛、法、僧及善知識具諸功德，亦歎親近善知識行。
			復次，善男子！我修解脫時，令諸眾生，不生非法貪，不起邪分別，不作諸罪業。若已作者，皆令止息；若未生善法，未修波羅蜜行，未求一切智，未起大慈悲，未造人天業，皆令其生；若已生者，令其增長。我與如是順道因緣，乃至令成一切智智。
	自法門		善男子！我唯得此菩薩寂靜禪定樂普遊步解脫門。
	自宗門——十波羅蜜精進		如諸菩薩摩訶薩，
		佛	具足普賢所有行願，
		法	了達一切無邊法界，
		僧	常能增長一切善根，
		精進	照見一切如來十力，
		禪定	住於一切如來境界，
		般若	恒處生死心無障礙，
		方便	疾能滿足一切智願，
		願	普能往詣一切世界，
		力	悉能觀見一切諸佛，
		智	遍能聽受一切佛法，
	總說		能破一切眾生癡闇，(相用成就)
			能於生死大夜之中出生一切智慧光明；(本體成就)
			而我云何能知能說彼功德行？
	推薦精進		善男子！去此不遠，於菩提場右邊，有一夜神，名喜目觀察眾生。汝詣彼問：菩薩云何學菩薩行、修菩薩道？
	重宣結會		爾時，普德淨光夜神，欲重宣此解脫義，為善財童子而說頌曰：
		佛	若有信解心，盡見三世佛；彼人眼清淨，能入諸佛海。
		法	汝觀諸佛身，清淨相莊嚴，一念神通力，法界悉充滿。
		僧	盧舍那如來，道場成正覺，一切法界中，轉於淨法輪。
	精進		如來知法性，寂滅無有二，清淨相嚴身，遍示諸世間。

入法界品善財童子五十三參之第三十二會普德淨光夜神(二地)之三

普 德 淨 光 夜 神	重 宣 結 會	禪定	佛身不思議，法界悉充滿，普現一切刹，一切無不見。
		般若	佛身常光明，一切刹塵等，種種清淨色，念念遍法界。
		方便	如來一毛孔，放不思議光，普照諸群生，令其煩惱滅。
		願	如來一毛孔，出生無盡化，充遍於法界，除滅眾生苦。
		力	佛演一妙音，隨類皆令解，普雨廣大法，使發菩提意。
		智	佛昔修諸行，已曾攝受我，故得見如來，普現一切刹。
		勸進	諸佛出世間，量等眾生數，種種解脫境，非我所能知。
			一切諸菩薩，入佛一毛孔，如是妙解脫，非我所能知。
			此近有夜神，名喜目觀察，汝應往詣彼，問修菩薩行。

附A32：四十華嚴善財童子之第三十二會普遍吉祥無垢光夜神(二地)之一

會 處		閻浮提恒河南岸摩竭提國菩提場中。(此處經文依四十華嚴)
善財童子參訪二地位	聞法信行	爾時，善財童子，以此妙偈，讚夜神已，禮夜神足，遶無數匝，慇懃瞻仰，辭退而去。
	前法契入	爾時，善財童子，一心思惟彼夜神教，了知彼神初發菩提心，圓滿清淨，所生菩薩藏，所發菩薩願，所淨菩薩波羅蜜，所入菩薩諸住地，所修菩薩行，所行出離道，隨順一切智光海，發普救一切眾生心，起大悲雲普覆一切，於諸佛刹，盡未來際，常能出生普賢行願。
	發心陳述	漸次遊行，詣彼夜神，頂禮其足，遶無數匝，於前合掌，而作是言：聖者！我已先發阿耨多羅三藐三菩提心，而未知菩薩云何修行菩薩地，云何出生菩薩地，云何成就菩薩地。
普遍吉祥無垢光夜神成就第二地法波羅蜜	讚歎發心	夜神答言：善哉善哉！善男子！汝已能發阿耨多羅三藐三菩提心，復能問於諸菩薩地修行出生及以成就。
	成就十種初地法（佛）	善男子！菩薩具足十法，則能圓滿諸菩薩行，何等為十？
		佛 一者得清淨三昧，常見一切如來現前。
		法 二者以清淨眼，常觀一切如來相好。
		僧 三者以甚深智，知諸如來福智大海。
		精進 四者知等法界無量諸佛法光明海。
		禪定 五者知諸如來一一毛孔放等眾生數大光明海利益一切。
		般若 六者見諸如來一一毛孔出眾寶色光明焰海。
		方便 七者念念出現佛變化海。普遍法界調伏眾生。
		願 八者得佛音聲，同諸眾生語言音海，能轉三世諸佛法輪。
		力 九者知一切佛無邊名號海。
		智 十者知一切佛調伏眾生不可思議自在威力。
		善男子！菩薩具足此十種法，則能圓滿諸菩薩行。
	是解菩薩得一切樂普遊（法）如步	善男子！我得菩薩解脫，名寂靜禪定樂普遊步勇猛法門，普見三世一切諸佛，亦見彼佛清淨國土道場眾會，三昧神通相應行海種種名號，說法壽命言音身相，種種不同充滿法界，悉皆明見，甚深趣入而無取著，亦無入處，何以故？
		知諸如來非去，世趣永滅故。
		非來，體性無生故。
		非生，法身平等故。
		非滅，無有生相故。
		非實，住如幻法故。
		非虛，利益眾生故。
		非遷，超過生死故。
		非壞，性常不變故。
		一相言語悉離故。
		無相性相本空故。

附A32：四十華嚴善財童子之第三十二會普遍吉祥無垢光夜神(二地)之二

普遍吉祥無垢光夜神成就第二地法波羅蜜	了知一切如來	善男子！我如是知一切如來時，於菩薩寂靜禪定樂普遊步勇猛解脫門，分別了達，成就增長，思惟觀察，堅固莊嚴普遍照明種種境界，圓滿廣大甚深，隨順住平等際，不起一切妄想分別，大悲救護一切眾生，一心不動。
	是了解菩薩一切見寂如來——（淨行等）	修習初禪，息諸意業，攝諸眾生，智力勇猛，喜心悅懌；修第二禪，思惟一切眾生自性，厭離生死，住涅槃樂；修第三禪，悉能息滅一切眾生眾苦熱惱；修第四禪，增長圓滿一切智願，善巧出生諸三昧海，入諸菩薩解脫海門，遊戲一切菩薩神通，成就一切清淨變化，以清淨智，普入法界。
		善男子！我修習此解脫門時，以種種方便，成熟眾生，所謂：於在家放逸貪欲眾生，令生不淨想，不愛樂想，可厭想，疲勞想，逼迫想，繫縛想，羅刹想，無常想，苦想，空想，無我想，無主想，不自在想，老病死想。
		自於欲境，不生愛樂，亦勸眾生不著欲樂，唯住法樂，出離於家，入於非家，若有眾生，住於空閑，我為止息諸惡音聲，於靜夜時，為說深法，與順行緣，開出家門，示正道路，為作光明，除其暗障，滅其怖畏，讚出家業，歎佛法僧及善知識具諸功德，亦勸親近承事供養善知識行。
		善男子！我修如是解脫門時，令諸眾生離非法貪，捨邪分別，未生惡法令其不生，若已作者皆令止息，妄想境界，所不能轉，未生諸善法，未修波羅蜜，未求一切智，未起殊勝願，未發大慈悲，未造人天業，皆令得生，若已生者令其增長，我與如是順道因緣，乃至令成一切智智。
	自法門	善男子！我唯得此菩薩寂靜禪定樂普遊步勇猛解脫門。
	自宗門——十波羅蜜精進	如諸菩薩摩訶薩。
		佛具足普賢所有行願。
		法了達一切無邊法界。
		僧常能增長一切善根。
		精進照見一切如來智力。
		禪定住於一切如來境界。
		般若恒處生死心無障礙。
		方便疾能滿足一切智願。
		願普能往詣一切刹海。
		力悉能觀見一切佛海。
		智遍能聽受一切法雲。
	總說	能破一切眾生癡闇。（相用成就）
		能於生死大夜之中，出生一切智慧光明。（本體成就）
		而我云何能知能說彼功德行。
	推薦精進	善男子！去此不遠，菩提樹王道場右面，有主夜神，名喜目觀察一切眾生，汝詣彼問，菩薩云何學菩薩行，修菩薩道。
	結會	爾時，普遍吉祥無垢光主夜神，欲重明此解脫門義，為善財童子，而說偈曰：

附A32：四十華嚴善財童子之第三十二會普遍吉祥無垢光夜神(二地)之三

普遍吉祥無垢光夜神	說偈重宣	佛	一切三世諸如來，皆為信心而出現，若具清淨廣大眼，則能普見諸佛海。
		法	汝觀諸佛無垢身，妙相莊嚴極清淨，悉坐眾會道場中，示現神通無不遍。
		僧	毘盧遮那善逝尊，道樹降魔成正覺，普隨一切眾生心，轉大法輪充法界。
		精進	佛證甚深真法性，妙體寂靜無差別，色身清淨具莊嚴，普示眾生無有盡。
		禪定	佛身廣大不思議，遍周法界常無盡，平等普現於十方，一切剎中無不見。
		般若	諸佛圓光常遍滿，普照一切微塵剎，互相照現色無邊，一一周圓充法界。
		方便	如來毛孔出光雲，廣大難思無有盡，普照一切眾生心，令其煩惱皆除滅。
		願	如來毛孔出化雲，一一神通無有量，調伏一切諸眾生，所有眾苦皆除滅。
		力	如來廣大圓滿音，聲光所出言辭海，雨大法雨遍群生，令其普覺菩提性。
		智	佛昔無邊劫海中，為攝受我修諸行，令我今得見如來，影現十方諸剎海。
		勸進	如來出現諸世間，量等一切眾生數，境界甚深難趣入，彼非我智所能知。
			具大威德諸菩薩，入於善逝一毛中，彼解脫境叵思議，非我能知諸佛智。
			於此近處有夜天，名星宿光大喜目，汝應往問所修行，彼當授汝菩提道。

入法界品善財童子五十三參之第三十三會喜目觀察眾生夜神(三地)之一

會 處		閻浮提摩竭提國菩提場內菩提場右邊。(四十華嚴第三十三參，見附A33)
善財童子受善知識加持觀察當位菩薩行法境界	聞法信行	時，善財童子頂禮其足，遶無數匝，慇懃瞻仰，辭退而去。
	前法契入敬善知識教行善知識語	爾時，善財童子敬善知識教，行善知識語，作如是念：善知識者，難見難遇；見善知識，令心不散亂；見善知識，破障礙山；見善知識，入大悲海救護眾生；見善知識，得智慧光普照法界；見善知識，悉能修行一切智道；見善知識，普能親見十方佛海；見善知識，得見諸佛轉於法輪憶持不忘。作是念已，發意欲詣喜目觀察眾生夜神所。
	因當緣法加持當知法界	時，喜目神加善財童子，令知親近善知識，能生諸善根，增長成熟。所謂：
		佛 令知親近善知識，能修助道具；
		法 令知親近善知識，能起勇猛心；
		僧 令知親近善知識，能作難壞業；
		精進 令知親近善知識，能得難伏力；
		禪定 令知親近善知識，能入無邊方；
		般若 令知親近善知識，能久遠修行；
		方便 令知親近善知識，能辦無邊業；
		願 令知親近善知識，能行無量道；
		力 令知親近善知識，能得速疾力普詣諸刹；
		智 令知親近善知識，能不離本處遍至十方。
	成就故方可契入當位法門	時，善財童子遽發是念：
		佛 由親近善知識，能勇猛勤修一切智道；
		法 由親近善知識，能速疾出生諸大願海；
		僧 由親近善知識，能為一切眾生，盡未來劫受無邊苦；
		精進 由親近善知識，能被大精進甲，於一微塵中說法聲遍法界；
		禪定 由親近善知識，能速往詣一切方海；
		般若 由親近善知識，於一毛道，盡未來劫修菩薩行；
		方便 由親近善知識，於念念中行菩薩行，究竟安住一切智地；
		願 由親近善知識，能入三世一切如來自在神力諸莊嚴道；
		力 由親近善知識，能常遍入諸法界門；
		智 由親近善知識，常緣法界未曾動出，而能遍往十方國土。
		爾時，善財童子發是念已，即詣喜目觀察眾生夜神所。
喜目觀察神	十種法門境界	依根本智 見彼夜神在於如來眾會道場，坐蓮華藏師子之座，入大勢力普喜幢解脫，於其身上一一毛孔，出無量種變化身雲，隨其所應，以妙言音而為說法，普攝無量一切眾生，皆令歡喜而得利益。所謂：
		佛 出無量化身雲，充滿十方一切世界，說諸菩薩行檀波羅蜜，於一切事皆無戀著，於一切眾生普皆施與；其心平等，無有輕慢，內外悉施，難捨能捨。

入法界品善財童子五十三參之第三十三會喜目觀察眾生夜神(三地)之二

喜目觀察眾生夜神成就第三地僧波羅蜜	依十波羅蜜成就十種法門境界	法波羅蜜		又出等眾生數無量化身雲，充滿法界，普現一切眾生之前，說持淨戒無有缺犯，修諸苦行皆悉具足，於諸世間無有所依，於諸境界無所愛著，說在生死輪迴往返，說諸人天盛衰苦樂，說諸境界皆是不淨，說一切法皆是無常，說一切行悉苦無味，令諸世間捨離顛倒，住諸佛境持如來戒。如是演說種種戒行，戒香普熏，令諸眾生悉得成熟。
		僧波羅蜜		又出等眾生數種種身雲，說能忍受一切眾苦，所謂：割截、捶楚、訶罵、欺辱，其心泰然，不動不亂；於一切行不卑不高，於諸眾生不起我慢，於諸法性安住忍受；說菩提心無有窮盡，心無盡故智亦無盡，普斷一切眾生煩惱；說諸眾生卑賤醜陋不具足身，令生厭離；讚諸如來清淨妙色無上之身，令生欣樂。如是方便，成熟眾生。
		十種勇猛精進		又出等眾生界種種身雲，隨諸眾生心之所樂，說勇猛精進，修一切智助道之法；
			佛	勇猛精進，降伏魔怨；
			法	勇猛精進，發菩提心，不動不退；
			僧	勇猛精進，度一切眾生，出生死海；
			精進	勇猛精進，除滅一切惡道諸難；
			禪定	勇猛精進，壞無智山；
			般若	勇猛精進，供養一切諸佛如來不生疲厭；
			方便	勇猛精進，受持一切諸佛法輪；
			願	勇猛精進，壞散一切諸障礙山；
			力	勇猛精進，教化成熟一切眾生；
			智	勇猛精進，嚴淨一切諸佛國土。如是方便，成熟眾生。
		禪定波羅蜜		又出種種無量身雲，以種種方便，令諸眾生，心生歡喜，捨離惡意，厭一切欲；為說慚愧，令諸眾生藏護諸根；為說無上清淨梵行；為說欲界是魔境界，令生恐怖；為現不樂世間欲樂，住於法樂，隨其次第，入諸禪定諸三昧樂，令思惟觀察，除滅一切所有煩惱；又為演說一切菩薩諸三昧海神力變現自在遊戲，令諸眾生歡喜適悅，離諸憂怖，其心清淨，諸根猛利，愛重於法，修習增長。
		般若波羅蜜		又出等眾生界種種身雲，為說往詣十方國土，供養諸佛及以師長、真善知識，受持一切諸佛法輪精勤不懈；又為演說、稱讚一切諸如來海，觀察一切諸法門海，顯示一切諸法性相，開闡一切諸三昧門，開智慧境界，竭一切眾生疑海；示智慧金剛，壞一切眾生見山；昇智慧日輪，破一切眾生癡闇。皆令歡喜，成一切智。
		方便波羅蜜		又出等眾生界種種身雲，普詣一切眾生之前，隨其所應，以種種言辭而為說法；或說世間神通福力；或說三界皆是可怖，令其不作世間業行，離三界處，出見稠林；或為稱讚一切智道，令其超越二乘之地；或為演說不住生死、不住涅槃，令其不著有為、無為；或為演說住於天宮乃至道場，令其欣樂發菩提意。如是方便，教化眾生，皆令究竟得一切智。
		大願		又出一切世界微塵數身雲，普詣一切眾生之前，
			佛	念念中，示普賢菩薩一切行願；

入法界品善財童子五十三參之第三十三會喜目觀察眾生夜神(三地)之三

喜目觀察眾生夜神成就第三地僧波羅蜜	依十波羅蜜成就十種法門境界	十種大願恒無休息	法	念念中，示清淨大願充滿法界；
			僧	念念中，示嚴淨一切世界海；
			精進	念念中，示供養一切如來海；
			禪定	念念中，示入一切法門海；
			般若	念念中，示入一切世界海、微塵數世界海；
			方便	念念中，示於一切剎盡未來劫清淨修行一切智道；
			願	念念中，示入如來力；念念中，示入一切三世方便海；
			力	念念中，示往一切剎現種種神通變化；
			智	念念中，示諸菩薩一切行願，令一切眾生住一切智。
				如是所作，恒無休息。
		力波羅蜜	佛	又出等一切眾生心數身雲，普詣一切眾生之前，說諸菩薩集一切智助道之法無邊際力、
			法	求一切智不破壞力、無窮盡力、
			僧	修無上行不退轉力、
			精進	無間斷力、
			禪定	於生死法無染著力、
			般若	能破一切諸魔眾力、
			方便	遠離一切煩惱垢力、能破一切業障山力、
			願	住一切劫修大悲行無疲倦力、
			力	震動一切諸佛國土令一切眾生生歡喜力、
			智	能破一切諸外道力、普於世間轉法輪力。
				以如是等方便成熟，令諸眾生至一切智。
		智波羅蜜		又出等一切眾生心數無量變化色身雲，普詣十方無量世界，隨眾生心，演說一切菩薩智行。所謂：
			佛	說入一切眾生界海智，
			法	說入一切眾生心海智，
			僧	說入一切眾生根海智，
			精進	說入一切眾生行海智，
			禪定	說度一切眾生未曾失時智，
			般若	說出一切法界音聲智，
			方便	說念念遍一切法界海智，
			願	說念念知一切世界海壞智，
			力	說念念知一切世界海成住莊嚴差別智，
			智	說念念自在親近供養一切如來聽受法輪智。
				示現如是智波羅蜜，令諸眾生，皆大歡喜，調暢適悅，其心清淨，生決定解，求一切智無有退轉。如說菩薩諸波羅蜜成熟眾生，如是宣說一切菩薩種種行法而為利益。

入法界品善財童子五十三參之第三十三會喜目觀察眾生夜神(三地)之四

喜目觀察眾生夜神成就第三地僧波羅蜜	出法界十四種眾生形相似身雲	復於一一諸毛孔中，出無量種眾生身雲。所謂：
		出興色究竟天、善現天、善見天、無熱天、無煩天相似身雲，(淨居天)
		出少廣、廣果、福生、無雲天相似身雲，(四禪天)
		出遍淨、無量淨、少淨天相似身雲，(三禪天)
		出光音、無量光、少光天相似身雲，(二禪天)
		出大梵、梵輔、梵眾天相似身雲，(初禪天)
		出自在天、化樂天、兜率陀天、須夜摩天、忉利天及其采女、諸天子眾相似身雲，
		出提頭賴吒乾闥婆王、乾闥婆子、乾闥婆女相似身雲，
		出毘樓勒叉、鳩槃荼王、鳩槃荼子、鳩槃荼女相似身雲，
		出毘樓博叉龍王、龍子、龍女相似身雲，
		出毘沙門夜叉王、夜叉子、夜叉女相似身雲，
		出大樹緊那羅王、善慧摩睺羅伽王、大速疾力迦樓羅王、羅睺阿脩羅王、閻羅法王及其子、其女相似身雲，(以上八部天眾)
		出諸人王及其子、其女相似身雲，(人)
		出聲聞、獨覺及諸佛眾相似身雲，(四聖)
		出地神、水神、火神、風神、河神、海神、山神、樹神乃至晝、夜、主方神等相似身雲。(世間共生)
		周遍十方，充滿法界。
	種種音聲	於彼一切眾生之前，現種種聲。所謂：風輪聲、水輪聲、火焰聲、海潮聲、地震聲、大山相擊聲、天城震動聲、摩尼相擊聲、天王聲、龍王聲、夜叉王聲、乾闥婆王聲、阿脩羅王聲、迦樓羅王聲、緊那羅王聲、摩睺羅伽王聲、人王聲、梵王聲、天女歌詠聲、諸天音樂聲、摩尼寶王聲。
	說菩薩四位行法成就次第	以如是等種種音聲，說喜目觀察眾生夜神從初發心所集功德。所謂：承事一切諸善知識，親近諸佛，修行善法；
		行檀波羅蜜，難捨能捨；
		行尸波羅蜜，棄捨王位、宮殿、眷屬，出家學道；
		行羼提波羅蜜，能忍世間一切苦事，及以菩薩所修苦行、所持正法，皆悉堅固，其心不動，亦能忍受一切眾生於己身心惡作惡說，忍一切業皆不失壞，忍一切法生決定解，忍諸法性能諦思惟；
		行精進波羅蜜，起一切智行，成一切佛法；
		行禪波羅蜜，其禪波羅蜜所有資具、所有修習、所有成就、所有清淨、所有起三昧神通、所有入三昧海門，皆悉顯示；
		行般若波羅蜜，其般若波羅蜜所有資具，所有清淨、大智慧日、大智慧雲、大智慧藏、大智慧門，皆悉顯示；
		行方便波羅蜜，其方便波羅蜜所有資具、所有修行、所有體性、所有理趣、所有清淨、所有相應事，皆悉顯示；
		行願波羅蜜，其願波羅蜜所有體性、所有成就、所有修習、所有相應事，皆悉顯示；

入法界品善財童子五十三參之第三十三會喜目觀察眾生夜神(三地)之五

喜目觀察眾生夜神成就第三地	說菩薩四位行法成就次第	十住位合會事十波羅蜜次第	行力波羅蜜，其力波羅蜜所有資具、所有因緣、所有理趣、所有演說、所有相應事，皆悉顯示；
		說菩薩三十種成就次第	行智波羅蜜，其智波羅蜜所有資具、所有體性、所有成就、所有清淨、所有處所、所有增長、所有深入、所有光明、所有顯示、所有理趣、所有相應事、所有揀擇、所有行相、所有相應法，所有所攝法、所知法、所知業、所知剎、所知劫、所知世、所知佛出現、所知佛、所知菩薩，所知菩薩心、菩薩位、菩薩資具、菩薩發趣、菩薩迴向、菩薩大願、菩薩法輪、菩薩揀擇法、菩薩法海、菩薩法門海、菩薩法旋流、菩薩法理趣，如是等智波羅蜜相應境界，皆悉顯示，成熟眾生。
		結會見聞	又說此神從初發心所集功德相續次第；所習善根相續次第；所修無量諸波羅蜜相續次第；死此生彼及其名號相續次第；親近善友，承事諸佛，受持正法，修菩薩行，入諸三昧，以三昧力，普見諸佛，普見諸剎，普知諸劫，深入法界，觀察眾生，入法界海，知諸眾生死此生彼，得淨天耳聞一切聲，得淨天眼見一切色，得他心智知眾生心，得宿住智知前際事，得無依無作神足智通，自在遊行遍十方剎，如是所有相續次第；得菩薩解脫，入菩薩解脫海，得菩薩自在，得菩薩勇猛，得菩薩遊步，住菩薩想，入菩薩道，如是一切所有功德相續次第。皆悉演說，分別顯示，成熟眾生。
善財童子契入當位菩薩行法境界	契入善知識法門善根因緣		如是說時，於念念中，十方各嚴淨不可說不可說諸佛國土，度脫無量惡趣眾生，令無量眾生生天人中富貴自在，令無量眾生出生死海，令無量眾生安住聲聞、辟支佛地，令無量眾生住如來地。
			爾時，善財童子見聞如上所現一切諸希有事，念念觀察，思惟解了，深入安住，承佛威力及解脫力，則得菩薩不思議大勢力普喜幢自在力解脫。何以故？
		佛	與喜目夜神於往昔時同修行故，
		法	如來神力所加持故，
		僧	不思議善根所祐助故，
		精進	得菩薩諸根故，
		禪定	生如來種中故，
		般若	得善友力所攝受故，
		方便	受諸如來所護念故，
		願	毘盧遮那如來曾所化故，
		力	彼分善根已成熟故，
		智	堪修普賢菩薩行故。
	得此解脫心生歡喜		爾時善財童子得此解脫已，心生歡喜，合掌向喜目觀察眾生夜神，以偈讚曰：
		佛	無量無數劫，學佛甚深法，隨其所應化，顯現妙色身。
		法	了知諸眾生，沈迷嬰妄想，種種身皆現，隨應悉調伏。
		僧	法身恒寂靜，清淨無二相，為化眾生故，示現種種形。
		精進	於諸蘊界處，未曾有所著，示行及色身，調伏一切眾。
		禪定	不著內外法，已度生死海，而現種種身，住於諸有界。
		般若	遠離諸分別，戲論所不動，為著妄想者，弘宣十力法。

入法界品善財童子五十三參之第三十三會喜目觀察眾生夜神(三地)之六

喜目觀察眾生夜神成就第三地僧波羅蜜	心生歡喜	方便		一心住三昧，無量劫不動，毛孔出化雲，供養十方佛。	
		願		得佛方便力，念念無邊際，示現種種身，普攝諸群生。	
		力		了知諸有海，種種業莊嚴，為說無礙法，令其悉清淨。	
		智		色身妙無比，清淨如普賢，隨諸眾生心，示現世間相。	
	發心久如			爾時，善財童子說此頌已，白言：天神！汝發阿耨多羅三藐三菩提心，為幾時耶？得此解脫，其已久如？	
	僧波羅蜜成就菩薩說供養十劫百佛修行成就即成僧十波羅蜜本事				爾時，喜目觀察眾生主夜神以頌答曰：（九十八偈說過去百佛成就本事）
		世間十波羅蜜因緣	佛	我念過去世，過於刹塵劫，刹號摩尼光，劫名寂靜音。	
			法	百萬那由他，俱胝四天下，其王數亦爾，各各自臨馭。	
			僧	中有一王都，號曰香幢寶，莊嚴最殊妙，見者皆欣悅。	
			精進	中有轉輪王，其身甚微妙，三十二種相，隨好以莊嚴；	
			禪定	蓮華中化生，金色光明身，騰空照遠近，普及閻浮界。	
			般若	其王有千子，勇猛身端正；臣佐滿一億，智慧善方便；	
			方便	嬪御有十億，顏容狀天女，利益調柔意，慈心給侍王。	
			願	其王以法化，普及四天下，輪圍大地中，一切皆豐盛。	
			力	我時為寶女，具足梵音聲，身出金色光，照及千由旬。	
			智	日光既已沒，音樂咸寂然，大王及侍御，一切皆安寢。	
		出世間十波羅蜜因緣	佛	彼時德海佛，出興於世間，顯現神通力，充滿十方界；	
			法	放大光明海，一切刹塵數，種種自在身，遍滿於十方。	
			僧	地震出妙音，普告佛興世；天人龍神眾，一切皆歡喜。	
			精進	一一毛孔中，出佛化身海，十方皆遍滿，隨應說妙法。	
			禪定	我時於夢中，見佛諸神變，亦聞深妙法，心生大歡喜。	
			般若	一萬主夜神，共在空中住，讚歎佛興世，同時覺悟我：	
			方便	賢慧汝應起，佛已現汝國，劫海難值遇，見者得清淨。	
			願	我時便寐寤，即觀清淨光。觀此從何來？見佛樹王下，	
			力	諸相莊嚴體，猶如寶山王；一切毛孔中，放大光明海。	
			智	見已心歡喜，便生此念言：願我得如佛，廣大神通力。	
		力用	佛	我時尋覺寤，大王并眷屬，令見佛光明，一切皆欣慶。	
			法	我時與大王，騎從千萬億，眾生亦無量，俱行詣佛所。	
			僧	我於二萬歲，供養彼如來，七寶四天下，一切皆奉施。	
		本體	佛	時彼如來說，功德普雲經，普應群生心，莊嚴諸願海。	
			法	夜神覺悟我，令我得利益，我願作是身，覺諸放逸者。	
			僧	我從此初發，最上菩提願，往來諸有中，其心無忘失。	
		佛十波羅蜜	從此後供養，十億那由佛，恒受人天樂，饒益諸群生。		
			初佛功德海；第二功德燈；第三妙寶幢；第四虛空智；		
			第五蓮華藏；第六無礙慧；第七法月王；第八智燈輪；		
			第九兩足尊，寶焰山燈王；第十調御師，三世華光音。		
			如是等諸佛，我悉曾供養，然未得慧眼，入於解脫海。		

入法界品善財童子五十三參之第三十三會喜目觀察眾生夜神(三地)之七

喜目觀察眾生夜神成就第三地僧波羅蜜	僧波羅蜜成就菩薩說供養十劫百佛修行成就即成僧十波羅蜜本事	法十波羅蜜	從此次第有，一切寶光刹，其劫名天勝，五百佛興世。
			最初月光輪；第二名日燈；第三名光幢；第四寶須彌；
			第五名華焰；第六號燈海；第七熾然佛；第八天藏佛；
			九光明王幢；十普智光王。
			如是等諸佛，我悉曾供養，尚於諸法中，無而計為有。
		僧十波羅蜜	從此復有劫，名曰梵光明；世界蓮華燈，莊嚴極殊妙。
			彼有無量佛，一一無量眾，我悉曾供養，尊重聽聞法。
			初寶須彌佛；二功德海佛；三法界音佛；四法震雷佛；
			五名法幢佛；六名地光佛；七名法力光；八名虛空覺；
			第九須彌光；第十功德雲。
		精進十波羅蜜	如是等如來，我悉曾供養，未能明了法，而入諸佛海。
			次後復有劫，名為功德月；爾時有世界，其名功德幢。
			彼中有諸佛，八十那由他，我皆以妙供，深心而敬奉。
			初乾闥婆王；二名大樹王；三功德須彌；第四寶眼佛；
			第五盧舍那；第六光莊嚴；第七法海佛；第八光勝佛；
		禪定十波羅蜜	九名賢勝佛；第十法王佛。
			如是等諸佛，我悉曾供養，然未得深智，入於諸法海。
			此後復有劫，名為寂靜慧，刹號金剛寶，莊嚴悉殊妙。
			於中有千佛，次第而出興，眾生少煩惱，眾會悉清淨。
			初金剛臍佛；二無礙力佛；三名法界影；四號十方燈；
		般若十波羅蜜	第五名悲光；第六名戒海；第七忍燈輪；第八法輪光；
			九名光莊嚴；十名寂靜光。
			如是等諸佛，我悉曾供養，猶未能深悟，如空清淨法。
			遊行一切刹，於彼修諸行。
			次第復有劫，名為善出現，刹號香燈雲，淨穢所共成。
		方便十波羅蜜	億佛於中現，莊嚴刹及劫，所說種種法，我皆能憶持。
			初名廣稱佛；次名法海佛；三名自在王；四名功德雲；
			第五法勝佛；第六天冠佛；第七智焰佛；第八虛空音；
			第九兩足尊，名普生殊勝；第十無上士，眉間勝光明。
			如是一切佛，我悉曾供養，然猶未能淨，離諸障礙道。
		方便十波羅蜜	次第復有劫，名集堅固王，刹號寶幢王，一切善分布。
			有五百諸佛，於中而出現；我恭敬供養，求無礙解脫。
			最初功德輪；其次寂靜音；次名功德海；次名日光王；
			第五功德王；第六須彌相；次名法自在；次佛功德王；
			第九福須彌；第十光明王。
		方便十波羅蜜	如是等諸佛，我悉曾供養，所有清淨道，普入盡無餘，
			然於所入門，未能成就忍。

入法界品善財童子五十三參之第三十三會喜目觀察眾生夜神(三地)之八

喜目觀察眾生夜神成就第三地僧波羅蜜	僧波羅蜜成就菩薩說供養十劫百佛修行成就即成就僧十波羅蜜本事	願十波羅蜜	次第復有劫，名為妙勝主，剎號寂靜音，眾生煩惱薄。		
			於中有佛現，八十那由他；我悉曾供養，修行最勝道。		
			初佛名華聚；次佛名海藏；次名功德生；次號天王髻；		
			第五摩尼藏；第六真金山；第七寶聚尊；第八法幢佛；		
			第九名勝財；第十名智慧。		
			此十為上首，供養無不盡。		
		力十波羅蜜	次第復有劫，名曰千功德；爾時有世界，號善化幢燈；		
			六十億那由，諸佛興於世。		
			最初寂靜幢；其次奢摩他；第三百燈王；第四寂靜光；		
			第五雲密陰；第六日大明；七號法燈光；八名殊勝焰；		
			九名天勝藏；十名大吼音。		
			如是等諸佛，我悉常供養，未得清淨忍，深入諸法海。		
		智十波羅蜜	次第復有劫，名無著莊嚴；爾時有世界，名曰無邊光；		
			中有三十六，那由他佛現。		
			初功德須彌；第二虛空心；第三具莊嚴；第四法雷音；		
			第五法界聲；第六妙音雲；第七照十方；第八法海音；		
			第九功德海；第十功德幢。		
			如是等諸佛，我悉曾供養。		
		十一地十波羅蜜成就	願成就	次有佛出現，名為功德幢；我為月面天，供養人中主。	
				時佛為我說，無依妙法門；我聞專念持，出生諸願海。	
			佛	我得清淨眼，寂滅定總持，能於念念中，悉見諸佛海。	
				我得大悲藏，普明方便眼，增長菩提心，成就如來力。	
			法	見眾生顛倒，執常樂我淨，愚癡暗所覆，妄想起煩惱。	
				行止見稠林，往來貪欲海，集於諸惡趣，無量種種業。	
			精進	一切諸趣中，隨業而受身，生老死眾患，無量苦逼迫。	
				為彼眾生故，我發無上心，願得如十方，一切十力尊。	
			般若	緣佛及眾生，起於大願雲，從是修功德，趣入方便道。	
				願雲悉彌覆，普入一切道，具足波羅蜜，充滿於法界。	
			方便	速入於諸地，三世方便海，一念修諸佛，一切無礙行。	
		佛子我爾時，得入普賢道，了知十法界，一切差別門。			
			(夜神說供養十劫百佛修行本事，即十波羅蜜成就及綜合十波羅蜜成就)		
	文殊普賢菩薩覺我令見佛往事		善男子！於汝意云何，彼時轉輪聖王，名十方主，能紹隆佛種者，豈異人乎？文殊師利童子是也！爾時夜神覺悟我者，普賢菩薩之所化耳！我於爾時為王寶女，蒙彼夜神覺悟於我，令我見佛，發阿耨多羅三藐三菩提心。自從是來，經佛剎微塵數劫，不墮惡趣，常生人天，於一切處常見諸佛，乃至於妙燈功德幢佛所，得此大勢力普喜幢菩薩解脫，以此解脫如是利益一切眾生。		

入法界品善財童子五十三參之第三十三會喜目觀察眾生夜神(三地)之九

喜目觀察眾生夜神成就第三地	自法門	善男子！我唯得此大勢力普喜幢解脫門。
	自宗門——十波羅蜜精進	如諸菩薩摩訶薩，
		佛於念念中，普詣一切諸如來所，疾能趣入一切智海；
		法於念念中，以發趣門，入於一切諸大願海；
		僧於念念中，以願海門，盡未來劫，念念出生一切諸行。
		精進一一行中出生一切剎微塵數身，一一身普入一切法界門；
		禪定一一法界門，一切佛剎中，隨眾生心說諸妙行。
		般若一切剎一一塵中，悉見無邊諸如來海；
		方便一一如來所，悉見遍法界諸佛神通；
		願一一如來所，悉見往劫修菩薩行；
		力一一如來所，受持守護所有法輪；
		智一一如來所，悉見三世一切如來諸神變海。
		而我云何能知能說彼功德行？
	推薦精進	善男子！此眾會中，有一夜神，名普救眾生妙德。汝詣彼問：菩薩云何入菩薩行、淨菩薩道？

附A33：四十華嚴善財童子之第三十三會喜目觀察眾生夜神(三地)之一

會 處		閻浮提摩竭提國菩提場內菩提樹王道場右面。(此處經文依四十華嚴)
善財童子受善知識加持觀察當位菩薩行法境界	聞法信行	時，善財童子禮夜天足，遶無數匝，慇懃瞻仰，辭退而去。
	前法契入敬善知識教行善知識語	爾時，善財童子敬順善知識教，奉行善知識語，作如是念：善知識者難見難遇，見善知識令心作意無有散亂，見善知識能破煩惱大障礙山，見善知識能入大悲救眾生海，見善知識得智慧光普照法界，見善知識悉能修行一切智道，見善知識普能觀見十方佛海，見善知識得見諸佛轉正法輪，憶持不忘。作是念已，發意欲詣喜目觀察一切眾生夜神所。
	因當緣法加持當知法界	時，喜目神以威神力，加善財童子，令知親近善知識，能生善根，增長成熟，所謂：
		佛 令知親近善知識能修助道具。
		法 令知親近善知識能起勇猛心。
		僧 令知親近善知識能作難壞業。
		精進 令知親近善知識能得堅固力。
		禪定 令知親近善知識能入無邊方。
		般若 令知親近善知識能久遠修行。
		方便 令知親近善知識能辦無邊業。
		願 令知親近善知識能行無量道。
		力 令知親近善知識能得速疾力普詣諸刹。
		智 令知親近善知識能不離本處遍至十方。
	成就故方可契入當位法門	時善財童子，遽發是念：
		佛 由親近善知識，能勇猛勤修一切智道。
		法 由親近善知識，能速疾出生諸大願海。
		僧 由親近善知識，能為利樂一切眾生，盡未來劫受無邊苦。
		精進 由親近善知識，能被勇猛精進甲，於一極微中說法聲遍法界。
		禪定 由親近善知識，能速往詣遍十方海。
		般若 由親近善知識，於一毛道盡未來劫修菩薩行。
		方便 由親近善知識，於念念中行菩薩行，究竟安住一切智地。
		願 由親近善知識，能入三世一切如來自神在神力諸莊嚴道。
		力 由親近善知識，常緣法界未曾動出，而能遍往無邊國土。
		智 由親近善知識，能常遍入淨法界門，離去來想遍往十方
喜目觀察神	十種法門境界	爾時，善財童子發是念已，即詣喜目夜神所。
		依根本智 見彼夜神，在於如來眾會道場，坐蓮華藏師子之座，入大速疾普喜幢無垢解脫門，於其身上一一毛孔，出無量種變化身雲，隨其所應，以妙言音而為說法，普攝無量一切眾生皆令歡喜，而得利益。所謂：
	佛	出無量化身雲充滿十方一切世界，說諸菩薩行檀波羅蜜，於一切事皆無戀著，於一切眾生普皆施與，法界一相其心平等，供養承事無有輕慢，內外悉施難捨能捨。

附A33：四十華嚴善財童子之第三十三會喜目觀察眾生夜神(三地)之二

喜目觀察眾生夜神成就第三地僧波羅蜜	依十波羅蜜成就十種法門境界	法波羅蜜	又從一一毛孔，出等眾生數無量化身雲充滿法界，普現一切諸眾生前，說持淨戒無有缺犯，修諸苦行皆悉圓滿，於諸世間無有所依，於諸境界無所愛著，說在生死輪迴往返，說諸人天盛衰苦樂，說諸境界皆是不淨，說有為法皆是無常，說諸有漏悉苦無味，說一切法空無有我，令諸眾生捨離想心妄見顛倒，住如來境了不思議常樂我淨，究竟真實持如來戒，如是演說種種戒行，戒香普熏，令諸眾生悉得成熟。
		僧波羅蜜	又從一一毛孔，出等眾生數種種身雲，說能忍受一切眾苦，所謂：割截捶楚，訶罵輕辱，其心泰然無有忿恚，安受諦思不動不亂，於一切行不卑不高，於諸眾生不起我慢，於諸法性審諦觀察，說菩提心無有窮盡，心無盡故智亦無盡，普斷一切眾生煩惱，說諸眾生卑賤醜陋，形相鄙惡不具足身，令生厭離，方便除滅，如是等因，讚諸如來清淨妙色無上之身，令生欣樂，如是方便，成熟眾生。
		十種勇猛精進	又從一一毛孔，出等眾生數種種身雲，隨諸眾生心之所樂，說勇猛精進，修一切智助道之法。
			勇猛精進，摧伏魔怨。
			勇猛精進，發菩提心不動不退。
			勇猛精進，度諸眾生出生死海。
			勇猛精進，除滅一切惡道諸難。
			勇猛精進，以智慧力壞無智山。
			勇猛精進，供養承事一切如來心無疲厭。
			勇猛精進，受持一切諸佛法輪常不忘失。
			勇猛精進，壞散一切諸重煩惱大障礙山。
			勇猛精進，教化成熟一切眾生。
			勇猛精進，嚴淨一切諸佛刹土。
			如是方便，成熟眾生。
		禪定波羅蜜	又從一一毛孔，出等眾生數無量身雲，以種種方便，令諸眾生除滅愁歎憂悲苦惱，心生歡喜捨離惡意，厭一切欲，為說慚愧令諸眾生藏護諸根。為說無上清淨梵行，為說諸欲是魔境界，令生恐怖，為現不樂世間欲樂，住法園苑受諸法樂，隨其次第，入深禪定諸三昧樂，令思惟觀察，除滅一切所有煩惱，讚歎心性顯示無生，又為演說一切菩薩諸三昧海，神力變現自在遊戲，令諸眾生歡喜適悅離諸恐怖，其心清淨心性調柔，堪任受用諸根明利，愛重於法，修習增長，以是方便，成熟眾生。
		般若	又從一一毛孔，出等眾生數種種身雲，為說往詣一切佛刹，親近承事，供養諸佛及以師長真善知識，受持一切諸佛法輪，精勤不懈，又為演說稱讚一切諸如來海，觀察一切諸法門海，顯示一切諸法性相，開闡一切諸三昧門，照智慧境界，枯竭一切眾生疑海示金剛智壞邪見山，昇慧日輪破諸癡暗，皆令歡喜，成一切智。
		方便波羅蜜	又從一一毛孔，出等眾生數種種身雲，現種種色相，種種形貌不思議身，普詣一切諸眾生前，隨其所應，以種種言辭辯才訓釋而為說法，或說世間神通福力，或說三界皆是可怖，令其不作世間業行，離三界處出見稠林，或為稱讚一切智道，令其超越一切聲聞辟支佛地，或為演說不住生死，不住涅槃，令其不著有為無為，於敬於慢，心無憂喜，或為演說住於天宮，乃至道場，成等正覺，令其欣樂發菩提意，顯示如是方便善巧波羅蜜門，教化成熟一切眾生，皆令究竟得一切智。

附A33：四十華嚴善財童子之第三十三會喜目觀察眾生夜神(三地)之三

喜目觀察眾生夜神成就第三地僧波羅蜜	依十波羅蜜和合自性十波羅蜜境界	十一種大願恒無休息		又從一一毛孔，出一切世界極微塵數種種身雲，普現一切諸眾生前，
			總說	於念念中，示普賢菩薩一切行願。
			佛	於念念中，示清淨大願充滿法界。
			法	於念念中，示嚴淨一切世界海。
			僧	於念念中，示供養一切如來海。
			精進	於念念中，示入一切法門海。
			禪定	於念念中，示入一切刹海極微塵數諸世界海。
			般若	於念念中，示於一切刹盡未來劫清淨修行一切智道。
			方便	於念念中，示入十方一切如來力。
			願	於念念中，示入三世一切方便海。
			力	於念念中，示往一切刹現種種神通變化自在。
			智	於念念中，示一切菩薩種種行願，顯示如是願波羅蜜，令諸眾生住一切智。
				如是所作，恒無休息。
		力波羅蜜和合自性十波羅蜜		又從一一毛孔，出等一切眾生種種心數變化身雲，普詣一切諸眾生前。
			佛	說諸菩薩集一切智助道之法，無邊際力。
			法	不破壞力，無窮盡力。
			僧	修無上行不退轉力。
			精進	無間斷力。
			禪定	於生死法無染著力。
			般若	能破一切諸魔軍力。
			方便	遠離一切煩惱垢力，能破一切業障山力。
			願	住一切劫修大悲行無疲倦力。
			力	震動一切諸佛刹土令諸眾生生歡喜力。
			智	普於世間轉法輪力。
				以如是等力波羅蜜，方便成熟，令諸眾生，至一切智
		智波羅蜜和合自性十波羅蜜		又從一一毛孔，出等一切眾生種種心數種種色相變化身雲，普詣十方無量世界，隨眾生心，演說一切菩薩智行。所謂：
			佛	說入一切眾生界海智。
			法	說入一切眾生心海智。
			僧	說入一切眾生根海智。
			精進	說入一切眾生行海智。
			禪定	說度一切眾生成熟調伏未曾失時智。
			般若	說出一切法界音聲智。
			方便	說念念遍一切法界海智。
			願	說念念知一切世界海滅壞智。
			力	說念念知一切世界海成住莊嚴形相差別智。
			智	說念念神通自在親近供養一切如來聽受法輪智。

附A33：四十華嚴善財童子之第三十三會喜目觀察眾生夜神(三地)之四

喜目觀察眾生夜神成就第三地僧波羅蜜	智波羅蜜		顯示如是智波羅蜜，令諸眾生皆大歡喜，調暢適悅，其心寂靜生決定解，求一切智無有退轉，如說菩薩諸波羅蜜，種種調伏成熟眾生，於種種時，隨種種心，知種種根，令其明利有所堪任，能生愛樂深信解力，於一切智究竟圓滿，如是宣說一切菩薩種種行法，而為利益，成熟眾生，亦復如是。
	合會理十波羅蜜與世間行法十波羅蜜		又於一一毛孔，現彼夜神從初發心所集功德，所謂：承事諸善知識，親近諸佛，修習善法。
		施	行施波羅蜜，難捨能捨。
		戒	行戒波羅蜜，棄捨王位，富貴自在，宮殿眷屬，以增勝心，出家學道。
		忍	行忍波羅蜜，能忍世間一切難行種種苦事，及以菩薩圓滿清淨，所修苦行，所持正法，皆悉堅牢，其心不動，亦能忍受，一切眾生，於己身心，惡作惡說，忍一切業，皆不失壞，忍一切法，深信決定，生正解心，忍諸法性，能諦思惟，無有分別。
		精進	行精進波羅蜜，起一切智行，成一切佛法，普遍成熟，而無退轉。
		禪定	行禪波羅蜜，滿足清淨，其禪波羅蜜所有資具，所有勤求，所有修行，所有成就，所有清淨，所有圓滿，所起三昧神通，所入三昧海門，皆悉顯示。
		般若	行般若波羅蜜，心無取著，其般若波羅蜜所有資具，所有清淨大智慧日，大智慧雲，大智慧藏，大智慧海，大智慧行，大智慧門，皆悉顯示。
		方便	復示修行方便善巧波羅蜜門，其方便波羅蜜所有資具，所有修行，所有體性，所有理趣，所有清淨，所有相應事，皆悉顯示。
		願	行願波羅蜜，其願波羅蜜，所有體性，所有成就，所有修習，所有相應事，皆悉顯示。
		力	行力波羅蜜，其力波羅蜜所有資具，所有因緣，所有理趣，所有演說，所有相應事，皆悉顯示。
		智	行智波羅蜜，其智波羅蜜所有資具，所有體性，所有修行，所有成就，所有出生，所有清淨，所有處所，所有增長，所有深入，所有光明，所有顯示，所有理趣，所有相應事，所有能揀擇，所有諸行相，所有相應法，所有所攝法，所知法，所知業，所知刹，所知劫，所知世，所知佛出現，所知佛，所知菩薩，所知菩薩心，菩薩位，菩薩資具，菩薩發趣，菩薩迴向，菩薩所行，菩薩大願，菩薩法輪，菩薩揀擇，菩薩法海，菩薩法門海，菩薩法漩流，菩薩法伏藏，菩薩法理趣，如是等智波羅蜜相應境界，皆悉顯示。
			從彼夜神一一毛孔，皆悉具足，顯現如是十波羅蜜，教化成熟一切眾生。
	眾生形相似身雲 出法界十九種		爾時善財童子，見喜目觀察一切眾生主夜神，復於一一諸毛孔中，出興無量眾生形相相似身雲，所謂：
			出興色究竟天，善現天，善見天，無熱天，無煩天，相似身雲。(淨居天)
			如是出興廣果，福生，無雲天，相似身雲。(四禪天)
			出興遍淨，無量淨，少淨天，相似身雲。(三禪天)
			出興極光，淨無量光，少光天，相似身雲。(二禪天)
			出興大梵，梵輔，梵眾天，相似身雲。(初禪天)
			出興他化自在天，化樂天，兜率陀天，須夜摩天，忉利天，如是天王及天采女諸天子眾相似身雲。(欲界天)

附A33：四十華嚴善財童子之第三十三會喜目觀察眾生夜神(三地)之五

喜目觀察眾生夜神成就第三地僧波羅蜜	眾生形相似身雲 出法界十九種	出興提頭賴吒，乾闥婆王，乾闥婆子，乾闥婆女，相似身雲。
		出興毘樓勒叉，鳩槃荼王，鳩槃荼子，鳩槃荼女，相似身雲。
		出興毘樓博叉，龍王，龍子，龍女，相似身雲。
		出興毘沙門，夜叉王，夜叉子，夜叉女，相似身雲。
		出興大樹緊那羅王，緊那羅子，緊那羅女，相似身雲。
		出興妙智摩睺羅伽王，摩睺羅伽子，摩睺羅伽女，相似身雲。
		出興大勢速疾力迦樓羅王，迦樓羅子，迦樓羅女，相似身雲。
		出興羅睺阿脩羅王，阿脩羅子，阿脩羅女，相似身雲。
		出興閻羅法王，閻羅王子，閻羅王女，相似身雲。(八部天眾)
		出興世間一切人王，及王夫人，王子，王女，相似身雲，出如是等一切種類諸趣身雲。(人)
		出興一切聲聞，獨覺，一切菩薩，及諸佛眾，相似身雲。(四聖)
		出興一切地神，水神，火神，風神，河神，海神，山神，林神，主稼神，主藥神，主樹神，主地神，主城神，主晝神，主夜神，主空神，主方神，身眾神，足行神，主道場神，乃至執金剛神等相似身雲。(世間共生)
		周遍十方，充滿法界。
	種種音聲	於彼一切諸眾生前，現種種聲，所謂：風輪聲，水輪聲，火焰聲，海潮聲，地震聲，大山相擊聲，天城震動聲，摩尼相擊聲，天王聲，龍王聲，夜叉王聲，乾闥婆王聲，阿脩羅王聲，迦樓羅王聲，緊那羅王聲，摩睺羅伽王聲，人王聲，梵王聲，天女歌詠聲，諸天音樂聲，摩尼寶王聲，聲聞聲，獨覺聲，菩薩聲。
	以種種音聲說菩薩三十種成就次第	以如是等種種音聲，宣說喜目觀察眾生主夜神從初發心所集功德相續次第。
		所習善根相續次第。
		發菩提心相續次第。
		所修無量諸波羅蜜相續次第。
		死此生彼及其名號相續次第。
		親近善友承事諸佛相續次第。
		聽諸如來種種法輪相續次第。
		受持正法相續次第。
		修菩薩行相續次第。
		入諸三昧相續次第。
		以三昧力普見諸佛相續次第。
		普見諸刹相續次第。
		普知諸劫相續次第。
		深入法界相續次第。
		觀察眾生相續次第。
		入法教海相續次第。

附A33：四十華嚴善財童子之第三十三會喜目觀察眾生夜神(三地)之六

善財童子契入當位菩薩行法境界	以種種音聲說菩薩三十種成就次第		知諸眾生死此生彼相續次第。
			得淨天耳，聞一切聲種種辯才隨順思惟相續次第。
			得淨天眼，見一切色種種形相善巧觀察相續次第。
			得他心智，知眾生心。相續次第。
			得宿住智知前際事相續次第。
			得不思議無依無作神足智通自在遊行遍十方刹相續次第。
			得菩薩差別解脫，入菩薩不可思議解脫教海，住菩薩三昧神通，得菩薩勇猛遊步，住菩薩心想，為菩薩眷屬，入菩薩道場。
			如是一切所有功德相續次第，皆悉演說，分別顯示成熟眾生。
	結會		如是說時，於念念中，十方各嚴淨不可說不可說諸佛刹土度脫無量惡趣眾生，令無量眾生，生天人中，富貴自在，令無量眾生，出生死海，令無量眾生，安住聲聞辟支佛地，令無量眾生，得菩薩法門，令無量眾生，住如來智地。
			爾時，善財童子見聞如上所現一切諸希有事，念念觀察，思惟解了，隨順修行深入安住平等成就，承佛威力及解脫力，得菩薩不可思議大速疾力普喜幢無垢解脫門，何以故？
	契入善知識法門善根因緣	佛	與彼夜神於往昔時同修行故。
		法	如來威力所加持故。
		僧	不思議善根所祐助故。
		精進	得菩薩諸根故。
		禪定	生如來種中故。
		般若	得善友力所攝受故。
		方便	受諸如來所護念故。
		願	毘盧遮那如來曾所化故。
		力	彼分善根已成熟故。
		智	堪修普賢菩薩行故。
	得此解脫心生歡喜		爾時，善財童子得此解脫已，心生歡喜，十方如來威神力故，合掌向喜目觀察夜神，以偈讚曰：
		佛	天於無量大劫中，善學諸佛甚深法，普隨一切眾生類，顯現色身無所著。
		法	了知沈溺諸眾生，無主無親嬰妄想，為現神通種種身，宣示正法令調伏。
		僧	法身寂靜恒無二，無依無著無分別，為化眾生普現身，演說正法令調伏。
		精進	仁於諸蘊及界處，了法皆空無所著，示現色相莊嚴身，演說正法令調伏。
		禪定	不著內外一切法，已出無邊生死海，欲拔眾生離有無，現同類身無不遍。
		般若	仁心能於一切境，永離諸欲及分別，普為癡暗諸眾生，顯自覺法令調伏。
		方便	仁心能住於三昧，經於多劫恒不動，於身毛孔出化雲，為供十方諸善逝。
		願	汝入如來十力門，念念方便無邊際，隨應化現各不同，普攝一切諸群品。
		力	汝審諦觀諸有海，種種業力具莊嚴，於無障礙道法中，為說令心得清淨。
		智	汝身色相如普賢，清淨莊嚴妙無比，隨諸眾生種種欲，普能顯示於世間。

附A33：四十華嚴善財童子之第三十三會喜目觀察眾生夜神(三地)之七

喜目觀察眾生夜神成就第三地僧波羅蜜	發心久如		爾時，善財童子以此妙偈讚夜神已，白言：聖天！汝發阿耨多羅三藐三菩提心，其已久如？得此解脫，為幾時耶？爾時夜天，以偈答曰：（八十九偈說過去百佛成就本事）
	世間十波羅蜜因緣	佛	我念過去經多劫，過於佛刹微塵數，刹號摩尼安樂光，劫名寂靜大音聲，
		法	刹中所有四天下，百千俱胝那由他，其中有一四天下，名摩尼山眾色光，
			其中所有廣大城，百千萬億那由他，
		僧	於中有一王都城，名眾香光摩尼幢，具足妙寶所莊嚴，人天見者皆欣悅，
		精進	彼時有一轉輪王，名廣大身為世主，三十二相皆圓滿，種種隨好以嚴身，
		禪定	真金妙色光明聚，清淨蓮華之所生，騰空自在放身光，其光普及閻浮界，
		般若	其轉輪王有千子，威勢勇猛相端嚴，良臣輔佐一俱胝，智慧多聞咸具足，
		方便	后妃嬪御有十億，皆如天女悅人心，能隨王意性調柔，恒起慈心而給侍，
		願	時王以法利群生，正法宣流四天下，鐵圍大地皆臣屬，富樂豐饒人庶歡，
		力	我時與王為寶女，言辭具足梵音聲，身光照及千由旬，光如無垢真金色，
		智	有時日光既已沒，所奏音樂咸寂然，大王及我諸妃嬪，一切無不皆安寢，
	出世間十波羅蜜因緣	佛	彼時有佛出世間，號曰吉祥功德海，顯現無量神通力，普遍十方諸世界，
		法	復出無量光明海，等一切刹微塵數，示現種種自在身，遍滿十方無有盡，
		僧	大地諸山皆震動，發聲普告佛出興，天人龍眾阿脩羅，聞佛出世皆歡喜，
		精進	復從一一毛孔中，出佛化身神變海，十方世界皆充滿，隨眾生心說妙法，
		禪定	我時於彼夜夢中，見佛種種諸神變，亦聞演說甚深法，愛樂喜歡未曾有，
		般若	時有十千主夜神，在王宮上空中住，同時讚佛諸功德，以妙言音覺悟我，
		方便	勝智賢后汝應起，佛已出興於汝國，百千劫海難值遇，見者利樂皆清淨，
		願	我時寢寤心欣敬，即觀清淨妙光明，觀此光相從何來，見佛坐於樹王下，
	力用	力	三十二相莊嚴體，妙色出過寶山王，復於一切毛孔中，普放廣大光明海，
		智	我時見已生歡喜，即發廣大希有心，願我亦當如世尊，具足廣大神通力，
		佛	我於是時尋覺悟，大王妃嬪諸眷屬，咸令見佛大光明，一切身心皆慶悅，
	本體	法	我時與彼轉輪王，四兵千億同圍遶，及與無量諸眾生，俱行共詣如來所，
		僧	我時經於二萬歲，一心供養彼如來，七寶大地四天下，敬心奉施曾無倦，
		佛	時彼如來為我說，修多羅海功德雲，以佛威力應群心，發起莊嚴諸願海，
	十波羅蜜	法	彼時夜神覺悟我，令我見佛心增益，我時願得如是身，覺悟一切諸放逸，
		僧	我從於此初發心，願趣無上菩提道，往來生死諸有海，能滅眾苦心無失，
		佛	此後常以深信心，供佛十億那由他，恒受人天安隱樂，饒益一切諸群生，
			初佛號名吉祥海，二名功德無盡燈，第三佛號妙寶幢，第四佛號虛空慧，
			第五佛號拘蘇摩，第六智月無所著，第七法月光明王，第八智輪光普照，
			第九如來兩足尊，號為寶焰山燈光，第十調御天人師，名曰三世大光音，
			如是十億那由他，我皆供養心歡喜，然猶未得智慧眼，入此甚深解脫海，

附A33：四十華嚴善財童子之第三十三會喜目觀察眾生夜神(三地)之八

喜目觀察眾生夜神成就第三地僧波羅蜜	僧波羅蜜成就菩薩說供養十劫百佛修行成就即成就僧十波羅蜜本事	十波羅蜜 法	從此次第復有利，名一切佛寶光明，其劫名為天吉祥，五百如來出興世，
			初佛月輪圓滿光，第二佛名為日燈，第三佛號星宿幢，第四佛名妙寶峯，
			五華焰光六海燈，七焰吉祥八天德，第九法王號光幢，第十普智光明王，
			如是五百諸如來，一一我皆曾供養，尚於我愛阿賴耶，不知無依計為有，
		十波羅蜜 僧	從此次第復有劫，名眾妙色梵光明，世界具足寶莊嚴，名勝吉祥華燈雲，
			彼中無量佛出興，一一我皆曾供養，亦供如來大眾會，恭敬聽法心歡喜，
			初佛號曰寶須彌，二名光明功德海，三名法界妙音幢，四號法海大聲王，
			五法幢佛六威嚴，七法力光八空智，第九法焰須彌光，第十佛名雲吉祥，
		十波羅蜜 精進	如是上首等諸佛，一一我皆親供養，未能明了深法性，而得入於諸佛海，
			此後次第復有劫，其劫名為月吉祥，當於彼時有佛刹，號曰日燈吉祥幢，
			彼時有佛出於世，其數八十那由他，廣陳一切莊嚴具，皆以深心而敬奉，
			最初甘露味王佛，第二佛名大樹王，三名功德須彌峯，四名平等妙寶眼，
		十波羅蜜 禪定	五光遍照六光嚴，七法海佛八勝力，九名世主威力賢，第十一切法光王，
			如是上首等諸佛，我悉供養咸親近，然猶未獲深妙智，能入甚深諸法海，
			此後無間復有劫，名為寂靜智威力，其刹名曰普光雲，金剛堅固摩尼寶，
			無數莊嚴具眾色，於中千佛出興世，眾生多淨少煩惱，離垢眾會具莊嚴，
		十波羅蜜 般若	最初佛號金剛臍，第二受持無著力，第三法界影像佛，四普光照十方王，
			第五大悲威德佛，第六名為苦行海，第七忍辱圓滿燈，第八覺法圓滿光，
			第九佛號海莊嚴，最後寂靜光王佛，如是上首等千佛，我悉一一曾供養，
			然於法性未深悟，平等如空性清淨，及遍遊行一切刹，而於彼刹修諸行，
		十波羅蜜 方便	次第無間復有劫，其劫名為妙出生，刹號香燈雲吉祥，於中淨穢恒相雜，
			於中億佛出興世，彼刹及劫妙莊嚴，彼佛所說妙法輪，我以念力皆能受，
			初無垢稱二法海，第三佛號雲吉祥，四名法主五德雲，六名法山須彌冠，
			第七智焰威德佛，第八虛空大聲佛，第九復有兩足尊，名普出生殊勝燈，
		十波羅蜜 大願	最後第十無上士，號眉間光智吉祥，供彼一切人中尊，未能淨治無礙道，
			次第無間復有劫，名集堅固妙高王，刹號寶峯勝頂幢，上妙雜寶為嚴飾，
			有五百佛於中現，色身遍滿勝莊嚴，供彼一切自覺尊，求此甚深真解脫，
			第一功德圓滿佛，二寂靜音三海山，四威德佛五山王，六須彌相大雲聲，
		十波羅蜜 大願	七法自在八功德，九福須彌十寂光，此等上首五百佛，我皆次第興供養，
			彼佛所有真淨道，我皆普入盡無餘，然未能於佛法中，成就甚深平等忍，
			次第無間復有劫，名為安樂莊嚴光，刹號寂音瓔珞智，眾生清淨少煩惱，
			於中所有諸佛現，其數八十那由他，我悉供彼人中尊，修佛最勝清淨道，
		十波羅蜜 大願	初佛華聚拘蘇摩，二海藏佛三德生，第四佛號天王髻，第五摩尼勝藏王，
			第六佛名真金山，第七佛號寶聚尊，第八法幢九財勝，最後名為智慧王，
			如是上首天人主，我皆供養無不盡，

附A33：四十華嚴善財童子之第三十三會喜目觀察眾生夜神(三地)之九

喜目觀察眾生夜神成就第三地僧波羅蜜	菩薩說供養十劫百佛修行成就即成就僧十波羅蜜本事	十波羅蜜	力	此後次第復有劫，其劫名為千吉祥，刹號妙燈變化幢，億那由他佛出現，最初佛名寂靜幢，第二佛號奢摩他，第三寂靜百燈雲，第四世尊吉祥王，第五佛號最勝王，第六佛名如雲行，第七如來日威德，第八勝法須彌燈，九名天焰妙吉祥，十師子吼智慧燈，如是上首諸善逝，我悉供養無空過，然猶未得清淨忍，入彼甚深諸法海，			
				此後次第復有劫，名為無著遍莊嚴，當於彼時有世界，名無邊光普吉祥，其中諸佛出興世，三十六億那由他，初佛名普功德雲，第二無間虛空心，三佛妙生具莊嚴，四名法海大吼聲，第五法界大音聲，六妙變化功德山，第七普方威德尊，第八出生法海聲，第九海燈功德山，第十隨順智日王，彼所出現諸如來，我皆供養心歡喜，			
				十一地十波羅蜜成就	願成就	最後有佛出興世，名寶吉祥功德幢，我為天后名月面，供養於彼人中尊，時佛為我說契經，名無依著莊嚴門，成就出生諸願海，我以念力皆受持，	
						獲得廣大清淨眼，寂靜總持三昧力，恒於相續念念中，悉見十方諸佛海，	
		佛	得彼諸佛大悲藏，及普方便大慈門，增長如空大智心，成就無量如來力，				
			見諸眾生顛倒心，堅執常樂我淨想，黑暗愚癡雲所迷，惑亂妄起諸煩惱，				
		精進	行止恒遊邪見林，來往入於貪欲海，積集種種輪迴業，墮落種種諸苦趣，				
			一切眾生諸趣中，各隨其業而受身，生老病死所逼迫，身心恒受無邊苦，				
		般若	為欲安樂彼眾生，發起最勝菩提志，願如十方一切刹，所有出現十力尊，				
			為求成佛利眾生，起大願雲周法界，從是具修功德聚，趣入佛道總持門，				
	方便	發起廣大行願雲，速疾普入無生道，具足廣大波羅蜜，法界出生無不遍，					
		速疾普入於諸地，亦入三世方便海，一念普修一切佛，所有地度無礙行，					
	力	速疾普入於諸地，亦入三世方便海，一念普修一切佛，所有地度無礙行，					
		我時得為佛長子，得入普賢深行願，了十法界差別門，通達甚深諸佛教。					
	智	(夜神說供養十劫百佛修行本事，即十波羅蜜成就及綜合十波羅蜜成就)					
	文殊普賢菩薩覺我令見佛往事	善男子！於汝意云何，彼時轉輪聖王名十方主，能建正法紹繼佛種使不斷者豈異人乎，文殊師利童子是也，爾時夜神覺悟我者，普賢菩薩之所化耳。					
		善男子！我於彼時，為王寶女，蒙彼夜神覺悟於我，令我見佛，發阿耨多羅三藐三菩提心，從是以來，經佛刹極微塵數劫，未曾生於惡道之中，常生人天，恒得自在，於一切處，不捨見佛，其心堅固，乃至於功德幢寶吉祥燈佛所，得此菩薩大速疾力普喜幢無垢解脫，以此解脫，能得如是功德嚴身，種種供養，親近諸佛，及善知識，成熟調伏，利益眾生，令修妙行。					
	自法門			善男子！我唯知此大速疾力普喜幢無垢解脫門。			
	自宗門精進				如諸菩薩摩訶薩，		
		佛			於念念中普詣一切諸如來所，速疾趣入一切智海。		
		法			於念念中，以發趣門，入於一切諸大願海。		
		僧			於念念中，以願海門，盡未來劫，念念出生一切諸行。		
精進			一一行中，變化出生一切佛刹極微塵數身，一一身遍入一切法界門。				

附A33：四十華嚴善財童子之第三十三會喜目觀察眾生夜神(三地)之十

喜目 觀察 眾生 夜神	自 宗 門 精 進	禪定	一一法界門，一切佛刹中，應眾生心，說諸妙行。
		般若	一切佛刹一一塵中，悉見無邊諸如來海。
		方便	一一如來所悉見，遍法界諸佛神通遊戲自在。
		願	一一如來所悉見，往劫修諸菩薩種種妙行。
		力	一一如來所受持守護，所有法輪常不忘失。
		智	悉見三世一切如來種種神變方便教海。
			而我云何能知能說彼功德行。
	推薦精進		善男子！於此如來大眾會中，有主夜神，名普救護一切眾生威德吉祥，汝詣彼問，菩薩云何入菩薩行，圓滿清淨諸菩薩道。

入法界品善財童子五十三參之第三十四會普救眾生妙德夜神(四地)之一

會 處			此閻浮提摩竭提國菩提場內。(四十華嚴第三十四參，見附A34)	
善財童子受菩薩加持得究竟清淨輪三昧	聞法信行		時，善財童子頂禮其足，遶無數匝，慇懃瞻仰，辭退而去。	
	前法契入 信解趣入 善知識教		爾時，善財童子於喜目觀察眾生夜神所，聞普喜幢解脫門，信解趣入，了知隨順，思惟修習，念善知識所有教誨，心無暫捨，諸根不散，一心願得見善知識，普於十方勤求匪懈，願常親近生諸功德，與善知識同一善根，得善知識巧方便行，依善知識入精進海，於無量劫常不遠離。作是願已，往詣普救眾生妙德夜神所。	
	善財童子得清淨輪三昧見善知識成就	夜神放光 加持善財	時，彼夜神為善財童子示現菩薩調伏眾生解脫神力，以諸相好莊嚴其身，於兩眉間放大光明，名智燈普照清淨幢，無量光明以為眷屬，其光普照一切世間。照世間已，入善財頂，充滿其身。善財爾時即得究竟清淨輪三昧。	
		善財得清淨輪三昧	得此三昧已，悉見二神兩處中間，所有一切地塵、水塵及以火塵，金剛摩尼眾寶微塵，華香、瓔珞、諸莊嚴具，如是一切所有微塵，一一塵中各見佛刹微塵數世界成壞，及見一切地、水、火、風諸大積聚。	
		見世間差別	亦見一切世界接連，皆以地輪任持而住。種種山海、種種河池、種種樹林、種種宮殿，所謂：天宮殿、龍宮殿、夜叉宮殿，乃至摩睺羅伽、人、非人等宮殿屋宅，地獄、畜生、閻羅王界一切住處，諸趣輪轉，生死往來，隨業受報，各各差別，靡不悉見。	
		見世界差別	又見一切世界差別。所謂：或有世界雜穢，或有世界清淨，或有世界趣雜穢，或有世界趣清淨，或有世界雜穢清淨，或有世界清淨雜穢，或有世界一向清淨，或有世界其形平正，或有覆住，或有側住。	
		見善知識於一切趣中以方便力隨宜度化	如是等一切世界一切趣中，悉見此普救眾生夜神，於一切時一切處，隨諸眾生形貌、言辭、行解差別，以方便力普現其前，隨宜化度，令地獄眾生免諸苦毒，令畜生眾生不相食噉，令餓鬼眾生無有飢渴，令諸龍等離一切怖，令欲界眾生離欲界苦，令人趣眾生離暗夜怖、毀訾怖、惡名怖、大眾怖、不活怖、死怖、惡道怖、斷善根怖、退菩提心怖、遇惡知識怖、離善知識怖、墮二乘地怖、種種生死怖、異類眾生同住怖、惡時受生怖、惡種族中受生怖、造惡業怖、業煩惱障怖、執著諸想繫縛怖，如是等怖悉令捨離。	
	依二十種大願普現其前	涅槃十波羅蜜		又見一切眾生，卵生、胎生、濕生、化生，有色、無色，有想、無想，非有想、非無想，普現其前，常勤救護，(涅槃及菩薩凡二十種大願力)
			佛	為成就菩薩大願力故，
			法	深入菩薩三昧力故，
			僧	堅固菩薩神通力故，
			精進	出生普賢行願力故，
禪定			增廣菩薩大悲海故，	
般若			得普覆眾生無礙大慈故，	
方便			得普與眾生無量喜樂故，	
願			得普攝一切眾生智慧方便故，	
力	得菩薩廣大解脫自在神通故，			
智	嚴淨一切佛刹故，			

入法界品善財童子五十三參之第三十四會普救眾生妙德夜神(四地)之二

善財童子受菩薩加持得究竟清淨輪三昧	依二十種大願普現其前	菩薩十波羅蜜	佛	覺了一切諸法故，
			法	供養一切諸佛故，
			僧	受持一切佛教故，
			精進	積集一切善根(故)，(缺[故]字，參見四十華嚴)
			禪定	修一切妙行故，
			般若	入一切眾生心海而無障礙故，
			方便	知一切眾生諸根教化成熟故，
			願	淨一切眾生信解除其惡障故，
			力	破一切眾生無知黑闇故，
			智	令得一切智清淨光明故。
	善財得善知識本來面目		時，善財童子見此夜神如是神力不可思議甚深境界，普現調伏一切眾生菩薩解脫已，歡喜無量，頭面作禮，一心瞻仰。時，彼夜神即捨菩薩莊嚴之相，還復本形，而不捨其自在神力。	
	讚善財童子依所見十波羅蜜		爾時，善財童子恭敬合掌，却住一面，以偈讚曰：(二十一偈)	
		願說	我善財得見，如是大神力，其心生歡喜，說偈而讚歎。	
		佛	我見尊妙身，眾相以莊嚴；譬如空中星，一切悉嚴淨。	
		法	所放殊勝光，無量刹塵數；種種微妙色，普照於十方。	
		僧	一一毛孔放，眾生心數光；一一光明端，皆出寶蓮華；	
		精進	華中出化身，能滅眾生苦；光中出妙香，普熏於眾生；	
		禪定	復雨種種華，供養一切佛。	
		般若	兩眉放妙光，量與須彌等，普觸諸含識，令滅愚癡闇。	
		方便	口放清淨光，譬如無量日，普照於廣大，毘盧舍那境。	
		願	眼放清淨光，譬如無量月，普照十方刹，悉滅世癡翳。	
		力	現化種種身，相狀等眾生，充滿十方界，度脫三有海。	
		智	妙身遍十方，普現眾生前，滅除水火賊，王等一切怖。	
	成就十波羅蜜精進法	受善知識教	佛	我承喜目教，今得詣尊所，見尊眉間相，放大清淨光，
			法	普照十方海，悉滅一切闇，顯現神通力，而來入我身。
			僧	我遇圓滿光，心生大歡喜，得總持三昧，普見十方佛。
			精進	我於所經處，悉見諸微塵，一一微塵中，各見塵數刹。
			禪定	或有無量刹，一切咸濁穢，眾生受諸苦，常悲歎號泣。
			般若	或有染淨刹，少樂多憂苦；示現三乘像，往彼而救度。
			方便	或有淨染刹，眾生所樂見，菩薩常充滿，住持諸佛法。
			願	一一微塵中，無量淨刹海；毘盧遮那佛，往劫所嚴淨。
			力	佛於一切刹，悉坐菩提樹，成道轉法輪，度脫諸群生。
			智	我見普救天，於彼無量刹，一切諸佛所，普皆往供養。
	法門徵詢		爾時，善財童子說此頌已，白普救眾生妙德夜神言：天神！今此解脫甚深希有！其名何等？得此解脫其已久如？修何等行而得清淨？	

入法界品善財童子五十三參之第三十四會普救眾生妙德夜神(四地)之三

普救眾生妙德夜神成就第四地精進波羅蜜	十波羅蜜法門甚深難知		夜神言：善男子！是處難知，諸天及人、一切二乘所不能測。何以故？
		佛	此是住普賢菩薩行者境界故，
		法	住大悲藏者境界故，
		僧	救護一切眾生者境界故，
		精進	能淨一切三惡八難者境界故，
		禪定	(疑缺文)
		般若	能於一切佛刹中紹隆佛種不斷者境界故，
		方便	能住持一切佛法者境界故，
		願	能於一切劫修菩薩行成滿大願海者境界故，
		力	能於一切法界海以清淨智光滅無明闇障者境界故，
		智	能以一念智慧光明普照一切三世方便海者境界故。
			我承佛力，今為汝說。
	善知識依十波羅蜜成就本事第一佛因緣	圓滿清淨劫毘盧遮那世界	善男子！乃往古世，過佛刹微塵數劫，爾時有劫，名圓滿清淨，世界名毘盧遮那大威德，有須彌山微塵數如來於中出現。其佛世界，以一切香王摩尼寶為體，眾寶莊嚴，住無垢光明摩尼王海上。其形正圓，淨穢合成，一切嚴具帳雲而覆其上，一切莊嚴摩尼輪山千匝圍遶。有十萬億那由他四天下皆妙莊嚴，或有四天下惡業眾生於中止住，或有四天下雜業眾生於中止住，或有四天下善根眾生於中止住，或有四下一向清淨諸大菩薩之所止住。
		寶燈華幢四天下	此界東際輪圍山側，有四天下，名寶燈華幢。國界清淨，飲食豐足，不藉耕耘而生稻粱；宮殿樓閣悉皆奇妙；諸如意樹處處行列，種種香樹恒出香雲，種種鬘樹恒出鬘雲，種種華樹常雨妙華；種種寶樹出諸奇寶，無量色光周匝照耀；諸音樂樹出諸音樂，隨風吹動演妙音聲；日月光明摩尼寶王普照一切，晝夜受樂無時間斷。
			此四天下有百萬億那由他諸王國土，一一國土有千大河周匝圍遶，一一皆以妙華覆上，隨流漂動，出天樂音，一切寶樹列植其岸，種種珍奇以為嚴飾，舟船來往稱情戲樂。一一河間有百萬億城，一一城有百萬億那由他聚落；如是一切城邑、聚落，各有無量百千億那由他宮殿園林周匝圍遶。
		閻浮提內有一國土名寶華燈有轉輪王於中出現	此四天下閻浮提內，有一國土，名寶華燈，安隱豐樂，人民熾盛；其中眾生，具行十善。有轉輪王於中出現，名毘盧遮那妙寶蓮華髻，於蓮華中忽然化生，三十二相以為嚴好，七寶具足，王四天下，恒以正法教導群生。王有千子，端正勇健，能伏怨敵；百萬億那由他宮人、采女，皆悉與王同種善根、同修諸行、同時誕生，端正姝妙猶如天女，身真金色常放光明，諸毛孔中恒出妙香；良臣、猛將，具足十億。王有正妃，名圓滿面，是王女寶，端正殊特，皮膚金色，目髮紺青，言同梵音，身有天香，常放光明照千由旬。
		王有一女名普智焰妙德眼	其有一女，名普智焰妙德眼，形體端嚴，色相殊美，眾生見者情無厭足。爾時，眾生壽命無量，或有不定而中天者；種種形色、種種音聲、種種名字、種種族姓，愚、智、勇、怯、貧、富、苦、樂，無量品類皆悉不同。時，或有人語餘人言：我身端正，汝形鄙陋。作是語已，遞相毀辱，集不善業；以是業故，壽命、色力、一切樂事悉皆損減。

入法界品善財童子五十三參之第三十四會普救眾生妙德夜神(四地)之四

普救眾生妙德夜神成就第四地精進波羅蜜	善知識依十波羅蜜成就本事第一佛因緣	城北菩提樹名普光法雲大蓮華普現一切如來莊嚴境界雲	時，彼城北有菩提樹，名普光法雲音幢，以念念出現一切如來道場莊嚴堅固摩尼王而為其根，一切摩尼以為其幹，眾雜妙寶以為其葉，次第分布，並相稱可，四方上下，圓滿莊嚴；放寶光明，出妙音聲，說一切如來甚深境界。於彼樹前，有一香池，名寶華光明，演法雷音；妙寶為岸，百萬億那由他寶樹圍遶，一一樹形如菩提樹，眾寶瓔珞周匝垂下，無量樓閣皆寶所成，周遍道場以為嚴飾。彼香池內出大蓮華，名普現三世一切如來莊嚴境界雲，須彌山微塵數佛於中出現。其第一佛，名普智寶焰妙德幢，於此華上，最初得阿耨多羅三藐三菩提，無量千歲演說正法成熟眾生。(第一佛名普智寶焰妙德幢，後說其成佛因緣)
		佛	其彼如來未成佛時，十千年前，此大蓮華放淨光明，名現諸神通成熟眾生；若有眾生遇斯光者，心自開悟，無所不了，知十千年後佛當出現。
		法	九千年前，放淨光明，名一切眾生離垢燈；若有眾生遇斯光者，得清淨眼，見一切色，知九千年後佛當出現。
		僧	八千年前，放大光明，名一切眾生業果音；若有眾生遇斯光者，悉得自知諸業果報，知八千年後佛當出現。
		精進	七千年前，放大光明，名生一切善根音；若有眾生遇斯光者，一切諸根悉得圓滿，知七千年後佛當出現。
		禪定	六千年前，放大光明，名佛不思議境界音；若有眾生遇斯光者，其心廣大，普得自在，知六千年後佛當出現。
		般若	五千年前，放大光明，名嚴淨一切佛刹音；若有眾生遇斯光者，悉見一切清淨佛土，知五千年後佛當出現。
		方便	四千年前，放大光明，名一切如來境界無差別燈；若有眾生遇斯光者，悉能往觀一切諸佛，知四千年後佛當出現。
		願	三千年前，放大光明，名三世明燈；若有眾生遇斯光者，悉能現見一切如來諸本事海，知三千年後佛當出現。
		力	二千年前，放大光明，名如來離翳智慧燈；若有眾生遇斯光者，則得普眼見一切如來神變、一切諸佛國土、一切世界眾生，知二千年後佛當出現。
		智	一千年前，放大光明，名令一切眾生見佛集諸善根；若有眾生遇斯光者，則得成就見佛三昧，知一千年後佛當出現。
		等覺	次七日前，放大光明，名一切眾生歡喜音；若有眾生遇斯光者，得普見諸佛生大歡喜，知七日後佛當出現。
		妙覺	滿七日已，一切世界悉皆震動，純淨無染，念念普現十方一切清淨佛刹，亦現彼刹種種莊嚴；若有眾生根性淳熟，應見佛者，咸詣道場。
		十波羅蜜成就顯示如來出現世間相	爾時，彼世界中一切輪圍、一切須彌、一切諸山、一切大海、一切地、一切城、一切垣牆、一切宮殿、一切音樂、一切語言，皆出音聲，讚說一切諸佛如來神力境界；又出一切香雲、一切燒香雲、一切末香雲、一切香摩尼形像雲、一切寶焰雲、一切焰藏雲、一切摩尼衣雲、一切瓔珞雲、一切妙華雲、一切如來光明雲、一切如來圓光雲、一切音樂雲、一切如來願聲雲、一切如來言音海雲、一切如來相好雲，顯示如來出現世間不思議相。
			善男子！此普照三世一切如來莊嚴境界大寶蓮華王，有十佛刹微塵數蓮華周匝圍遶，諸蓮華內悉有摩尼寶藏師子之座，一座上皆有菩薩結跏趺坐。

入法界品善財童子五十三參之第三十四會普救眾生妙德夜神(四地)之五

普救眾生妙德夜神成就第四地精進波羅蜜	善知識依十波羅蜜成就本事第一佛因緣	依根本智成就法界智令無量眾生成就二十種利益	涅槃十波羅蜜	善男子！彼普智寶焰妙德幢王如來，於此成阿耨多羅三藐三菩提時，即於十方一切世界中成阿耨多羅三藐三菩提；隨眾生心，悉現其前為轉法輪。於一一世界，
				令無量眾生離惡道苦，
				令無量眾生得生天中，
				令無量眾生住於聲聞、辟支佛地，
				令無量眾生成就出離菩提之行，
				令無量眾生成就勇猛幢菩提之行，
				令無量眾生成就法光明菩提之行，
				令無量眾生成就清淨根菩提之行，
				令無量眾生成就平等力菩提之行，
				令無量眾生成就入法城菩提之行，
				令無量眾生成就遍至一切處不可壞神通力菩提之行，
		菩薩十波羅蜜	令無量眾生入普門方便道菩提之行，	
			令無量眾生安住三昧門菩提之行，	
			令無量眾生成就緣一切清淨境界菩提之行，	
			令無量眾生發菩提心，	
			令無量眾生住菩薩道，	
			令無量眾生安住清淨波羅蜜道，	
			令無量眾生住菩薩初地，	
			令無量眾生住菩薩二地乃至十地，	
		令無量眾生入於菩薩殊勝行願，		
		令無量眾生安住普賢清淨行願。		
		第一佛成就	善男子！彼普智寶焰妙德幢如來，現如是不思議自在神力轉法輪時，於彼一一諸世界中，隨其所應，念念調伏無量眾生。	
		普賢菩薩因緣	時，普賢菩薩知寶華燈王城中眾生，自恃色貌及諸境界，而生憍慢陵蔑他人；化現妙身，端正殊特，往詣彼城，放大光明，普照一切，令彼聖王及諸妙寶、日月星宿、眾生身等一切光明悉皆不現，譬如日出眾景奪曜，亦如聚墨對閻浮金。時，諸眾生咸作是言：此為是誰？為天？為梵？今放此光，令我等身所有光色皆不顯現。種種思惟，無能解了。	
		聖王女蓮華妙眼發心因緣	爾時，普賢菩薩在彼輪王寶宮殿上虛空中住，而告之言：大王當知，今汝國中，有佛興世，在普光明法雲音幢菩提樹下。時，聖王女——蓮華妙眼，見普賢菩薩所現色身光明自在，及聞身上諸莊嚴具所出妙音，心生歡喜，作如是念：願我所有一切善根，得如是身、如是莊嚴、如是相好、如是威儀、如是自在。今此大聖，能於眾生生死長夜黑闇之中放大光明，開示如來出興於世；願令於我亦得如是，為諸眾生作智光明，破彼所有無知黑闇。願我所在受生之處，常得不離此善知識。	
		王眾成就	善男子！時，轉輪王與其寶女、千子、眷屬、大臣、輔佐、四種兵眾，及其城內無量人民，前後圍遶；以王神力，俱昇虛空，高一由旬，放大光明照四天下，普使一切咸得瞻仰，欲令眾生俱往見佛，以偈讚曰：	

入法界品善財童子五十三參之第三十四會普救眾生妙德夜神(四地)之六

普救眾生妙德夜神成就第四地精進波羅蜜	善知識依十波羅蜜成就本事第一佛因緣	說十波羅蜜成就偈	佛	如來出世間，普救諸群生，汝等應速起，往詣導師所。
			法	無量無數劫，乃有佛興世，演說深妙法，饒益一切眾。
			僧	佛觀諸世間，顛倒常癡惑，輪迴生死苦，而起大悲心。
			精進	無數億千劫，修習菩提行，為欲度眾生，斯由大悲力。
			禪定	頭目手足等，一切悉能捨，為求菩提故，如是無量劫。
			般若	無量億千劫，導師難可遇；見聞若承事，一切無空過。
			方便	今當共汝等，往觀調御尊，坐於如來座，降魔成正覺。
			願	瞻仰如來身，放演無量光，種種微妙色，除滅一切暗。
			力	一一毛孔中，放光不思議，普照諸群生，咸令大歡喜。
			智	汝等咸應發，廣大精進心，詣彼如來所，恭敬而供養。
		向如來所頂禮如來坐蓮華座		爾時，轉輪聖王說偈讚佛，開悟一切眾生已，從輪王善根，出十千種大供養雲，往詣道場，向如來所。所謂：一切寶蓋雲、一切華帳雲、一切寶衣雲、一切寶鈴網雲、一切香海雲、一切寶座雲、一切寶幢雲、一切宮殿雲、一切妙華雲、一切諸莊嚴具雲，於虛空中周遍嚴飾。到已，頂禮普智寶焰妙德幢王如來足，遶無量百千匝，即於佛前坐普照十方寶蓮華座。
		王女供佛有菩提樹		時，轉輪王女——普智焰妙德眼，即解身上諸莊嚴具，持以散佛。時，莊嚴具於虛空中變成寶蓋，寶網垂下，龍王執持，一切宮殿於中間列；十種寶蓋周匝圍遶，形如樓閣，內外清淨，諸瓔珞雲及諸寶樹、香海摩尼以為莊嚴。於此蓋中，有菩提樹，枝葉榮茂，普覆法界，念念示現無量莊嚴。
		見初佛毘盧遮那如來坐此樹下為王女說修多羅	佛	毘盧遮那如來坐此樹下，有不可說佛刹微塵數菩薩前後圍遶，皆從普賢行願出生，住諸菩薩無差別住，
			法	亦見有一切諸世間主，
			僧	亦見如來自在神力，
			精進	又見一切諸劫次第世界成壞，
			禪定	又亦見彼一切世界一切諸佛出興次第，
			般若	又亦見彼一切世界一一皆有普賢菩薩供養於佛、調伏眾生，
			方便	又亦見彼一切菩薩莫不皆在普賢身中，
			願	亦見自身在其身內，
			力	亦見其身在一切如來前、一切普賢前、一切菩薩前、一切眾生前，
			智	又亦見彼一切世界一一各有佛刹微塵數世界種種際畔、種種任持、種種形狀、種種體性、種種安布、種種莊嚴、種種清淨、種種莊嚴雲而覆其上、種種劫名、種種佛興、種種三世、種種方處、種種住法界、種種入法界、種種住虛空、種種如來菩提場、種種如來神通力、種種如來師子座、種種如來大眾海、種種如來眾差別、種種如來巧方便、種種如來轉法輪、種種如來妙音聲、種種如來言說海、種種如來契經雲；（二十五種種即二十五有顯現）
		初佛成就		既見是已，其心清淨，生大歡喜。普智寶焰妙德幢王如來，為說修多羅，名一切如來轉法輪，十佛刹微塵數修多羅而為眷屬。
				時，彼女人聞此經已，則得成就十千三昧門，其心柔軟，無有麤彊，如初受胎，如始誕生，如娑羅樹初始生芽。

入法界品善財童子五十三參之第三十四會普救眾生妙德夜神(四地)之七

普救眾生妙德夜神成就第四地精進波羅蜜	善知識依十波羅蜜成就本事第一佛因緣	王女得十二種三昧(本體)	彼三昧心亦復如是，所謂：現見一切佛三昧、普照一切刹三昧、入一切三世門三昧、說一切佛法輪三昧、知一切佛願海三昧、開悟一切眾生令出生死苦三昧、常願破一切眾生闇三昧、常願滅一切眾生苦三昧、常願生一切眾生樂三昧、教化一切眾生不生疲厭三昧、一切菩薩無障礙幢三昧、普詣一切清淨佛刹三昧…。(十二種三昧：十波羅蜜及三自性成就，疑缺文，見四十華嚴)
		王女得三十種心(入世間)	得如是等十千三昧已，復得妙定心、不動心、歡喜心、安慰心、廣大心、順善知識心、緣甚深一切智心、住廣方便海心、捨離一切執著心、不住一切世間境界心、入如來境界心、普照一切色海心、無惱害心，無高倨心、無疲倦心、無退轉心、無懈怠心、思惟諸法自性心、安住一切法門海心、觀察一切法門海心、了知一切眾生海心、救護一切眾生海心、普照一切世界海心、普生一切佛願海心、悉破一切障山心、積集福德助道心、現見諸佛十力心、普照菩薩境界心、增長菩薩助道心、遍緣一切方海心。(三十種心成就)
		王女得十種大願(入法界)	一心思惟普賢大願，發一切如來十佛刹微塵數願海：願嚴淨一切佛國，願調伏一切眾生，願遍知一切法界，願普入一切法界海，願於一切佛刹盡未來際劫修菩薩行，願盡未來際劫不捨一切菩薩行，願得親近一切如來，願得承事一切善友，願得供養一切諸佛，願於念念中修菩薩行增一切智無有間斷…。發如是等十佛刹微塵數願海，成就普賢所有大願。(十種大願)
		聖王女所種善根	時，彼如來復為其女開示演說發心已來所集善根、所修妙行、所得大果，令其開悟成就如來所有願海，一心趣向一切智位。
		妙眼女往昔因緣	善男子！復於此前，過十大劫，有世界，名日輪光摩尼，佛號因陀羅幢妙相。此妙眼女，於彼如來遺法之中，普賢菩薩勸其修補蓮華座上故壞佛像；既修補已而復彩畫，既彩畫已復寶莊嚴，發阿耨多羅三藐三菩提心。
		妙德菩薩即往昔妙眼女以普賢菩薩故發心修行成就	善男子！我念過去，由普賢菩薩善知識故，種此善根。從是已來，不墮惡趣，常於一切天王、人王種族中生，端正可喜，眾相圓滿，令人樂見，常見於佛，常得親近普賢菩薩；乃至於今，示導開悟，成熟於我，令生歡喜。
			善男子！於意云何？爾時毘盧遮那藏妙寶蓮華髻轉輪聖王者，豈異人乎？今彌勒菩薩是。時王妃圓滿面者，寂靜音海夜神是，今所住處去此不遠。時妙德眼童女者，即我身是。
	本事十佛因緣		我於彼時，身為童女，普賢菩薩勸我修補蓮華座像，以為無上菩提因緣，令我發於阿耨多羅三藐三菩提心。我於彼時，初始發心；次復引導，令我得見妙德幢佛，解身瓔珞，散佛供養，見佛神力，聞佛說法，即得菩薩普現一切世間調伏眾生解脫門。於念念中，見須彌山微塵數佛，亦見彼佛道場、眾會、清淨國土；我皆尊重，恭敬供養，聽聞說法，依教修行。
			善男子！過彼毘盧遮那大威德世界圓滿清淨劫已，(第一佛時成就因緣後)
		佛	次有世界，名寶輪妙莊嚴，劫名大光，有五百佛於中出現，我皆承事恭敬供養。其最初佛，名大悲幢；初出家時，我為夜神，恭敬供養。
		法	次有佛出，名金剛那羅延幢；我為轉輪王，恭敬供養；其佛為我說修多羅，名一切佛出現，十佛刹微塵數修多羅以為眷屬。
		僧	次有佛出，名金剛無礙德；我於彼時為轉輪王，恭敬供養；其佛為我說修多羅，名普照一切眾生根，須彌山微塵數修多羅而為眷屬；我皆受持。

入法界品善財童子五十三參之第三十四會普救眾生妙德夜神(四地)之八

普救眾生妙德夜神成就第四地精進波羅蜜	善知識依十波羅蜜成就本事十佛因緣	精進	次有佛出，名火焰山妙莊嚴；我於彼時為長者女；其佛為我說修多羅，名普照三世藏，閻浮提微塵數修多羅而為眷屬；我皆聽聞，如法受持。
		禪定	次有佛出，名一切法海高勝王；我為阿脩羅王，恭敬供養；其佛為我說修多羅，名分別一切法界，五百修多羅而為眷屬；我皆聽聞，如法受持。
		般若	次有佛出，名海嶽法光明；我為龍王女，雨如意摩尼寶雲而為供養；其佛為我說修多羅，名增長歡喜海，百萬億修多羅而為眷屬；我皆聽聞，如法受持。
		方便	次有佛出，名寶焰山燈；我為海神，雨寶蓮華雲恭敬供養；其佛為我說修多羅，名法界方便海光明，佛刹微塵數修多羅而為眷屬；我皆聽聞，如法受持。
		願	次有佛出，名功德海光明輪；我於彼時為五通仙，現大神通，六萬諸仙前後圍遶，雨香華雲而為供養；其佛為我說修多羅，名無著法燈，六萬修多羅而為眷屬；我皆聽聞，如法受持。
		力	次有佛出，名毘盧遮那功德藏；我於彼時，為主地神，名出生平等義，與無量地神俱，雨一切寶樹、一切摩尼藏、一切寶瓔珞雲而為供養；其佛為我說修多羅，名出生一切如來智藏，無量修多羅而為眷屬；我皆聽聞，受持不忘。
		智	善男子！如是次第，其最後佛，名充滿虛空法界妙德燈；我為妓女，名曰美顏，見佛入城，歌舞供養；承佛神力，踊在空中，以千偈頌讚歎於佛；佛為於我，放眉間光，名莊嚴法界大光明，遍觸我身；我蒙光已，即得解脫門，名法界方便不退藏。
	總說成就	承事如來	善男子！此世界中，有如是等佛刹微塵數劫，一切如來於中出現；我皆承事，恭敬供養；（佛）
		受持正法	彼諸如來所說正法，我皆憶念，乃至不忘一文一句。於彼一一諸如來所，稱揚讚歎一切佛法，為無量眾生廣作利益；於彼一一諸如來所，得一切智光明，現三世法界海，入一切普賢行。（法）
		見無量佛	善男子！我依一切智光明故，於念念中見無量佛；既見佛已，先所未得、先所未見普賢諸行，悉得成滿。何以故？以得一切智光明故。（僧）
	次第說百一十佛出興受法因緣	此十亦依十波羅蜜	爾時，普救眾生夜神，欲重明此解脫義，承佛神力，為善財童子而說頌言：
			善財聽我說，甚深難見法，普照於三世，一切差別門。
			如我初發心，專求佛功德，所入諸解脫，汝今應諦聽。
			我念過去世，過刹微塵劫，次前有一劫，名圓滿清淨。
			是時有世界，名為遍照燈，須彌塵數佛，於中出興世：
			初佛名智焰，次佛名法幢，第三法須彌，第四德師子，
			第五寂靜王，第六滅諸見，第七高名稱，第八大功德，
			第九名勝日，第十名月面。於此十佛所，最初悟法門。
		波羅蜜法十	從此後次第，復有十佛出：初名虛空處，第二名普光，
			三名住諸方，四名正念海，五名高勝光，六名須彌雲，
			七名法焰佛，八名山勝佛，九名大悲華，十名法界華。
			此十出現時，第二悟法門。

入法界品善財童子五十三參之第三十四會普救眾生妙德夜神(四地)之九

普救眾生妙德夜神成就第四地精進波羅蜜	主精進波羅蜜夜神次第說百一十佛出興受法因緣	僧 十波羅蜜	從此後次第，復有十佛出：第一光幢佛，第二智慧佛，
			第三心義佛，第四德主佛，第五天慧佛，第六慧王佛，
			第七勝智佛，第八光王佛，第九勇猛佛，第十蓮華佛。
			於此十佛所，第三悟法門。
		精進 十波羅蜜	從此後次第，復有十佛出：第一寶焰山，第二功德海，
			第三法光明，第四蓮華藏，第五眾生眼，第六香光寶，
			七須彌功德，八乾闥婆王，第九摩尼藏，第十寂靜色。
			從此後次第，復有十佛出：初佛廣大智，次佛寶光明，
		禪定 十波羅蜜	第三虛空雲，第四殊勝相，第五圓滿戒，第六那羅延，
			第七須彌德，第八功德輪，第九無勝幢，第十大樹山。
			從此後次第，復有十佛出：第一娑羅藏，第二世主身，
			第三高顯光，第四金剛照，第五地威力，第六甚深法，
		般若 十波羅蜜	第七法慧音，第八須彌幢，第九勝光明，第十妙寶光。
			從此後次第，復有十佛出：第一梵光明，第二虛空音，
			第三法界身，第四光明輪，第五智慧幢，第六虛空燈，
			第七微妙德，第八遍照光，第九勝福光，第十大悲雲。
		願 十波羅蜜	從此後次第，復有十佛出：第一力光慧，第二普現前，
			第三高顯光，第四光明身，第五法起佛，第六寶相佛，
			第七速疾風，第八勇猛幢，第九妙寶蓋，第十照三世。
			從此後次第，復有十佛出：第一願海光，第二金剛身，
		力 十波羅蜜	第三須彌德，第四念幢王，第五功德慧，第六智慧燈，
			第七光明幢，第八廣大智，第九法界智，第十法海智。
			從此後次第，復有十佛出：初名布施法，次名功德輪，
			三名勝妙雲，四名忍智燈，五名寂靜音，六名寂靜幢，
		智 十波羅蜜	七名世間燈，八名深大願，九名無勝幢，十名智焰海。
			從此後次第，復有十佛出：初佛法自在，二佛無礙慧，
			三名意海慧，四名眾妙音，五名自在施，六名普現前，
			七名隨樂身，八名住勝德，第九本性佛，第十賢德佛。
		等覺 十波羅蜜	須彌塵數劫，此中所有佛，普作世間燈，我悉曾供養。
			佛刹微塵劫，所有佛出現，我皆曾供養，入此解脫門。
			我於無量劫，修行得此道；汝若能修行，不久亦當得。
			從此後次第，復有十佛出：初佛法自在，二佛無礙慧，
		結會	三名意海慧，四名眾妙音，五名自在施，六名普現前，
			七名隨樂身，八名住勝德，第九本性佛，第十賢德佛。
			須彌塵數劫，此中所有佛，普作世間燈，我悉曾供養。
			佛刹微塵劫，所有佛出現，我皆曾供養，入此解脫門。
			我於無量劫，修行得此道；汝若能修行，不久亦當得。
		自法門	善男子！我唯知此菩薩普現一切世間調伏眾生解脫。
		自宗門 精進	如諸菩薩摩訶薩，集無邊行，生種種解，現種種身，具種種根，滿種種願，入種種三昧，起種種神變，能種種觀察法，入種種智慧門，得種種法光明；而我云何能知能說彼功德行？（十種成就）
		推薦精進	善男子！去此不遠，有主夜神，名寂靜音海，坐摩尼光幢莊嚴蓮華座，百萬阿僧祇主夜神前後圍遶。汝詣彼問：菩薩云何學菩薩行、修菩薩道？

附A34：四十華嚴善財童子之第三十四會普救眾生妙德夜神(四地)之一

會 處		如來大眾會中。(此處經文依四十華嚴)
善財童子受菩薩加持得究竟清淨輪三昧	聞法信行	時，善財童子，禮夜神足，遶無數匝，慇懃瞻仰，一心戀慕，辭退而去。
	前法契入信解趣入善知識教	爾時，善財童子從喜目夜神所，聞普喜幢解脫，深信趣入隨順觀察，念善知識所有教誨，心無暫捨，作意思惟諸根不散，一心願得遇善知識，普於十方勤求匪懈，願常親近諸善知識，生諸功德，於善知識承事供養，常令歡喜，與善知識所有善根同一體性，得善知識巧方便行，無能破壞，依善知識，速疾增長入精進海，與善知識隨順共住，常不遠離，作是願已，往詣普救眾生威德神所。
	善知識加持善財令得清淨輪三昧	時彼夜神，即為善財，示現菩薩調伏眾生解脫神力，以諸相好莊嚴其身，即於眉間放大光明，名普智焰無垢星宿幢，無量光明以為眷屬，其光普照一切世間，照世間已，入善財頂，充滿其身，善財即時，得極清淨圓滿三昧。 得三昧已，悉見喜目普救二神兩處中間，所有一切地塵水塵，及以火塵金剛摩尼眾寶，微塵華香，瓔珞諸莊嚴具，如是一切所有極微一一塵中，各見佛刹極微塵數世界成壞，及見一切地水火風諸大積聚。
	見世間差別	亦見一切世界連接，皆以地輪任持而住種種形像，種種眷屬種種山海，種種河池，種種樹林，種種宮殿，所謂：天宮殿龍宮殿，夜叉宮殿，乾闥婆，阿脩羅，迦樓羅，緊那羅，摩睺羅伽，人非人等，宮殿屋宅，種種莊嚴，地獄，畜生，閻羅王界，一切住處，諸趣輪轉，生死往來，隨業受報，各各差別，普遍出生不相雜亂，靡不知見。
	見世界差別	善財又見一切世界種種差別，所謂：或有世界雜穢，或有世界清淨，或有世界趣雜穢，或有世界趣清淨，或有世界雜穢清淨，或有世界清淨雜穢，或有世界其形平正，或有世界隨心想住，或有覆住，或有側住。
	見善知識於一切趣中以方便力隨宜度化	如是世界，一切趣類，一切生中，皆悉見此普救眾生威德夜神，於一切時，遍一切處，隨諸眾生，如是壽量，如是信樂，形貌言辭，行解差別，以方便力，普現其前，隨宜調伏，而成熟之，令地獄眾生免諸苦毒，令畜生眾生不相食噉，令閻羅界餓鬼眾生無有飢渴，令諸龍等離一切怖，令欲界眾生離欲界怖，令人趣眾生離暗夜怖，毀訾怖，惡名怖，大眾怖，不活怖，死怖，惡道怖，斷善根怖，退菩提心怖，遇惡知識怖，離善知識怖，墮二乘地怖，種種生死怖，異類眾生同住怖，惡時受生怖，惡種族中受生怖，造惡業怖，業煩惱障怖，執著諸相種種繫縛怖，如是等怖，悉令捨離迴向菩提。
	依二十種大願普現其前	善財又見一切眾生，卵生胎生，濕生化生，有色無色，有想無想，非有想，非無想，普現其前，常勤救護，
		為成就菩薩大願力故。
		深入菩薩三昧力故。
		堅固菩薩神通力故。
		出生普賢行願力故。
		增廣菩薩大悲海故。
		得普覆眾生無礙大慈故。
		得普與眾生無量喜樂故。
		得普攝眾生智慧方便故。
		得菩薩解脫自在神通故。
		嚴淨一切諸佛刹故。

附A34：四十華嚴善財童子之第三十四會普救眾生妙德夜神(四地)之二

善財童子受菩薩加持得究竟清淨輪三昧	依二十種大願普現其前	菩薩十波羅蜜	覺悟了知一切法故。	
			承事供養一切佛故。	
			受持一切諸佛教故。	
			積集一切勝善根故。	
			修諸菩薩諸妙行故。	
			入眾生心無障礙故。	
			知眾生根能成熟故。	
			淨一切眾生信解海故。	
			破一切眾生無知闇故。	
			得一切智清淨光明故。	
	善財得善知識本來面目		爾時，善財童子，見普救眾生威德夜神，入調伏一切眾生解脫門，現不思議甚深境界神通力已，心大歡喜踊躍無量，頭面作禮，一心瞻仰。時彼夜神，即捨菩薩種種相好妙莊嚴身，還復本形，而不捨其神通變化自在威力。	
	讚歎善知識精進法所成就		爾時善財童子，恭敬合掌，却住一面，觀察夜神，以偈讚曰：（二十偈）	
		願說	我見仁尊今所現，如是廣大神通力，令我發生歡喜心，即說妙偈而稱讚，	
		佛	我見聖者廣大身，殊勝妙寶莊嚴色，譬如星月處空中，難思相好皆微妙，	
		法	身放清淨光明輪，量等無邊剎塵數，種種色相皆殊妙，普照十方無不遍，	
		僧	於仁一一毛孔出，等諸眾生心數光，光中佛坐寶蓮華，化現能滅眾生苦，	
		精進	光中復出妙香雲，普熏一切眾生類，	
		禪定	復能普雨眾妙華，普供十方一切佛，	
		般若	眉放廣大光明聚，寶光無垢等須彌，普照十方世界中，觸者令滅愚癡暗，	
		方便	口常普放無垢光，光輪廣大如千日，普照十方諸世界，毘盧遮那所行境，	
		願	眼放無垢光明雲，光明晃耀如星月，普照一切十方刹，滅除三有諸癡翳，	
	成就自十波羅蜜精進法	力	仁所化現種種身，其身相狀等眾生，充滿十方法界中，調伏無量眾生海，	
		智	分身普往遍十方，悉現一切眾生前，滅除王賊水火怖，令心調伏生歡喜，	
		佛	我承喜眼天神教，念尊功德來奉事，見尊毫相放光雲，圓明廣大無諸垢，	
		法	此光普照於十方，悉滅眾生煩惱暗，顯現種種神通力，然後而來入我身，	
		僧	我時遇此圓滿光，身心安樂生歡喜，得百總持三昧海，普見十方善逝尊，	
		精進	我於所有經行處，悉見一切極微塵，於彼一一極微中，各見佛刹如塵數，	
		禪定	或有塵中無數刹，一向雜染恒濁穢，眾生無救受諸苦，發聲悲歎常號泣，	
		般若	或有諸刹染淨雜，眾生少樂多憂苦，現佛獨覺聲聞形，大悲往彼而救度，	
		方便	有刹先淨後雜染，男女端嚴皆可樂，菩薩充滿具莊嚴，住持無量諸佛法，	
		願	十方一一極微中，皆有無量淨刹海，毘盧遮那於往昔，普修行海所莊嚴，	
	法門徵詢	力	佛於十方一切刹，悉坐最勝菩提場，成等正覺現神通，說法調伏群生類，	
		智	我見普救威德天，其身普往無邊刹，毘盧遮那境界中，供事十方一切佛。	
	法門徵詢		爾時善財童子，說此偈已，白普救眾生威德神言：希有聖者！乃能住此甚深解脫，得此解脫，其已久如？本修何行而能清淨？	

附A34：四十華嚴善財童子之第三十四會普救眾生妙德夜神(四地)之三

普救眾生妙德夜神成就第四地精進波羅蜜	十波羅蜜法門甚深難知		夜神告言：善男子！此處難知，一切世間天人二乘所不能測，何以故？
		佛	此是住普賢菩薩行者境界故。
		法	隨順大悲藏者境界故。
		僧	救護一切眾生者境界故。
		精進	能淨一切三惡八難者境界故。
		禪定	能以無上清淨莊嚴一切佛刹者境界故。
		般若	能於一切諸佛刹中紹繼佛種不斷者境界故。
		方便	能持一切諸佛正法者境界故。
		願	能於一切劫修菩薩行成滿大願海者境界故。
		力	能於一切法界海以清淨智光滅無明闇障者境界故。
		智	能以一念智慧光明普照一切三世方便海者境界故。
			我當承佛威力，為汝宣說。
	善知識依十波羅蜜成就本事第一佛因緣	無垢圓滿 劫毘盧遮 那威德吉 祥世界	善男子！乃往古世過佛刹極微塵數劫，爾時有劫，名無垢圓滿，世界名毘盧遮那威德吉祥，有須彌山極微塵數如來於中出現，其佛世界，以一切香王摩尼寶金剛為體，以天龍宮殿眾寶莊嚴，住無垢光明摩尼王海上，其形正圓清淨無垢，一切瓔珞嚴具帳雲，而覆其上，一切莊嚴摩尼輪山千匝圍遶，十萬億那由他四天下皆妙莊嚴，或有四天下，惡業眾生於中止住，或有四天下，雜業眾生於中止住，或有四天下，善根眾生於中止住，或有四天下，一向清淨，諸大菩薩之所止住。
		寶燈華幢 四天下	善男子！彼界東際輪圍山側，有四天下，名寶燈華幢，國界清淨安隱豐樂，不藉耕耘而生稻粱，皆由往業勝力成熟，宮殿樓閣悉皆奇妙，諸如意樹，處處行列，種種香樹恒出香雲，諸末香樹雨末香雲，種種鬘樹恒出鬘雲，種種華樹雨不思議眾妙華雲，種種寶樹雨大摩尼珍奇妙寶，無量色光周匝照曜，諸音樂樹出諸音樂，隨風吹動演妙音聲，日月光明摩尼寶王，普照一切晝夜受樂，無時間斷。
		此四天下 諸王國土	此四天下，有百萬億那由他諸王國土，一一國土，有千大河，周匝圍遶，一一皆以妙華覆上，隨流漂動，出天樂音，一切寶樹，列植其岸，種種珍奇，以為嚴飾，舟船來往，稱情嬉戲，種種資緣，受用安樂，一一河間，有百萬億城，一一城有百萬億那由他聚落，如是一切城邑聚落，各有無量百千億那由他宮殿園林，周匝圍遶以為眷屬。
		閻浮提內 有一國土 名寶華燈 有轉輪王 於中出現	此四天下閻浮提中，有一國土名寶華燈，安隱豐樂人民熾盛，宮殿嚴好自在圓滿，其中眾生具行十善，有轉輪王於中出現，名毘盧遮那寶蓮華藏，於蓮華中，歟然化生，三十二相莊嚴其身七寶成就，王四天下，恒以正法教導群生。 王有千子，端正勇健，威力自在，能伏怨敵，百萬億那由他宮人采女，以為眷屬，皆悉與王，同種善根，同修諸行，同時誕生，同以寶飾，瓔珞莊嚴，端正姝妙，猶如天女，身真金色，常放光明，諸毛孔中，恒出妙香，良臣猛將具足十億，王有正妃，名具足圓滿吉祥面，是王女寶端嚴殊特，觀者無厭，最勝清淨，皮膚金色，目髮紺青，言同梵音，身有天香，常放光明，照千由旬。

附A34：四十華嚴善財童子之第三十四會普救眾生妙德夜神(四地)之四

普救眾生妙德夜神成就第四地精進波羅蜜	善知識依十波羅蜜成就本事第一佛因緣	王有一女名普喜吉祥蓮華眼	其妃有女，名普喜吉祥蓮華眼，形體端嚴德行具足，相好圓滿如轉輪王，眾生見者心無厭足。彼時眾生，壽命無量，或有不定而中夭者，種種形色，種種音聲，種種名字，種種族姓長短大小，勇怯愚智，貧富苦樂，信樂勝劣，無量品類，皆悉不同，時或有人，謂餘人言，我身端正，汝形醜陋，作是語已，互相毀辱，集不善業，以是業故，壽命色力，一切樂事，悉皆損減。
		城北菩提樹名普光遍照法雲聲幢，大蓮華名普現三世一切如來莊嚴境界雲	爾時，寶華燈城北，有菩提樹，名普光遍照法雲聲幢，以念念顯示一切如來莊嚴道場，金剛堅固摩尼寶王而為其根，一切摩尼以為其幹，眾雜妙寶以為其葉，枝條華果，次第分布，並相稱可，四方上下圓滿莊嚴，放種種色寶焰光明，出妙音聲，演說一切諸佛如來自在神通甚深境界，於彼樹前有一香池，名寶華光法雷聲，香水盈滿，妙寶為岸，百萬億那由他寶樹圍遶，一一樹形如菩提樹，眾寶瓔珞周匝垂下，
		佛	復有無量宮殿樓閣，眾寶所成，周遍道場以為嚴飾，彼香池內出大蓮華，名普現三世一切如來莊嚴境界雲，須彌山極微塵數如來，於中出現。其第一佛，名普智寶焰吉祥威德王，於此華上，最初得阿耨多羅三藐三菩提，無量千歲，演說妙法，成熟眾生。(第一佛名普智寶焰吉祥威德王，後說其成佛因緣)
		法	其彼如來，未成佛時，十千年中，菩提樹王，放大光明，顯現神通，成熟眾生所謂十千年前，放淨光明，名一切眾生離垢燈，若有眾生遇斯光者，心自開悟，知十千年後，佛當出現。
		僧	九千年前，放淨光明，名具足無垢吉祥藏，若有眾生遇斯光者，得清淨眼，見一切色，知九千年後，佛當出現。
		精進	八千年前，放大光明，名一切眾生業果音聲，若有眾生遇斯光者，悉能自知業海差別，種種果報，知八千年後佛當出現。
		禪定	七千年前放大光明，名生一切善根音聲，若有眾生遇斯光者，一切善根悉皆圓滿，知七千年後佛當出現。
		般若	六千年前，放大光明，名佛不思議境界音聲，若有眾生遇斯光者，其心廣大，普得自在，知六千年後佛當出現。
		方便	五千年前，放大光明，名嚴淨一切佛刹音聲，若有眾生遇斯光者，悉見一切清淨佛土，知五千年後佛當出現。
		願	四千年前，放大光明，名一切如來境界無雜亂燈，若有眾生遇斯光者，悉能深入如來境界，遍一切處，往觀諸佛，知四千年後佛當出現。
		力	三千年前，放大光明，名一切眾生普照三世現前燈，若有眾生遇斯光者，悉能現見一切如來諸本事海，知三千年後佛當出現。
		智	二千年前，放大光明，名三世智電燈，若有眾生遇斯光者，則見一切如來過去相應行海，知二千年後佛當出現。
		等覺	一千年前，放大光明，名如來無翳智慧燈，若有眾生遇斯光者，具足普眼，能見諸佛神通變化，淨一切刹，知一千年後佛當出現。
		等覺	一百年前，放大光明，名令一切眾生皆得見佛集諸善根，若有眾生遇斯光者，則得成就見佛三昧，知百年後佛當出現。

附A34：四十華嚴善財童子之第三十四會普救眾生妙德夜神(四地)之五

普救眾生妙德夜神成就第四地精進波羅蜜	善知識依十波羅蜜成就本事第一佛因緣	妙覺	次七日前，放大光明，名一切眾生大喜愛樂音，若有眾生遇斯光者，則得見佛能生愛敬，知七日後佛當出現。
		成就出現	善男子！如是種種無量無邊清淨光明，十千年中乃至七日，調伏眾生令其成熟，滿七日已，一切世界悉皆震動，純一清淨無諸穢雜，念念普現十方一切清淨佛刹，亦現彼刹種種莊嚴，若有眾生根性淳熟應見佛者，咸詣道場。
		十波羅蜜成就顯示如來出現世間相	爾時，彼世界中，一切輪圍，一切須彌，一切諸山，一切河海，一切大地，一切城邑，一切垣牆，一切宮殿，一切音樂，一切資具，一切瓔珞，一切語言，皆出音聲，讚說一切諸佛如來神通境界變化莊嚴。 又出一切香雲，一切燒香雲，一切末香雲，一切塗香雲，一切香摩尼形像雲，一切摩尼衣雲，一切寶焰雲，一切焰藏雲，一切瓔珞雲，一切妙華雲，一切音樂雲，一切如來光明雲，一切如來圓光雲，一切如來願聲雲，一切如來言音海雲，一切如來種種相好色光明雲，顯示如來出現世間不思議相。 善男子！此普現三世一切如來莊嚴境界大寶蓮華王，有十佛刹極微塵數妙寶蓮華，以為眷屬，周匝圍遶，其諸蓮華一一臺上皆有摩尼寶師子座，一一座上皆有菩薩結跏趺坐。
	依根本智成就法界智令無量眾生成就二十種利益		善男子！彼普智寶焰吉祥威德王如來，於此成阿耨多羅三藐三菩提，時即於十方一切世界，成阿耨多羅三藐三菩提，隨眾生心，悉現其前，為轉法輪，於一一世界，
			令無量眾生離惡道苦。
		涅槃十波羅蜜	令無量眾生生人天中。
			令無量眾生住於聲聞辟支佛地。
			令無量眾生成就出離菩提之行。
			令無量眾生成就無垢勇猛幢菩提之行。
			令無量眾生成就清淨法光明菩提之行。
			令無量眾生成就威德清淨根菩提之行。
			令無量眾生成就隨順平等力菩提之行。
			令無量眾生成就現前入法城菩提之行。
			令無量眾生成就遍至一切處不可壞神通力菩提之行。
		菩薩十波羅蜜	令無量眾生普於十方一切如來應正等覺，生希有心，安住平等菩提之行。
			令無量眾生安住三昧門菩提之行。
			令無量眾生成就緣一切清淨境界菩提之行。
			令無量眾生發菩提心。
			令無量眾生住菩薩道修菩薩行。
			令無量眾生安住清淨波羅蜜道。
			令無量眾生住菩薩初地。
			令無量眾生安住菩薩二地三地乃至十地。
			令無量眾生入於菩薩殊勝行願。
			令無量眾生安住普賢清淨行願。

附A34：四十華嚴善財童子之第三十四會普救眾生妙德夜神(四地)之六

普救眾生妙德夜神成就第四地精進波羅蜜	善知識依十波羅蜜成就本事第一佛因緣	第一佛成就	善男子！彼普智寶焰吉祥威德王如來，現如是等佛不思議自在神力轉法輪時，於彼一一諸世界中隨其所應，念念調伏，教化成熟無量眾生。
		普賢菩薩因緣	時，普賢菩薩知寶華燈王城中眾生，自恃色貌及諸境界，放逸昏醉，而生憍慢，為欲調伏彼眾生故，化現妙身端正殊特，往詣彼城，放大光明普照一切，令彼聖王及諸妙寶，日月星宿，寶樹寶衣，摩尼瓔珞，眾生身等，一切光明，威德端嚴，悉皆不現。
			譬如日出眾景奪曜，亦如聚墨對閭浮金，時諸眾生各心念言：此為是誰，為天為梵，今放此光映蔽一切，令我等身所有威德光色端嚴皆不顯現種種思惟。無能解了。
		聖王女普喜吉祥蓮華眼發心因緣	爾時，普賢菩薩，在彼輪王宮殿之上虛空中住，而告之言：大王當知，今汝國中，有佛出興，在普光遍照法雲聲幢菩提樹下，時輪王女普喜吉祥蓮華眼，見普賢菩薩所現色身光明自在，及聞身上種種瓔珞諸莊嚴具所出妙音，生愛敬心，生歡喜心，生深信心，作如是念：願我所有一切善根，得如是身，如是莊嚴，如是相好，如是威儀，如是神通，如是威德，今此大聖，能於眾生生死長夜黑闇之中，放大光明，顯示如來出興於世，願令於我亦得如是，為諸眾生作智光明，破彼所有無知黑闇，願我所在受生之處，常得不離此善知識。
		王眾成就	善男子！時毘盧遮那寶蓮華藏妙吉祥髻轉輪聖王，與其實女千子眷屬，大臣輔佐七寶四兵，及其城內無量人眾，前後圍遶，以王神力俱昇虛空，高一由旬，放大光明照四天下，普使一切咸得瞻仰，欲令眾生俱往見佛，以偈讚曰：
		說十波羅蜜成就偈	佛 佛今已出於世間，普救一切諸群品，汝等宜應速發心，往詣最勝導師所。
			法 經於無量俱胝劫，乃有如來興出世，開示甚深微妙法，普為利樂諸眾生。
			僧 佛觀一切諸世間，顛倒無明常翳惑，生死逼迫輪迴苦，而起救護大悲心。
			精進 無數千萬俱胝劫，修習種種菩提行，成就最勝大悲心，普滅一切眾生苦。
			禪定 頭目耳鼻身手足，如是一切皆能捨，為證甘露佛菩提，經於無量無邊劫。
			般若 過於無量俱胝劫，出世導師難可遇，見聞供養及親承，一切獲益無空過。
			方便 我今與汝俱往詣，觀彼最勝調御師，為轉無上大法輪，道樹降魔成正覺。
			願 汝應觀佛妙色身，放無邊際光明網，種種妙色咸清淨，除滅眾生惑苦暗。
			力 從於一一毛孔中，普放無數光明雲，遍照一切諸群生，咸令愛敬心歡喜。
			智 汝等各各應思念，發起廣大精進心，即時同詣彼如來，親近至誠而供養。
		向如來所頂禮如來坐蓮華座	爾時，轉輪聖王，說偈讚佛，開悟國內一切眾生已，從輪王善根，出十千種大供養雲，往詣道場，向如來所，所謂：出一切寶蓋雲，一切華帳雲，一切寶衣雲，一切香海雲，一切寶座雲，一切寶幢雲，一切宮殿雲，一切妙華雲，一切寶鈴網雲，一切莊嚴具雲，於虛空中，周遍嚴飾，到已頂禮普智寶焰吉祥威德王如來足，右遶無數百千萬匝，即於佛前坐普照十方光明摩尼寶蓮華座。
		王女供佛有菩提樹	時，輪王女普喜吉祥蓮華眼，即解身上一切瓔珞諸莊嚴具，持以奉散，時莊嚴具於虛空中，變成大摩尼寶蓋，有種種色摩尼寶網，周匝垂下，一切龍王共所執持，一切宮殿於中間列，十種寶蓋眷屬圍遶，形如樓閣內外清淨，諸瓔珞雲遍覆其上，及諸寶樹香海摩尼種種妙飾以為嚴好，於此蓋中，有菩提樹，枝葉榮茂普覆法界，念念示現無量莊嚴。

附A34：四十華嚴善財童子之第三十四會普救眾生妙德夜神(四地)之七

普救眾生妙德夜神成就第四地精進波羅蜜	善知識依十波羅蜜成就本事第一佛因緣	見初佛毘盧遮那如來坐此樹下為王女說修多羅	佛	毘盧遮那如來，坐此樹下，有不可說不可說佛刹極微塵數菩薩，前後圍遶，一切皆從普賢菩薩行願出生，住諸菩薩不可思議無差別住，
			法	亦見一切諸世間主，合掌瞻仰，圍遶如來。
			僧	亦見一切如來自在神通之力。
			精進	又見一切諸劫次第世界成壞。
			禪定	又亦見彼一切世界一切諸佛出興次第。
			般若	又亦見彼一切世界，一一皆有普賢菩薩，種種供養一切如來，種種調伏一切眾生。
			方便	又亦見彼一切菩薩及其自身，莫不皆在普賢身中。(見自身者即願波羅蜜)
			力	亦見自身在一切如來前，一切普賢前，一切菩薩前，一切眾生前。
			智	又亦見彼一切世界，一一各有佛刹極微塵數世界，種種際畔，種種任持，種種形狀，種種體性，種種安布，種種莊嚴種種清淨，種種莊嚴雲，而覆其上，種種劫名，種種佛興，種種三世，種種方處，種種住法界，種種入法界，種種住虛空，種種菩薩莊嚴，種種菩薩住處，種種如來菩提場，種種如來神通力，種種如來師子座，種種如來大會海，種種如來眾差別，種種如來巧方便，種種如來轉法輪，種種如來妙音聲，種種如來言說海，種種如來契經雲。(二十五種種即二十五有顯現)
			初佛成就	既見是已，其心清淨，生大歡喜。時彼如來為此女人，說修多羅，名一切如來轉法輪音，十佛刹極微塵數修多羅，而為眷屬。
				時，彼女人聞此經已，即得成就十千三昧門，身心柔軟，無有麤強，如初受胎，如始誕生，如娑羅樹初始生芽，彼三昧心，柔軟可愛，亦復如是。
			王女得十三種三昧(本體)	所謂：現見一切佛三昧，普照一切刹三昧，深入一切三世門三昧，演說一切佛法輪三昧，了知一切佛願海三昧，開悟一切眾生令出生死苦三昧，常願破一切眾生闇三昧，常願滅一切眾生苦三昧，常願生一切眾生樂三昧，教化一切眾生不生疲厭三昧，一切菩薩住一切地自在莊嚴三昧，一切菩薩無障礙幢三昧，普詣一切清淨佛刹三昧。(十三種三昧：十波羅蜜及三自性成就)
			王女得三十二種心(入世間)	得如是等十千三昧已，復得微細等引，謂不動心，歡喜心，安慰心，普光照心，順善知識教心，緣甚深一切智心，隨順慈無量教行心，捨離一切執著心，不住一切世間境界心，深入如來境界心，普照一切佛色相海心，不散亂心，不飄動心，無障礙心，無高下心，無疲倦心，無退轉心，得自在心，離懈怠心，正念諸法自性心，安住一切法門海心，修行一切法門海心，了知一切眾生海心，救護一切眾生海心，普照一切世界海心，普生一切佛願海心，悉破一切障礙山心，積集廣大福聚心，現見如來十力心，普照菩薩境界心，增長菩薩助道心，遍緣一切方海心。(三十二種心成就)
			王女得十種大願(入法界)	一心思惟觀察普賢所有大願，發一切如來十佛刹極微塵數平等願海，所謂：願嚴淨一切佛國，願成熟一切眾生，願遍知一切法界，願普入一切法界海，願於一切佛刹盡未來劫修菩薩行，願盡未來際劫不捨一切眾生，願得親近一切如來，願得承事一切善友悉令歡喜，願得供養一切如來悉令遍滿，願於念念中修菩薩行增一切智無有間斷。發如是等十佛刹極微塵數願海，成就普賢所有大願。(十種大願)

附A34：四十華嚴善財童子之第三十四會普救眾生妙德夜神(四地)之八

普救眾生妙德夜神成就第四地精進波羅蜜	善知識依十波羅蜜成就本事第一佛因緣	聖王女所種善根	時彼如來，復為其女開示演說發心已來所種善根，所修妙行，所得大果，令其開悟，甚深信解，成就如來圓滿廣大所有願海，一心趣向一切智位。
		蓮華眼女往昔因緣	善男子！復於此前，過十大劫，有世界名日輪光照摩尼王，佛號因陀羅幢吉祥相。時此蓮華眼女，於彼如來遺法之中，普賢菩薩勸其修補蓮華座上故壞佛像，既修補已，而復彩畫，既彩畫已復寶莊嚴，發阿耨多羅三藐三菩提心。
		妙德菩薩即往昔妙眼女以普賢菩薩故發心修行成就	善男子！我念過去，由普賢菩薩善知識故，種此善根，從是已來不墮惡趣，常於一切天王人王種族中生，一切生處身形殊妙，端正可喜色相圓滿，令人樂見常見於佛，常得親近普賢菩薩，令我憶持所得法門，乃至於今示導開悟成熟於我，令生歡喜。
			善男子！於意云何，爾時毘盧遮那寶蓮華藏妙吉祥髻轉輪王者，豈異人乎，今彌勒菩薩是也，是時王妃具足圓滿吉祥面者，具足功德寂靜音海夜神是也，今所住處，去此不遠。時普喜吉祥蓮華眼童女者，即我身是。
			我於昔時，身為童女，普賢菩薩，勸我修補蓮華座像，以為無上菩提因緣，令我發阿耨多羅三藐三菩提心。
	善知識依十波羅蜜成就本事十佛因緣		我於彼時，初始發心，次復引導，令我得見普智寶焰吉祥威德王如來，解身瓔珞，散佛供養，見佛神變，聞佛說法，即得菩薩普現一切世間調伏眾生解脫門，從是得見須彌山極微塵數佛，我皆尊重恭敬供養，聽彼如來種種說法，聞法歡喜，依教修行，於念念中，常得見彼一切如來，及彼佛刹菩薩大會。
			善男子！過彼毘盧遮那威德吉祥世界無垢圓滿劫已，（第一佛時成就因緣後）
		佛	次有世界，名摩尼輪種種妙色莊嚴，劫名大光，有五百佛，於中出現，我皆承事恭敬供養，令其歡喜，其最初佛，名大悲雲幢，我為夜神，見佛出行，恭敬供養。
		法	次有佛出，名金剛那羅延幢，我為輪王，親近承事恭敬供養，時佛為我說修多羅，名一切佛出現，十佛刹極微塵數修多羅以為眷屬，我皆受持。
		僧	次有佛出，名金剛無礙德，我於彼時，為轉輪王，恭敬供養，其佛為我說修多羅，名普照一切眾生根，須彌山極微塵數修多羅而為眷屬，我皆受持。
		精進	次有佛出，名火焰山吉祥莊嚴，我於彼時，為長者女，供養恭敬，其佛為我說修多羅，名普照三世藏莊嚴，閻浮提極微塵數修多羅而為眷屬，我皆受持。
		禪定	次有佛出，名一切法海高勝王，我為天王，恭敬供養，其佛為我說修多羅，名分別一切法界智，五百修多羅而為眷屬，我皆受持。
		般若	次有佛出，名甚深法吉祥海光，我於彼時，為龍王女，雨如意摩尼寶雲，而為供養，其佛為我說修多羅，名速疾增長歡喜海，百萬億那由他修多羅而為眷屬，我皆受持。
		方便	次有佛出，名寶峯光焰燈，我為海神，雨寶蓮華雲，親近承事，恭敬供養，其佛為我說修多羅，名法界方便海光明，佛刹極微塵數修多羅而為眷屬，我皆受持。

附A34：四十華嚴善財童子之第三十四會普救眾生妙德夜神(四地)之九

普救眾生妙德夜神成就第四地精進波羅蜜	依十波羅蜜成就十佛因緣	願	次有佛出，名功德海光照圓滿吉祥，我於彼時，為五通仙現大神力，六千諸仙，眷屬圍遶，雨妙香華高山峯雲，而為供養，其佛為我說修多羅，名無著法燈，六千修多羅而為眷屬，我皆受持。
		力	次有佛出，名毘盧遮那吉祥藏，我於彼時，為主地神，名平等利益，與無量地神俱，雨一切寶樹雲一切寶藏雲，一切寶瓔珞雲，一切寶莊嚴雲，而為供養，其佛為我說修多羅，名出生一切如來智藏，無量修多羅而為眷屬，我皆聽聞，憶持不忘。
		智	善男子！如是次第五百如來，其最後佛，名法界虛空寶山圓滿吉祥燈，我於彼時，身為妓女，名可喜吉祥面，遇佛入城，歌舞供養，承佛威力，踊在空中，以千妙偈，讚歎於佛，佛為於我，放眉間光，名普照法界光明莊嚴，光照我身，一切遍滿，我蒙光觸，即得解脫，名法界方便不退藏門。
	總說成就	承事如來(佛)	善男子！此世界中，有如是等佛刹極微塵數劫，一切如來，於中出現，我皆承事，恭敬供養，令其歡喜。
		受持正法(法)	彼諸如來，為我演說種種正法，我皆憶念，如法受持，乃至不忘一文一句，於彼一一諸如來所，稱揚讚歎一切佛法，為無量眾生，廣作利益，於彼一一諸如來所，得現三世法界藏住廣大法界身，得入一切智光明，入一切普賢行。
		見無量佛(僧)	善男子！我依一切智光明故，於念念中，見無量佛，既見佛已，先所未得，先所未見，先所未聞，普賢菩薩所有妙行，悉得成就，何以故？以得一切智光明故，差別顯示無量無邊法界門故。
	主精進波羅蜜夜神次第說百一十佛出興受法因緣	此十亦依十波羅蜜	爾時普救眾生夜神，欲重明此解脫門義，承佛威力，為善財童子而說偈言：
			善財汝應聽我說，甚深難入難見法，普光遍照於三世，一切差別智明門。
			如我初發菩提心，勤求佛智諸功德，所證無邊解脫門，為汝宣揚應諦聽。
			憶昔過刹極微劫，時有劫名無垢輪，刹號勝幢遍照燈，莊嚴廣大無諸垢。
			於中十力出世間，量與須彌塵數等。
		法十波羅蜜	初佛寶焰吉祥光，第二法王功德幢，第三法幢福須彌，第四無畏自在王。
			第五佛名寂靜王，第六佛名寂靜城，第七如來名稱山，第八導師須彌德。
			第九佛號吉祥光，第十名為月面佛，於此十佛世尊所，令我開悟最初門。
		僧十波羅蜜	此後次第有十佛，相續出興於世間，最初佛號虛空住，第二如來名普光。
			三名出生住諸方，第四如來正念海，第五佛名高勝光，第六世尊須彌雲。
			第七如來法焰光，第八如來名稱山，第九出生蓮華王，第十大悲法界華。
			此十佛海光明照，令我悟入第二門。
		精進十波羅蜜	此後相續時無間，次第復有十佛出，第一如來光幢王，第二佛名智慧光。
			第三佛名利益心，第四如來帝吉祥，第五如來名天智，第六佛號尊慧王。
			第七佛名智吉祥，第八佛號光照王，第九勇猛天行佛，第十法界蓮華尊。
			此十能顯廣大法，令我成就第三門。
			此後無間復值遇，次第相續十佛出，最初寶焰山吉祥，第二功德吉祥佛。
			第三佛號法光明，第四佛名蓮華藏，第五智月妙眼佛，第六如來香寶光。
			第七善逝須彌德，八名乾闥婆光明，第九摩尼藏王佛，第十具足威德佛。

附A34：四十華嚴善財童子之第三十四會普救眾生妙德夜神(四地)之十

普救眾生妙德夜神成就第四地精進波羅蜜	主精進波羅蜜夜神次第說百一十佛出興受法因緣	禪定 十波羅蜜	此後次第有十佛，相續出興於世間，最初佛號廣大智，第二佛號寶光明。
			第三如來功德雲，第四佛名最勝相，第五苦行圓滿光，第六佛號那羅延。
			第七世尊須彌德，第八功德輪圍王，第九如來無勝幢，第十佛名大樹王。
		般若 十波羅蜜	此後次第有十佛，相續出興於世間，初名帝德娑羅王，二名普現世主身。
			第三佛號高顯光，第四佛名金剛光，第五世尊地威德，第六甚深法德王。
			第七法海大智音，第八佛號須彌幢，第九如來智光照，第十妙寶吉祥王。
		方便 十波羅蜜	此後次第有十佛，相續出興於世間，初梵光佛虛空音，第三法界像吉祥。
			第四圓滿光明輪，第五諸方智光幢，六虛空燈七妙德，第八遍照吉祥光。
			第九福光寂靜德，第十大悲雲吉祥。
		願 十波羅蜜	此後次第有十佛，相續出興於世間。初真諦力智光明，二現一切眾生前。
			第三名為高顯光，第四佛號光明身，第五善逝法出生，第六名為速疾風。
			第七世尊吉祥相，第八如來勇猛幢，第九佛名寶肢節，第十普現三世光。
		力 十波羅蜜	此後次第有十佛，相續出興於世間，初佛願海吉祥燈，二佛吉祥金剛山。
			第三堅固須彌德，第四佛名念幢王，第五如來法智尊，第六佛名般若燈。
			第七佛號德光幢，第八佛名廣大智，第九智行法界門，第十法海智吉祥。
		智 十波羅蜜 (經文如此，疑有誤)	此後次第有十佛，相續出興於世間，最初福山功德王，次佛名為智吉祥。
			第三如來法駕輪，第四寶王吉祥佛，第五功德輪吉祥，第六普智焰光佛。
			第七佛號須彌燈，第八世尊迅疾光，第九如來大寂聲，第十佛名寂靜幢。
			十一眾生吉祥燈，十二大願速吉祥，十三無能勝力幢，十四世尊智焰海。
		等覺 十波羅蜜	皆於世間為上首，普利一切諸眾生。
			此後次第有十佛，相續出興於世間，第一佛名法自在，第二無著智如來。
			第三世尊海慧音，第四眾密音調御，五名具足言辭佛，第六妙音大吉祥。
		結會	第七佛智自在轉，第八普現眾生前，九等眾生吉祥身，十名德賢自性山。
			如是須彌塵數劫，所有上首諸如來，普為眾生作世燈，我皆供養無空過。
			復過佛刹極微數，劫中所有諸如來，我於一切咸供養，入此甚深解脫海。
		自法門	我於如是無邊劫，修行得此解脫門，汝今聞已速修行，不久亦當如我得。
			善男子！我唯知此菩薩普現一切世間調伏眾生解脫門。
			如諸菩薩摩訶薩，集無邊行海，發種種解心，現種種身，具種種根，滿種種願，入種種三昧，起種種神通，成就種種方便，能作種種利益，遊入種種智藏，照種種法門海，得種種法光明，往種種佛刹海，受種種佛灌頂，事種種善知識，悟種種解脫門，證種種自在心，起種種無作行，現種種難思色，順種種眾生心，起種種變化身，入種種菩薩地，知種種法因緣，離種種妄分別，依種種菩薩願，持種種佛遺教，安住出生普賢妙行，而我云何能知能說彼功德行？（二十五種無邊行海即於二十五有世間法起菩薩靜靜行）
		推薦精進	善男子！去此不遠菩提場中，有主夜神，名具足功德寂靜音海，坐星宿光幢摩尼王莊嚴寶蓮華藏師子之座，百萬阿僧祇夜神以為眷屬，前後圍遶。汝詣彼問：菩薩云何學菩薩行、修菩薩道？

入法界品善財童子五十三參之第三十五會寂靜音海夜神(五地)之一

會 處		閻浮提摩竭提國菩提場內不遠。(四十華嚴第三十五參，見附A35)	
善財童子	聞法信行	時，善財童子頂禮其足，遶無數匝，慇懃瞻仰，辭退而去。	
	前法契入	爾時，善財童子於普救眾生妙德夜神所，聞菩薩普現一切世間調伏眾生解脫門，了知信解，自在安住。	
	法門徵詢	而往寂靜音海夜神所，頂禮其足，遶無數匝，於前合掌而作是言：聖者！我已先發阿耨多羅三藐三菩提心，我欲依善知識，學菩薩行，入菩薩行，修菩薩行，住菩薩行。唯願慈悲，為我宣說：菩薩云何學菩薩行？云何修菩薩道？	
寂靜音海夜神成就第五地禪定波羅蜜	讚歎發心		時，彼夜神告善財言：善哉善哉！善男子！汝能依善知識求菩薩行。善男子！我得菩薩念念出生廣大喜莊嚴解脫門。
	依禪定波羅蜜發二十種入法界心（佛）	涅槃十波羅蜜	善財言：大聖！此解脫門為何事業？行何境界？起何方便？作何觀察？
			夜神言：善男子！
		佛	我發起清淨平等樂欲心，
			我發起離一切世間塵垢清淨堅固莊嚴不可壞樂欲心，
			我發起攀緣不退轉位永不退轉心，
			我發起莊嚴功德寶山不動心，
			我發起無住處心，
			我發起普現一切眾生前救護心，
			我發起見一切佛海無厭足心，
			我發起求一切菩薩清淨願力心，
			我發起住大智光明海心，
			我發起令一切眾生超過憂惱曠野心，
		菩薩十波羅蜜	我發起令一切眾生捨離愁憂苦惱心，
			我發起令一切眾生捨離不可意色、聲、香、味、觸、法心，
			我發起令一切眾生捨離愛別離苦、怨憎會苦心，
			我發起令一切眾生捨離惡緣、愚癡等苦心，
			我發起與一切險難眾生作依怙心，
			我發起令一切眾生出生死苦處心，
			我發起令一切眾生捨離生、老、病、死等苦心，
			我發起令一切眾生成就如來無上法樂心，
			我發起令一切眾生皆受喜樂心。
			我發起令一切眾生修行正行無厄難心。(此發心自四十華嚴)
	依禪定波羅蜜隨眾生心說三十七種相應法(法)	發是心已，復為說法，令其漸至一切智地。所謂：(三十七種說法)	
		若見眾生樂著所住宮殿、屋宅，我為說法，令其了達諸法自性，離諸執著；	
		若見眾生戀著父母、兄弟、姊妹，我為說法，令其得預諸佛菩薩清淨眾會；	
		若見眾生戀著妻子，我為說法，令其捨離生死愛染，起大悲心，於一切眾生平等無二；	
		若見眾生住於王宮，采女侍奉，我為說法，令其得與眾聖集會，入如來教；	

入法界品善財童子五十三參之第三十五會寂靜音海夜神(五地)之二

寂靜音海夜神成就第五地禪定波羅蜜

依禪定波羅蜜隨眾生心說三十七種相應法
(四十華嚴此處說四十二種相應法)

若見眾生染著境界，我為說法，令其得入如來境界；
若見眾生多瞋恚者，我為說法，令住如來忍波羅蜜；
若見眾生其心懈怠，我為說法，令得清淨精進波羅蜜；
若見眾生其心散亂，我為說法，令得如來禪波羅蜜；
若見眾生入見稠林無明暗障，我為說法，令得出離稠林黑暗；
若見眾生無智慧者，我為說法，令得般若波羅蜜；
若見眾生染著三界，我為說法，令出生死；
若見眾生志意下劣，我為說法，令其圓滿佛菩提願；
若見眾生住自利行，我為說法，令其發起利益一切諸眾生願；
若見眾生志力微弱，我為說法，令得菩薩力波羅蜜；
若見眾生愚癡闇心，我為說法，令得菩薩智波羅蜜；
若見眾生色相不具，我為說法，令得如來清淨色身；
若見眾生形容醜陋，我為說法，令得無上清淨法身；
若見眾生色相麤惡，我為說法，令得如來微妙色身；
若見眾生情多憂惱，我為說法，令得如來畢竟安樂；
若見眾生貧窮所苦，我為說法，令得菩薩功德寶藏；
若見眾生住止園林，我為說法，令彼勤求佛法因緣；
若見眾生行於道路，我為說法，令其趣向一切智道；
若見眾生在聚落中，我為說法，令出三界；
若見眾生住止人間，我為說法，令其超越二乘之道，住如來地；
若見眾生居住城廓，我為說法，令其得住法王城中；
若見眾生住於四隅，我為說法，令得三世平等智慧；
若見眾生住於諸方，我為說法，令得智慧見一切法；
若見眾生貪行多者，我為彼說不淨觀門，令其捨離生死愛染；
若見眾生瞋行多者，我為彼說大慈觀門，令其得入勤加修習；
若見眾生癡行多者，我為說法，令得明智觀諸法海；
若見眾生等分行者，我為說法，令其得入諸乘願海；
若見眾生樂生死樂，我為說法，令其厭離；
若見眾生厭生死苦，應為如來所化度者，我為說法，令能方便示現受生；
若見眾生愛著五蘊，我為說法，令其得住無依境界；
若見眾生其心下劣，我為顯示勝莊嚴道；
若見眾生心生憍慢，我為其說平等法忍；
若見眾生其心諂曲，我為其說菩薩直心。
善男子！我以此等無量法施攝諸眾生，種種方便教化調伏，令離惡道，受人天樂，脫三界縛，住一切智；我時便得廣大歡喜法光明海，其心怡暢，安隱適悅。

入法界品善財童子五十三參之第三十五會寂靜音海夜神(五地)之三

寂靜音海夜神成就第五地禪定波羅蜜	得三十二種觀察菩薩道場大願行		復次，善男子！我常觀察一切菩薩道場眾會，修種種願行，
			現種種淨身，有種種常光，放種種光明；
			以種種方便，入一切智門，入種種三昧，
			現種種神變，出種種音聲海，具種種莊嚴身，
			入種種如來門，詣種種國土海，
			見種種諸佛海，得種種辯才海，照種種解脫境，得種種智光海，
			入種種三昧海，遊戲種種諸解脫門，以種種門趣一切智，種種莊嚴虛空法界，
			以種種莊嚴雲遍覆虛空，觀察種種道場眾會，集種種世界，
			入種種佛刹，詣種種方海，受種種如來命，從種種如來所，與種種菩薩俱，雨種種莊嚴雲，
			入如來種種方便，觀如來種種法海，入種種智慧海，坐種種莊嚴座。
	觀察道場知佛神力生十一種大歡喜	佛	善男子！我觀察此道場眾會，知佛神力無量無邊，生大歡喜。
		法	善男子！我觀毘盧遮那如來，念念出現不可思議清淨色身；既見是已，生大歡喜。
		僧	又觀如來於念念中，放大光明充滿法界；既見是已，生大歡喜。
		精進	又見如來一一毛孔，念念出現無量佛刹微塵數光明海，一一光明以無量佛刹微塵數光明而為眷屬，一周遍一切法界，消滅一切諸眾生苦；既見是已，生大歡喜。
		禪定	又，善男子！我觀如來頂及兩肩，念念出現一切佛刹微塵數寶焰山雲，充滿十方一切法界；既見是已，生大歡喜。
		般若	又，善男子！我觀如來一一毛孔，於念念中，出一切佛刹微塵數香光明雲，充滿十方一切佛刹；既見是已，生大歡喜。
		方便	又，善男子！我觀如來一一相，念念出一切佛刹微塵數諸相莊嚴如來身雲，遍往十方一切世界；既見是已，生大歡喜。
		願	(疑缺文)
		力	又，善男子！我觀如來一一毛孔，於念念中，出不可說佛刹微塵數佛變化雲，示現如來從初發心、修波羅蜜、具莊嚴道、入菩薩地；既見是已，生大歡喜。
		智	又，善男子！我觀如來一一毛孔，念念出現不可說不可說佛刹微塵數天王身雲，及以天王自在神變，充遍一切十方法界，應以天王身而得度者，即現其前而為說法；既見是已，生大歡喜。
	總說法界成就		如天王身雲，其龍王、夜叉王、乾闥婆王、阿脩羅王、迦樓羅王、緊那羅王、摩睺羅伽王、人王、梵王身雲，莫不皆於一一毛孔，如是出現，如是說法；我見是已，於念念中，生大歡喜，生大信樂，量與法界薩婆若等。
			昔所未得而今始得，昔所未證而今始證，昔所未入而今始入，昔所未滿而今始滿，昔所未見而今始見，昔所未聞而今始聞。何以故？以能了知法界相故，知一切法唯一相故，能平等入三世道故，能說一切無邊法故。
	無盡解脫		善男子！我入此菩薩念念出生廣大喜莊嚴解脫光明海。又，善男子！…

入法界品善財童子五十三參之第三十五會寂靜音海夜神(五地)之四

寂靜音海夜神成就第五地禪定波羅蜜	禪定波羅蜜成就入法界三十二種無盡解脫(僧)	佛十波羅蜜	佛	此解脫無邊，普入一切法界門故；
			法	此解脫無盡，等發一切智性心故；
			僧	此解脫無際，入無際畔一切眾生心想中故；
			精進	此解脫甚深，寂靜智慧所知境故；
			禪定	此解脫廣大，周遍一切如來境故；
			般若	此解脫無壞，菩薩智眼之所知故；
			方便	此解脫無底，盡於法界之源底故。
		法十波羅蜜	願	此解脫者即是普門，於一事中普見一切諸神變故；
			力	此解脫者終不可取，一切法身等無二故；
			智	此解脫者終無有生，以能了知如幻法故；
			佛	此解脫者猶如影像，一切智願光所生故；
			法	此解脫者猶如變化，化生菩薩諸勝行故；
			僧	此解脫者猶如大地，為一切眾生所依處故；
			精進	此解脫者猶如大水，能以大悲潤一切故；
			禪定	此解脫者猶如大火，乾竭眾生貪愛水故；
			般若	此解脫者猶如大風，令諸眾生速疾趣於一切智故；
			方便	此解脫者猶如大海，種種功德莊嚴一切諸眾生故；
		僧十波羅蜜	願	此解脫者如須彌山，出一切智法寶海故；
			力	此解脫者如大城廓，一切妙法所莊嚴故；
			智	此解脫者猶如虛空，普容三世佛神力故；
			佛	此解脫者猶如大雲，普為眾生雨法雨故；
			法	此解脫者猶如淨日，能破眾生無知暗故；
			僧	此解脫者猶如滿月，滿足廣大福德海故；
			精進	此解脫者猶如真如，悉能周遍一切處故；
		總說	禪定	此解脫者猶如自影，從自善業所化出故；
			般若	此解脫者猶如呼響，隨其所應為說法故；
			方便	此解脫者猶如影像，隨眾生心而照現故；
			願	此解脫者如大樹王，開敷一切神通華故；
			力	此解脫者猶如金剛，從本已來不可壞故；
			智	此解脫者如如意珠，出生無量自在力故；
			本體	此解脫者如離垢藏，摩尼寶王示現一切三世如來諸神力故；
			力用	此解脫者如喜幢摩尼寶，能平等出一切諸佛法輪聲故
				善男子！我今為汝說此譬喻，汝應思惟，隨順悟入。
	法藏修十大			爾時，善財童子白寂靜音海夜神言：大聖！云何修行，得此解脫？
				夜神言：善男子！菩薩修行十大法藏，得此解脫。何等為十？
		布施		一修布施廣大法藏，隨眾生心悉令滿足；

入法界品善財童子五十三參之第三十五會寂靜音海夜神(五地)之五

寂靜音海夜神成就第五地禪定波羅蜜	修十波羅蜜法藏三十二解脫	淨戒	二修淨戒廣大法藏，普入一切佛功德海；
		堪忍	三修堪忍廣大法藏，能遍思惟一切法性；
		精進	四修精進廣大法藏，趣一切智恒不退轉；
		禪定	五修禪定廣大法藏，能滅一切眾生熱惱；
		般若	六修般若廣大法藏，能遍了知一切法海；
		方便	七修方便廣大法藏，能遍成熟諸眾生海；
		願	八修諸願廣大法藏，遍一切佛刹、一切諸眾生海，盡未來劫修菩薩行；
		力	九修諸力廣大法藏，念念現於一切法界海、一切佛國土，成等正覺常不休息；
		智	十修淨智廣大法藏，得如來智，遍知三世一切諸法無有障礙。
			善男子！若諸菩薩安住如是十大法藏，則能獲得如是解脫，清淨增長，積集堅固，安住圓滿。
	於十佛所成就本事		善財童子言：聖者！汝發阿耨多羅三藐三菩提心，其已久如？
		一切如來願光明音世界種	夜神言：善男子！此華藏莊嚴世界海東，過十世界海，有世界海，名一切淨光寶；此世界海中，有世界種，名一切如來願光明音；中有世界，名清淨光金莊嚴，一切香金剛摩尼王為體，形如樓閣，眾妙寶雲以為其際，住於一切寶瓔珞海，妙宮殿雲而覆其上，淨穢相雜。
		佛	此世界中，乃往古世，有劫名普光幢，國名普滿妙藏，道場名一切寶藏妙月光明，有佛名不退轉法界音，於此成阿耨多羅三藐三菩提；我於爾時，作菩提樹神，名具足福德燈光明幢，守護道場；我見彼佛成等正覺、示現神力、發阿耨多羅三藐三菩提心，即於此時，獲得三昧，名普照如來功德海。
		法	此道場中，次有如來出興於世，名法樹威德山；我時命終，還生此中，為道場主夜神，名殊妙福智光，見彼如來轉正法輪、現大神通，即得三昧，名普照一切離貪境界。
		僧	次有如來出興於世，名一切法海音聲王；我於彼時，身為夜神，因得見佛承事供養，即獲三昧，名生長一切善法地。
		精進	次有如來出興於世，名寶光明燈幢王；我於彼時，身為夜神，因得見佛承事供養，即獲三昧，名普現神通光明雲。
		禪定	次有如來，出興於世，名功德須彌光；我於彼時，身為夜神，因得見佛承事供養，即獲三昧，名普照諸佛海。
		般若	次有如來出興於世，名法雲音聲王；我於彼時，身為夜神，因得見佛承事供養，即獲三昧，名一切法海燈。
		方便	次有如來出興於世，名智燈照耀王；我於彼時，身為夜神，因得見佛承事供養，即獲三昧，名滅一切眾生苦清淨光明燈。
		願	次有如來出興於世，名法勇妙德幢；我於彼時，身為夜神，因得見佛承事供養，即獲三昧，名三世如來光明藏。
		力	次有如來出興於世，名師子勇猛法智燈；我於彼時，身為夜神，因得見佛承事供養，即獲三昧，名一切世間無障礙智慧輪。
		智	次有如來出興於世，名智力山王；我於彼時，身為夜神，因得見佛承事供養，即獲三昧，名普照三世眾生諸根行。

入法界品善財童子五十三參之第三十五會寂靜音海夜神(五地)之六

寂靜音海夜神成就第五地禪定波羅蜜	十波羅蜜成就入法界	依自性禪定入於一切眾生中	善男子！清淨光金莊嚴世界普光明幢劫中，有如是等佛刹微塵數如來出興於世。我於彼時，或為天王，或為龍王，或為夜叉王，或為乾闥婆王，或為阿脩羅王，或為迦樓羅王，或為緊那羅王，或為摩睺羅伽王，或為人王，或為梵王，或為天身，或為人身，或為男子身，或為女人身，或為童男身，或為童女身，悉以種種諸供養具，供養於彼一切如來，亦聞其佛所說諸法。
		獲得廣大喜莊嚴解脫能入十不可說佛刹微塵數世界海聽聞妙法現神通力(此十波羅蜜海)	從此命終，還即於此世界中生，經佛刹微塵數劫修菩薩行；然後命終，生此華藏莊嚴世界海娑婆世界，值迦羅鳩孫馱如來，承事供養，得三昧，名離一切塵垢光明。次值拘那含牟尼如來，承事供養，得三昧，名普現一切諸刹海。次值迦葉如來，承事供養，得三昧，名演一切眾生言音海。次值毘盧遮那如來，於此道場成正等覺，念念示現大神通力；我時得見，即獲此念念出生廣大喜莊嚴解脫。
			得此解脫已，能入十不可說不可說佛刹微塵數法界安立海，見彼一切法界安立海一切佛刹所有微塵，一一塵中有十不可說不可說佛刹微塵數佛國土。一一佛土皆有毘盧遮那如來坐於道場，於念念中，成正等覺，現諸神變；所現神變，一一皆遍一切法界海。
	入法界禪定門	得速疾陀羅尼門受持一切文義悟解一切修多羅	亦見自身在彼一切諸如來所，又亦聞其所說妙法；又亦見彼一切諸佛一一毛孔，出變化海，現神通力，於一切法界海、一切世界海、一切世界種、一切世界中，隨眾生心，轉正法輪。
			我得速疾陀羅尼力，受持思惟一切文義；以明了智，普入一切清淨法藏；以自在智，普遊一切甚深法海；以周遍智，普知三世諸廣大義；以平等智，普達諸佛無差別法。
	三十二種念念悉知無量如來	總說	如是悟解一切法門；一一法門中，悟解一切修多羅雲；一一修多羅雲中，悟解一切法海；一一法海中，悟解一切法品；一一法品中，悟解一切法雲；一一法雲中，悟解一切法流；一一法流中，出生一切大喜海；一一大喜海，出生一切地；一一地，出生一切三昧海；一一三昧海，得一切見佛海；一一見佛海，得一切智光海；一一智光海，普照三世，遍入十方。(十種成就)
			知無量如來往昔諸行海；
		佛十波羅蜜	知無量如來所有本事海；
			知無量如來難捨能施海；
			知無量如來清淨戒輪海；
			知無量如來清淨堪忍海；
			知無量如來廣大精進海；
			知無量如來甚深禪定海；
			知無量如來般若波羅蜜海；
			知無量如來方便波羅蜜海；
			知無量如來願波羅蜜海；
			知無量如來力波羅蜜海；
			知無量如來智波羅蜜海；

入法界品善財童子五十三參之第三十五會寂靜音海夜神(五地)之七

寂靜音海夜神成就第五地禪定波羅蜜	三十二種念念悉知無量如來諸行海等	法十波羅蜜	佛	知無量如來往昔超菩薩地；
			法	知無量如來往昔住菩薩地無量劫海，現神通力；
			僧	知無量如來往昔入菩薩地；
			精進	知無量如來往昔修菩薩地；
			禪定	知無量如來往昔治菩薩地；
			般若	知無量如來往昔觀菩薩地；
			方便	知無量如來昔為菩薩時，常見諸佛；
			願	知無量如來昔為菩薩時，盡見佛海、劫海同住；
			力	知無量如來昔為菩薩時，以無量身遍生刹海；
			智	知無量如來昔為菩薩時，周遍法界修廣大行；
		僧十波羅蜜	佛	知無量如來昔為菩薩時，示現種種諸方便門，調伏成熟一切眾生；
			法	知無量如來放大光明，普照十方一切刹海；
			僧	知無量如來現大神力，普現一切諸眾生前；
			精進	知無量如來廣大智地；
			禪定	(疑缺文)
			般若	知無量如來轉正法輪；
			方便	知無量如來示現相海；
			願	知無量如來示現身海；
			力	知無量如來廣大力海。
			智	彼諸如來，從初發心，乃至法滅；我於念念，悉得知見。
	善財童子徵詢發心久如清靜光金莊嚴世界今猶現在	善男子！汝問我言：汝發心來，其已久如？善男子！我於往昔，過二佛刹微塵數劫，如上所說，於清淨光金莊嚴世界中，為菩提樹神，聞不退轉法界音如來說法，發阿耨多羅三藐三菩提心；於二佛刹微塵數劫中修菩薩行，然後乃生此娑婆世界賢劫之中。從迦羅鳩孫馱佛至釋迦牟尼佛，及此劫中未來所有一切諸佛，我皆如是親近供養。如於此世界賢劫之中，供養未來一切諸佛；一切世界一切劫中，所有未來一切諸佛，悉亦如是親近供養。善男子！彼清淨光金莊嚴世界，今猶現在，諸佛出現相續不斷。汝當一心修此菩薩大勇猛門。		
		禪定十波羅蜜入法界	爾時，寂靜音海主夜神，欲重宣此解脫義，為善財童子而說頌言：	
	佛		善財聽我說，清淨解脫門，聞已生歡喜，勤修令究竟。	
	法		我昔於劫海，生大信樂心，清淨如虛空，常觀一切智。	
	僧		我於三世佛，皆生信樂心；并及其眾會，悉願常親近。	
	精進		我昔曾見佛，為眾生供養，得聞清淨法，其心大歡喜。	
	禪定		常尊重父母，恭敬而供養；如是無休懈，入此解脫門。	
	般若		老病貧窮人，諸根不具足；一切皆愍濟，令其得安隱。	
	方便		水火及王賊，海中諸恐怖；我昔修諸行，為救彼眾生。	
	願		煩惱恒熾然，業障所纏覆，墮於諸險道，我救彼眾生。	
	力		一切諸惡趣，無量楚毒苦，生老病死等，我當悉除滅。	
	智	願盡未來劫，普為諸群生，滅除生死苦，得佛究竟樂。		

入法界品善財童子五十三參之第三十五會寂靜音海夜神(五地)之八

寂靜音海夜神成就第五地禪定波羅蜜	自法門	善男子！我唯知此念念生廣大喜莊嚴解脫。
	自宗門	如諸菩薩摩訶薩，深入一切法界海，悉知一切諸劫數，普見一切剎成壞；而我云何能知能說彼功德行？
	推薦精進	善男子！此菩提場如來會中，有主夜神，名守護一切城增長威力。汝詣彼問：菩薩云何學菩薩行、修菩薩道？
	依禪定十波羅蜜成就說偈結會	爾時，善財童子一心觀察寂靜音海主夜神身，而說頌言：
		我因善友教，來詣天神所，見神處寶座，身量無有邊。
		非是著色相，計有於諸法，劣智淺識人，能知尊境界。
		世間天及人，無量劫觀察，亦不能測度，色相無邊故。
		遠離於五蘊，亦不住於處，永斷世間疑，顯現自在力。
		不取內外法，無動無所礙，清淨智慧眼，見佛神通力。
		身為正法藏，心是無礙智，既得智光照，復照諸群生。
		心集無邊業，莊嚴諸世間，了世皆是心，現身等眾生。
		知世悉如夢，一切佛如影，諸法皆如響，令眾無所著。
		為三世眾生，念念示現身，而心無所住，十方遍說法。
		無邊諸剎海，佛海眾生海，悉在一塵中，此尊解脫力。
		時，善財童子說此偈已，頂禮其足，遶無量匝，慇懃瞻仰，辭退而去。

附A35：四十華嚴善財童子之第三十五會寂靜音海夜神(五地)之一

會 處		閻浮提摩竭提國菩提場內不遠。(此處經文依四十華嚴)
善財童子參訪第五地	聞法信行	時，善財童子，頂禮其足，遶無數匝，慇懃瞻仰，一心戀慕，辭退而去。
	前法契入於所得教皆悉修習	爾時，善財童子於普救眾生威德吉祥夜神所，聞菩薩普現一切世間調伏眾生解脫門，及得一切如來現前三昧，超出一切眾生莊嚴三昧，得如是等十千三昧，皆悉修習，起深信解，光明普照，周遍隨順，趣入遊履，廣大出生，自在作用，漸次前行。
	法門徵詢	往詣具足功德寂靜音海夜神所，頂禮其足，遶無數匝，合掌恭敬，而作是言：聖者！我已先發阿耨多羅三藐三菩提心，我依善知識故，學菩薩行，修菩薩行，入菩薩行，住菩薩行，我願出生一切智海不思議法，唯願慈哀，為我宣說，菩薩云何學菩薩行，云何修菩薩道。
寂靜音海夜神成就第五地禪定波羅蜜	讚歎發心	時彼夜神，告善財言：善哉善哉！善男子！汝能依止諸善知識，求菩薩行，善男子！我得菩薩念念出生廣大歡喜莊嚴解脫門。
		善財言：大聖！此解脫門為何事業，行何境界，修何方便，作何觀察。
		夜神言：善男子！
	依禪定波羅蜜發二十種入法界心（佛）	佛 我發起清淨平等樂欲心。
		法 我發起離一切世間塵垢清淨堅固莊嚴心。
		僧 我發起於一切事難作能作決定不退心。
		精進 我發起莊嚴一切功德寶山猶如須彌處金輪上永不傾動心。
		禪定 我發起於一切處無所住著心。
		般若 我發起普現一切眾生前皆能救護心。
		方便 我發起見一切佛海無有厭足心。
		願 我發起求一切菩薩清淨願力心。
		力 我發起住普遍大智光明海心。
		智 我發起令一切眾生超過憂惱生死曠野心。
	菩薩十波羅蜜	佛 我發起令一切眾生捨離愁歎眾苦心。
		法 我發起令一切眾生捨離種種不可意色聲香味觸法心。
		僧 我發起令一切眾生捨離種種恩愛別離怨憎會苦心。
		精進 我發起令一切眾生捨離種種惡業因緣愚癡等苦心。
		禪定 我發起與一切惡趣險難眾生作救護心。
		般若 我發起令一切眾生出生死苦顯示正道心。
		方便 我發起令一切眾生捨離生老病死等苦心。
		願 我發起令一切眾生成就如來無上法樂心。
		力 我發起令一切眾生皆受清淨大喜樂心。
		智 我發起令一切眾生修行正行無厄難心。
	四十二位行法成就入世間	發是心已，復為說法，令其漸至一切智地，所謂：(四十二種說法)
		若見眾生樂著所住宮殿屋宅，我為說法，令其了達諸法本性，離諸執著。
		若見眾生戀著父母兄弟親屬，我為說法，令其得入諸佛菩薩清淨眾會。

附A35：四十華嚴善財童子之第三十五會寂靜音海夜神(五地)之二

寂靜音海夜神成就第五地禪定波羅蜜	依禪定波羅蜜隨眾生心說四十二種相應法	若見眾生戀著妻子情無捨離，我為說法，令其捨離生死愛染，起大悲心，於一切眾生平等無二。
		若見眾生戀著市肆塵里集會，我為說法，令其得與眾聖集會。
		若見眾生貪著資具，我為說法，令其具足諸波羅蜜。
		若見眾生愛著音樂，我為說法，令其愛樂清淨法樂。
		若見眾生著五欲境，我為說法，令其得入如來境界。
		若見眾生多起瞋恚，我為說法，令住如來忍波羅蜜。
		若見眾生其心懈怠，我為說法，令得清淨勤波羅蜜。
		若見眾生其心散亂，我為說法，令得如來禪波羅蜜。
		若見眾生入見稠林無明闇障，我為說法，令得出離稠林黑闇。
		若見眾生無有智慧，我為說法，令其成就般若波羅蜜。
		若見眾生染著三界，我為說法，令於生死心無取捨而得安住方便波羅蜜。
		若見眾生志意下劣，我為說法，令其圓滿佛菩提願。
		若見眾生但求自利，我為說法，令其發起平等利益諸眾生願。
		若見眾生志樂微弱，我為說法，令得菩薩力波羅蜜。
		若見眾生愚癡黑闇，我為說法，令得如來究竟清淨智波羅蜜。
		若見眾生色相不具，我為說法，令得如來圓滿色身。
		若見眾生形容醜陋，我為說法，令得無上清淨法身。
		若見眾生色相麤惡，我為說法，令得微細金色皮膚。
		若見眾生諸苦逼迫，我為說法，令得如來最極安樂。
		若見眾生種種安樂，我為說法，令其安住一切智樂。
		若見眾生種種病苦，我為說法，令其成就如影像身。
		若見眾生積集色愛，我為說法，令其愛樂諸菩薩行。
		若見眾生貧窮所困，我為說法，令得菩薩功德寶藏。
		若見眾生樂止園林，我為說法，令其供養承事諸佛住法園苑。
		若見眾生遊行道路，我為說法，令其趣向一切智道。
		若見眾生樂居村邑，我為說法，令出三界。
		若見眾生樂住聚落，我為說法，令其超越二乘之道住如來地。
		若見眾生樂住城郭，我為說法，令其得住法王城中。
		若見眾生樂止四隅，我為說法，令得三世平等智慧。
		若見眾生樂止諸方，我為說法，令得智慧見一切法。
		若見眾生貪行多者，我為彼說不淨觀門，令其捨離生死渴愛。
		若見眾生瞋行多者，我為彼說大慈觀門，令勤修習心無惱害。
		若見眾生癡行多者，我為說法，令得智眼觀諸法海。
		若見眾生等分行者，我為說法，令其得入一切勝智諸大願海。
		若見眾生樂生死樂，我為說法，令其厭離。

附A35：四十華嚴善財童子之第三十五會寂靜音海夜神(五地)之三

寂靜音海夜神成就第五地禪定波羅蜜	依禪定波羅蜜隨眾生心說四十二種相應法即四十二位行法成就入世間		若見眾生厭生死苦應為如來之所化者，我為說法，令悟無生示現受生。
			若見眾生愛著五蘊，我為說法，令其得住無依境界。
			若見眾生其心下劣，我為顯示勝莊嚴道。
			若見眾生心生憍慢，為說如來平等法忍。
			若見眾生其心諂曲，為說菩薩清淨直心。
			善男子！我以如是無量法施，攝諸眾生，種種方便教化調伏，令離惡道受人天樂，脫三界縛住一切智，我時便得廣大歡喜法光明海，速疾愛樂甚深圓滿，其心怡暢，安隱適悅。
			復次，善男子！我常觀察一切菩薩道場眾海，修種種願行，
	得三十二種觀察菩薩道場大願行		現種種淨身，有種種常光，放種種光明，
			以種種方便，入一切智門，入種種三昧，
			現種種神變，出種種音聲海，具種種莊嚴身，
			入種種如來門，詣種種國土海，
			見種種諸佛海，得種種辯才海，照種種解脫境，得種種智光海，
			入種種三昧海，遊戲種種解脫宮殿，以種種門趣一切智，以莊嚴雲覆虛空界，
			觀察種種道場眾會，集種種世界，入種種佛刹，詣種種方海，受種種如來命，
			從種種如來所，與種種菩薩俱，雨種種莊嚴雲，
			入如來種種方便，觀如來種種法海，思如來種種神通門，順如來種種智慧海，往如來種種殊勝會，坐如來種種莊嚴座。
		佛	善男子！我觀察此道場眾會，知佛神力無量無邊，生大歡喜。
	觀察道場知佛神力生十一種大歡喜	法	善男子！我觀毘盧遮那如來，念念出現不思議色身，既見是已，生大歡喜。
		僧	又觀如來，於念念中放大光明，充滿無邊廣大法界，既見是已，生大歡喜。
		精進	又見如來一一毛孔，念念出現無量佛刹極微塵數光明海，一一光明以無量佛刹極微塵數光明而為眷屬，一周遍一切法界，銷滅一切諸眾生苦，既見是已，生大歡喜。
		禪定	又善男子，我觀如來頂及兩肩，念念出現一切佛刹極微塵數寶焰山雲，充滿十方一切法界，既見是已，生大歡喜。
		般若	又善男子，我觀如來一一毛孔，於念念中，出一切佛刹極微塵數香光明雲，充滿十方一切佛刹，既見是已，生大歡喜。
		方便	又善男子，我觀如來一一相海，於念念中，出一切佛刹極微塵數諸相莊嚴如來身雲，遍往十方一切世界，既見是已，生大歡喜。
		願	又善男子，我觀如來一一隨好，於念念中，出一切佛刹極微塵數隨好光明如來身雲，既見是已，生大歡喜。
		力	又善男子，我觀如來一一毛孔，於念念中，出不可說不可說佛刹極微塵數佛變化雲，示現如來從初發心，修波羅蜜，具莊嚴道，入菩薩地，遊戲菩薩種種神力，既見是已，生大歡喜。
		智	又善男子，我觀如來一一毛孔，念念出現不可說不可說佛刹極微塵數天王身雲，及以天王自在神變，充遍一切十方法界，應以天王身而得度者，即現其前而為說法，既見是已，生大歡喜。

附A35：四十華嚴善財童子之第三十五會寂靜音海夜神(五地)之四

寂靜音海夜神成就第五地禪定波羅蜜	十一種大歡喜	如來地成就入法界自在知法界相故	又善男子，我觀如來一一毛孔，念念出現不可說不可說佛刹極微塵數龍王身雲，夜叉王身雲，乾闥婆王身雲，阿脩羅王身雲，迦樓羅王身雲，緊那羅王身雲，摩睺羅伽王身雲，人王身雲，梵王身雲，莫不念念毛孔中現如是神變，如是身相，如是言音，如是說法，我見是已，於念念中，生大歡喜。廣大信樂，量與法界薩婆若等。	
			昔所未得，而今始得，昔所未解，而今始解，昔所未證，而今始證，昔所未入，而今始入，昔所未滿，而今始滿，昔所未見，而今始見，昔所未聞，而今始聞，何以故？以能了知法界相故，知一切法唯一相故，能平等入三世道故，能說一切無邊法故。	
	禪定波羅蜜成就入法界三十三種無盡解脫（僧）	佛十波羅蜜	善男子！我入此菩薩念念出生廣大歡喜莊嚴解脫光明海。又善男子，（佛法僧各十，末三自性法）	
			佛	此解脫無邊，普入一切法界門故。
			法	此解脫無盡，等發一切智性心故。
			僧	此解脫無量，菩薩智眼所知境故。
			精進	此解脫無際，入無際畔一切眾生心想中故。
			禪定	此解脫甚深，寂靜智慧所觀察故。
			般若	此解脫廣大，周遍一切如來境故。
			方便	此解脫無壞，菩薩智眼之所知故。
			願	此解脫無底，盡於法界之源底故。
			力	此解脫者即是普門，於一事中普遍出生諸神變故。
			智	此解脫者體性不空，一切法身等無二故。
		法十波羅蜜	佛	此解脫者終無有生，以能了知如幻法故。
			法	此解脫者猶如影像，一切智願光所生故。
			僧	此解脫者猶如變化，諸菩薩行妙變化故。
			精進	此解脫者猶如大地，為一切眾生所依處故。
			禪定	此解脫者猶如大水，能以大悲潤一切故。
			般若	此解脫者猶如大火，乾竭眾生貪愛水故。
			方便	此解脫者猶如大風，令諸眾生速疾趣於一切智故。
			願	此解脫者猶如大海，眾功德寶。莊嚴一切諸眾生故。
			力	此解脫者如須彌山，出一切智法寶海故。
			智	此解脫者如天宮殿，一切妙法所莊嚴故。
		僧十波羅蜜	佛	此解脫者猶如虛空，普容三世一切如來神通力故。
			法	此解脫者猶如大雲，普為眾生雨法雨故。
			僧	此解脫者猶如淨日，能破眾生無知闇故。
			精進	此解脫者猶如滿月，滿足廣大福智海故。
			禪定	此解脫者猶如如來，於一切處正遍知故。
			般若	此解脫者猶如自影，從自善業所化出故。

附A35：四十華嚴善財童子之第三十五會寂靜音海夜神(五地)之五

寂靜音海夜神成就第五地禪定波羅蜜	三十三種無盡解脫	僧	方便	此解脫者猶如谷響，隨其所應為說法故。	
		波	願	此解脫者猶如影像，隨眾生心而照現故。	
		羅	力	此解脫者如大樹王，開敷一切神通華故。	
		蜜	智	此解脫者猶如金剛，從本已來不可壞故。	
		總說	僧	此解脫者如如意珠，出生無量自在力故。	
			法	此解脫者如離垢藏摩尼寶王，示現一切三世如來諸神變故。	
			佛	此解脫者猶如喜幢妙摩尼寶，能平等出一切諸佛法輪聲故。	
		勸行悟入	善男子！我今為汝，種種稱讚此解脫門無比希有真實功德，難解難入，難信難知，汝應思惟，隨順悟入。		
	修十波羅蜜法藏得此三十三種解脫	云何修法	爾時，善財童子白夜神言：聖者！云何修行得此解脫，具足圓滿。夜神言：善男子！菩薩修行十大法藏，積集圓滿，光明遍照愛樂出生，威力自在，則能成就此解脫門，何等為十？		
		布施	一修布施廣大法藏，隨眾生心悉令滿足。（本自具足名施）		
		淨戒	二修淨戒廣大法藏，普入一切佛功德海。（不入非法名戒）		
		安忍	三修安忍廣大法藏，能遍思惟一切法性。（順諸法性名忍）		
		精進	四修精進廣大法藏，趣一切智恒無退轉。		
		禪定	五修禪定廣大法藏，能滅一切眾生熱惱。		
		般若	六修般若廣大法藏，能遍了知一切法海。		
		方便	七修方便廣大法藏，能遍成熟諸眾生海。		
		願	八修諸願廣大法藏，能遍遊入諸佛刹海，為諸眾生，盡未來劫，修菩薩行。		
		力	九修諸力廣大法藏，能念念中現於一切法界教海，於一切刹成等正覺常無休息。		
	於十佛所成就本事	智	十修淨智廣大法藏，能得如來清淨妙智，遍知三世一切諸法無有障礙。		
			善男子！若諸菩薩，安住如是十大法藏，則能獲得如是解脫，清淨增長，積集具足，出生堅固，廣大成就，安住圓滿。		
			善財白言：聖者！汝發阿耨多羅三藐三菩提心，其已久如？		
		大願光明音世界種	夜神言：善男子！此華藏莊嚴世界海東，過千世界海，有世界海，名一切淨光眾寶莊嚴，有世界種，名大願光明音，中有世界，名無垢金光莊嚴，以一切香金剛摩尼王為體，形如樓閣，眾妙寶雲以為其際，住於一切寶瓔珞海，妙宮殿雲而覆其上，淨穢相雜。		
		佛	彼世界中，乃往古世，有劫，名普照光幢，有國名普寶吉祥藏，有菩提場，名一切寶藏眾色光明，有佛，名不退轉法界妙音，於此場中，成等正覺，我於爾時，作菩提樹神，名福德燈光明幢，守護道場，見彼如來成等正覺，示現種種自在神力，發阿耨多羅三藐三菩提心，即於此時，獲得三昧，名普照如來功德海。		
		法	彼道場中，次有如來，出興於世，名法樹威德山王，我時命終，還生於此，為道場主夜神名，吉祥福智光明，見彼如來轉正法輪現大神通，即得三昧，名普照一切離貪境界。		
		僧	次有如來出興於世，名一切法海音聲王，我為夜神，因得見佛，種種承事，供養恭敬，心生歡喜，即獲三昧，名增長一切善法地。		

附A35：四十華嚴善財童子之第三十五會寂靜音海夜神(五地)之六

寂靜音海夜神成就第五地禪定波羅蜜	於十佛所成就本事	精進	次有如來出興於世，名寶光明燈幢王，我為夜神，因得見佛，承事供養，令其歡喜，即獲三昧，名普現神通光明雲。
		禪定	次有如來出興於世，名功德須彌光威德王，我為夜神，因得見佛，承事供養，令得歡喜，則獲三昧，名普照諸佛海。
		般若	次有如來出興於世，名法雲妙音聲王，我為夜神，因得見佛，承事供養，令心歡喜，即獲三昧，名一切法海燈。
		方便	次有如來出興於世，名智炬光照王，我為夜神，因得見佛，承事供養，令其歡喜，即獲三昧，名滅一切眾生苦光照燈。
		願	次有如來出興於世，名妙法神通速疾幢，我為夜神，因得見佛，承事供養，心大歡喜，即獲三昧，名三世如來所行光明藏。
		力	次有如來出興於世，名法燈勇猛智慧師子王，我為夜神，因得見佛，承事供養，令生歡喜，即獲三昧，名一切世間無礙智輪威德光。
		智	次有如來出興於世，名智力具足威德王，我為夜神，因得見佛，承事供養，令心歡喜，即獲三昧，名普照三世眾生根行影像。
	自性禪定法入於一切眾生中	如是，善男子！彼無垢金光莊嚴世界，普照光明幢劫中，有如是等十佛刹極微塵數如來出興於世，我於彼時，或為天王，或為龍王，或為夜叉王，或為乾闥婆王，或為阿脩羅王，或為迦樓羅王，或為緊那羅王，或為摩睺羅伽王，或為人王，或為梵王，或為天身，或為人身，或為男子身，或為女人身，或為童男身，或為童女身，悉以種種諸供養具，恭敬供養尊重承事彼諸如來，亦聞諸佛所說妙法，悉皆聽受，憶持不忘。	
	獲得廣大喜莊嚴解脫能入十不可說佛刹極微塵數世界海聽聞妙法現神通力（此十波羅蜜海）	從此命終，還即於此世界中生，經於佛刹極微塵數劫，修行菩薩種種妙行，然後壽終，生此華藏莊嚴世界海中娑婆世界，值迦羅鳩孫馱如來，承事供養，令生歡喜，得三昧，名離一切塵垢影像光明。次值拘那含牟尼如來，承事供養，令生歡喜，得三昧，名普光遍照一切刹海。次值迦葉如來，承事供養，令生歡喜，得三昧，名演一切眾生妙音聲海。次值毘盧遮那如來，於此道場成等正覺，念念示現種種神通廣大威力，我時得見，即獲此念念出生廣大歡喜莊嚴解脫門。	
		得此解脫已，能入十不可說不可說佛刹極微塵數法界諸安立海，見彼一切法界安立海，一切佛刹所有極微塵，一一塵中，有十不可說不可說佛刹極微塵數諸佛國土，一一國土，皆有毘盧遮那如來，坐於道場，於念念中成等正覺，現諸神變，所現神變，一一皆遍一切法界海。	
		亦見自身在彼一切諸如來所，又亦聞彼一切世界一切如來種種說法，我悉聽受憶持不忘，復次善男子，我復見彼一切如來一一毛孔，出生種種變化海，現神通力，於十方一切法界海，一切佛刹海一切世界種，一切世界中，隨諸眾生種種生類，種種心性，種種想行，如其所應轉正法輪。	
	得速疾陀羅尼門受持一切文義悟解一切修多羅	我得速疾陀羅尼力，悉能受持一切文義，正念思惟，以明了智，普入一切清淨法藏，以自在智，普遊一切甚深法海，以周遍智，普知三世諸廣大義，以平等智，普達諸佛無差別法。	
		我能如是悟解一切諸佛法門，一一法門中悟解一切修多羅雲，一一修多羅雲中悟解一切法海，一一法海中悟解一切法品，一一法品中悟解一切法雲，一一法雲中悟解一切法流，一一法流中出生一切法愛樂海，一一法愛樂海出生一切地，一一地中出生一切三昧海，一一三昧海得一切見佛海，一一見佛海得一切智光海，一一智光海普照三世遍入十方。（悟解十一種微細佛法門）	

附A35：四十華嚴善財童子之第三十五會寂靜音海夜神(五地)之七

寂靜音海夜神成就第五地禪定波羅蜜	三十二種念念知無量如來往昔諸行海所有本事海等	總說	知無量如來過去諸行海。(相用)
			知無量如來所有本事海。(本體)
		佛十波羅蜜	佛 知無量如來難捨能捨布施波羅蜜海。
			法 知無量如來圓滿淨戒波羅蜜海。
			僧 知無量如來清淨安忍波羅蜜海。
			精進 知無量如來廣大精進波羅蜜海。
			禪定 知無量如來圓滿清淨禪波羅蜜海。
			般若 知無量如來甚深趣入般若波羅蜜海。
			方便 知無量如來種種方便波羅蜜海。
			願 知無量如來種種增長願波羅蜜海。
			力 知無量如來種種成就力波羅蜜海。
			智 知無量如來種種圓滿智波羅蜜海。
		法十波羅蜜	佛 知無量如來過去種種超菩薩地無障礙行智光普照海。
			法 知無量如來過去種種住菩薩地無障礙行無量劫海現神通力。
			僧 知無量如來過去種種圓滿菩薩地。
			精進 知無量如來過去種種修習菩薩地。
			禪定 知無量如來過去種種淨治菩薩地。
			般若 知無量如來過去種種觀察菩薩地。
			方便 知無量如來過去為菩薩時常見諸佛如影隨形。
			願 知無量如來過去為菩薩時盡見佛海劫海同住。
			力 知無量如來過去為菩薩時以無量身遍生剎海。
			智 知無量如來過去為菩薩時周遍法界修廣大行。
		僧十波羅蜜	佛 知無量如來過去為菩薩時示現種種諸方便門調伏成熟一切眾生。
			法 知無量如來放大光明普照十方一切剎海。
			僧 知無量如來現大神力普現一切眾生之前。
			精進 知無量如來廣大智地光明自在。
			禪定 知無量如來成等正覺神變難思。
			般若 知無量如來轉正法輪悉能受持無有忘失。
			方便 知無量如來示現相海。
			願 知無量如來示現身海。
			力 知無量如來廣大境界。
			智 彼諸如來，從初發心，乃至法滅，如是等法，所有勤求，相應方便我於念念，悉得知見甚深證入。
		徵詢 發心久如	善男子！汝問我言，發心已來，為久如者，我念往昔過二佛剎極微塵數劫，如上所說，於無垢金光莊嚴世界，為福德燈圓滿光明幢菩提樹神，聞不退轉法界妙音如來種種說法，發阿耨多羅三藐三菩提心。

附A35：四十華嚴善財童子之第三十五會寂靜音海夜神(五地)之八

寂靜音海夜神成就第五地禪定波羅蜜	發心久如清靜光金莊嚴世界今猶現在		經二佛刹極微塵數劫，種種修行諸菩薩行，然後生此娑婆世界賢劫之中，從迦羅鳩孫馱佛，至釋迦牟尼佛，及此劫中，未來所有一切如來，我皆親近，承事供養，恭敬尊重，令生歡喜。
			如此世界賢劫之中，供養未來一切諸佛，一切世界一切劫中所有未來一切諸佛，悉亦如是，親近承事，種種供養，善男子！彼無垢金光莊嚴世界今猶現在，諸佛出現相續不斷，汝當一心修此菩薩大勇猛門。
	禪定十波羅蜜入法界		爾時，具足功德寂靜音海主夜神，欲重宣此解脫門義，為善財童子，而說偈曰：
		佛	善財汝今聽我說，如是淨妙解脫門，聞已愛樂生歡喜，究竟勤修令悟入。
		法	我昔修行多劫海，生於廣大深信心，常觀法性令現前，速證如空一切智。
		僧	我於三世諸佛所，咸生廣大信樂心，最勝清淨諸眷屬，悉願承事常親近。
		精進	我見過去天人師，為利眾生皆供養，聞此廣大淨法門，其心愛敬生歡喜。
		禪定	常於父母及師長，尊重恭敬令歡悅，如是曾無休懈心，於此解脫能深入。
		般若	又於老病貧窮人，無主諸根不具足，經無數劫受輪迴，慈心愍濟令安樂。
		方便	濁劫水火及王賊，醉象惡獸諸恐怖，我昔修行有海中，種種救護令除免。
		願	三有煩惱恒熾然，諸惡業障常纏覆，墮於生死險難中，我昔救彼令除滅。
		力	一切恐怖惡趣中，種種苦難恒相續，生老病死厄其身，我當救彼咸令出。
		智	願盡未來一切劫，普為苦惱諸群生，滅除生死使無餘，得佛究竟諸安樂。
	自法門		善男子！我唯知此念念速疾出生廣大歡喜莊嚴解脫門。
	自宗門精進		如諸菩薩摩訶薩，深入一切法界海，遠離一切內外苦，永除一切諸妄想，具足一切菩薩智，悉知一切諸劫數，普見一切刹成壞，而我云何能知能說彼功德行。
	推薦精進		善男子！此菩提場，如來清淨圓滿會中，有主夜神，名守護一切城增長威德，汝詣彼問，菩薩云何學菩薩行，修菩薩道。
	依禪定十波羅蜜成就說偈結會		爾時善財童子，一心觀察具足功德寂靜音海主夜神身，合掌恭敬，以偈讚曰：
		佛	我因隨順善友教，今來得詣天神所，身無邊量等須彌，處座莊嚴皆妙好。
		法	非是執著於色相，計有諸法為依止，邪見淺識劣智人，而能了知尊境界。
		僧	一切世間天及人，於無邊劫常觀察，不能測度聖天身，色相無量難思故。
		精進	天能遠離於諸蘊，亦復不依於界處，普為眾生出世間，示現種種神通力。
		禪定	最勝智眼常清淨，無垢無動無所著，能觀一切極微中，見佛種種神通力。
		般若	仁今身為正法藏，心智無礙常清淨，既得如來智慧光，復照一切諸群品。
		方便	心能普集無邊業，莊嚴一切諸世間，了一切法皆是心，現身等彼眾生數。
		願	解了世間猶若夢，一切諸佛猶如影，諸法如響悉皆空，隨心普現而無著。
		力	天能普為諸眾生，念念現身恒自在，於有於無心不住，常聞說法遍諸方。
		智	無量刹塵諸刹海，及善逝海眾生海，如是悉在一塵中，此尊解脫境界力。
			時善財童子，以此妙偈讚彼神已，頂禮其足，遶無數匝，慇懃瞻仰，辭退而去。

入法界品善財童子五十三參之第三十六會守護一切城夜神(六地)之一

會 處		菩提場如來會中。(四十華嚴第三十六參，見附A36)
善財童子參訪第六地位	聞法信行	時，善財童子說此偈已，頂禮其足，遶無量匝，慇懃瞻仰，辭退而去。
	前法契入	爾時，善財童子隨順寂靜音海夜神教，思惟觀察所說法門，一一文句皆無忘失，於無量深心、無量法性、一切方便神通智慧，憶念思擇，相續不斷；其心廣大，證入安住。
	依善知識教見善知識相	行詣守護一切城夜神所，見彼夜神坐一切寶光明摩尼王師子之座，無數夜神所共圍遶，現一切眾生色相身，現普對一切眾生身，現不染一切世間身，現一切眾生身數身，現超過一切世間身，現成熟一切眾生身，現速往一切十方身，現遍攝一切十方身，現究竟如來體性身，現究竟調伏眾生身。(坐師子座現十種身)
	徵詢發心	善財見已，歡喜踊躍，頂禮其足，遶無量匝，於前合掌而作是言：聖者！我已先發阿耨多羅三藐三菩提心，而未知菩薩修菩薩行時，云何饒益眾生？云何以無上攝而攝眾生？云何順諸佛教？云何近法王位？唯願慈哀，為我宣說！
守護一切城主夜神成就第六地般若波羅蜜	般若行法依十波羅蜜發心	時，彼夜神告善財言：善男子！
		佛 汝為救護一切眾生故，
		法 汝為嚴淨一切佛刹故，
		僧 汝為供養一切如來故，
		精進 汝欲住一切劫救眾生故，
		禪定 汝欲守護一切佛種性故，
		般若 汝欲普入十方修諸行故，
		方便 汝欲普入一切法門海故，
		願 汝欲以平等心遍一切故，
		力 汝欲普受一切佛法輪故，
		智 汝欲普隨一切眾生心之所樂雨法雨故，
	甚深自在妙音解脫法施眾生(東)	問諸菩薩所修行門。
		善男子！我得菩薩甚深自在妙音解脫，
		佛 為大法師，無所罣礙，善能開示諸佛法藏故；
		法 具大誓願、大慈悲力，令一切眾生住菩提心故；
		僧 能作一切利眾生事，積集善根無有休息故；
		精進 為一切眾生調御之師，令一切眾生住薩婆若道故；
		禪定 為一切世間清淨法日，普照世間，令生善根故；
		般若 於一切世間其心平等，普令眾生增長善法故；
		方便 於諸境界其心清淨，除滅一切諸不善業故；
		願 誓願利益一切眾生，身恒普現一切國土故；
		力 示現一切本事因緣，令諸眾生安住善行故；
		智 恒事一切諸善知識，為令眾生安住佛教故。
		佛子！我以此等法施眾生，令生白法，求一切智，其心堅固猶如金剛那羅延藏，善能觀察佛力、魔力，常得親近諸善知識，摧破一切業惑障山，集一切智助道之法，心恒不捨一切智地。

入法界品善財童子五十三參之第三十六會守護一切城夜神(六地)之二

守護一切城主夜神成就第六地般若波羅蜜	十種觀察法界（南）		善男子！我以如是淨法光明饒益一切眾生，集善根助道法時，作十種觀察法界，何者為十？所謂：
		佛	我知法界無量，獲得廣大智光明故；
		法	我知法界無邊，見一切佛所知見故；
		僧	我知法界無限，普入一切諸佛國土，恭敬供養諸如來故；
		精進	我知法界無畔，普於一切法界海中，示現修行菩薩行故；
		禪定	我知法界無斷，入於如來不斷智故；
		般若	我知法界一性，如來一音，一切眾生無不了故；
		方便	我知法界性淨，了如來願普度一切諸眾生故；
		願	我知法界遍眾生，普賢妙行悉周遍故；
		力	我知法界一莊嚴，普賢妙行善莊嚴故；
		智	我知法界不可壞，一切智善根充滿法界不可壞故。
	得十種陀羅尼輪（西）		善男子！我作此十種觀察法界，集諸善根辦助道法，了知諸佛廣大威德，深入如來難思境界。
			又善男子！我如是正念思惟，得如來十種大威德陀羅尼輪，何者為十？所謂：
		佛	普入一切法陀羅尼輪、
		法	普持一切法陀羅尼輪、
		僧	普說一切法陀羅尼輪、
		精進	普念十方一切佛陀羅尼輪、
		禪定	普說一切佛名號陀羅尼輪、
		般若	普入三世諸佛願海陀羅尼輪、
		方便	普入一切諸乘海陀羅尼輪、
		願	普入一切眾生業海陀羅尼輪、
		力	疾轉一切業陀羅尼輪、
		智	疾生一切智陀羅尼輪。
	恒為眾生演說妙法（北）		善男子！此十陀羅尼輪，以十千陀羅尼輪而為眷屬，恒為眾生演說妙法。
			善男子！我或為眾生說聞慧法，或為眾生說思慧法，或為眾生說修慧法，
		佛	或為眾生說一有法，或為眾生說一切有法，
		法	或為說一如來名海法，或為說一切如來名海法，
		僧	或為說一世界海法，或為說一切世界海法，
		精進	或為說一佛授記海法，或為說一切佛授記海法，
		禪定	或為說一如來眾會道場海法，或為說一切如來眾會道場海法，
		般若	或為說一如來法輪海法，或為說一切如來法輪海法，
		方便	或為說一如來修多羅法，或為說一切如來修多羅法，
		願	或為說一如來集會法，或為說一切如來集會法，
		力	或為說一薩婆若心海法，或為說一切薩婆若心海法，
		智	或為說一乘出離法，或為說一切乘出離法。
			善男子！我以如是等不可說法門，為眾生說。

入法界品善財童子五十三參之第三十六會守護一切城夜神(六地)之三

守護一切城主夜神成就第六地般若波羅蜜	如來無差別法界門海發心久如		善男子！我入如來無差別法界門海，說無上法，普攝眾生，盡未來劫，住普賢行。善男子！我成就此甚深自在妙音解脫，於念念中增長一切諸解脫門，念念充滿一切法界。
			時，善財童子白夜神言：奇哉！天神！此解脫門如是希有！聖者證得，其已久如？
	第六地般若波羅蜜百佛圓滿成就	離垢光明劫法界功德雲世界	夜神言：善男子！乃往古世，過世界轉微塵數劫，有劫名離垢光明，有世界名法界功德雲，以現一切眾生業摩尼王海為體，形如蓮華，住四天下微塵數香摩尼須彌山網中，以出一切如來本願音蓮華而為莊嚴，須彌山微塵數蓮華而為眷屬，須彌山微塵數香摩尼以為間錯，有須彌山微塵數四天下，一一四天下有百千億那由他不可說不可說城。
		妙幢四天下普寶華光王都，佛名法海雷音光明王	善男子！彼世界中，有四天下，名為妙幢；中有王都，名普寶華光；去此不遠，有菩提場，名普顯現法王宮殿。須彌山微塵數如來於中出現，其最初佛，名法海雷音光明王。彼佛出時，有轉輪王，名清淨日光明面，於其佛所，受持一切法海旋修多羅。佛涅槃後，其王出家，護持正法。法欲滅時，有千部異眾千種說法。近於末劫，業惑障重；諸惡比丘多有鬭諍，樂著境界，不求功德，樂說王論、賊論、女論、國論、海論，及以一切世間之論。
			時，王比丘而語之言：奇哉！苦哉！佛於無量諸大劫海集此法炬，云何汝等而共毀滅？作是說已，上昇虛空，高七多羅樹，身出無量諸色焰雲，放種種色大光明網，令無量眾生除煩惱熱，令無量眾生發菩提心。以是因緣，彼如來教，復於六萬五千歲中而得興盛。
		法輪化光比丘尼得三昧	時，有比丘尼，名法輪化光，是此王女，百千比丘尼而為眷屬，聞父王語及見神力，發菩提心永不退轉，得三昧，名一切佛教燈，又得此甚深自在妙音解脫；得已，身心柔軟，即得現見法海雷音光明王如來一切神力。
			善男子！於汝意云何？彼時轉輪聖王隨於如來轉正法輪，佛涅槃後興隆末法者，豈異人乎？今普賢菩薩是。其法輪化光比丘尼，即我身是。我於彼時，守護佛法，令十萬比丘尼於阿耨多羅三藐三菩提得不退轉，又令得現見一切佛三昧，又令得一切佛法輪金剛光明陀羅尼，又令得普入一切法門海般若波羅蜜。
		佛十波羅蜜	次有佛興，名離垢法光明；次有佛興，名法輪光明髻；次有佛興，名法日功德雲；次有佛興，名法海妙音王；次有佛興，名法日智慧燈；次有佛興，名法華幢雲；次有佛興，名法焰山幢王；次有佛興，名甚深法功德月；次有佛興，名法智普光藏；（與前共成十佛）
		法十波羅蜜	次有佛興，名開示普智藏；次有佛興，名功德藏山王；次有佛興，名普門須彌賢；次有佛興，名一切法精進幢；次有佛興，名法寶華功德雲；次有佛興，名寂靜光明髻；次有佛興，名法光明慈悲月；次有佛興，名功德焰海；次有佛興，名智日普光明；次有佛興，名普賢圓滿智；
		僧十波羅蜜	次有佛興，名神通智光王；次有佛興，名福德華光燈；次有佛興，名智師子幢王；次有佛興，名日光普照王；次有佛興，名須彌寶莊嚴相；次有佛興，名日光普照；次有佛興，名法王功德月；次有佛興，名開敷蓮華妙音雲；次有佛興，名日光明相；次有佛興，名普光明妙法音；

入法界品善財童子五十三參之第三十六會守護一切城夜神(六地)之四

守護一切城主夜神成就第六地般若波羅蜜	第六地般若十波羅蜜百佛圓滿成就	精進 十波羅蜜	次有佛興，名師子金剛那羅延無畏；次有佛興，名普智勇猛幢；次有佛興，名普開法蓮華身；次有佛興，名功德妙華海；次有佛興，名道場功德月；次有佛興，名法炬熾然月；次有佛興，名普光明髻；(當具十佛，疑缺文)
		禪定 十波羅蜜	次有佛興，名法幢燈；次有佛興，名金剛海幢雲；次有佛興，名名稱山功德雲；次有佛興，名栴檀妙月；次有佛興，名普妙光明華；次有佛興，名照一切眾生光明王；次有佛興，名功德蓮華藏；次有佛興，名香焰光明王；次有佛興，名波頭摩華因；次有佛興，名眾相山普光明；
		般若 十波羅蜜	次有佛興，名普名稱幢；次有佛興，名須彌普門光；次有佛興，名功德法城光；次有佛興，名大樹山光明；次有佛興，名普德光明幢；次有佛興，名功德吉祥相；次有佛興，名勇猛法力幢；
		方便 十波羅蜜	次有佛興，名法輪光明音；次有佛興，名功德山智慧光；次有佛興，名無上妙法月；次有佛興，名法蓮華淨光幢；次有佛興，名寶蓮華光明藏；次有佛興，名光焰雲山燈；次有佛興，名普覺華；次有佛興，名種種功德焰須彌藏；次有佛興，名圓滿光山王；次有佛興，名福德雲莊嚴；
		願 十波羅蜜	次有佛興，名法山雲幢；次有佛興，名功德山光明；次有佛興，名法日雲燈王；次有佛興，名法雲名稱王；次有佛興，名法輪雲；次有佛興，名開悟菩提智光幢；次有佛興，名普照法輪月；次有佛興，名寶山威德賢；次有佛興，名賢德廣大光；
		力 十波羅蜜	次有佛興，名普智雲；次有佛興，名法力功德山；次有佛興，名功德香焰王；次有佛興，名金色摩尼山妙音聲；次有佛興，名頂髻出一切法光明雲；次有佛興，名法輪熾盛光；次有佛興，名無上功德山；次有佛興，名精進炬光明雲；次有佛興，名三昧印廣大光明冠；次有佛興，名寶光明功德王；
		智 十波羅蜜	次有佛興，名法炬寶蓋音；次有佛興，名普照虛空界無畏法光明；次有佛興，名月相莊嚴幢；次有佛興，名光明焰山雲；次有佛興，名照無障礙法虛空；次有佛興，名開顯智光身；次有佛興，名世主德光明音；次有佛興，名一切法三昧光明音；次有佛興，名法音功德藏；次有佛興，名熾然焰法海雲；
		入法界 十波羅蜜	次有佛興，名普照三世相大光明；次有佛興，名普照法輪山；次有佛興，名法界師子光；次有佛興，名須彌華光明；次有佛興，名一切三昧海師子焰；次有佛興，名普智光明燈。 善男子！如是等須彌山微塵數如來，其最後佛，名法界城智慧燈，並於離垢光明劫中，出興于世。我皆尊重，親近供養，聽聞受持所說妙法；亦於彼一切諸如來所，出家學道，護持法教，入此菩薩甚深自在妙音解脫，種種方便教化成熟無量眾生。從是已來，於佛刹微塵數劫，所有諸佛出興于世；我皆供養修行其法。
		結會 成就本事	善男子！我從是來，於生死夜無明昏寐諸眾生中而獨覺悟；令諸眾生，守護心城，捨三界城，住一切智無上法城。(四十華嚴具百八佛名，增十一地，見附D 6-1)
		自法門	善男子！我唯知此甚深自在妙音解脫，令諸世間，離戲論語，不作二語，常真實語，恒清淨語。

入法界品善財童子五十三參之第三十六會守護一切城夜神(六地)之五

守護一切城主夜神成就第六地般若波羅蜜	十波羅蜜 自宗門 精進	如諸菩薩摩訶薩，能知一切語言自性，於念念中自在開悟一切眾生，入一切眾生言音海，於一切言辭悉皆辦了，	
		明見一切諸法門海，於普攝一切法陀羅尼已得自在，	
		隨諸眾生心之所疑而為說法，究竟調伏一切眾生，能普攝受一切眾生，	
		巧修菩薩諸無上業，深入菩薩諸微細智，能善觀察諸菩薩藏，能自在說諸菩薩法。	
		何以故？已得成就一切法輪陀羅尼故。而我云何能知能說彼功德行？	
	推薦精進		善男子！此佛會中，有主夜神，名開敷一切樹華。汝詣彼問：菩薩云何學一切智？云何安立一切眾生住一切智？
	依般若十波羅蜜說偈重宣	佛 法 僧 精進 禪定 般若 方便 願 力 智 總說	爾時，守護一切城主夜神，欲重宣此解脫義，為善財童子而說頌言：（十一偈）
			菩薩解脫深難見，虛空如如平等相，普見無邊法界內，一切三世諸如來。
			出生無量勝功德，證入難思真法性，增長一切自在智，開通三世解脫道。
			過於剎轉微塵劫，爾時有劫名淨光，世界名為法焰雲，其城號曰寶華光。
			其中諸佛興於世，量與須彌塵數等；有佛名為法海音，於此劫中先出現；
			乃至其中最後佛，名為法界焰燈王；如是一切諸如來，我皆供養聽受法。
			我見法海雷音佛，其身普作真金色，諸相莊嚴如寶山，發心願得成如來。
			我暫見彼如來身，即發菩提廣大心，誓願勤求一切智，性與法界虛空等。
			由斯普見三世佛，及以一切菩薩眾；亦見國土眾生海，而普攀緣起大悲。
			隨諸眾生心所樂，示現種種無量身，普遍十方諸國土，動地舒光悟含識。
			見第二佛而親近，亦見十方剎海佛，乃至最後佛出興，如是須彌塵數等。
			於諸剎轉微塵劫，所有如來照世燈；我皆親近而瞻奉，令此解脫得清淨。
	善財童子說偈讚歎	佛 法 僧 精進 禪定 般若 方便 願 力 智	爾時，善財童子得入此菩薩甚深自在妙音解脫故，入無邊三昧海，入廣大總持海，得菩薩大神通，獲菩薩大辯才；心大歡喜，觀察守護一切城主夜神，以偈讚曰：
			已行廣大妙慧海，已度無邊諸有海，長壽無患智藏身，威德光明住此眾。
			了達法性如虛空，普入三世皆無礙；念念攀緣一切境，心心永斷諸分別。
			了達眾生無有性，而於眾生起大悲；深入如來解脫門，廣度群迷無量眾。
			觀察思惟一切法，了知證入諸法性；如是修行佛智慧，普化眾生令解脫。
			天是眾生調御師，開示如來智慧道，普為法界諸含識，說離世間眾怖行。
			已住如來諸願道，已受菩提廣大教，已修一切遍行力，已見十方佛自在。
			天神心淨如虛空，普離一切諸煩惱，了知三世無量剎，諸佛菩薩及眾生。
			天神一念悉了知，晝夜日月年劫海；亦知一切眾生類，種種名相各差別。
			十方眾生死處，有色無色想無想，隨順世俗悉了知，引導使入菩提路。
			已生如來誓願家，已入諸佛功德海，法身清淨心無礙，隨眾生樂現眾色。
			時，善財童子說此頌已，禮夜神足，遶無量匝，慙懃瞻仰，辭退而去。

附A36：四十華嚴善財童子之第三十六會守護一切城夜神(六地)之一

會 處		此菩提場，如來清淨圓滿會中。(此處經文依四十華嚴)
善財童子參訪第六現前地	聞法信行	時善財童子以此妙偈讚彼神已，頂禮其足，遶無數匝，慇懃瞻仰，辭退而去。
	前法契入	爾時善財童子，隨順修行，具足功德寂靜音海主夜神所得解脫，觀察彼神所說法門。一一文句，皆無忘失，於無量深心，無量法性，一切方便神通智慧，憶念思擇，相續不斷，微細分別，解了甚深，其心廣大證入安住。
	善財童子依善知識教見善知識相	漸行往詣守護一切城增長威德主夜神所，見彼夜神，坐光明普照一切宮殿摩尼寶王大蓮華藏師子之座，百千夜神而為眷屬前後圍遶，現普應一切眾生色相身，現普對一切眾生之前身，現不染一切世間身，現等一切眾生身數身，現超過一切世間身，現調伏眾生隨轉身，現速往一切十方身，現圓滿一切大願身，現滅除一切障礙究竟如來體性身，現究竟教化成熟一切眾生身。(坐師子座現十種身)
	徵詢發心	善財見已，歡喜踊躍，心願圓滿，欣慶無量，頂禮其足，遶無數匝，於前合掌，白言：聖者！我已先發阿耨多羅三藐三菩提心，而未知菩薩修菩薩行時，云何利益安樂眾生，云何以無上攝攝取眾生，云何學菩薩道，云何住菩薩業，云何順諸佛教，云何近法王位，唯願慈哀為我宣說。
守護一切城主夜神成就第六地般若波羅蜜	般若行法依十波羅蜜發心	時彼夜神，告善財言：善哉善哉！善男子！
		佛 汝為救護一切眾生故。
		法 汝為嚴淨一切佛刹故。
		僧 汝為供養一切如來故。
		精進 汝欲住一切劫救眾生故。
		禪定 汝欲守護一切佛種性故。
		般若 汝欲普入十方修諸行故。
		方便 汝欲普入一切法門海故。
		願 汝欲以平等心遍入一切所知境故。
		力 汝欲普遍聞持一切如來正法輪故。
		智 汝欲普隨一切眾生心之所樂雨法雨故。
		問諸菩薩所修行門。
	妙音解脫門(東)	善男子！我得菩薩甚深自在可愛妙音解脫門。
		佛 為大法師，白繒繫頂，於一切法心無所著，善能開示一切如來深法藏故。
		法 具大誓願大慈悲力，令一切眾生住菩提心故。
		僧 能作一切利眾生事，積聚善根無休息故。
		精進 為一切眾生調御之師，令一切眾生住一切智道故。
		禪定 為一切世間作大法雲，普雨一切契經法故。
		般若 為一切世間清淨法日，普照世間令生善根故。
		方便 於一切世間其心平等，普令眾生增善法故。
	願	於諸境界其心清淨，除滅一切不善業故為大導師，引導眾生令入一切善行中故。

附A36：四十華嚴善財童子之第三十六會守護一切城夜神(六地)之二

守護一切城主夜神成就第六地般若波羅蜜	妙音解脫門	力	為諸眾生智慧莊嚴，令諸世間以智先導諸善行故。
		智	恒事一切諸善知識為令眾生住佛教故。
			善男子！我以此等法施眾生，令生白法求一切智，其心堅固，猶如金剛那羅延藏，善能觀察佛力魔力，常得親近諸善知識，摧破一切業惑障山，集一切智助道之法，心恒不捨一切智地，圓滿白淨無礙法門。
	十種觀察法界（南）		善男子！我以如是淨法光明，普遍覺悟一切眾生，種種饒益，積集善根，增長成就助道法時，常作十種觀察法界，何者為十？所謂：
		佛	我知法界無量，獲得廣大智光明故。
		法	我知法界無邊，見一切佛諸神變故。
		僧	我知法界無際，普入一切諸佛國土，恭敬供養諸如來故。
		精進	我知法界無畔，普於一切世界海中，示現修行菩薩行故。
		禪定	我知法界無斷，入於如來甚深平等，種種圓滿不斷智故。
		般若	我知法界一性，入於如來圓滿言音，隨眾生心無不了故。
		方便	我知法界性淨，入於如來過去願海，究竟調伏諸眾生故。
		願	我知法界遍諸眾生，普賢妙行悉周遍故。
		力	我知法界一莊嚴，普賢神通善莊嚴故。
		智	我知法界不可壞，一切善根充滿法界不可壞故。
			善男子！我作此十種觀察法界，隨順解知出生一切廣大善根辨助道法，明了諸佛殊勝威德，深入如來難思境界。
	得十種陀羅尼輪（西）		又善男子！我以如是隨順作意，正念思惟，得如來十種廣大威德陀羅尼輪，普為眾生，演說妙法，何者為十？所謂：
		佛	普入一切法海陀羅尼輪。
		法	普持一切法藏陀羅尼輪。
		僧	普受一切清淨法雲陀羅尼輪。
		精進	普念一切如來智燈陀羅尼輪。
		禪定	普演一切如來名號音聲陀羅尼輪。
		般若	普入三世諸佛平等願海陀羅尼輪。
		方便	普入一切諸乘行海速疾圓滿陀羅尼輪。
		願	普入一切眾生業海淨諸垢障陀羅尼輪。
		力	疾轉一切業海清淨陀羅尼輪。
		智	速疾出生一切智智勇猛成就陀羅尼輪。
			善男子！此十陀羅尼輪，以十千陀羅尼輪而為眷屬，恒為眾生演說妙法。
	演說妙法		善男子！我或為眾生說聞慧法，或為眾生說思慧法，或為眾生說修慧法。
		佛	或為眾生說一有海法，或為眾生說一切有海法。
		法	或為眾生說一如來名號海法，或為眾生說一切如來名號海法。
		僧	或為眾生說一世界海法，或為眾生說一切世界海法。

附A36：四十華嚴善財童子之第三十六會守護一切城夜神(六地)之三

守護一切城主夜神成就第六地般若波羅蜜	演說妙法(北)	精進	或為眾生說一佛授記海法，或為眾生說一切佛授記海法。
		禪定	或為眾生說一如來眾會道場海法，或為眾生說一切如來眾會道場海法。
		般若	或為眾生說一如來法輪海法，或為眾生說一切如來法輪海法。
		方便	或為眾生說一如來修多羅海法，或為眾生說一切如來修多羅海法。
		願	或為眾生說一如來集會海法，或為眾生說一切如來集會海法。
		力	或為眾生說一薩婆若心海法，或為眾生說一切薩婆若心海法。
		智	或為眾生說一乘出離法，或為眾生說一切乘出離法。
			善男子！我以此等不可說法門，為眾生說。
	如來無差別法界門海發心久如		善男子！我入如是等無差別法界門海，說無上法，普遍最勝攝諸眾生，盡未來劫，住普賢行時，此甚深自在可愛妙音解脫，於念念中修習增長一切菩薩諸解脫門，念念充滿一切法界。
			時，善財童子白夜神言：奇哉！聖者！此解脫門，如是希有，如是甚深，聖者證得其已久如？
	第六地般若十波羅蜜圓滿成就之初——佛十波羅蜜	無垢焰光劫法界焰光吉祥雲世界	夜神告言：善男子！乃往古昔過世界轉極微塵數劫，有劫名無垢焰光，世界名法界焰光吉祥雲，以現一切眾生業海變化摩尼王為體，形如蓮華，淨穢相雜，依須彌山極微塵數差別香摩尼王網而住，以一切如來過去大願聲妙寶蓮華，次第莊嚴，須彌山極微塵數寶蓮華輪圍山，周匝圍遶，須彌山極微塵數香摩尼寶間錯莊嚴，有須彌山極微塵數四天下，一一四天下。有不可說不可說百千億那由他城。
		妙幢四天下普寶拘蘇摩光佛名一切法海大聲光明王	善男子！彼世界中有四天下，名種種色妙莊嚴幢，中有王都，名普寶拘蘇摩光，去彼不遠，有菩提場，名普現法王宮殿影像，須彌山極微塵數如來，於中出現。其最初佛，名一切法海大聲光明王，彼佛出時，有轉輪王，名無垢面日光明，於其佛所，聞一切法海旋修多羅，悉能受持，佛涅槃後，其王出家，護持正法，法欲滅時，有千部異，佛正法眼分十千門，各隨其宜種種說法，近於末劫五濁現時，諸惡比丘業惑障重，種種纏縛多諸鬭諍，樂著境界受取無厭，不求一切增勝功德，樂說王論，賊論，女論，國論，海論，及諸世間種種議論，不捨外道斷滅見論，心生愛染情無捨離。
		法輪化光比丘尼得三昧	時王比丘，以正法音而語之言：奇哉苦哉！佛於無數大劫海中，忍種種苦，集此法炬，云何汝等而共毀滅，作是語已，上昇虛空，高七多羅樹，身出無量眾色焰雲，放種種色大光明網，令無量眾生除煩惱熱，令無量眾生發菩提心，以是因緣，彼如來教，復於六十千歲而得興盛。
			時彼眾中，有比丘尼名法輪變化光，是此王女，百千比丘尼而為眷屬，聞父王語，及見神通光明威力，皆發阿耨多羅三藐三菩提心，永不退轉，諸比丘尼，各得三昧，名現見如來平等出生，及得陀羅尼，名一切如來轉法輪金剛光明，及得般若波羅蜜，名普入一切法門海。時法輪變化光比丘尼，即得三昧，名出生一切佛教光明燈，又得此甚深自在可愛妙音解脫，得此三昧解脫門故，身心柔軟，微細適悅，便得現見一切法海大聲光明王如來一切所有神通威力。

附A36：四十華嚴善財童子之第三十六會守護一切城夜神(六地)之四

守護一切城主夜神成就第六地般若波羅蜜	第六地般若十波羅蜜百佛圓滿成就	佛十波羅蜜	法輪化光比丘尼得三昧	善男子！於汝意云何，彼無垢面日光明轉輪聖王，隨彼如來轉正法輪，及涅槃後，興其末法，然大法炬光照世間者，豈異人乎，今普賢菩薩是，其法輪變化光比丘尼，即我身是，百千眷屬比丘尼，即此會中百千夜神是，我於彼時守護佛法，令百千比丘尼於阿耨多羅三藐三菩提得不退轉，又令得現見一切如來平等出生三昧，又令得一切如來法輪金剛光明陀羅尼，又令得普入一切法門海般若波羅蜜。
			佛十波羅蜜	善男子！次彼如來，有佛出興，名無垢法山頂智光明，我以種種承事供養，令心歡喜。次有佛興，名法輪圓滿光明髻。次有佛興，名法日吉祥雲。次有佛興，名法海門妙聲王。次有佛興，名法日智輪燈。次有佛興，名法拘蘇摩幢雲。次有佛興，名法焰光山幢王。次有佛興，名甚深吉祥圓滿月。次有佛興，名法智出生普光明藏。(與前共成十佛)
		法十波羅蜜		次有佛興，名出生根本智藏。次有佛興，名吉祥藏山王。次有佛興，名普門智須彌賢。次有佛興，名速疾精進幢。次有佛興，名法寶拘蘇摩吉祥雲。次有佛興，名甚深寂靜山光明髻。次有佛興，名法焰光明影像月。次有佛興，名智焰光吉祥海。次有佛興，名普賢圓滿智。
		僧十波羅蜜		次有佛興，名無上神通智光明王。次有佛興，名福德焰光開敷拘蘇摩燈。次有佛興，名智師子幢王。次有佛興，名普日光明王。次有佛興，名須彌相寶莊嚴王。次有佛興，名日光勇猛普照影像。次有佛興，名法網覺勝月。次有佛興，名法蓮華開敷吉祥雲。次有佛興，名日輪普光明。次有佛興，名普光吉祥大聲。
		精進十波羅蜜		次有佛興，名師子無畏金剛那羅延。次有佛興，名普智勇猛幢。次有佛興，名普法開敷蓮華身。次有佛興，名功德拘蘇摩吉祥海。次有佛興，名高山法門光明藏。次有佛興，名高山智焰光明雲。次有佛興，名普法高山面門光明。次有佛興，名道場吉祥月。次有佛興，名熾然法炬吉祥月。次有佛興，名普影像光明髻。
		禪定十波羅蜜		次有佛興，名法速疾燈幢。次有佛興，名金剛海幢雲。次有佛興，名名稱山吉祥雲。次有佛興，名栴檀吉祥月。次有佛興，名普吉祥拘蘇摩威德光。次有佛興，名照一切眾生光明王。次有佛興，名功德蓮華吉祥藏。次有佛興，名香焰普光明王。次有佛興，名波頭摩華因。次有佛興，名眾相山毘盧遮那。
		般若十波羅蜜		次有佛興，名普音聲名稱幢。次有佛興，名須彌山普門光明。次有佛興，名法城吉祥光明。次有佛興，名大樹山威德。次有佛興，名普吉祥毘盧遮那幢。次有佛興，名吼法海大音聲光。次有佛興，名出生威德一切法宮殿。次有佛興，名普智最勝光。次有佛興，名最勝吉祥相。次有佛興，名法力勇猛幢。
		方便十波羅蜜		次有佛興，名轉法輪妙音聲。次有佛興，名功德焰冠智慧光。次有佛興，名出生吉祥法輪月。次有佛興，名法輪蓮華毘盧遮那幢。次有佛興，名寶蓮華光明藏。次有佛興，名寶吉祥雲山燈。次有佛興，名普清淨拘蘇摩。次有佛興，名種種吉祥焰須彌藏。次有佛興，名焰輪圓滿山王。次有佛興，名福德雲種種色。

附A36：四十華嚴善財童子之第三十六會守護一切城夜神(六地)之五

守護一切城主夜神成就第六地般若波羅蜜	第六地般若十波羅蜜	願 十波羅蜜	次有佛興，名法山雲幢王。次有佛興，名功德山王光明。次有佛興，名法日雲燈王。次有佛興，名法雲名稱遍滿王。次有佛興，名法輪雲。次有佛興，名開悟菩提智威德幢。次有佛興，名普照法輪吉祥月。次有佛興，名摩尼金山威德賢。次有佛興，名妙高吉祥威德賢。次有佛興，名賢德廣大光。
		力 十波羅蜜	次有佛興，名普智慧妙聲雲。次有佛興，名法力吉祥功德山。次有佛興，名吉祥雲香焰王。次有佛興，名金色摩尼山妙音聲。次有佛興，名頂髻藏出一切法圓滿光明雲。次有佛興，名法輪熾盛威德王。次有佛興，名無上出生威德。次有佛興，名普精進炬光明雲。次有佛興，名三昧印廣大智慧海光明冠。次有佛興，名妙寶吉祥威德王。
		智 十波羅蜜	次有佛興，名法炬寶帳妙音聲。次有佛興，名普照虛空界無畏法光明。次有佛興，名相好莊嚴幢。次有佛興，名種種色光明焰山雲。次有佛興，名照無障礙法虛空光明。次有佛興，名妙相華開敷身。次有佛興，名最勝世主妙光明音。次有佛興，名一切法三昧妙光明音。次有佛興，名妙辯才法音功德藏。次有佛興，名熾然光明法海妙音雲。
		入法界 十波羅蜜	次有佛興，名普照三世大光明相威德王。次有佛興，名普照法輪吉祥山廣大光明。次有佛興，名法界師子光。次有佛興，名毘盧遮那吉祥妙高。次有佛興，名一切三昧海普遍光焰師子王。次有佛興，名普智光明燈。次有佛興，名普智慧光明法城燈。
	結會 成就本事		善男子！如是等須彌山極微塵數如來，其最後佛，名法界城智慧燈光王，於無垢焰光劫中，出興于世，我皆尊重，親近供養，聽聞受持所說妙法，我亦於彼諸如來所，出家學道護持法教，入此菩薩甚深自在可愛妙音解脫，種種方便，教化成熟無量眾生，從是已來，於佛刹極微塵數劫，所有諸佛出興於世，我皆供養。修行其法。
	自法門		善男子！我從是來，於生死夜無明昏寐諸眾生中，而獨覺悟，令諸眾生守護心城，捨三界城，住一切智無上法城。(八十華嚴具百佛，四十華嚴具百八佛名，增十一地，見附D6-1)
	自宗門——十波羅蜜精進	佛	如諸菩薩摩訶薩，捨離世間諸雜穢語，不作二語檢策語業，
		法	行正直道，安住勝義，成就圓滿，
		僧	永不繫屬一切語言，於念念中，開悟一切語言自性，
		精進	深入一切諸言音海，了知眾生諸祕密海，
		禪定	明見一切諸法門海，普攝一切平等法海，
		般若	出生種種陀羅尼海，已得自在，
		方便	隨諸眾生心之所宜，而為說法善巧方便，
		願	究竟調伏成熟眾生，能普攝受一切眾生，
		力	巧修菩薩諸無上業，深入菩薩種種法門極微細智，
		智	能善觀察種種妙事諸菩薩藏，能自在說諸菩薩法，
			何以故？已得成就一切法輪陀羅尼故，得名殊勝真實丈夫，
			而我云何能知能說彼功德行？

附A36：四十華嚴善財童子之第三十六會守護一切城夜神(六地)之六

守護一切城主夜神成就第六地般若波羅蜜	推薦精進	善男子！此菩提場佛眾會中，有主夜神名能開敷一切樹華安樂，汝詣彼問，菩薩云何學一切智，云何修一切智，云何引導一切眾生，令其悟入一切智城。	
	依般若十波羅蜜說偈重宣		爾時，守護一切城增長威德主夜神，欲重宣此解脫門義，為善財童子，而說偈曰：(十二偈)
		佛	菩薩解脫深難見，虛空如如平等際，普見無邊法界中，所有一切三世佛，
		法	出生無量諸解脫，證入難思真法性，速疾增長無礙智，通達三世慈悲道，
		僧	過於剎轉極微劫，時有劫名無垢光，剎號法光吉祥雲，城名普寶拘蘇摩，
		精進	其中諸佛興於世，量與須彌塵數等，佛號法海大聲王，於此劫中先出現，
		禪定	乃至其中最後佛，名為法界智燈王，如是一切諸如來，我皆供養聽聞法，
		般若	我見法海音王佛，其身普作真金色，眾相莊嚴如寶山，發心願得無師道，
		方便	我暫見彼如來身，即發菩提廣大心，誓願勤求一切智，心等如空法界性，
		願	由斯普見三世佛，及以一切菩薩海，亦見剎海眾生海，普遍發起大悲心，
		力	隨諸眾生心所宜，一身普現無邊剎，舒光動地遍十方，開悟一切諸含識，
		智	見第二佛而親近，亦見十方剎海佛，乃至最後佛出興，名為法界智燈王，
	總說精進	如是須彌極微數，一切如來咸供養，	
		於諸剎轉極微劫，所有如來照世燈，我皆親近而瞻奉，令此解脫得清淨，	
	善財童子說偈讚歎		爾時善財童子，得此菩薩甚深自在可愛妙音解脫，入無邊三昧海，成廣大總持海，又得菩薩大神通海，深入菩薩大辯才海，速疾增長大歡喜海，觀察守護一切城增長威德主夜神，以偈讚曰：
		佛	已行廣大深智海，已度無邊諸有海，長壽無患智藏身，威光普照如滿月，
		法	覺悟法性如虛空，普入三際皆無礙，念念普緣一切境，心心寂靜無分別，
		僧	觀察眾生性本無，大悲常入眾生海，自在遊於解脫門，廣度群迷無量眾，
		精進	觀察思惟一切法，證入甚深諸法性，一切聖道普修行，普化眾生令解脫，
		禪定	天是最勝調御師，開示如來無垢智，普為法界諸含識，敷演離塵清淨行，
		般若	已住如來諸願道，已入無邊廣大智，已修一切諸佛力，已見諸佛神通事，
		方便	天神心淨如虛空，普離一切諸煩惱，了知三世無量剎，諸佛菩薩及眾生，
		願	天神一念悉了知，晝夜日月年劫海，亦知一切眾生類，種種名相各差別，
		力	十方眾生生死處，有色無色想無想，隨順世俗悉了知，引導令入菩提路，
		智	已生如來誓願家，已入諸佛功德海，已證法性心平等，隨眾生樂現色身。

附D6-1：入法界品善財童子之第三十六會守護一切城夜神百佛成就之一

卷本		八十華嚴	四十華嚴
佛十波羅蜜	佛	法海雷音光明王	一切法海大聲光明王
	法	離垢法光明	無垢法山頂智光明
	僧	法輪光明髻	法輪圓滿光明髻
	精進	法日功德雲	法日吉祥雲
	禪定	法海妙音王	法海門妙聲王
	般若	法日智慧燈	法日智輪燈
	方便	法華幢雲	法拘蘇摩幢雲
	願	法焰山幢王	法焰光山幢王
	力	甚深法功德月	甚深吉祥圓滿月
	智	法智普光藏	法智出生普光明藏
法十波羅蜜	佛	開示普智藏	出生根本智藏
	法	功德藏山王	吉祥藏山王
	僧	普門須彌賢	普門智須彌賢
	精進	一切法精進幢	速疾精進幢
	禪定	法寶華功德雲	法寶拘蘇摩吉祥雲
	般若	寂靜光明髻	甚深寂靜山光明髻
	方便	法光明慈悲月	法焰光明影像月
	願	功德焰海	智焰光吉祥海
	力	智日普光明	
	智	普賢圓滿智	普賢圓滿智
僧十波羅蜜	佛	神通智光王	無上神通智光明王
	法	福德華光燈	福德焰光開敷拘蘇摩燈
	僧	智師子幢王	智師子幢王
	精進	日光普照王	普日光明王
	禪定	須彌寶莊嚴相	須彌相寶莊嚴王
	般若	日光普照	日光勇猛普照影像
	方便	法王功德月	法網覺勝月
	願	開敷蓮華妙音雲	法蓮華開敷吉祥雲
	力	日光明相	日輪普光明
	智	普光明妙法音	普光吉祥大聲
精進十波羅蜜	佛	師子金剛那羅延無畏	師子無畏金剛那羅延
	法	普智勇猛幢	普智勇猛幢
	僧	普開法蓮華身	普法開敷蓮華身
	精進	功德妙華海	功德拘蘇摩吉祥海
	禪定		高山法門光明藏
	般若		高山智焰光明雲
	方便		普法高山面門光明

附D6-1：入法界品善財童子之第三十六會守護一切城夜神百佛成就之二

卷本		八十華嚴	四十華嚴
精進	願	道場功德月	道場吉祥月
	力	法炬熾然月	熾然法炬吉祥月
	智	普光明髻	普影像光明髻
禪定十波羅蜜	佛	法幢燈	法速疾燈幢
	法	金剛海幢雲	金剛海幢雲
	僧	名稱山功德雲	名稱山吉祥雲
	精進	栴檀妙月	栴檀吉祥月
	禪定	普妙光明華	普吉祥拘蘇摩威德光
	般若	照一切眾生光明王	照一切眾生光明王
	方便	功德蓮華藏	功德蓮華吉祥藏
	願	香焰光明王	香焰普光明王
	力	波頭摩華因	波頭摩華因
	智	眾相山普光明	眾相山毘盧遮那
般若十波羅蜜	佛	普名稱幢	普音聲名稱幢
	法	須彌普門光	須彌山普門光明
	僧	功德法城光	法城吉祥光明
	精進	大樹山光明	大樹山威德
	禪定	普德光明幢	普吉祥毘盧遮那幢
	般若		吼法海大音聲光
	方便		出生威德一切法宮殿
	願		普智最勝光
	力	功德吉祥相	最勝吉祥相
	智	勇猛法力幢	法力勇猛幢
方便十波羅蜜	佛	法輪光明音	轉法輪妙音聲
	法	功德山智慧光	功德焰冠智慧光
	僧	無上妙法月	出生吉祥法輪月
	精進	法蓮華淨光幢	法輪蓮華毘盧遮那幢
	禪定	寶蓮華光明藏	寶蓮華光明藏
	般若	光焰雲山燈	寶吉祥雲山燈
	方便	普覺華	普清淨拘蘇摩
	願	種種功德焰須彌藏	種種吉祥焰須彌藏
	力	圓滿光山王	焰輪圓滿山王
	智	福德雲莊嚴	福德雲種種色
願波羅蜜	佛	法山雲幢	法山雲幢王
	法	功德山光明	功德山王光明
	僧	法日雲燈王	法日雲燈王
	精進	法雲名稱王	法雲名稱遍滿王

附D6-1：入法界品善財童子之第三十六會守護一切城夜神百佛成就之三

卷本		八十華嚴	四十華嚴
願十波羅蜜	禪定	法輪雲	法輪雲
	般若	開悟菩提智光幢	開悟菩提智威德幢
	方便	普照法輪月	普照法輪吉祥月
	願	寶山威德賢	摩尼金山威德賢
	力		妙高吉祥威德賢
	智	賢德廣大光	賢德廣大光
力十波羅蜜	佛	普智雲	普智慧妙聲雲
	法	法力功德山	法力吉祥功德山
	僧	功德香焰王	吉祥雲香焰王
	精進	金色摩尼山妙音聲	金色摩尼山妙音聲
	禪定	頂髻出一切法光明雲	頂髻藏出一切法圓滿光明雲
	般若	法輪熾盛光	法輪熾盛威德王
	方便	無上功德山	無上出生威德
	願	精進炬光明雲	普精進炬光明雲
	力	三昧印廣大光明冠	三昧印廣大智慧海光明冠
	智	寶光明功德王	妙寶吉祥威德王
智十波羅蜜	佛	法炬寶蓋音	法炬寶帳妙音聲
	法	普照虛空界無畏法光明	普照虛空界無畏法光明
	僧	月相莊嚴幢	相好莊嚴幢
	精進	光明焰山雲	種種色光明焰山雲
	禪定	照無障礙法虛空	照無障礙法虛空光明
	般若	開顯智光身	妙相華開敷身
	方便	世主德光明音	最勝世主妙光明音
	願	一切法三昧光明音	一切法三昧妙光明音
	力	法音功德藏	妙辯才法音功德藏
	智	熾然焰法海雲	熾然光明法海妙音雲
(法界一成就十波羅蜜)		普照三世相大光明	普照三世大光明相威德王
		普照法輪山	普照法輪吉祥山廣大光明
		法界師子光	法界師子光
		須彌華光明	毘盧遮那吉祥妙高
		一切三昧海師子焰	一切三昧海普遍光焰師子王
		普智光明燈	普智光明燈
			普智慧光明法城燈
		法界城智慧燈(返回第1033頁)	法界城智慧燈光王(返回第1039頁)

*此守護一切城夜神百佛成就本事依第六地般若波羅蜜而起，百佛者即十波羅蜜成就，一波羅蜜中復含十波羅蜜法，總成百法，所言佛者即依自性而成。四十華嚴具百八佛名，增法界成就，依名可知八十華嚴之缺文。

入法界品善財童子五十三參之第三十七會開敷一切樹華夜神(七地)之一

會 處		菩提場如來會中。(四十華嚴第三十七參，見附A37)
善財童子參訪第七遠行地	前法契入——得自在妙音解脫門	爾時，善財童子得入此菩薩甚深自在妙音解脫故，入無邊三昧海，入廣大總持海，得菩薩大神通，獲菩薩大辯才；心大歡喜，觀察守護一切城主夜神，以偈讚曰：（此處經文偈頌與第六參末後重複）
		佛 已行廣大妙慧海，已度無邊諸有海，長壽無患智藏身，威德光明住此眾。
		法 了達法性如虛空，普入三世皆無礙；念念攀緣一切境，心心永斷諸分別。
		僧 了達眾生無有性，而於眾生起大悲；深入如來解脫門，廣度群迷無量眾。
		精進 觀察思惟一切法，了知證入諸法性；如是修行佛智慧，普化眾生令解脫。
		禪定 天是眾生調御師，開示如來智慧道，普為法界諸含識，說離世間眾怖行。
		般若 已住如來諸願道，已受菩提廣大教，已修一切遍行力，已見十方佛自在。
		方便 天神心淨如虛空，普離一切諸煩惱，了知三世無量刹，諸佛菩薩及眾生。
		願 天神一念悉了知，晝夜日月年劫海；亦知一切眾生類，種種名相各差別。
		力 十方眾生生死處，有色無色想無想，隨順世俗悉了知，引導使入菩提路。
		智 已生如來誓願家，已入諸佛功德海，法身清淨心無礙，隨眾生樂現眾色。
		時，善財童子說此頌已，禮夜神足，遶無量匝，慇懃瞻仰，辭退而去。
開敷一切樹華夜神成就第七遠行地	精勤修行徵詢發心	爾時，善財童子入菩薩甚深自在妙音解脫門，修行增進。往詣開敷一切樹華夜神所，見其身在此眾寶香樹樓閣之內妙寶所成師子座上，百萬夜神所共圍遶。時，善財童子頂禮其足，於前合掌而作是言：聖者！我已先發阿耨多羅三藐三菩提心，而未知菩薩云何學菩薩行？云何得一切智？唯願垂慈，為我宣說！
	菩薩出生廣大歡喜光明解脫門成就	夜神言：善男子！我於此娑婆世界，日光已沒，蓮華覆合，諸人眾等罷遊觀時，見其一切若山、若水、若城、若野，如是等處種種眾生，咸悉發心欲還所住；我皆密護，令得正道，達其處所，宿夜安樂。
		善男子！若有眾生，盛年好色，憍慢放逸，五欲自恣。我為示現老、病、死相，令生恐怖，捨離諸惡。復為稱歎種種善根，使其修習：為慳吝者，讚歎布施；為破戒者，稱揚淨戒；有瞋恚者，教住大慈；懷惱害者，令行忍辱；若懈怠者，令起精進；若散亂者，令修禪定；住惡慧者，令學般若；樂小乘者，令住大乘；樂著三界諸趣中者，令住菩薩願波羅蜜；若有眾生，福智微劣，為諸結業之所逼迫多留礙者，令住菩薩力波羅蜜；若有眾生，其心闇昧，無有智慧，令住菩薩智波羅蜜。
		善男子！我已成就菩薩出生廣大喜光明解脫門。
	法門境界隨順觀察能知如來普攝眾生巧方便智	善財言：大聖！此解脫門境界云何？
		夜神言：善男子！入此解脫，能知如來普攝眾生巧方便智。云何普攝？善男子！一切眾生所受諸樂，皆是如來威德力故，順如來教故，行如來語故，學如來行故，得如來所護力故，修如來所印道故，種如來所行善故，依如來所說法故，如來智慧日光之所照故，如來性淨業力之所攝故。 云何知然？善男子！我入此出生廣大喜光明解脫，憶念毘盧遮那如來、應、正等覺往昔所修菩薩行海，悉皆明見。

入法界品善財童子五十三參之第三十七會開敷一切樹華夜神(七地)之二

開敷一切樹華夜神成就第七遠行地	所見如來往昔修行因緣本事	眾生因緣 (惡緣)		善男子！世尊往昔為菩薩時，見一切眾生，著我、我所，住無明闇室，入諸見稠林，為貪愛所縛、忿怒所壞、愚癡所亂、慳嫉所纏，生死輪迴，貧窮困苦，不得值遇諸佛菩薩。
		涅槃十波羅蜜心		見如是已，起大悲心利益眾生。所謂：起願得一切妙寶資具攝眾生心；願一切眾生，皆悉具足資生之物無所乏心，於一切眾事離執著心，於一切境界無貪染心，於一切所有無慳吝心，於一切果報無希望心，於一切榮好無羨慕心，於一切因緣無迷惑心；起觀察真實法性心；
		大願	力用	起救護一切眾生心；
			本體	起深入一切法漩渦心；
		菩薩十波羅蜜心	佛	起於一切眾生住平等大慈心；
			法	起於一切眾生行方便大悲心；
			僧	起為大法蓋普覆眾生心；
			精進	起以大智金剛杵破一切眾生煩惱障山心；
			禪定	起令一切眾生增長喜樂心；
			般若	起願一切眾生究竟安樂心；
			方便	起隨眾生所欲雨一切財寶心；
			願	起以平等方便成熟一切眾生心；
			力	起令一切眾生滿足聖財心；
			智	起願一切眾生究竟皆得十力智果心。
		起如是心得菩薩力起大神變		起如是心已，得菩薩力，現大神變；遍法界、虛空界，於一切眾生前，普雨一切資生之物，隨其所欲悉滿其意皆令歡喜，不悔不吝，無間無斷。以是方便，普攝眾生，教化成熟，皆令得出生死苦難，不求其報；淨治一切眾生心寶，令其生起一切諸佛同一善根，增一切智福德大海。
		念念普入一切世界海中隨眾生心普使皆見		菩薩如是念念成熟一切眾生，念念嚴淨一切佛刹，念念普入一切法界，念念皆悉遍虛空界，念念普入一切三世，念念成就調伏一切諸眾生智，念念恒轉一切法輪，念念恒以一切智道利益眾生，念念普於一切世界種種差別諸眾生前盡未來劫現一切佛成等正覺，念念普於一切世界、一切諸劫修菩薩行不生二想。 所謂：普入一切廣大世界海一切世界種中，種種際畔諸世界，種種莊嚴諸世界，種種體性諸世界，種種形狀諸世界，種種分布諸世界，或有世界穢而兼淨，或有世界淨而兼穢，或有世界一向雜穢，或有世界一向清淨，或小或大，或龐或細，或正或側，或覆或仰；如是一切諸世界中，念念修行諸菩薩行，入菩薩位，現菩薩力，亦現三世一切佛身，隨眾生心普使知見。
		眾生因緣 (惡慧)		善男子！毘盧遮那如來，於過去世，如是修行菩薩行時，見諸眾生不修功德，無有智慧，著我、我所，無明翳障，不正思惟，入諸邪見，不識因果，順煩惱業，墮於生死險難深坑，具受種種無量諸苦。
		起大悲心令諸眾生勤修福智		起大悲心，具修一切波羅蜜行，為諸眾生稱揚讚歎堅固善根，令其安住遠離生死、貧窮之苦，勤修福智助道之法；為說種種諸因果門，為說業報不相違反，為說於法證入之處，為說一切眾生欲解，及說一切受生國土，令其不斷一切佛種，令其守護一切佛教，令其捨離一切諸惡；

入法界品善財童子五十三參之第三十七會開敷一切樹華夜神(七地)之三

開敷一切樹華夜神成就第七遠行地	起大悲心 令諸眾生 勤修福智		又為稱讚趣一切智助道之法，令諸眾生心生歡喜，令行法施普攝一切，令其發起一切智行，令其修學諸大菩薩波羅蜜道，令其增長成一切智諸善根海，令其滿足一切聖財，令其得入佛自在門，令其攝取無量方便，令其觀見如來威德，令其安住菩薩智慧。
	發心久如		善財童子言：聖者發阿耨多羅三藐三菩提心，其已久如？
	唯具大乘心者所能知	甚深法	夜神言：善男子！此處難信、難知、難解、難入、難說，一切世間及以二乘皆不能知。
		八種心	唯除諸佛神力所護，善友所攝，集勝功德，欲樂清淨，無下劣心，無雜染心，無諂曲心，得普照耀智光明心，發普饒益諸眾生心、一切煩惱及以眾魔無能壞心，起必成就一切智心，不樂一切生死樂心，（八種心）
		十二種能	能求一切諸佛妙樂，能滅一切眾生苦惱，能修一切佛功德海，能觀一切諸法實性，能具一切清淨信解，能超一切生死暴流，能入一切如來智海，能決定到無上法城，能勇猛入如來境界，能速疾趣諸佛地位，能即成就一切智力，能於十力已得究竟；如是之人，於此能持、能入、能了。（十二種能）
		如來智慧境界	何以故？此是如來智慧境界，一切菩薩尚不能知，況餘眾生！然我今者，以佛威力，欲令調順可化眾生意速清淨，欲令修習善根眾生心得自在，隨汝所問，為汝宣說。
	依方便波羅蜜成就遠行地		爾時，開敷一切樹華夜神，欲重明其義，觀察三世如來境界而說頌言：
		甚深法世法不能及	佛子汝所問，甚深佛境界，難思剎塵劫，說之不可盡。
			非是貪恚癡，憍慢惑所覆，如是眾生等，能知佛妙法。
			非是住慳嫉，諂誑諸濁意，煩惱業所覆，能知佛境界。
			非著蘊界處，及計於有身，見倒想倒人，能知佛所覺。
			佛境界寂靜，性淨離分別，非著諸有者，能知此法性。
			生於諸佛家，為佛所守護，持佛法藏者，智眼之境界。
			親近善知識，愛樂白淨法，勤求諸佛力，聞此法歡喜。
			心淨無分別，猶如太虛空，慧燈破諸闇，是彼之境界。
			以大慈悲意，普覆諸世間，一切皆平等，是彼之境界。
			歡喜心無著，一切皆能捨，平等施眾生，是彼之境界。
		入自性成就地	心淨離諸惡，究竟無所悔，順行諸佛教，是彼之境界。
			了知法自性，及以諸業種，其心無動亂，是彼之境界。
		證圓滿七地	勇猛勤精進，安住心不退，勤修一切智，是彼之境界。
			其心寂靜住三昧，究竟清涼無熱惱，已修一切智海因，此證悟者之解脫。
			善知一切真實相，深入無邊法界門，普度群生靡有餘，此慧燈者之解脫。
			了達眾生真實性，不著一切諸有海，如影普現心水中，此正道者之解脫。
			從於一切三世佛，方便願種而出生，盡諸劫剎勤修行，此普賢者之解脫。
			普入一切法界門，悉見十方諸剎海，亦見其中劫成壞，而心畢竟無分別。
			法界所有微塵中，悉見如來坐道樹，成就菩提化群品，此無礙眼之解脫。
		勸進	汝於無量大劫海，親近供養善知識，為利群生求正法，聞已憶念無遺忘。
			毘盧遮那廣大境，無量無邊不可思，我承佛力為汝說，令汝深心轉清淨。

入法界品善財童子五十三參之第三十七會開敷一切樹華夜神(七地)之四

開敷一切樹華夜神成就第七遠行地	依十波羅蜜之方便波羅蜜成就遠行地	世界海中有佛出現	善男子！乃往古世，過世界海微塵數劫，有世界海，名普光明真金摩尼山；其世界海中，有佛出現，名普照法界智慧山寂靜威德王。善男子！其佛往修菩薩行時，淨彼世界海。其世界海中，有世界微塵數世界種；一一世界種，有世界微塵數世界；一一世界，皆有如來出興於世；一一如來，說世界海微塵數修多羅；一一修多羅，授佛刹微塵數諸菩薩記，現種種神力，說種種法門，度無量眾生。
		世界海中有世界種	善男子！彼普光明真金摩尼山世界海中，有世界種，名普莊嚴幢。此世界種中，有世界，名一切寶色普光明，以現一切化佛影摩尼王為體，形如天城；以現一切如來道場影像摩尼王為其下際，住一切寶華海上，淨穢相雜。
		四天下	此世界中，有須彌山微塵數四天下，有一四天下最處其中，名一切寶山幢。其四天下，一一縱廣十萬由旬，一一各有一萬大城。
		一切法音圓滿蓋大王	其閻浮提中，有一王都，名堅固妙寶莊嚴雲燈，一萬大城周匝圍遶。閻浮提人壽萬歲時，其中有王，名一切法音圓滿蓋，有五百大臣、六萬采女、七百王子；其諸王子皆端正勇健，有大威力。爾時，彼王威德普被閻浮提內，無有怨敵。
		五濁起時眾生苦觀於大王仁慈智慧於大王所得十種想	時，彼世界劫欲盡時，有五濁起。一切人眾，壽命短促，資財乏少，形色鄙陋，多苦少樂，不修十善，專作惡業，更相忿爭，互相毀辱，離他眷屬，妒他榮好，任情起見，非法貪求。以是因緣，風雨不時，苗稼不登，園林、草樹一切枯槁，人民匱乏，多諸疫病，馳走四方，靡所依怙，咸來共遶王都大城，無量無邊百千萬億，四面周匝高聲大呼：
			或舉其手，或合其掌，或以頭扣地，或以手搥胸，或屈膝長號，或踊身大叫；頭髮蓬亂，衣裳弊惡，皮膚皴裂，面目無光，而向王言：大王！大王！我等今者，貧窮孤露，飢渴寒凍，疾病衰羸，眾苦所逼，命將不久，無依無救，無所控告。我等今者來歸大王，我觀大王仁慈智慧，於大王所生得安樂想、得所愛想、得活命想、得攝受想、得寶藏想、遇津梁想、逢道路想、值船筏想、見寶洲想、獲財利想、昇天宮想。
		得大悲門起十種大悲語	爾時，大王聞此語已，得百萬阿僧祇大悲門，一心思惟，發十種大悲語。其十者何？所謂：
			佛 哀哉眾生！墮於無底生死大坑；我當云何而速勉濟，令其得住一切智地？
			法 哀哉眾生！為諸煩惱之所逼迫；我當云何而作救護，令其安住一切善業？
			僧 哀哉眾生！生老病死之所恐怖；我當云何而為作歸依，令其永得身心安隱？
			精進 哀哉眾生！常為世間眾怖所逼；我當云何而為祐助，令其得住一切智道？
			禪定 哀哉眾生！無有智眼，常為身見疑惑所覆；我當云何而為作方便，令其得決疑見翳膜？
			般若 哀哉眾生！常為癡闇之所迷惑；我當云何而為作明炬，令其照見一切智城？
			方便 哀哉眾生！常為慳嫉諂誑所濁；我當云何而為開曉，令其證得清淨法身？
			願 哀哉眾生！長時漂沒生死大海；我當云何而普運度，令其得上菩提彼岸？
			力 哀哉眾生！諸根剛彊，難可調伏；我當云何而為調御，令其具足諸佛神力？
			智 哀哉眾生！猶如盲瞽，不見道路；我當云何而為引導，令其得入一切智門？
		擊鼓宣令	作是語已，擊鼓宣令：我今普施一切眾生，隨有所須悉令充足。即時頒下閻浮提內大小諸城及諸聚落，悉開庫藏，出種種物，置四衢道。

入法界品善財童子五十三參之第三十七會開敷一切樹華夜神(七地)之五

開敷一切樹華夜神成就第七遠行地	依十波羅蜜之方便波羅蜜成就遠行地	擊鼓宣令廣行布施	所謂：金、銀、瑠璃、摩尼等寶；衣服、飲食、華香、瓔珞、宮殿、屋宅、床榻、敷具；建大光明摩尼寶幢，其光觸身，悉使安隱；亦施一切病緣湯藥；種種寶器盛眾雜寶，金剛器中盛種種香，寶香器中盛種種衣；輦輿、車乘、幢幡、繒蓋。如是一切資生之物，悉開庫藏而以給施。亦施一切村營、城邑、山澤、林藪、妻子、眷屬及以王位，頭、目、耳、鼻、脣、舌、牙、齒、手、足、皮、肉、心、腎、肝、肺，內外所有，悉皆能捨。
		王城東門於其門外有施會處	其堅固妙寶莊嚴雲燈城，東面有門，名摩尼山光明。於其門外，有施會處。其地廣博，清淨平坦，無諸坑坎、荊棘、沙礫，一切皆以妙寶所成，散眾寶華，熏諸妙香，然諸寶燈，一切香雲充滿虛空，無量寶樹次第行列，無量華網、無量香網彌覆其上，無量百千億那由他諸音樂器恒出妙音。如是一切，皆以妙寶而為莊嚴，悉是菩薩淨業果報。
		於施會中置師子座	於彼會中，置師子座，十寶為地，十寶欄楯，十種寶樹周匝圍遶，金剛寶輪以承其下，以一切寶為龍神像而共捧持，種種寶物以為嚴飾，幢幡間列，眾網覆上，無量寶香常出香雲，種種寶衣處處分布，百千種樂恒奏美音。復於其上張施寶蓋，常放無量寶焰光明，如閻浮金熾然清淨；覆以寶網，垂諸瓔珞，摩尼寶帶周迴間列，種種寶鈴恒出妙音，勸諸眾生修行善業。
		大王處座智慧明達	時，彼大王處師子座，形容端正，人相具足，光明妙寶以為其冠，那羅延身不可沮壞，一一肢分悉皆圓滿，性普賢善，王種中生，於財及法悉得自在，辯才無礙，智慧明達，以政治國，無違命者。
		無量眾生觀察彼王	爾時，閻浮提無量無數百千萬億那由他眾生——種種國土、種种族類、種種形貌、種種衣服、種種言辭、種種欲樂，俱來此會，觀察彼王，咸言：此王是大智人、是福須彌、是功德月，住菩薩願，行廣大施。時，王見彼諸來乞者，生悲愍心，生歡喜心，生尊重心，生善友心，生廣大心，生相續心，生精進心，生不退心，生捨施心，生周遍心。
		時彼大王見來求者心大歡喜	善男子！爾時，彼王見諸乞者，心大歡喜，經須臾頃；假使忉利天王、夜摩天王、兜率陀天王，盡百千億那由他劫所受快樂，亦不能及。善化天王於無數劫所受快樂，自在天王於無量劫所受快樂，大梵天王於無邊劫所受梵樂，光音天王於難思劫所受天樂，遍淨天王於無盡劫所受天樂，淨居天王不可說劫住寂靜樂，悉不能及。 善男子！譬如有人仁慈孝友，遭逢世難，父母、妻息、兄弟、姊妹竝皆散失，忽於曠野道路之間而相值遇，瞻奉撫對，情無厭足。時，彼大王見來求者，心生歡喜，亦復如是。
		彼大王信心清淨歡喜圓滿因緣	善男子！其王爾時，因善知識，於佛菩提，解欲增長，諸根成就，信心清淨，歡喜圓滿。 何以故？此菩薩勤修諸行，求一切智，願得利益一切眾生，願獲菩提無量妙樂，捨離一切諸不善心，常樂積集一切善根，常願救護一切眾生，常樂觀察薩婆若道，常樂修行一切智法，滿足一切眾生所願，入一切佛功德大海，破一切魔業惑障山，隨順一切如來教行，行一切智無障礙道，已能深入一切智流，一切法流常現在前，大願無盡，為大丈夫，住大人法，積集一切普門善藏，離一切著，不染一切世間境界，知諸法性猶如虛空。

入法界品善財童子五十三參之第三十七會開敷一切樹華夜神(七地)之六

開敷一切樹華夜神成就第七遠行地	依十波羅蜜之方便波羅蜜成就遠行地	大悲施與平等無礙	於來乞者，生一子想，生父母想，生福田想，生難得想，生恩益想，生堅固想、師想、佛想。不揀方處，不擇族類，不選形貌，隨有來至，如其所欲，以大慈心，平等無礙，一切普施，皆令滿足：
			求飲食者施與飲食；求衣服者施與衣服；求香華者施與香華；求鬘蓋者施與鬘蓋；幢幡、瓔珞、宮殿、園苑、象馬、車乘、床座、被褥、金、銀、摩尼、諸珍寶物、一切庫藏，及諸眷屬、城邑、聚落，皆悉如是普施眾生。
		寶光明長者女勝妙圓滿	時，此會中有長者女，名寶光明，與六十童女俱，端正姝妙人所喜見，皮膚金色目髮紺青，身出妙香口演梵音，上妙寶衣以為莊嚴，常懷慚愧，正念不亂，具足威儀，恭敬師長，常念順行、甚深妙行，所聞之法憶持不忘，宿世善根流潤其心，清淨廣大猶如虛空，等安眾生，常見諸佛求一切智。
		去王不遠發願隨行	時，寶光明女去王不遠，合掌頂禮，作如是念：我獲善利！我獲善利！我今得見大善知識。於彼王所，生大師想、善知識想、具慈悲想、能攝受想。其心正直，生大歡喜，脫身瓔珞，持奉彼王，作是願言：今此大王為無量無邊無明眾生作所依處，願我未來亦復如是。如彼大王所知之法、所載之乘、所修之道、所具色相、所有財產、所攝眾會，無邊無盡，難勝難壞，願我未來悉得如是。隨所生處，皆隨往生。
			爾時，大王知此童女發如是心，而告之言：童女！隨汝所欲，我皆與汝。我今所有，一切皆捨；令諸眾生，普得滿足。時，寶光明女，信心清淨，生大歡喜，即以偈頌而讚王言：（寶光明女說五十二偈讚歎大王往昔所行）
		世間缺少十波羅蜜法	佛 往昔此城邑，大王未出時，一切不可樂，猶如餓鬼處。
			法 眾生相殺害，竊盜縱淫佚，兩舌不實語，無義麁惡言，
			僧 貪愛他財物，瞋恚懷毒心，邪見不善行，命終墮惡道。
			精進 以是等眾生，愚癡所覆蔽，住於顛倒見，天旱不降澤。
			禪定 以無時雨故，百穀悉不生，草木皆枯槁，泉流亦乾竭。
			般若 大王未興世，津池悉枯涸，園苑多骸骨，望之如曠野。
			方便 大王昇寶位，廣濟諸群生，油雲被八方，普雨皆充洽。
			願 大王臨庶品，普斷諸暴虐，刑獄皆止措，惇獨悉安隱。
			力 往昔諸眾生，各各相殘害，飲血而噉肉，今悉起慈心。
			智 往昔諸眾生，貧窮少衣服，以草自遮蔽，飢羸如餓鬼。
		僧十波羅蜜成就	佛 大王既興世，秔米自然生，樹中出妙衣，男女皆嚴飾。
			法 昔日競微利，非法相陵奪；今時竝豐足，如遊帝釋園。
			僧 昔時人作惡，非分生貪染，他妻及童女，種種相侵逼。
			精進 今見他婦人，端正妙嚴飾，而心無染著，猶如知足天。
			禪定 昔日諸眾生，妄言不真實，非法無利益，諂曲取人意。
			般若 今日群生類，悉離諸惡言，其心既柔軟，發語亦調順。
			方便 昔日諸眾生，種種行邪法，合掌恭敬禮，牛羊犬豚類。
			願 今聞王正法，悟解除邪見，了知苦樂報，悉從因緣起。
			力 大王演妙音，聞者皆欣樂；梵釋音聲等，一切無能及。
			智 大王眾寶蓋，迥處虛空中，擎以瑠璃幹，覆以摩尼網。

入法界品善財童子五十三參之第三十七會開敷一切樹華夜神(七地)之七

開敷一切樹華夜神成就第七遠行地	依十波羅蜜之方便波羅蜜成就遠行地	法十波羅蜜成就	佛	金鈴自然出，如來和雅音，宣揚微妙法，除滅眾生惑。
			法	次復廣演說，十方諸佛刹，一切諸劫中，如來并眷屬。
			僧	又復次第說，過去十方刹，及彼國土中，一切諸如來。
			精進	又出微妙音，普遍閻浮界，廣說人天等，種種業差別。
			禪定	眾生聽聞已，自知諸業藏，離惡勤修行，迴向佛菩提。
			般若	王父淨光明，王母蓮華光，五濁出現時，處位治天下。
			方便	時有廣大園，園有五百池，一一千樹遶，各各華彌覆。
			願	於其池岸上，建立千柱堂，欄楯等莊嚴，一切無不備。
			力	末世惡法起，積年不降雨，池流悉乾竭，草樹皆枯槁。
			智	王生七日前，先現靈瑞相；見者咸心念：救世今當出。
		佛十波羅蜜成就	佛	爾時於中夜，大地六種動；有一寶華池，光明猶日現。
			法	五百諸池內，功德水充滿，枯樹悉生枝，華葉皆榮茂。
			僧	池水既盈滿，流演一切處，普及閻浮地，靡不皆霑洽。
			精進	藥草及諸樹，百穀苗稼等，枝葉華果實，一切皆繁盛。
			禪定	溝坑及堆阜，種種高下處，如是一切地，莫不皆平坦。
			般若	荊棘沙礫等，所有諸雜穢，皆於一念中，變成眾寶玉。
			方便	眾生見是已，歡喜而讚歎，咸言得善利，如渴飲美水。
			願	時彼光明王，眷屬無量眾，僉然備法駕，遊觀諸園苑。
		十波羅蜜本體成就	力	五百諸池內，有池名慶喜，池上有法堂，父王於此住。
			智	先王語夫人：我念七夜前，中宵地震動，此中有光現。
			佛	時彼華池內，千葉蓮華出，光如千日照，上徹須彌頂。
			法	金剛以為莖，閻浮金為臺，眾寶為華葉，妙香作鬚鬘。
			僧	王生彼華上，端身結跏坐，相好以莊嚴，天神所恭敬。
			精進	先王大歡喜，入池自撫鞠，持以授夫人：汝子應欣慶。
			禪定	寶藏皆涌出，寶樹生妙衣，天樂奏美聲，充滿虛空中。
			般若	一切諸眾生，皆生大歡喜，合掌稱希有：善哉救護世！
			方便	王時放身光，普照於一切，能令四天下，閻盡病除滅。
			願	夜叉毘舍闍，毒蟲諸惡獸，所欲害人者，一切自藏匿。
			力	惡名失善利，橫事病所持，如是眾苦滅，一切皆歡喜。
			智	凡是眾生類，相視如父母，離惡起慈心，專求一切智。
		總說體用成就		關閉諸惡趣，開示人天路，宣揚薩婆若，度脫諸群生。
				我等見大王，普獲於善利，無歸無導者，一切悉安樂。
				爾時，寶光明童女，以偈讚歎一切法音圓滿蓋王已，遶無量匝，合掌頂禮，曲躬恭敬，却住一面。時，彼大王告童女言：善哉！童女！汝能信知他人功德，是為希有。童女！一切眾生，不能信知他人功德。
		大王勸童女精進成就		童女！一切眾生，不知報恩，無有智慧，其心濁亂，性不明了，本無志力，又退修行；如是之人，不信不知菩薩如來所有功德神通智慧。童女！汝今決定求趣菩提，能知菩薩如是功德。汝今生此閻浮提中，發勇猛心，普攝眾生，功不唐捐，亦當成就如是功德。

入法界品善財童子五十三參之第三十七會開敷一切樹華夜神(七地)之八

開敷一切樹華夜神成就第七遠行地	成就本事	授灌頂記和合智悲	王讚女已，以無價寶衣，手自授與寶光童女并其眷屬，一一告言：汝著此衣。時，諸童女雙膝著地，兩手承捧，置於頂上，然後而著；既著衣已，右遶於王，諸寶衣中普出一切星宿光明。眾人見之，咸作是言：此諸女等，皆悉端正，如淨夜天星宿莊嚴。
		本事因緣	善男子！爾時一切法音圓滿蓋王者，豈異人乎？今毘盧遮那如來、應、正等覺是也。光明王者，淨飯王是。蓮華光夫人者，摩耶夫人是。寶光童女者，即我身是。其王爾時以四攝法所攝眾生，即此會中一切菩薩是，皆於阿耨多羅三藐三菩提得不退轉，或住初地乃至十地，具種種大願，集種種助道，修種種妙行，備種種莊嚴，得種種神通，住種種解脫，於此會中處於種種妙法宮殿。
	十波羅蜜方便神通		爾時，開敷一切樹華主夜神，為善財童子，欲重宣此解脫義而說頌言：
		佛	我有廣大眼，普見於十方，一切刹海中，五趣輪迴者。
		法	亦見彼諸佛，菩提樹下坐，神通遍十方，說法度眾生。
		僧	我有清淨耳，普聞一切聲，亦聞佛說法，歡喜而信受。
		精進	我有他心智，無二無所礙，能於一念中，悉了諸心海。
		禪定	我得宿命智，能知一切劫，自身及他人，分別悉明了。
		般若	我於一念知，刹海微塵劫，諸佛及菩薩，五道眾生類。
		方便	憶知彼諸佛，始發菩提願，乃至修諸行，一一悉圓滿。
		願	亦知彼諸佛，成就菩提道，以種種方便，為眾轉法輪。
		力	亦知彼諸佛，所有諸乘海，正法住久近，眾生度多少。
		智	我於無量劫，修習此法門；我今為汝說，佛子汝應學。
	自法門		善男子！我唯知此菩薩出生廣大喜光明解脫門。
	自宗門精進		如諸菩薩摩訶薩，親近供養一切諸佛，入一切智大願海，滿一切佛諸願海；得勇猛智，於一菩薩地，普入一切菩薩地海；得清淨願，於一菩薩行，普入一切菩薩行海；得自在力，於一菩薩解脫門，普入一切菩薩解脫門海。而我云何能知能說彼功德行？
	推薦精進		善男子！此道場中，有一夜神，名大願精進力救護一切眾生。汝詣彼問：菩薩云何教化眾生，令趣阿耨多羅三藐三菩提？云何嚴淨一切佛刹？云何承事一切如來？云何修行一切佛法？

附A37：四十華嚴善財童子之第三十七會開敷一切樹華夜神(七地)之一

會 處		菩提場如來眾會中。(此處經文依四十華嚴)
善財童子參訪第七遠行地	前法契入——得自在妙音解脫門	爾時，善財童子，得此菩薩甚深自在可愛妙音解脫，入無邊三昧海，成廣大總持海，又得菩薩大神通海，深入菩薩大辯才海，速疾增長大歡喜海，觀察守護一切城增長威德主夜神，以偈讚曰：
		佛 已行廣大深智海，已度無邊諸有海，長壽無患智藏身，威光普照如滿月。
		法 覺悟法性如虛空，普入三際皆無礙，念念普緣一切境，心心寂靜無分別。
		僧 觀察眾生性本無，大悲常入眾生海，自在遊於解脫門，廣度群迷無量眾。
		精進 觀察思惟一切法，證入甚深諸法性，一切聖道普修行，普化眾生令解脫。
		禪定 天是最勝調御師，開示如來無垢智，普為法界諸含識，敷演離塵清淨行。
		般若 已住如來諸願道，已入無邊廣大智，已修一切諸佛力，已見諸佛神通事。
		方便 天神心淨如虛空，普離一切諸煩惱，了知三世無量刹，諸佛菩薩及眾生。
		願 天神一念悉了知，晝夜日月年劫海，亦知一切眾生類，種種名相各差別。
		力 十方眾生生死處，有色無色想無想，隨順世俗悉了知，引導令入菩提路。
		智 已生如來誓願家，已入諸佛功德海，已證法性心平等，隨眾生樂現色身。
		時，善財童子，說此妙偈讚夜神已，禮夜神足，遶無數匝慇懃瞻仰，一心戀慕，辭退而去。
	精勤修行徵詢發心	爾時，善財童子，得此菩薩甚深自在可愛妙音解脫，正念思惟，增長廣大，精勤顯示，普遍修行，即時往詣開敷一切樹華安樂主夜神所，見其身身在眾寶香樹枝條樓閣之內，坐大寶樹妙藏師子之座，十千夜神，前後圍遶。善財童子，頂禮其足，於前合掌，而作是言：聖者！我已先發阿耨多羅三藐三菩提心，而未知，菩薩云何學菩薩行，云何修行，成就增長，得一切智，唯願慈哀為我宣說。
開敷一切樹華夜神成就第七遠行地	菩薩出生廣大歡喜光明解脫門成就	夜神告言：善男子！我於此娑婆世界，日光已沒蓮華覆合，諸人眾等，罷遊觀時，見其一切，若山若水，若城若野，若異國土，如是等處，種種眾生咸悉發心，欲還所住，迷失道路，惶怖不安，我皆密護，令其無畏，為放光明，示以正道，達其處所，令免眾苦，宿夜安樂，若有眾生，病苦逼惱，於夢寐中，令其安樂。
		善男子！若有眾生盛年好色，愛著縱逸，五欲自恣，憍慢醉心，我為示現老病死相，令生恐怖捨離諸惡，永斷無明離生死怖，復為稱歎種種善根，令其修習，為慳吝者讚歎布施，為破戒者稱揚淨戒，有瞋害者令行慈忍，若懈怠者令起精進，若散亂者令修禪定，住惡慧者令學般若，樂小乘者令住大乘，勤修一切善巧方便，樂著三界諸趣中者，令住菩薩願波羅蜜，若有眾生福智微劣，為諸結業之所逼迫，種種障礙不自在者，令住菩薩力波羅蜜，若有眾生，其心闇昧無有智慧著我我所種種昏蔽，令住菩薩智波羅蜜。
		善男子！我得菩薩出生廣大歡喜光明解脫門。
	法門境界隨順觀察能知如來普攝眾生巧方便智	善財白言：聖者！此解脫門境界云何？夜神言：善男子！入此解脫，能知如來種種福聚普攝眾生善巧方便智慧光明，云何普攝？ 善男子！一切眾生所受諸樂，皆是如來威德力故，順如來教故，行如來語故，學如來行故，得如來所護力故，修如來所印道故，種如來同類善根故，讚如來相似善果故，守護如來所說戒法故，隨喜如來廣大誓願故，如來平等智慧日光之所照故，如來性淨圓滿業力之所攝故，以如是故，一切世間種種安樂，出現成就，云何知然？善男子！我入此出生廣大歡喜光明解脫門時，正念思惟毘盧遮那如來應正等覺往昔所修菩薩行海，隨順觀察，悉皆明見。

附A37：四十華嚴善財童子之第三十七會開敷一切樹華夜神(七地)之二

開敷一切樹華夜神成就第七遠行地	所見如來往昔修行因緣本事	眾生因緣 (惡緣)		善男子！世尊往昔為菩薩時，見一切眾生著我我所，住無明闇室，入諸見稠林，為貪愛所縛，忿怒所壞，愚癡所亂，慳嫉所纏，種種煩惱，逼擾身心，生死輪迴，貧窮困苦，不得值遇諸佛菩薩。
		涅槃十波羅蜜心		我見是已，起大悲心，為欲利益一切眾生，所謂：起願得一切妙寶資具攝眾生心，願一切眾生皆悉具足資生之物無所乏心，於一切眾事離執著心，於一切境界無貪染心，於一切所有無慳吝心，於一切布施無疑惑心，於一切果報無希望心，於一切榮好無羨慕心，於一切因緣無迷惑心。起觀察真實法性心。
		大願	力用	起救護一切眾生心。
			本體	起深入一切諸法自性漩渦心。
		菩薩十波羅蜜心	佛	起於一切眾生住平等大慈心。
			法	起於一切眾生行方便大悲心。
			僧	起為大法蓋普覆眾生令無熱惱心。
			精進	起以大智金剛杵破一切眾生煩惱大障山心。
			禪定	起令一切眾生速疾增長廣大喜樂心。
			般若	起願一切眾生究竟成就極安樂心。
			方便	起隨一切眾生所欲雨一切財寶心。
			願	起以平等方便成熟一切眾生心。
			力	起令一切眾生滿足聖財心。
			智	起願一切眾生究竟皆得十力智果心。
		起如是心得菩薩力起大神變		起如是心已，得菩薩力，現大神變，遍滿虛空最勝法界，於一切十方諸眾生前，起一切相，一切財，一切布施無緣大雲，普雨一切眾寶瓔珞資生之物，隨諸眾生心之所欲，悉滿其意，皆令歡喜。如是無量布施攝門，種種財物，恒行惠施，於一切時，常無休息，不悔不吝，無間無斷，以是方便，普攝眾生，教化成就具足圓滿，皆令得出生死苦難，救護饒益，不望其報，作意平等，心無分別，淨治一切眾生心寶，令其生起於一切佛，一相深密同一善根，應眾生心，作眾資具，攝取眾生，增一切智，速疾圓滿福德大海。
		念念普入一切世界海中隨眾生心普使皆見		菩薩如是，於念念中，盡無餘界調伏成熟一切眾生，令其皆得最勝清淨，念念嚴淨一切佛刹，令無雜穢，念念普入一切法界，念念皆悉遍虛空界，念念普入一切三世，念念以方便智調伏眾生，念念恒於一切世界，普轉一切不退法輪，念念恒以一切智道，善巧利益一切眾生，念念普於一切世界種種差別諸眾生前，盡未來劫，現一切佛成等正覺，念念普於一切世界一切諸劫，修菩薩行，不生二想。
				所謂：普入一切廣大世界海一切世界種中，所有一切種種際畔，諸世界種種莊嚴，諸世界種種體性，諸世界種種形狀，諸世界種種分布，諸世界或有世界穢而兼淨，或有世界淨而兼穢，或有世界一向雜穢，或有世界一向清淨。或有廣大，或有狹小，或高或下，或龐或妙，或正或側，或覆或仰，或圓或方，或非圓方，如是一切種種名字形像莊嚴諸世界中，念念修行諸菩薩行，入菩薩住，現菩薩力，亦現三世一切佛身，隨眾生心，普使知見，速疾增長一切智智福德海門。

附A37：四十華嚴善財童子之第三十七會開敷一切樹華夜神(七地)之三

開敷一切樹華夜神成就第七遠行地	如來往昔修行本事	眾生因緣(惡慧)	善男子！毘盧遮那如來於過去世，如是修行菩薩行時，見諸眾生不修福德，無有智慧遠離慚愧，著我我所無明翳障，出生種種不正思惟，入諸邪網惡見稠林，不識因果順煩惱業，迷惑其心不得自在，墮於生死險難深院，具受種種無量諸苦。
		起大悲心令諸眾生勤修福智	起大悲心，修集一切波羅蜜行，為諸眾生，稱揚讚歎堅固善根，令其安住遠離生死貧窮困苦，勤修福智助道之法，為說種種諸因果門，為說業報不相違返，為說於法證入之處，為說一切眾生欲解，及說一切受生國土，令其不斷一切佛種，令其守護一切佛教，令其捨離一切諸惡。
		起大悲心令諸眾生勤修福智	又為稱歎趣一切智助道之法，令諸眾生心生歡喜，令行法施普攝一切，令其發起一切智行，令其修學諸大菩薩波羅蜜道，令其增長成一切智諸善根海，令其滿足一切聖財，令其得入佛自在門，令其攝取無量方便，令其觀察如來威德，令其親近隨順如來寂靜安樂，令其安住成就菩薩種種智慧。(十一種)
		發心久如	爾時善財童子白言：聖者發阿耨多羅三藐三菩提心，修此妙行，其已久如。
	法門甚深唯具大乘心行者能知	甚深法	夜神言：善男子！如汝所問，此事難知難信難解難證難入，難可顯示，難可生起，難可演說，一切世間，諸天及人聲聞獨覺，皆不能知。
		十一種心涅槃成就	唯除如來威力所加善知識所攝，修集廣大福德智慧，其心堅固，欲樂清淨，無下劣心，無雜染心，無諂曲心，無散亂心，無鄙恚心，無極闇心，得普照曜開敷一切智光明心，發普利樂成熟一切諸眾生心，一切煩惱及以眾魔無能壞心，起必趣向一切種智無障礙心，不樂世間一切生死染污樂心，(十一心)
		十二種能菩薩成就	能樂觀察一切如來清淨妙樂，能勤除滅一切眾生憂悲苦海，能修一切諸佛如來功德法海，能觀一切諸法實性虛空境界，能具一切廣大甚深清淨信解，能超一切生死暴流，能入一切如來智海，能決定到無上法城，能勇猛入如來境界，能速疾趣諸佛智地，能即成就一切智力，能於十力已得究竟，如是之人，乃能於此能知能入，能信能解，能持能了，隨順修行。(十二種能)
		此即如來智慧境界	何以故？此是如來智慧境界，一切菩薩尚不能知，況餘眾生，然我今當承佛威力，欲令調順可化眾生意速清淨，欲令修習善根眾生心得自在，隨汝所問，為汝宣說。
	依方便波羅蜜成就遠行地		爾時開敷一切樹華安樂主夜神，欲重明此義，觀察三世如來境界而說偈言：
		佛	佛子汝今之所問，諸佛無邊深境界，難思刹海微塵劫，具足演說無能盡。
		法	非諸弊惡貪恚癡，憍慢無明惑所覆，垢心纏縛眾生等，能知諸佛寂靜法。
		僧	非諸諂誑濁亂心，常隨慳嫉情無捨，煩惱業繩之所繫，而能了知佛境界。
		精進	非是執著蘊界處，心恒不捨於身見，心倒想倒見倒人，能入如來寂滅地。
		禪定	寂靜甚深諸佛境，本性真常離分別，非著諸有生死人，入此平等無依法。
		般若	生於諸佛種姓家，一切如來恒守護，能持法王教藏者，此仙智眼之境界。
		方便	親近真實善知識，愛樂白法無厭足，專求佛力受法雲，彼聞此法生歡喜。
		願	心恒清淨無分別，不著一切如虛空，智燈自在破無明，此無垢者之境界。
		力	以大慈悲覆世間，遍入三世眾生海，隨宜利樂無邊際，此深行者之境界。
		智	心常歡喜無諸著，一切所有皆能捨，樂說平等施眾生，此無著者之境界。

附A37：四十華嚴善財童子之第三十七會開敷一切樹華夜神(七地)之四

開敷一切樹華夜神成就第七遠行地	依十波羅蜜之方便波羅蜜成就遠行地	十波羅蜜自性成就	心無垢濁離諸過，究竟調伏無憂悔，隨順佛教能具修，此無垢者之境界。
			心無動亂無分別，能普覺知諸法性，遠離一切諸惑業，此解脫者之境界。
			心無疲厭常無退，勇猛勤修一切智，安住增上淨戒中，此大丈夫之境界。
		證圓入滿七地	其心深入諸三昧，究竟清涼無熱惱，已修一切智海因，此寂靜者之解脫。
			了知諸法差別相，善入無邊深法界，普度群生靡有餘，此慧燈者之解脫。
			了達眾生真實性，於諸有海無所著，如影普現心水中，此先導者之解脫。
			從於三世諸佛海，方便願種而出生，盡諸劫剎勤修行，此普賢者之解脫。
			普入一切法界門，悉見十方諸剎海，亦見其中劫成壞，此無二者之境界。
			十方剎海極微中，悉見佛坐菩提樹，成等正覺化群生，此無礙眼之境界。
			汝從無量大劫海，親近承事善知識，為利群生求正法，聞已憶念無遺忘。
		勸進	毘盧遮那廣大境，無邊無量難思議，我承佛力為汝說，令汝深心轉清淨。
		世界海中有佛出現名普照法界智慧山寂靜威德王	善男子！乃往古世過世界海極微塵數劫，有世界海，名毘盧遮那海真金摩尼山，彼世界海中，有佛出現，名普照法界智慧山寂靜威德王。善男子！其佛往修菩薩行時，能普清淨彼世界海，其世界海中，有佛剎極微塵數世界種，一一世界種，有佛剎極微塵數世界，一一世界，有世界極微塵數劫，一一劫中，無量如來出興於世，一一如來，說世界海極微塵數修多羅，一一修多羅，授佛剎極微塵數諸菩薩記，現種種佛神通力，說種種調伏眾生法，轉種種諸乘輪，度無量眾生海。
		世界海中有世界種	善男子！彼毘盧遮那海真金摩尼山世界海中，有世界種，名普門現前莊嚴幢，此世界種中，有世界，名一切寶色吉祥普照光明，以現一切化佛影像摩尼王為體，形如天城，以現一切如來菩提道場摩尼寶王而為莊嚴，住於一切寶拘蘇摩華海上，淨穢相雜。(淨穢相雜世界行方便波羅蜜)
		四天下	此世界中，有須彌山極微塵數四天下，有一四天下最處其中，名一切寶山幢，其四天下，一一縱廣無量百千由旬，一一各有一萬大城。
		一切法音圓滿蓋大王	其閻浮提中，有一王都，名妙寶娑羅莊嚴雲燈，以十千大城而為眷屬，周匝圍遶，閻浮提人壽萬歲時，中有輪王，名一切法圓滿寶蓋大師子吼聲，其王具有五百輔臣，六萬采女，七百王子，其諸王子，色相端嚴，勇健雄猛，有大威力，爾時彼王威德普被閻浮提內，無有怨敵。
		五濁起時眾苦興盛觀於大王仁慈興盛於大王所得十四想	時彼世界劫欲盡時有五濁起，一切人眾壽命短促，資財乏少形色鄙陋，行住坐臥多苦少樂，不修十善專作惡業，更相忿爭互相傾奪，欺誑詐偽綺飾言辭，離間於他發露惡語，妬他榮好非法貪求，深入邪網稠林曠野，以是因緣，風雨不時苗稼不登，藥木華卉園林草樹，一切枯槁，衣食匱乏多諸疫病，馳走四方靡所依怙，咸來共遶王都大城，無量無邊百千萬億，四面周匝高聲大呼。
			或舉兩手，或復合掌，或以頭叩地，或舉手椎胸，或屈膝長號，或踊身大叫，頭髮蓬亂，衣裳弊惡，皮膚皴裂，面目無光。彼諸眾生，以種種形貌，出種種音聲，作種種言辭，為種種談說，而白王言：大王大王！我等今者，貧窮孤露，飢渴寒凍疾病，衰羸眾苦所逼，種種困厄迫切身心命將不久，無依無救無所控告，如在牢獄，死相現前。我等今者來歸大王，我觀大王仁慈智慧，於大王所，生得安樂想，得憐愍想，得愛敬想，得身命想，得攝受想，得寶藏想，遇津梁想，逢道路想，值船筏想，見寶洲想，獲財利想，昇天宮想，離怨家想，滅眾苦想。

附A37：四十華嚴善財童子之第三十七會開敷一切樹華夜神(七地)之五

開敷一切樹華夜神成就第七遠行地	依十波羅蜜之方便波羅蜜成就遠行地	得百萬阿僧祇大悲門起十種大悲語		爾時大王，聞此語已，獲得百萬阿僧祇大悲門，一心思惟，作意觀察，發於十種大悲之語，云何為十？所謂：
			佛	哀哉眾生！墮落無底生死深院，我當云何而速免濟，令其得出，安住如來一切智地。
			法	哀哉眾生！為諸煩惱，逼迫身心，我當云何而作救護，安住種種善業道中。
			僧	哀哉眾生！恒為種種生老病死之所恐怖，我當云何為作歸依，令離縛著，永得一切身心安隱。。
			精進	哀哉眾生！常為世間，種種恐怖，逼害其身，我當云何，而為救護，令其得免一切厄難，安住如來一切智道。
			禪定	哀哉眾生！無有智眼，常為身見疑惑所覆，我當云何為作方便，令其得決疑見翳瞶。
			般若	哀哉眾生！，常為癡暗之所迷惑，遠離善法，我當云何，為作慧炬，照彼無明，令其顯見，一切智城究竟解脫。
			方便	哀哉眾生！常為種種慳嫉諂誑，濁亂其心，我當云何，而為開曉，令其證得清淨法身。
			願	哀哉眾生！長時漂溺一切世界生死大海，我當云何，為作船筏，而普運度，令其得入一切智海。
			力	哀哉眾生！諸根剛彊，遠離調御無上大師，一切世間無能調者，我當云何，而為調御，令其成熟一切善根，具足如來大威神力。
			智	哀哉眾生！猶如盲瞽，不見正道，隨逐邪徑，我當云何，開其慧眼，而為引導，令其得入一切智門。
		擊鼓宣令	時彼大王，興此十種大悲之心，作是語已，即於王都大眾之中，擊鼓宣令，咸使聞知：我今普施一切眾生，隨有所須，悉令充足。即時頒下閻浮提內大小諸城，及諸聚落，悉開庫藏，出種種物，置四衢道。	
		擊鼓宣令廣行布施	所謂：金，銀，琉璃，摩尼等寶，衣服飲食，華香鬘蓋，塗香末香，種種瓔珞，宮殿屋宅，床榻敷具，一切資財，無不備足，建大光明摩尼寶幢，其光觸身，悉使安隱，滅除黑闇，開發照明，隨心所欲，皆悉圓滿。	
			又復隨化種種身形，一切承事，供養恭敬一切眾生，亦施一切病緣湯藥，活命資具，種種寶器，盛眾雜寶，所謂：金剛器中盛種種香寶，香器中盛種種衣，摩尼妙寶莊校嚴飾，輦輿車乘，眾寶瓔珞，寶帳寶網，周圍垂覆，建立種種高勝妙幢，如是一切資生之物，悉開庫藏，而以給施。亦施一切村營城邑，山澤林藪，妻子眷屬，及以王位，頭目耳鼻脣舌牙齒，手足皮肉，心腎肝肺，大腸小腸，脂膏筋脈，一切肢分，內外所有，悉皆能捨。	
		王城東門名摩尼山威德，於其門外有施會處	爾時妙寶娑羅莊嚴雲燈王城東門，名摩尼山威德，於其門外，有施會處，其地廣博清淨平坦，無諸阨坎荊棘沙礫，一切皆以妙寶所成，散眾寶華，燒諸妙香，無數摩尼王寶，莊校嚴飾然諸寶燈，周遍照曜，寶焰吉祥，威德香雲充滿虛空，無量寶樹次第行列，微妙分布間錯莊嚴，種種天人宮殿樓閣，種種莊嚴，種種幢幡，種種繒蓋，常出光明，寶拘蘇摩網，一切香王寶網彌覆其上，寶鐸徐搖出妙音聲，無量百千億那由他諸音樂器恒出妙音，如是一切，皆以妙寶而為莊嚴，悉是菩薩淨業果報之所成就。	

附A37：四十華嚴善財童子之第三十七會開敷一切樹華夜神(七地)之六

開敷一切樹華夜神成就第七遠行地	依十波羅蜜之方便波羅蜜成就遠行地	於施會中置師子座	於彼會中置師子座，十種妙寶以為其地，十寶欄楯放大光明，十種寶樹枝葉扶疎，周匝圍遶靡不嚴好，微妙堅固，金剛寶輪以承其下，以一切寶，為龍神像，而共捧持，種種寶物以為嚴飾，於交露間標題德相，以種種色間錯莊嚴，一切寶幢，一切寶幡，周遍行列，眾寶鈴網，摩尼寶網，眾寶華網，大摩尼王網，以覆其上，無量寶香常出香雲，種種寶衣處處分布，百千種樂出過諸天，恒奏美音悅可人意。復於其上張施寶蓋，常放無量寶焰光明，如閻浮金熾然清淨，垂諸華璫，無數摩尼寶王為帶，周迴間列，種種雜色摩尼寶鈴恒出妙音，勸諸眾生修行十善。(十波羅蜜共成法界現相即師子座)
		大王處座智慧明達一切眾生見者無厭	時，一切法圓滿寶蓋大師子吼妙音聲王，處師子座具足妙色，形容端正人相圓滿，最勝清淨世無能比。毘盧遮那摩尼寶王，以為其冠，那羅延身不可沮壞，一一肢分，悉皆圓滿，性普賢善，王種中生於財及法，皆得自在，辯才無礙，智慧明達，以正治國，無違命者。 一切眾生，咸讚彼王無量無邊殊勝功德，光明熾盛過天帝釋，見者無厭，常於空中現大輪蓋摩尼寶藏，其數百千以為輪輻，無數寶焰，吉祥威德，光明莊嚴，閻浮檀金，放清淨光，以覆其上，種種寶色，金網莊嚴，真珠璣珞，周匝垂下，又以寶繩，懸眾寶鈴，眾寶莊校，恒吐妙音，過諸天樂，覺悟世間，宣揚善行，復有妙扇寶縷織成，扇以香風，發揚威德。
		無量眾生觀察彼王大王見矣生大慈悲	爾時，於此閻浮提內，無量無數百千萬億那由他眾生，種種國土，種種族類，種種眷屬，種種形貌，種種衣服，種種言辭，種種心行，種種欲樂，各各希求，種種財寶，種種資生，種種受用，俱來此會，觀察彼王，以種種言語，種種訓釋，種種辯才，種種名句，咸歎此王，是大智人，是福須彌，是勝功德圓滿白月，是得自在無礙丈夫，住菩薩願行廣大施。 時王見彼諸來集會，於已乞求，生愛敬心，生悲愍心，生歡喜心，生尊重心，生廣大心，生善友心，生相續心，生精進心，生不退心，生捨施心，生周遍心生平等心，生清淨心，生成就心，生速疾心，生見種種善知識心。
		時彼大王見來求者心大歡喜	善男子！爾時彼王，見諸乞者，心大歡喜，經須臾頃，假使轉輪聖王，盡無邊劫所受快樂，所不能及，如是忉利天王，夜摩天王，兜率陀天王，盡百千億那由他劫所受快樂，亦不能及，善化天王，於無數劫所受快樂，自在天王，於無量劫所受快樂，大梵天王於無邊劫所受梵樂，光音天王，於難思劫所受天樂，遍淨天王，於無盡劫所受天樂，淨居天王不可說劫住寂靜樂，悉不能及。 譬如有人，仁慈孝友遭逢世難，父母兄弟，姊妹妻息，內外宗親，并皆散失，忽於曠野道路之間，而相值遇，瞻奉撫對，情無厭足，時彼大王見來乞者，心生愛敬，歡喜踊躍，慶幸之心，亦復如是。
		彼大王信心清淨歡喜圓滿因緣	善男子！其王爾時，因善知識，於佛菩提，解欲增長，諸根成就，信心清淨，歡喜圓滿，不可思議。 何以故？此大菩薩，勤修諸行，求一切智，願得利益一切眾生，心無懈怠，願得充足一切眾生衣服飲食，願獲菩提，無量妙樂，捨離一切諸不善心，常願積集一切善根，常願救護一切眾生，常樂觀察薩婆若道，常樂修行一切智法，滿足一切眾生所願，入一切佛功德大海，破一切魔業惑障山，隨順受持一切佛教，行一切智無障礙道，已能深入一切智流，一切法流，常現在前，大願無盡，為大丈夫住大人法，積集一切普門善藏，願捨一切執著之心，不染一切世間境界，知諸法性猶如虛空。

附A37：四十華嚴善財童子之第三十七會開敷一切樹華夜神(七地)之七

開敷一切樹華夜神成就第七遠行地	依十波羅蜜之方便波羅蜜成就遠行地	大悲施與平等無礙	於彼一切諸來乞者，生一子想，生父母想，生福田想，生善友想，生難得想，生恩益想，生覆護想，生堅固想，生導師想，生如來想，不揀方處，不擇族類，不選形貌，隨有來至，如其所欲，隨其方處，隨其國邑，如彼所求，如彼愛樂，以大慈心平等無礙，以大捨光照明一切，應眾生心令無所乏。	
			求飲食者施與飲食，求衣服者施與衣服，求香華者施與香華，求鬘蓋者施與鬘蓋，如有求，幢幡瓔珞，宮殿園苑，象馬車乘，床座被褥，金銀摩尼，真珠瑠璃，璧玉珂貝，諸珍寶物，一切庫藏，及諸眷屬，采女妃嬪，城邑聚落，園林屋宅，皆悉如是，普施眾生。	
		寶光明長者女勝妙圓滿	時此會中，有長者女，名寶光明，與六十童女，眷屬圍遶，端正殊妙，人所喜見，皮膚金色，目髮紺青，勝妙圓滿，色相具足，身出妙香，口演梵音，上妙寶衣，以為嚴飾，常懷慚愧正念不亂，有大智慧，動止安詳，具足威儀，恭敬師長，最勝清淨，心無放逸，常念順行甚深妙行，所聞之法憶持不忘，宿世善根，流潤其心，相似妙果靡不成就，清淨廣大，猶如虛空，等安眾生，常見諸佛，盡無餘界，求一切智。	
		去王不遠發願隨行	去王不遠，合掌頂禮，以恭敬心，作如是念：我得善利！我得善利！我今得見大善知識，最難見者，於今得見。時女於王，生大師想，生於最勝善知識想，具慈悲想，能攝受想，其心正直，最勝清淨，生於廣大歡喜之心，即解自身所佩瓔珞，持奉彼王，作是願言：今此大王，能為一切無量無邊無主無依無明眾生，成就救護，利益照明，作所依處，願我未來亦復如是，如彼大王所知之法所載之乘，所修之道，所具色相，所攝眾會，無邊無盡，難勝難壞，願我未來，悉得成就，隨彼大王所生之處，願我常得隨彼受生。	
			爾時大王，知此童女發如是心，作如是願，觀其意樂而告之言：童女當知，隨汝所欲，我皆與汝，我今所有一切皆捨，令諸眾生普得滿足，一切平等心無分別，隨汝所願恣意取之。時寶光明女，信心清淨生大歡喜，速疾增長一切善根，即以妙偈而讚王言：（寶光明女說四十九偈讚歎大王往昔所行）	
		世間缺少十波羅蜜法	佛	昔此娑羅大城邑，威德聖王未出時，凡諸事物悉無堪，可畏猶如餓鬼處。
			法	一切眾生相殺害，竊盜姪佚性難調，虛誑不實龐惡言，雜穢乖離無義語。
			僧	常樂貪奪他財物，恒懷瞋恚毒害心，依邪惡見不善行，從此命終墮惡道。
			精進	此諸非法眾生類，愚癡黑闇之所迷，壞滅正法邪見興，由是天龍不降澤。
			禪定	多歷年歲無時雨，百穀芽莖皆不生，樹木藥草悉焦枯，大小泉流亦乾竭。
			般若	大王昔日未出時，河池及井皆枯涸，一切園苑盡荒蕪，白骨縱橫猶曠野。
			方便	今得大王居寶位，惠及一切諸群生，油雲膏雨被八方，大地率土皆充滿。
			願	大王出興為世主，止諸盜賊息姦欺，所有牢獄悉皆空，一切惇獨無憂怖。
		僧十波羅蜜	力	昔時世界眾生類，好相殺害起怨讐，飲噉血肉恣無厭，今悉慈心互相視。
			智	昔時國內諸眾生，貧窮裸露無衣服，飢渴衰羸如餓鬼，以草蔽身受寒苦。
			佛	大王今既興於世，稻粱甘果自然生，劫波樹藏出妙衣，一切男女皆嚴飾。
			法	昔日多求縱非法，為競微利相陵奪，今時嚴具悉豐盈，自在歡樂如天處。
			僧	昔縱迷心造諸惡，放逸非分生貪染，於他妻妾起邪姪，乃至種種相侵奪。
			精進	今時所見他女人，色貌端妍妙嚴飾，心恒清淨無染著，知足猶如兜率天。
			禪定	昔時世界諸眾生，妄言龐惡多離間，恒起邪思滅正法，諂曲雜穢隨人意。

附A37：四十華嚴善財童子之第三十七會開敷一切樹華夜神(七地)之八

開敷一切樹華夜神成就第七遠行地	依十波羅蜜之方便波羅蜜成就遠行地	僧十波羅蜜	般若	今時一切群生類，悉皆捨離麁惡言，音聲柔軟悅人心，一切聽聞無不喜。
			方便	(依八十華嚴，缺兩偈文)
			願	
			力	
			智	大王今演妙法音，眾生聞者咸欣悅，迦陵頻伽梵聲相，諸天音樂無能及。
		法十波羅蜜成就	佛	大王頂上殊勝蓋，一切妙寶所莊嚴，瑠璃藏寶吉祥竿，覆以眾妙摩尼網。
			法	金鈴自然出妙聲，其音超世無倫匹，宣揚一切諸佛法，除滅一切眾生惑。
			僧	又此鈴音廣宣說，現在十方諸刹土，所有劫海一切佛，具大名稱諸眷屬。
			精進	又復鈴音次第演，過去一切十方刹，其中諸佛及刹名，所轉法輪無不盡。
			禪定	鈴中又出法輪音，其聲普遍閻浮界，廣說梵釋及眾生，所依諸業皆差別。
			般若	人天聞此音聲已，各各自知諸業藏，離惡向善勤修行，安住諸佛菩提道。
			方便	王父號曰淨光明，王母名為蓮華光，當於五濁興盛時，出現為王治天下。
			願	是時有一廣大園，園有五百蓮華池，一一百千樹圍遶，摩尼華燈所彌覆。
			力	於其一一池岸上，建立千柱莊嚴殿，以眾雜寶為欄楯，半月焰光恒普照。
			智	彼王末世惡法生，積年亢旱無時雨，一切池水悉乾竭，所有草樹皆枯槁。
		佛十波羅蜜	佛	大王將生七日前，先現禎祥希有相，眾生瞻仰相謂言，救護世者今當現。
			法僧	爾時世界於中夜，大地一切咸震動，其中有一寶華池，出大光明猶日現。
			精進	五百蓮池所圍遶，八功德水咸充滿，流演普及閻浮地，隨其所至皆霑洽。
			禪定	一切華林及藥草，百谷芽莖苗稼等，所有枝葉及果實，如是一切皆繁盛。
			般若	種種溝阬及堆阜，乃至一切高下處，如是所有閻浮地，今時莫不皆平坦。
			方便	一切荊棘及沙礫，閻浮所有諸雜穢，如是皆於一念中，變成眾寶莊嚴地。
			願	眾生是時既見已，歡喜相慶而稱讚，咸言我今得善利，如渴乏人思美水。
			力	時彼地主光明王，即命輔臣并眷屬，前後導從千俱胝，法駕遊觀諸園苑。
			智	是時五百諸池內，有一蓮池名慶喜，於池岸上有法堂，王及夫人於此住。
			佛	時光明王語夫人，我念曾於七夜前，中宵山地皆震動，此池中有光明現。
		十波羅蜜本體成就	佛	即時慶喜香池內，忽生千葉寶蓮華，光明上徹須彌頂，雲網照耀如千日。
			法	金剛妙寶以為莖，閻浮檀金以為臺，淨摩尼寶為華葉，妙香光藏作鬚蕊。
			僧	大王生彼蓮華上，端然不動跏趺坐，光明相好以莊嚴，百千天眾咸恭敬。
			精進	大王爾時大歡喜，遽入華池自撫掬，兩手持以授夫人，此是汝子應欣慶。
			禪定	百千伏藏皆涌出，一切寶樹生妙衣，諸天競奏微妙音，充滿一切虛空界。
			般若	閻浮所有諸眾生，悉皆歸向生歡喜，合掌咸稱如是言，善哉救世今當出。
			方便	王時身放大光明，普照一切諸群品，一念能令四天下，身病黑暗皆除滅。
			願	夜叉羅刹毘舍闍，一切毒蟲諸惡獸，所欲惱害眾生者，靡不隱蔽自藏匿。
			力	衰毀譏苦諸無利，種種災難病所持，如是眾苦悉消除，世間安樂咸歡喜。
			智	凡是一切眾生類，互相瞻視如父母，離諸怨害起慈心，專意勤修一切智。
		總說 體用成就		大王關閉諸惡趣，開導一切天人路，利益一切苦眾生，顯示宣揚一切智。
				我等今得見大王，普獲一切諸善利，無主無歸無導師，一切如應悉安樂。

附A37：四十華嚴善財童子之第三十七會開敷一切樹華夜神(七地)之九

開敷一切樹華夜神成就第七遠行地	依十波羅蜜之方便波羅蜜成就遠行地	大王勸童女精進成就	爾時寶光明童女，以此妙偈，讚歎一切法圓滿寶蓋大師子吼妙音聲王已，遶無量匝，合掌頂禮，曲躬恭敬，却住一面。時彼大王，普遍觀察告童女言：善哉童女！汝能信知他人功德，甚為希有。
		大王勸童女精進成就	何以故？一切眾生，覆藏已過，揚人之短，稱己有德，蔽他善根，不能信知他人功德。童女當知，一切眾生，為諸愚癡黑闇覆蓋煩惱纏縛，不識慚愧，不知報恩，無有智慧，其心濁亂，性不明了，本無志力，又退修行，如是之人，不信不解，不能了知菩薩如來所有功德，不能分別佛法僧寶最勝福田，不知一切諸佛菩薩清淨法門，神通智慧隨順思惟。
		大王勸童女精進成就	童女！汝今決定求趣無上正等菩提，能知菩薩如是廣大甚深功德，能信能解，汝今生此閻浮提中，發勇猛心修菩薩行，普攝眾生功不唐捐，如汝所願悉當成就，如是功德，如是福力，如是饒益，無不具足。
	授灌頂記和合智慧	授灌頂記和合智慧	王讚女已，以無價寶火光摩尼種種妙色所莊嚴衣，手自授與寶光童女，并其眷屬，一一告言：汝諸童女，各各受取，著此妙衣。時諸童女，雙膝著地，兩手承捧，置於頂上，然後而著，既著衣已，右遶於王，頭面作禮。時彼一切諸寶衣中，普出一切星宿光明，眾人見之，咸作是言：此諸女等，皆悉端正，如淨夜天星宿莊嚴。
		本事因緣	爾時夜神，告善財言：善男子！於意云何，爾時一切法圓滿寶蓋大師子吼妙音聲王者，豈異人乎，毘盧遮那如來應正等覺是也，光明王者，淨飯王是，蓮華光夫人者，摩耶夫人是，寶光明童女者，即我身是。其王爾時，以四攝法，所攝眾生，即此佛會大道場中，一切菩薩雲集者是，皆於阿耨多羅三藐三菩提，得不退轉，或住菩薩初極喜地，或離垢地，或發光地，或焰慧地，或難勝地，或現前地，或遠行地，或不動地，或善慧地，或法雲地。各各具足種種大願，集種種助道，修種種妙行，備種種莊嚴，獲種種清淨，得種種神通，遊種種自在，住種種解脫從種種方所來此會中，處於種種妙法宮殿。
	十波羅蜜方便神通		爾時能開敷一切樹華安樂主夜神，為善財童子，欲明此解脫門義，而說偈言：
		佛	佛子我有廣大眼，普能觀察於十方，種種廣大刹海中，眾生五趣輪迴者。
		法	亦見彼刹一切佛，皆坐寂滅菩提樹，神通充遍於十方，說法調伏諸群品。
		僧	佛子我有淨妙耳，普聞一切無盡聲，亦聞諸佛轉法輪，皆能信受生歡喜。
		精進	佛子我有他心智，出過眾生心境界，無二無礙量無邊，一念悉了諸心海。
		禪定	佛子我有宿命智，能知過去諸劫海，自身他身所受生，一念分明皆悉了。
		般若	佛子我於一念知，一切刹海極微劫，佛及菩薩諸神通，五道輪轉眾生類。
		方便	我亦知彼諸世尊，初發廣大菩提願，一切行海具修行，乃至當成一切智。
		願	亦知彼佛灌頂地，具足無等菩提道，方便說法悉不空，我於一念皆明了。
		力	亦知彼佛方便門，轉大法輪滿世間，涅槃無量諸功德，法住久近皆能了。
		智	亦知彼佛所調伏，廣大教法諸乘海，顯示一切諸世間，種種差別皆明了。
	宗門	總說	我於無量無邊劫，修此喜光解脫門，今為汝說真實義，汝應愛樂勤修學。
		自法門	善男子！我唯知此菩薩出生廣大歡喜調伏眾生藏普光明解脫門。
		佛	如諸菩薩摩訶薩，親近供養一切如來。
		佛	入一切智廣大願海，圓滿一切如來願海。

附A37：四十華嚴善財童子之第三十七會開敷一切樹華夜神(七地)之十

開敷一切樹華夜神成就	自宗門——十波羅蜜精進	法	得勇猛智，於一菩薩地，普入一切菩薩地海。
		僧	得清淨願，於一菩薩行，普入一切菩薩行海，
		精進	得自在力，於一菩薩解脫門，普入一切菩薩解脫門海。。
		禪定	尊重恭敬諸善知識，增長善根，常無厭足，承事一切諸佛菩薩。
		般若	勤求一切種智法門，愛樂觀察，正念思惟，其心決定，恒無懈怠。
		方便	不著一切利養恭敬讚歎名聞，於世資生，永離貪著，滿眾生心，如如意寶。
		願	心常愛樂一切智地，觀察如來力無所畏佛不共法。
		力	勤求圓滿一切菩薩波羅蜜行，遠離諂幻，如說而行，常真實語，守護佛種。
		智	於一切智，其心不動，如大山王。
			而我云何能知能說彼功德行。
	推薦精進	善男子！此菩提場如來會中，有一夜神，名守護一切眾生大願精進力光明，汝詣彼問，菩薩云何教化眾生，令其發趣阿耨多羅三藐三菩提，云何嚴淨一切佛刹，云何承事一切如來，云何能令一切如來皆悉歡喜，云何能於一切菩薩所學佛法，勤求修習。	

入法界品善財童子五十三參之第三十八會大願精進力夜神(八地)之一

會處		菩提場如來會中。(四十華嚴第三十八參，見附A38)		
善財童子見善知識起十種心得與善知識無量同行	聞法信行	時，善財童子頂禮其足，遶無數匝，慇懃瞻仰，辭退而去。		
	見善知識坐普現一切宮殿摩尼王藏師子之座上現二十四種無邊身	爾時，善財童子往大願精進力救護一切眾生夜神所，見彼夜神在大眾中，坐普現一切宮殿摩尼王藏師子之座，普現法界國土摩尼寶網彌覆其上，(寶網彌覆者表入無功用地報得成就，二十四身疑缺文，結構見四十華嚴)		
		現日、月、星宿影像身，	現受持佛法不忘身，	
		現隨眾生心普令得見身，	現成滿菩薩大願身，	
		現等一切眾生形相身，	現光明充滿十方身，	
		現無邊廣大色相海身，	現法燈普滅世暗身，	
		現普現一切威儀身，	現了法如幻淨智身，	
		現普於十方示現身，	現遠離塵暗法性身，	
		現普調一切眾生身，	現普智照法明了身，	
		現廣運速疾神通身，	現究竟無患無熱身，	
		現利益眾生不絕身，	現不可沮壞堅固身，	
		現常遊虛空利益身，	現無所住佛力身，	
		現一切佛所頂禮身，	現無分別離染身，	
		現修習一切善根身，	現本清淨法性身。	
	於善知識生十種心		時，善財童子見如是等佛刹微塵數差別身，一心頂禮，舉體投地，良久乃起，合掌瞻仰，於善知識生十種心。何等為十？所謂：	
		佛	於善知識生同己心，令我精勤辦一切智助道法故；	
		法	於善知識生清淨自業果心，親近供養生善根故；	
		僧	於善知識生莊嚴菩薩行心，令我速能莊嚴一切菩薩行故；	
		精進	於善知識生成就一切佛法心，誘誨於我令修道故；	
		禪定	於善知識生能生心，能生於我無上法故；	
		般若	於善知識生出離心，令我修行普賢菩薩所有行願而出離故；	
		方便	於善知識生具一切福智海心，令我積集諸白法故；	
		願	於善知識生增長心，令我增長一切智故；	
善財童子發心故得與善知識無量同行	力	於善知識生具一切善根心，令我志願得圓滿故；		
	智	於善知識生能成辦大利益心，令我自在安住一切菩薩法故，成一切智道故，得一切佛法故。是為十。		
善財童子發心故得與善知識無量同行		發是心已，得彼夜神與諸菩薩佛刹微塵數同行。所謂：同念，心常憶念十方三世一切佛故；同慧，分別決了一切法海差別門故；同趣，能轉一切諸佛如來妙法輪故；同覺，以等空智普入一切三世間故；…(八十四種同行，發心而得者，無功用故。人法無二得與一切法界同，因果無二得與一切諸佛同，自他無二得與諸一切菩薩同，染淨無二得與一切眾生同。四十華嚴具八十八種同行，疑缺文，依法義當具百種，總依十波羅蜜成就故，見附C38-1)		
獲此同行說偈讚歎		時，善財童子觀察大願精進力救護一切眾生夜神，起十種清淨心，獲如是等佛刹微塵數同菩薩行；既獲此已，心轉清淨，偏袒右肩，頂禮其足，一心合掌，以偈讚曰：		

入法界品善財童子五十三參之第三十八會大願精進力夜神(八地)之二

善財童子得善知識法門	善財童子說偈讚歎	佛	我發堅固意，志求無上覺；今於善知識，而起自己心。
		法	以見善知識，集無盡白法，滅除眾罪垢，成就菩提果。
		僧	我見善知識，功德莊嚴心，盡未來剎劫，勤修所行道。
		精進	我念善知識，攝受饒益我，為我悉示現，正教真實法，
		禪定	關閉諸惡趣，顯示人天路，亦示諸如來，成一切智道。
		般若	我念善知識，是佛功德藏，念念能出生，虛空功德海。
		方便	與我波羅蜜，增我難思福，長我淨功德，令我冠佛繒。
		願	我念善知識，能滿佛智道；誓願常依止，圓滿白淨法。
		力	我以此等故，功德悉具足，普為諸眾生，說一切智道。
		智	聖者為我師，與我無上法，無量無數劫，不能報其恩。
			爾時，善財說此偈已，白言：大聖！願為我說，此解脫門名為何等？發心已來為幾時耶？久如當得阿耨多羅三藐三菩提？
善知識得大願精進境界自在成就	解脫名教化眾生令生善根，由菩薩大願力故一切智力故。	夜神告言：善男子！此解脫門，名教化眾生令生善根。我以成就此解脫故，悟一切法自性平等，入於諸法真實之性，證無依法，捨離世間，悉知諸法色相差別，亦能了達青、黃、赤、白，性皆不實，無有差別，而恒示現無量色身。(八十華嚴現九十七種色身，四十華嚴現百二種色身，見附C38-2)	
		念念中，現如是等色相身充滿十方，令諸眾生或見、或念、或聞說法、或因親近、或得開悟、或見神通、或觀變化，悉隨心樂，應時調伏，捨不善業，住於善行。善男子！當知此由大願力故，一切智力故，菩薩解脫力故，大悲力故，大慈力故，作如是事。	
	入此解脫了知法性無有差別	善男子！我入此解脫，了知法性無有差別，而能示現無量色身，一一身現無量色相海，一一相放無量光明雲，一一光現無量佛國土，一一土現無量佛興世，一一佛現無量神通力，開發眾生宿世善根，未種者令種，已種者令增長，已增長者令成熟；念念中，令無量眾生，於阿耨多羅三藐三菩提得不退轉。	
	出菩薩智輪遠離一切分別境界	善男子！如汝所問：從幾時來，發菩提心，修菩薩行？如是之義，承佛神力，當為汝說。	
		善男子！菩薩智輪遠離一切分別境界，不可以生死中長短、染淨、廣狹、多少，如是諸劫分別顯示。何以故？菩薩智輪本性清淨，離一切分別網，超一切障礙山，隨所應化而普照故。	
		善男子！譬如日輪，無有晝夜；但出時名晝，沒時名夜。菩薩智輪亦復如是，無有分別，亦無三世；但隨心現，教化眾生，言其止住前劫、後劫。	
		善男子！譬如日輪，住閻浮空，其影悉現一切寶物及以河海諸淨水中，一切眾生莫不目見，而彼淨日不來至此。菩薩智輪亦復如是，出諸有海住佛實法，寂靜空中無有所依，為欲化度諸眾生故，而於諸趣隨類受生；實不生死，無所染著，無長短劫諸想分別。何以故？菩薩究竟離心想，見一切顛倒，得真實見，見法實性，知一切世間如夢、如幻；無有眾生，但以大悲大願力故，現眾生前教化調伏。	
		佛子！譬如船師，常以大船，於河流中不依此岸、不著彼岸、不住中流，而度眾生無有休息。菩薩摩訶薩亦復如是，以波羅蜜船，於生死流中不依此岸、不著彼岸、不住中流，而度眾生無有休息；雖無量劫修菩薩行，未曾分別劫數長短。	

入法界品善財童子五十三參之第三十八會大願精進力夜神(八地)之三

善知識得大願精進境界自在成就	菩薩智輪遠離一切分別境界出諸有海住佛實法無所染著	佛子！如太虛空，一切世界於中成壞而無分別，本性清淨，無染無亂，無礙無厭，非長非短，盡未來劫持一切刹。菩薩摩訶薩亦復如是，以等虛空界廣大深心，起大願風輪，攝諸眾生，令離惡道，生諸善趣，悉令安住一切智地，滅諸煩惱生死苦縛，而無憂喜、疲厭之心。
	智慧難測	佛子！菩薩智慧雖復如是甚深難測，我當承佛威神之力為汝解說，令未來世諸菩薩等滿足大願、成就諸力。
	劫名善光，世界名寶光，初佛名法輪音虛空燈王如來。彼閻浮提，有一王都，名寶莊嚴，東有大林名妙光，道場名寶華。國王名勝光，太子名善伏。	佛子！乃往古世，過世界海微塵數劫，有劫名善光，世界名寶光。於其劫中，有一萬佛出興于世。其最初佛，號法輪音虛空燈王如來、應、正等覺，十號圓滿。彼閻浮提，有一王都，名寶莊嚴；其東不遠，有一大林，名曰妙光；中有道場，名為寶華。彼道場中，有普光明摩尼蓮華藏師子之座。時，彼如來於此座上，成阿耨多羅三藐三菩提，滿一百年坐於道場，為諸菩薩、諸天、世人及閻浮提宿植善根已成熟者演說正法。（光者總表無功用行自果現前）
		是時，國王名曰勝光。時世人民壽一萬歲，其中多有殺、盜、婬佚、妄語、綺語、兩舌、惡口、貪、瞋、邪見、不孝父母、不敬沙門婆羅門等。時，王為欲調伏彼故，造立囹圄，枷鎖禁閉，無量眾生於中受苦。
		王有太子，名為善伏，端正殊特，人所喜見，具二十八大人之相。在宮殿中，遙聞獄囚楚毒音聲，心懷傷慙。從宮殿出，入牢獄中，見諸罪人桎械、枷鎖遞相連繫，置幽闇處，或以火炙，或以煙熏，或被榜笞，或遭臚割，裸形亂髮，飢渴羸瘦，筋斷骨現，號叫苦劇。太子見已，心生悲愍，以無畏聲安慰之言：汝莫憂惱！汝勿愁怖！我當令汝悉得解脫。便詣王所而白王言：獄中罪人苦毒難處，願垂寬宥，施以無畏。（說過去成就本事因緣）
		時，王即集五百大臣而問之言：是事云何？諸臣答言：彼罪人者，私竊官物，謀奪王位，盜入宮闈，罪應刑戮。有哀救者，罪亦至死。
		時，彼太子悲心轉切，語大臣言：如汝所說，但放此人；隨其所應，可以治我。我為彼故，一切苦事悉皆能受，粉身沒命，無所顧惜，要令罪人皆得免苦。何以故？我若不救此眾生者，云何能救三界牢獄諸苦眾生？一切眾生在三界中，貪愛所縛，愚癡所蔽，貧無功德，墮諸惡趣，身形鄙陋，諸根放逸，其心迷惑，不求出道，失智慧光，樂著三有，斷諸福德，滅諸智慧，種種煩惱濁亂其心，住苦牢獄，入魔罣網，生老病死憂悲惱害，如是諸苦常所逼迫。我當云何令彼解脫？應捨身命而拔濟之！
王子慈悲出於世間		時，諸大臣共詣王所，悉舉其手高聲唱言：大王當知，如太子意，毀壞王法，禍及萬人。若王愛念不責治者，王之寶祚亦不久立。王聞此言，赫然大怒，令誅太子及諸罪人。
為求一切智及以利眾生而生大願堅定		王后聞之，愁憂號哭毀形降服，與千采女馳詣王所，舉身投地頂禮王足，俱作是言：唯願大王赦太子命！王即迴顧，語太子言：莫救罪人；若救罪人，必當殺汝！爾時，太子為欲專求一切智故，為欲利益諸眾生故，為以大悲普救攝故，其心堅固無有退怯，復白王言：願恕彼罪，身當受戮！王言：隨意！爾時，王后白言：大王！願聽太子，半月行施，恣意修福，然後治罪。王即聽許。

入法界品善財童子五十三參之第三十八會大願精進力夜神(八地)之四

善知識得大願精進境界自在成就	城北捨一切世間有為功德	時，都城北有一大園，名曰日光，是昔施場。太子往彼，設大施會；飲食、衣服、華鬘、瓔珞、塗香、末香、幢幡、寶蓋，諸莊嚴具，隨有所求，靡不周給。經半月已，於最後日，國王、大臣、長者、居士、城邑人民及諸外道，悉來集會。
	初佛合會	時，法輪音虛空燈王如來，知諸眾生調伏時至，與大眾俱，天王圍遶，龍王供養，夜叉王守護，乾闥婆王讚歎，阿脩羅王曲躬頂禮，迦樓羅王以清淨心散諸寶華，緊那羅王歡喜勸請，摩睺羅伽王一心瞻仰，來入彼會。
	王子見佛成就合會出世間智	爾時，太子及諸大眾，遙見佛來，端嚴殊特，諸根寂定如調順象，心無垢濁如清淨池，現大神通，示大自在，顯大威德，種種相好莊嚴其身，放大光明普照世界，一切毛孔出香焰雲，震動十方無量佛刹，隨所至處普雨一切諸莊嚴具；以佛威儀，以佛功德，眾生見者，心淨歡喜，煩惱銷滅。
	太子得菩薩教化眾生令生善根解脫門	爾時，太子及諸大眾五體投地，頂禮其足，安施床座，合掌白言：善來世尊！善來善逝！唯願哀愍，攝受於我，處于此座！以佛神力，淨居諸天即變此座為香摩尼蓮華之座。佛坐其上，諸菩薩眾亦皆就座周匝圍遶。時，彼會中一切眾生，因見如來，苦滅障除，堪受聖法。
	太子得菩薩教化眾生令生善根解脫門	爾時，如來知其可化，以圓滿音，說修多羅，名普照因輪，令諸眾生隨類各解。時，彼會中有八十那由他眾生，遠塵離垢，得淨法眼；無量那由他眾生，得無學地；十千眾生，住大乘道，入普賢行，成滿大願。當爾之時，十方各百佛刹微塵數眾生，於大乘中，心得調伏；無量世界一切眾生，免離惡趣，生於天上。善伏太子即於此時，得菩薩教化眾生令生善根解脫門。
	太子得菩薩教化眾生令生善根解脫門	善男子！爾時太子豈異人乎？我身是也。我因往昔起大悲心，捨身命財救苦眾生，開門大施供養於佛，得此解脫。佛子當知，我於爾時，但為利益一切眾生，不著三界，不求果報，不貪名稱，不欲自讚輕毀於他，於諸境界無所貪染、無所怖畏，但莊嚴大乘出要之道，常樂觀察一切智門，修行苦行，得此解脫。
	過去因緣所有隨眾	佛子！於汝意云何，彼時五百大臣，欲害我者，豈異人乎？今提婆達多等五百徒黨是也。是諸人等，蒙佛教化，皆當得阿耨多羅三藐三菩提，於未來世，過須彌山微塵數劫，爾時有劫，名善光，世界名寶光，於中成佛。
所救之人於初佛所出家學道，大願通五位行法		其五百佛次第興世，最初如來，名曰大悲；第二名饒益世間；第三名大悲師子；第四名救護眾生；乃至最後，名曰醫王。雖彼諸佛大悲平等，然其國土、種族、父母、受生、誕生、出家、學道、往詣道場、轉正法輪、說修多羅、語言、音聲、光明、眾會、壽命、法住及其名號，各各差別。
		佛子！彼諸罪人，我所救者，即拘留孫等賢劫千佛，及百萬阿僧祇諸大菩薩——於無量精進力名稱功德慧如來所，發阿耨多羅三藐三菩提心，今於十方國土，行菩薩道，修習增長此菩提，教化眾生，令生善根解脫者是。時勝光王，今薩遮尼乾子大論師是。時王宮人及諸眷屬，即彼尼乾六萬弟子——與師俱來，建大論幢，共佛論議，悉降伏之，授阿耨多羅三藐三菩提記者是。此諸人等，皆當作佛，國土莊嚴、劫數、名號，各各有異。
		佛子！我於爾時救罪人已，父母聽我捨離國土、妻子、財寶，於法輪音虛空燈王佛所出家學道。
所救之人於初佛所出家學道，大願通五位行法		五百歲中，淨修梵行，即得成就百萬陀羅尼、百萬神通、百萬法藏、百萬求一切智勇猛精進，淨治百萬堪忍門，增長百萬思惟心，成就百萬菩薩力，入百萬菩薩智門，得百萬般若波羅蜜門，見十方百萬諸佛，生百萬菩薩大願；

入法界品善財童子五十三參之第三十八會大願精進力夜神(八地)之五

大願精進力夜神成就本事	於初佛所出家學道，大願通五位行法		念念中，十方各照百萬佛刹；念念中，憶念十方世界前後際劫百萬諸佛；念念中，知十方世界百萬諸佛變化海；念念中，見十方百萬世界所有眾生種種諸趣，隨業所受生時、死時、善趣、惡趣、好色、惡色，其諸眾生種種心行、種種欲樂、種種根性、種種業習、種種成就，皆悉明了。
	為世間王供養諸佛恒不捨離（凡親近十九佛表不離根本智，和自成就總成二十佛）		佛子！我於爾時命終之後，還復於彼王家受生，作轉輪王，彼法輪音虛空燈王如來滅後，次即於此值法空王如來，承事供養； 次為帝釋，即此道場值天王藏如來，親近供養； 次為夜摩天王，即於此世界值大地威力山如來，親近供養； 次為兜率天王，即於此世界值法輪光音聲王如來，親近供養； 次為化樂天王，即於此世界值虛空智王如來，親近供養； 次為他化自在天王，即於此世界值無能壞幢如來，親近供養； 次為阿脩羅王，即於此世界值一切法雷音王如來，親近供養； 次為梵王，即於此世界值普現化演法音如來，親近供養。 佛子！此寶光世界善光劫中，有一萬佛出興於世，我皆親近承事供養。
	依智起行即諸供養	佛	次復有劫，名曰日光，有六十億佛出興於世，最初如來，名妙相山，我時為王，名曰大慧，於彼佛所承事供養；
		法	次有佛出，名圓滿肩，我為居士，親近供養；
		僧	次有佛出，名離垢童子，我為大臣，親近供養；
		精進	次有佛出，名勇猛持，我為阿脩羅王，親近供養；
		禪定	（依四十華嚴，缺妙光佛）
		般若	次有佛出，名須彌相，我為樹神，親近供養；
		方便	次有佛出，名離垢臂，我為商主，親近供養；
		願	次有佛出，名師子遊步，我為城神，親近供養；
		力	次有佛出，名為寶髻，我為毘沙門天王，親近供養；
		智	次有佛出，名最上法稱，我為乾闥婆王，親近供養；
	成就	次有佛出，名光明冠，我為鳩槃荼王，親近供養。	
	寶光世界善光劫中次第六十億如來出興于世我皆親近		於彼劫中，如是次第有六十億如來出興于世。我常於此受種種身，一一佛所親近供養，教化成就無量眾生；於一一佛所，得種種三昧門、種種陀羅尼門、種種神通門、種種辯才門、種種一切智門、種種法明門、種種智慧門，照種種十方海，入種種佛刹海，見種種諸佛海，清淨成就，增長廣大。如於此劫中親近供養爾所諸佛，於一切處、一切世界海微塵數劫，所有諸佛出興於世，親近供養，聽聞說法，信受護持，亦復如是。如是，一切諸如來所，皆悉修習此解脫門，復得無量解脫方便。
	往昔成就本事		爾時救護一切眾生主夜神，欲重宣此解脫義，即為善財而說頌言：（三十四偈）
		勸聞	汝以歡喜信樂心，問此難思解脫法；我承如來護念力，為汝宣說應聽受。
		世間善根十波羅蜜因緣	過去無邊廣大劫，過於刹海微塵數，時有世界名寶光，其中有劫號善光。
			於此善光大劫中，一萬如來出興世，我皆親近而供養，從其修學此解脫。
			時有王都名喜嚴，縱廣寬平極殊麗，雜業眾生所居住，或心清淨或作惡。
			爾時有王名勝光，恒以正法御群生；其王太子名善伏，形體端正備眾相。
			時有無量諸罪人，繫身牢獄當受戮；太子見已生悲愍，上啟於王請寬宥。

入法界品善財童子五十三參之第三十八會大願精進力夜神(八地)之六

大願精進力夜神說偈重宣成就本事	往昔成就本事	世間善根十波羅蜜因緣	爾時諸臣共白王：今此太子危王國，如是罪人應受戮，如何悉救令除免？
			時勝光王語太子：汝救彼罪自當受！太子哀念情轉深，誓救眾生無退怯。
			時王夫人采女等，俱來王所白王言：願放太子半月中，布施眾生作功德。
			時王聞已即聽許，設大施會濟貧乏，一切眾生靡不臻，隨有所求咸給與。
			如是半月日云滿，太子就戮時將至，大眾百千萬億人，同時瞻仰俱號泣。
	起信	顯相	彼佛知眾根將熟，而來此會化群生，顯現神變大莊嚴，靡不親近而恭敬。
		本體	佛以一音方便說，法燈普照修多羅，無量眾生意柔軟，悉蒙與授菩提記。
	以往昔供養諸佛救護眾生故得無功用地成就	涅槃十波羅蜜因緣	善伏太子生歡喜，發興無上正覺心，誓願承事於如來，普為眾生作依處。
			便即出家依佛住，修行一切種智道，爾時便得此解脫，大悲廣濟諸群生。
			於中止住經劫海，諦觀諸法真實性，常於苦海救眾生，如是修習菩提道。
			劫中所有諸佛現，悉皆承事無有餘，咸以清淨信解心，聽聞持護所說法。
			次於佛刹微塵數，無量無邊諸劫海，所有諸佛現世間，一一供養皆如是。
		菩薩十波羅蜜因緣	我念往昔為太子，見諸眾生在牢獄，誓願捨身而救護，因其證此解脫門。
			經於佛刹微塵數，廣大劫海常修習，念念令其得增長，復獲無邊巧方便。
			彼中所有諸如來，我悉得見蒙開悟，令我增明此解脫，及以種種方便力。
			我於無量千億劫，學此難思解脫門；諸佛法海無有邊，我悉一時能普飲。
			十方所有一切刹，其身普入無所礙；三世種種國土名，念念了知皆悉盡。
			三世所有諸佛海，一一明見盡無餘；亦能示現其身相，普詣於彼如來所。
			又於十方一切刹，一切諸佛導師前，普雨一切莊嚴雲，供養一切無上覺。
			又以無邊大問海，啟請一切諸世尊；彼佛所雨妙法雲，皆悉受持無忘失。
			又於十方無量刹，一切如來眾會前，坐於眾妙莊嚴座，示現種種神通力。
			又於十方無量刹，示現種種諸神變，一身示現無量身，無量身中現一身。
			又於一一毛孔中，悉放無數大光明，各以種種巧方便，除滅眾生煩惱火。
			又於一一毛孔中，出現無量化身雲，充滿十方諸世界，普雨法雨濟群品。
			十方一切諸佛子，入此難思解脫門，悉盡未來無量劫，安住修行菩薩行。
			隨其心樂為說法，令彼皆除邪見網，示以天道及二乘，乃至如來一切智。
			一切眾生受生處，示現無邊種種身，悉同其類現眾像，普應其心而說法。
		總說	若有得此解脫門，則住無邊功德海，譬如刹海微塵數，不可思議無有量。
	自法門		善男子！我唯知此教化眾生令生善根解脫門。
	自宗門精進		如諸菩薩摩訶薩，超諸世間，現諸趣身，不住攀緣，無有障礙，了達一切諸法自性，善能觀察一切諸法，得無我智，證無我法，教化調伏一切眾生恒無休息，心常安住無二法門，普入一切諸言辭海；我今云何能知能說彼功德海、彼勇猛智、彼心行處、彼三昧境、彼解脫力？
	推薦精進		善男子！此閻浮提，有一園林，名嵐毘尼；彼園有神，名妙德圓滿。汝詣彼問：菩薩云何修菩薩行、生如來家、為世光明，盡未來劫而無厭倦？

附A38：四十華嚴善財童子之第三十八會大願精進力夜神(八地)之一

會 處		菩提場如來會中。(此處經文依四十華嚴)	
善財童子見善知識起十種心得與善知識無量同行	聞法信行	時，善財童子，禮夜神足，遶無數匝，慇懃瞻仰，深心戀慕，辭退而去。	
	藏見善知識坐普現法界國土摩尼寶網彌覆其上現二十五種無邊身	爾時，善財童子，往詣守護一切眾生大願精進力光明主夜神所，見彼夜神，在大眾中，坐普照現一切眾生宮殿影像摩尼王藏師子之座，普現法界差別影像，摩尼寶網彌覆其上，(寶網彌覆表報得成就，二十五身即依二十波羅密及四智而成)	
		現一切日月星宿影像身。	現受持佛法恒不忘失身。
		現隨眾生心普令得見身。	現圓滿菩薩廣大誓願身。
		現等諸眾生差別形像身。	現普光照耀充滿十方身。
		現無邊廣大色相海身。	現法燈普照除滅世間身。
		現普現一切諸相威儀身。	現了法如幻無垢深智身。
		現普於十方悉能應現身。	現遠離一切塵闇法性身。
		現普能成熟一切眾生身。	現出生佛法覺悟一切身。
		現廣運速疾神通法雲身。	現普智光照差別身。(二十)
		現利益眾生相續遍滿身。	現究竟無患無煩惱身。(大圓鏡智)
		現常遊虛空利益廣大身。(十)	現不可沮壞具足堅固身。(平等性智)
		現一切佛所恭敬頂禮身。	現無所依住如來威力身。(妙觀察智)
		現增長一切眾生善根身。	現性無分別體離垢染身。(成所作智)
			現性本清淨顯照諸法身(總說)
	於善知識生十種心	時，善財童子，見彼夜神現如是等佛刹極微塵數差別身已，一心頂禮，舉體投地，良久乃起，合掌瞻仰，於善知識生十種心，何等為十？所謂：	
		佛	於善知識生同己心，令我精勤辦一切智助道法故。
		法	於善知識生自業果心，令我親近發起清淨勝善根故。
		僧	於善知識生莊嚴菩薩行心，令我速能莊嚴一切菩薩行故。
		精進	於善知識生成就一切佛法心，引導於我隨順修行諸佛道故。
		禪定	於善知識生能生最勝心，令我生於佛境界中智光照故。
		般若	於善知識生出離心，令我修行普賢菩薩出離行故。
		方便	於善知識生能具足福智海心，令我積集成就福智白淨法故。
		願	於善知識生增長心，令我精進速疾增長一切智故。
		力	於善知識生能具足諸善根心，令我志願悉得圓滿，令諸眾生生歡喜故。
		智	於善知識生能成辦大利益心，令我自在利樂眾生安住一切菩薩法故，成就一切種智道故。
	善財童子發心故得與善知識無量同行	發是心已，得彼夜神與諸菩薩佛刹極微塵數同行，所謂：同念，心常憶念十方三世一切佛故，同慧，分別決了一切法海差別門故，…(八十八種同行，發心而得者，無功用故。人法無二得與一切法界同，因果無二得與一切諸佛同，自他無二得與諸一切菩薩同，染淨無二得與一切眾生同。八十華嚴具八十四種同行，疑缺文，依法義當具百種，總依十波羅蜜成就故，見附C38-1)	
	獲此同行說偈讚歎	時，善財童子，普遍觀察守護一切眾生大願精進力光明主夜神，起彼十種極清淨心，獲此佛刹極微塵數菩薩同行，得是行已，心轉清淨，於善知識，發起無量無邊歡喜，偏袒右肩，頂禮其足，合掌恭敬，一心瞻仰，以偈讚曰：	

附A38：四十華嚴善財童子之第三十八會大願精進力夜神(八地)之二

善財童子得善知識法門	善財童子說偈讚歎	佛	我發堅固自在意，志求無上佛菩提，今於聖者知識所，而起自己無異心。
		法	我以得見善知識，普集無盡諸白法，滅除一切眾罪垢，成就清淨菩提果。
		僧	我因得見善知識，普以功德莊嚴心，盡未來劫諸刹中，勤修利益眾生道。
		精進	我念聖者善知識，攝受饒益成就我，為攝我故悉顯示，最勝寂靜真實法。
		禪定	關閉險難諸惡趣，開示淨妙人天路，亦示一切諸如來，所成種智無師道。
		般若	聖者希有無等倫，是佛最勝功德藏，無垢無量如虛空，出一切智清淨樂。
			聖者福海量如空，我今所見無邊際，念念之中能出生，清淨善根一切智。
		方便	仁今滿我波羅蜜，增我不可思議福，令我冠佛妙法繒，長我清淨諸功德。
		願	我念聖者善知識，令我成滿諸佛智，我今誓願常依止，速疾成就諸白法。
		力	我以善友饒益故，一切功德咸具足，歡喜普為諸眾生，教導宣揚一切智。
		智	仁今與我為師範，令我修行無上法，我於無數億劫中，無能少報師恩德。
			爾時，善財說偈讚已，白言：大聖！向所顯現不可思議菩薩境界，願為我說此解脫門，名為何等，發心已來為幾時耶，久如當得阿耨多羅三藐三菩提。
善知識得大願精進境界自在成就	解脫名普化眾生令生善根，由菩薩大願力故一切智力故。		夜神告言：善男子！此解脫門，名普化眾生令生善根，我以得此解脫門故，悟一切法自性平等，入於諸法真實之性，證無依法，捨離世間，悉知諸法色相差別，亦能了達青黃赤白性皆不實無有差別，而恒示現無量無數清淨色身。(八十華嚴現九十七種色身，四十華嚴現百二種色身，見附C38-2)
			念念中現如是等諸色相身，充滿十方一切法界，令諸眾生或見色身，或聞說法，或隨順憶念，或親近承事，或遇神通，或觀變化，如是種種不可思議自在威力，悉隨心樂皆得開悟，應時調伏，捨不善業，善行圓滿。善男子！當知此由往昔種種大願力故，具一切智速疾力故，菩薩解脫廣大力故，救護眾生大悲力故，安樂眾生大慈力故，勤求隨順不退力故，一切如來加持力故，作如是事。
	如此解脫了知法性無有差別		善男子！我入此解脫了知法性無有差別，而能示現無量色身，於一身顯現無量諸色相海，於一一相普放無量大光明雲，一一光明照現無量諸佛刹土，一一刹土現無量佛出興于世，一如來顯現無量大神通力，隨諸眾生心行不同，開發覺悟宿世善根，未種者令種，已種者令增長，已增長者令成熟，於念念中，令無量眾生於阿耨多羅三藐三菩提得不退轉，安住種種解脫門中。
	出菩薩智輪海輪住遠佛離實一切分所染著界		爾時夜神告善財言：善男子！如汝所問，從幾時來發菩提心，修菩薩行，如是之義，我承佛力，當為汝說。
			善男子！菩薩智輪寂靜圓滿，遠離一切分別境界，不可以生死妄想之中，長短染淨廣狹多少，如是諸劫分別顯示開悟眾生，何以故？菩薩智輪本性清淨，離一切分別網，超一切障礙山，隨所應化而普照故。
			善男子！譬如日輪體無晝夜，但出時名晝，沒時名夜，菩薩智輪亦復如是，無有分別，亦無三世，但隨世間及菩薩智輪威德力故，於無別中建立差別，教化眾生，言其止住前劫，後劫，染淨多少。
			善男子！譬如日輪住閻浮空，其影悉現一切淨寶及以河海池沼器物諸淨水中，一切眾生莫不目見，而彼日輪不來至此，菩薩淨智圓滿日輪，亦復如是，出諸有海，住佛實法，寂靜空中無有所依，但為化度諸眾生故，而於諸趣隨類受生，實不生死亦無染著，無長短劫諸想分別，何以故？菩薩究竟離心想，見一切顛倒，得真寂見，見法實性，知諸世間如夢如幻無我無人，但以大悲大願力故，放無垢光廣大圓滿，現眾生前教化調伏。

附A38：四十華嚴善財童子之第三十八會大願精進力夜神(八地)之三

<p>出菩薩有智海輪住遠佛離實一切無分別所染著界</p>	<p>善男子！譬如船師常以大船，於河流中不依此岸，不著彼岸，不住中流，而度眾生，無有休息，菩薩摩訶薩，亦復如是，以波羅蜜船，於生死流中，不厭生死，不取涅槃，不住中流，而度眾生，達於彼岸，無有休息，雖於無量無數劫中，常勤精進，修菩薩行，教化眾生，未曾分別劫數長短。</p> <p>善男子！如太虛空，一切世界於中成壞而無分別，本性清淨，無染無亂，無礙無厭，非長非短，盡未來劫，持一切刹，菩薩摩訶薩，亦復如是，以等虛空界廣大深心，起大願風輪，攝諸眾生，令離惡道生諸善趣，悉令安住一切智地，滅諸煩惱生死苦縛，而無憂喜疲厭之心。</p> <p>善男子！如幻化人，雖復具足一切色身，肢體圓滿，而無入息及以出息寒熱飢渴憂喜生死十種之事，菩薩摩訶薩，亦復如是，以如幻智平等法身，現眾色相，於諸有趣，住無量劫，教化眾生，於生死中一切境界，亦無十事，所謂：無欣，無厭，無愛，無恚，無苦，無樂，無取，無捨，無安，無怖。</p>
<p>智慧難測</p>	<p>善男子！菩薩智慧，雖復如是甚深難測，我當承佛威神之力，為汝解說，令未來世諸菩薩等，滿足種種廣大願門，成就增長種種諸力。</p>
<p>善知識得大願精進境界自在成就</p>	<p>劫名妙光，世界名寶光明，初佛名法輪大聲虛空雲燈王如來。彼閻浮提，有一王都，名一切愛樂寶莊嚴，東有大林名妙光，道場名寶華。國王名勝光，太子名能勝性。</p> <p>善男子！乃往古世過世界海極微塵數劫，有世界，名寶光明，劫名妙光，於其劫中，有一萬佛出興于世，其最初佛，號法輪大聲虛空雲燈王如來，應正等覺，十號圓滿，彼四天下閻浮提中，有一王都，名一切愛樂寶莊嚴，城東不遠，有一大林，名曰妙光，於彼林中有菩提樹名寶拘蘇摩華雲，於其樹下有師子座，名毘盧遮那摩尼王蓮華藏，時彼如來於此座上，成阿耨多羅三藐三菩提，滿一百年，坐於最勝菩提道場，為諸菩薩諸天世人，及閻浮提宿植善根已成熟者，演說正法。（光者總表無功用行自果現前）</p> <p>是時國王名曰勝光，時世人民壽一萬歲，其中多有殺盜，姪佚，妄言，綺語，離間，僇惡，貪瞋，邪見，不孝父母，不敬沙門婆羅門等，如是諸惡，增長熾盛，時王為欲調伏彼等惡法眾生，令住十善，廣大成就，造立囹圄，枷鎖禁閉，無量眾生，於中受苦。</p> <p>王有太子名能勝性，端正殊特，人所喜見，最勝清淨，妙色圓滿，具二十八大人之相，處自宮中采女圍遶，遙聞獄囚楚毒音聲，心懷傷慙，從宮殿出，入牢獄中，見諸罪人，桎械枷鎖，遞相連繫，置幽闇處或以火炙，或以煙熏，或被榜笞，或遭臍割，裸形亂髮，飢渴羸瘦，筋斷骨現，號叫苦劇，太子見已心生悲愍，發起利益救護之心，以無畏聲安慰之言，汝莫憂惱，汝勿愁怖，我當令汝悉得解脫，便詣王所，而白王言：獄中罪人，苦毒難處，願垂寬宥，施以無畏。（說過去成就本事因緣）</p> <p>時，王即集五百大臣，而問之言：是事云何。諸臣答言：彼罪人者，私竊官物，謀奪王位，盜入宮闈，罪應刑戮，不宜寬恕以亂王法，有哀救者，罪亦當死。</p> <p>時彼太子，聞是語已悲心轉切，語大臣言：如汝所說但放罪人，所有苦事我悉代受，隨其所應可以治我，我為彼等苦惱繫縛一切眾生得解脫故，粉身歿命無所顧惜，要令罪人皆得免離，何以故？若我不救此等眾生令解脫者，云何能救三界牢獄諸苦眾生，一切眾生在三界中，為諸貪愛之所繫縛，入於種種黑闇稠林，愚癡所蔽貧無功德，墮諸惡趣身形鄙陋，諸根放逸其心迷惑，不求出道失智慧光，樂著三有斷諸福德，滅諸智慧，種種煩惱濁亂其心，住苦牢獄入魔羅網，生老病死憂悲惱害，如是諸苦，常所逼迫，我當云何令彼解脫，是故應捨一切珍財眷屬妻子，乃至身命，而救拔之，令彼獄囚而得離苦。</p>

附A38：四十華嚴善財童子之第三十八會大願精進力夜神(八地)之四

善知識得大願精進境界自在成就	王子慈悲出於世間	時諸大臣，聞是語已，共詣王所，悉舉其手，高聲唱言：大王當知，如太子意，毀壞王法，禍及萬人，若王愛念，不速治責，王之寶祚，亦不久立。王聞此言，赫然大怒，令誅太子及諸罪人。
	為求一切智及以利眾生而生大願堅定	王后聞之，愁憂號哭，毀形降服，塵土全身，與千采女及諸眷屬，馳詣王所，舉體投地，頂禮王足，俱白王言：唯願大王，慈恕太子，賜其餘命。王即迴意，語太子言：此諸獄囚，罪在難赦，故我救汝，莫救罪人，若救罪人，必當殺汝。爾時太子，為欲開發廣大心故，為欲專求一切智故，為欲利益諸眾生故，為以大悲普救攝故，其心堅固無有退怯，復白王言：願恕彼罪身當受戮。王言：隨意。爾時王后，既見太子，悲救決定，復白王言：願聽太子半月行施，恣意修福，然後就戮。王即聽許。是時王后，眷屬妃嬪，蒙王許已，悲喜交集，不自勝任。
	城北捨一切世間有為功德	時都城北有一大園，名曰日光，曾是往古諸仙施場，太子詣彼，設大施會，須食與食，須衣與衣，乃至車乘，華鬘瓔珞，塗香末香，幢幡寶蓋，及餘種種寶莊嚴具，隨有所求靡不周給，經半月已，於最後日，國王群臣，後妃采女，長者居士，城邑人眾，及諸外道，悉來集會。
	初佛合會	時，法輪大聲虛空雲燈王如來，知諸眾生調伏時至，即與大眾，詣此施場，所謂：天王園遶，龍王供養，夜叉王守護，乾闥婆王讚歎，阿脩羅王曲躬頂禮，迦樓羅王以清淨心散諸寶華，緊那羅王歡喜愛敬歌詠勸請，摩睺羅伽王一心觀察瞻仰尊顏，與此眾俱入彼大會。
	王子見佛成就合會出世間智	爾時太子及諸大眾，遙見如來相好端嚴，諸根寂定如調順象，心無垢濁如清淨池，威德自在如大龍王，現大神通，示大自在，種種相好，莊嚴其身，放大光明普照世界，一切毛孔出香焰雲，震動十方無量佛刹，出興一切莊嚴具雲，普雨一切諸莊嚴具，以佛威神功德之力，一切眾生見者心淨，增長歡喜銷滅煩惱。
		爾時，太子及諸大眾，既見如來種種威力，心意清淨踊躍無量，即於佛前五體投地，頂禮佛足，安施最勝清淨床座，合掌恭敬而白佛言：善來世尊！善來善逝！唯願哀愍，攝受於我。處于此座，以佛神力淨居諸天，即變此座，為香摩尼寶蓮華藏師子之座，佛坐其上，諸菩薩眾各各就座，周匝園遶，眷屬莊嚴，時彼會中，一切眾生，因見如來，患苦銷滅，垢障咸除，身器清淨，堪受聖法。
	能勝性太子說二十偈讚佛者即根本智合會入世間慈悲行，二十偈者即言自性二十波羅蜜和合世間大願行相	爾時，能勝性太子，見彼人天一切世主國王大臣長者居士，乃至所有童男童女，諸外道等，眾會集已，普遍觀察，偏袒右肩，右膝著地，合掌恭敬，一心觀佛，以偈讚曰：(二十偈)
		梵釋八部五通仙，種種辯才同讚佛，我以微力今隨讚，如蜂隨於妙翅飛。 融金色相青蓮眼，銷殄魔軍過失除，威儀嚴淨德充盈，十力智光恒普照。 住真寂樂無明盡，能除欲醉斷邪因，截諸愛網利群生，十力智光恒普照。 日光天子出現時，雖能與世為明導，種種惑亂蔽其心，佛日自他無不照。 雪山住世自在魔，龍為瓔珞獸皮服，常為女色之所昏，十力智光恒普照。 月光天子耀世間，淨空列宿為嚴飾，種種惑亂覆其心，佛月自他無不照。 青蓮華眼那羅延，除滅脩羅能變化，隨眠昏醉如胎藏，十力智光恒普照。 帝釋手執金剛杵，威德能碎阿脩羅，常為女色昏醉心，十力智光恒普照。 力賢三十三天主，威勢能破脩羅軍，由昏欲箭中其心，十力智光恒普照。 犀牛婆藪蟻樓仙，五通神力無能制，貪欲愚癡常醉心，十力智光恒普照。

附A38：四十華嚴善財童子之第三十八會大願精進力夜神(八地)之五

善 知 識 得 大 願 精 進 境 界 自 在 成 就	能勝性太子說二十偈讚佛者即根本智合會入世間慈悲行，二十偈者即言自性二十波羅蜜和合世間大願行相	勝論數論意仙等，一切外道常所宗，癡網所纏墜欲泥，十力智光恒普照。
		說四圍陀立世界，八面四臂勝身天，種種無明常自昏，十力智光恒普照。
		邪天愛欲無慚恥，那延好殺無愧心，鬼母血食害牛羊，頻那甘酒常昏醉。
		唯有如來恒住世，智眼常明如日光，眾生癡闇覆其心，不見善逝常迷沒。
		我於善逝非親屬，於諸異道亦非怨，異道既非奪我財，如來亦不與珍寶。
		但以世尊清淨語，決定利益無怨親，滌除妄垢顯心源，故我歸依無等者。
		能盡未來一切劫，利安一切諸眾生，拔苦與樂無懈心，故我頂禮慈悲者。
		瞻觀如來寂靜月，或起深信或生疑，或敬或慢或懷憂，究竟皆同解脫果。
		佛開廣大青蓮眼，妙相莊嚴功德身，人天共讚不能量，譬若萬流歸大海。
		我此舌根少稱讚，所生微分妙善根，普施法界諸眾生，願證法身成正覺。
	太子得菩薩普化眾生令生善根解脫門	爾時，法輪大聲虛空雲燈王如來，知此太子及彼會中一切眾生，堪受聖化，以圓滿音說修多羅，名普照圓滿，因令諸眾生隨類各解。時彼會中，有八十那由他眾生遠塵離垢，於諸法中得淨法眼，無量那由他眾生，得無學地，十千眾生住大乘道，入普賢行成滿大願。是時十方各百佛刹極微塵數眾生，於大乘中心得調伏，無量世界，種種佛刹，一切眾生，免離惡趣，復過算數無量眾生，生於天上，能勝性太子，即於此時，得此菩薩普化眾生令生善根解脫門。
		善男子！爾時太子，豈異人乎，我身是也，我因往昔起大悲心捨身命財，一切眷屬，乃至人間安樂壽命，救彼獄中受苦繫縛一切眾生，皆令解脫，開門大施心無障礙，供養於佛令生歡喜，發菩提心得此解脫。
		善男子！我於爾時，但為利益一切眾生不著三界，心無依止，不求果報無所希望，不貪世間一切名稱，不欲自讚輕毀於他，不戀一切世間財寶，於所行施離有相心，於諸世間種種境界，無所貪染，無所怖畏，但唯愛樂如來境界，淨菩提心，心性堅固猶若金剛，成就眾生勤求匪懈，以大悲力滅眾生苦，以如來力開發內心，觀察菩薩諸清淨行，莊嚴大乘出要之道，常樂觀察一切智門，修諸苦行，得此解脫。
	得過去因緣所有隨眾菩薩授記皆當成就	善男子！於意云何，彼時五百大臣，於勝光王，作不善語，欲害我者，豈異人乎，今提婆達多等五百徒黨惡比丘是，是諸人等，蒙佛教化，調伏成熟，皆已授與阿耨多羅三藐三菩提記，於未來世，過須彌山極微塵數劫，爾時有劫，名善光明，世界名寶光，於中成佛。
		其五百佛，次第興世。最初如來，號曰大悲，第二名饒益一切眾生願月王，第三名大悲師子，第四名利益一切世間，乃至最後，名曰醫王。雖彼諸佛大悲平等，然為調伏諸眾生故，種種國土功德莊嚴，種族父母，受生誕生在家出家，修菩薩道，往詣道場，降伏魔軍，成等正覺，轉正法輪，說修多羅，語言音聲，顯示神通，現大威力，光明眾會，壽命法住，及其名號，各各差別。
		善男子！彼諸罪人我所救者，即拘留孫等賢劫千佛是。爾時百萬阿僧祇諸大菩薩，見彼如來無邊威力，發阿耨多羅三藐三菩提心者，今於十方一切世界，行菩薩行，修習增長，如是菩薩普化眾生，令生善根解脫者是，時勝光王，今薩遮尼乾子大論師是，時王夫人內宮采女，及諸眷屬，即彼尼乾六萬弟子，與師俱來，建大論幢，共佛論議，悉降伏之，與授阿耨多羅三藐三菩提記者是，此諸人等，皆當作佛，種種佛刹，種種莊嚴，劫數名號，各各差別。

附A38：四十華嚴善財童子之第三十八會大願精進力夜神(八地)之六

大願精進力夜神成就本事	所救之人於初佛所出家學道，大願通五位行法		善男子！我於爾時救彼罪人，令解脫已，父母聽我，捨離國土，妻子財寶，一切眷屬，於法輪大聲虛空雲燈王如來所，出家學道。
			於千歲中，淨修梵行，即得成就百億三昧門，百億陀羅尼門，百億神通門，百億菩薩大法藏，能生百億求一切智精進門，淨治百億安忍門，增長百億思惟心，成就百億菩薩力，深入百億菩薩種智門，出生百億般若波羅蜜門，得百億十方諸佛現前門，具百億菩薩大願門。
			成就圓滿如是法已，於念念中十方各照百億佛刹，於念念中十方各遊百億佛刹，於念念中憶念十方一切世界前後際劫百億諸佛，於念念中能知十方一切世界百億諸佛大變化海，於念念中能見十方百億佛刹所有眾生，種種趣類，隨業所受，生時死時，善趣惡趣，好色惡色，其諸眾生種種心行，種種欲樂，種種心性，種種根器，種種業習，種種出生，種種相續，種種成就，可調伏時，皆悉明了。
			善男子！我於爾時命終之後，還復於彼閻浮提中，作轉輪王，彼法輪大聲虛空雲燈王如來般涅槃後，次即於此，值虛空高勝吉祥王如來，承事供養令生歡喜。
	為世間王供養諸佛恒不捨離(凡親近十九佛表不離根本智涅槃成就，和自成就總成二十佛)		次為帝釋，即此道場，值釋梵主藏王如來，親近供養令生歡喜。
			次為夜摩天王，即於此界，值大地威德吉祥山如來，親近供養令生歡喜。
			次為兜率天王，即於此界，值法輪光明大聲王如來，親近供養令生歡喜。
			次為妙變化天王，即於此界，值虛空智燈王如來，親近供養令生歡喜。
			次為他化自在天王，即於此界，值無能壞威力幢王如來，親近供養令生歡喜。
			次為阿脩羅王，即於此界，值一切法音王如來，親近供養令生歡喜。
			次為大梵天王，即於此界，值普現變化影像法音王如來，親近供養令生歡喜。
			善男子！此寶光明世界妙光劫中，有一萬佛出興于世，我皆親近，一一承事，恭敬供養令生歡喜。
	依智起行即諸供養(菩薩成就)	佛	次復有劫，名曰日光，於彼劫中，有十萬佛出興于世，最初如來，名妙相好吉祥山，我時為王，名曰大慧，於彼如來，承事供養，令生歡喜。
		法	次有佛出，名圓滿肩，我為居士，親近供養令生歡喜。
		僧	次有佛出，名無垢童子，我為輔臣，親近供養令生歡喜。
		精進	次有佛出，名勇猛持，我為阿脩羅王，親近供養令生歡喜。
		禪定	次有佛出，名為妙光，我為山神，親近供養令生歡喜。
		般若	次有佛出，名須彌相，我為樹神，親近供養令生歡喜。
		方便	次有佛出，名離垢臂，我為商主，親近供養令生歡喜。
		願	次有佛出，名師子遊步，我為城神，親近供養令生歡喜。
		力	次有佛出，名天王寶髻，我為毘沙門天王，親近供養令生歡喜。
		智	次有佛出，名法高稱，我為乾闥婆王，親近供養令生歡喜。
		成就	次有佛出，名普光明冠，我為鳩槃荼王，親近供養令生歡喜。
			善男子！於彼劫中，此十如來，而為上首，如是次第，十萬如來，皆悉供養。
	妙蓮華劫六十億如來出興		善男子！此世界中，次復有劫，名妙蓮華，有六十億如來，出興于世，我常於此，受種種身，以種種威儀，往詣於彼一一佛所，親近承事，以種種資具，恭敬供養，令生歡喜，教化調伏無量眾生，令其成熟阿耨多羅三藐三菩提心。

附A38：四十華嚴善財童子之第三十八會大願精進力夜神(八地)之七

大願精進力夜神說偈重宣成就本事	寶光世界妙蓮華劫中次第六十億如來出興于世我皆親近		我又於彼一一佛所，得種種三昧門，種種陀羅尼門，種種神通門，種種辯才門，種種一切智門，種種法明門，種種智慧門，照種種十方海，入種種佛刹海，見種種諸佛海，顯示甚深，普遍建立，清淨成就增長廣大。
			如於此妙蓮華劫中，親近供養爾所諸佛，令生歡喜，於一切處，一切世界海極微塵數劫，所有如來出興于世，親近供養，令生歡喜。一一如來，演說妙法，我皆聽聞，聞已信受，守護憶持，為他廣說，教化成熟一切眾生，亦復如是，如是一切諸如來所，皆悉修習此解脫門，復得無量解脫方便。
	往昔成就十波羅蜜本事		爾時，守護一切眾生大願精進力勇健光明主夜神，欲重宣此解脫門義，即為善財，而說偈言：(三十四偈)
		勸聞	汝發大心為世日，問我難思解脫門，我承佛力為汝說，汝應一心而諦聽。
		世間善根十波羅蜜因緣	佛 往昔無邊廣大劫，過於刹海極微數，彼時刹號寶光明，其中有劫名妙光。
			法 於此妙光大劫中，一萬如來出興世，我皆親近而供養，從其修習此解脫。
			僧 時有王都名喜嚴，縱廣寬平極殊麗，雜業眾生所居住，或心清淨或作惡。
			精進 彼時有王名勝光，恒以正法御群生，太子名為能勝性，形體端嚴備眾相。
			禪定 爾時幽繫無量人，犯王教令當受戮，太子見已生悲愍，上啟於王請寬宥。
			般若 王集群臣議所應，咸言太子危王國，如是罪人應就戮，如何悉救令除免。
			方便 時勝光王語太子，汝救彼罪自當受，太子哀念情轉深，誓救眾生無退怯。
			願 時王夫人采女等，俱來王所白王言，願放太子半月中，布施眾生作功德。
			力 時王聞已即聽許，設大施會濟貧乏，一切眾生靡不臻，隨有所求咸給與。
			智 如是半月日云滿，太子就戮時將至，大眾百千萬億人，同時瞻仰俱號泣。
		起信	顯相 佛知眾會根將熟，慈悲來此化群生，顯現神變大莊嚴，靡不親近而恭敬。
			本體 佛以圓音方便說，法燈普照修多羅，無量眾生意調伏，悉蒙與授菩提記。
	以供養諸佛救護眾生故得無功用地成就	涅槃十波羅蜜因緣	佛 太子聞法生歡喜，發興無上正覺心，誓願承事於如來，普為眾生作依處。
			法 自此出家依佛住，修行一切種智道，爾時便得此解脫，大悲廣濟諸群生。
			僧 於中住止經劫海，諦觀諸法真實性，常於苦海救眾生，精勤修習菩提道。
			精進 劫中所有諸佛現，悉皆承事無有餘，咸以清淨信解心，聽聞持護所說法。
			禪定 次於佛刹極微數，無量無邊諸劫海，所有諸佛現世間，一一供養皆如是。
			般若 我念昔為太子時，見諸眾生繫囹圄，誓願捨身而救彼，因其證此解脫門。
			方便 經於佛刹極微數，廣大劫海常修習，念念令其得增長，成就無邊巧方便。
			願 彼中所有諸如來，我悉得見蒙開悟，令我增明此解脫，及以種種方便力。
			力 我於無量千億劫，學此難思解脫門，諸佛法海無有邊，我悉一時能普飲。
			智 十方所有一切刹，其身普入無所礙，三世種種國土名，念念了知皆悉盡。
		菩薩波羅蜜	佛 三世所有諸佛海，一一明見盡無餘，亦能示現其身相，普詣於彼如來所。
			法 復於十方一切刹，一切諸佛導師前，普雨一切莊嚴雲，供養一切無上覺。
			僧 復以無邊大問海，啟請一切諸世尊，彼佛所興妙法雲，皆悉受持無忘失。
			精進 復於十方無量刹，一切如來眾會前，坐於眾妙莊嚴座，示現種種神通力。
			禪定 復於十方無量刹，示現種種諸神變，一身示現無量身，無量身中現一身。

附A38：四十華嚴善財童子之第三十八會大願精進力夜神(八地)之八

大願精進力夜神說偈重宣成就本事	得無功用地	菩薩波羅蜜	般若	復於一一毛孔中，悉放無數大光明，各以種種巧方便，除滅眾生煩惱火。
			方便	復於一一毛孔中，出現無量化身雲，充滿十方諸世界，普雨法雨濟群品。
			願	十方一切諸菩薩，入此難思解脫門，悉盡未來諸剎劫，安住修行菩薩行。
			力	隨諸心樂為說法，令彼皆除邪見網，示以天道及二乘，乃至如來一切智。
			智	一切眾生受生處，示現無邊種種身，悉同其類現眾像，普應其心而說法。
			總說	若有得此解脫門，則住無邊功德海，譬如刹海極微數，不可思議無有量。
	自法門			善男子！我唯知此菩薩普化眾生令生善根解脫門。
	自宗門——十波羅蜜精進	本體成就		如諸菩薩摩訶薩，
			佛	超諸世間現諸趣身，
			法	慧眼明徹永離癡翳，
			僧	不住攀緣無有障礙，
			總說	了達一切諸法自性，
		菩薩十波羅蜜	佛	除滅眾生無明黑闇，
			法	善能觀察一切諸法，
			僧	善巧方便微細思惟，
			精進	得無我智證無我法，
			禪定	教化調伏一切眾生，恒無休息，
			般若	心常安住無二法門，
			方便	於三寶境得不壞信，
			願	究竟了知諸行生滅，
			力	善說三世清淨實際，
		智	普入一切諸言辭海，	
	推薦精進			善男子！此閻浮提從菩提樹，恒河西北，迦毘羅城，有一園林，名嵐毘尼，彼園有神，名妙威德圓滿愛敬，汝詣彼問，菩薩云何修菩薩行，生如來家，為無盡燈，光明照世，盡未來劫，難行能行，而無厭倦。

附C38-1：入法界品善財童子第三十八參得與大願精進力夜神無量同行之一

八十華嚴	四十華嚴
同念，心常憶念十方三世一切佛故；	同念，心常憶念十方三世一切佛故；
同慧，分別決了一切法海差別門故；	同慧，分別決了一切法海差別門故；
同趣，能轉一切諸佛如來妙法輪故；	同趣，善巧開示一切如來妙法輪故；
同覺，以等空智普入一切三世間故；	同覺，以等空智，覺悟一切三世教故；
同根，成就菩薩清淨光明智慧根故；	同根，成就菩薩淨智光明，普照眾生諸根海故；
同心，善能修習無礙功德，莊嚴一切菩薩道故；	同心，善能修習無礙功德，莊嚴一切菩薩道故；
同境，普照諸佛所行境故；	同境，智光普照一切如來所行境故；
同證，得一切智照實相海淨光明故；	同教，獲一切智，照諸教海一切相故；
同義，能以智慧了一切法真實性故；	同義，能以智慧，覺悟一切法自性故；
	同法住，深入一切法界海故；
同勇猛，能壞一切障礙山故；	同勇猛，得不共法，摧滅一切障礙山故；
同色身，隨眾生心示現身故；	同色身，隨眾生心，示現種種相好身故；
同力，求一切智不退轉故；	同諸力，勤求成就一切智力不退轉故；
同無畏，其心清淨如虛空故；	同無畏，其心清淨，猶如虛空無障礙故；
同精進，於無量劫行菩薩行無懈怠故；	同精進，於無量劫行菩薩行無懈怠故；
同辯才，得法無礙智光明故；	同辯才，得一切法無障礙智普光明故；
同無等，身相清淨超世間故；	同無等，身相清淨，一切世間無能勝故；
同愛語，令一切眾生皆歡喜故；	同愛語，凡所語言，令諸眾生皆歡喜故；
同妙音，普演一切法門海故；	同妙音，能師子吼，普演一切法門海故；
同滿音，一切眾生隨類解故；	同滿音，以圓滿音，令諸眾生隨類解故；
同淨德，修習如來淨功德故；	同淨德，隨順修習一切如來淨功德故；
	同淨業，成就清淨一切菩薩諸善業故；
同智地，一切佛所受法輪故；	同智地，受一切佛所轉法輪為眾生故；
同梵行，安住一切佛境界故；	同梵行，安住一切如來所行智境界故；
同大慈，念念普覆一切國土眾生海故；	同大慈，念念普覆一切國土眾生海故；
同大悲，普雨法雨潤澤一切諸眾生故；	同大悲，興大法雲普降法雨潤澤一切諸眾生故；
同身業，以方便行教化一切諸眾生故；	同身業，以方便行，教化成熟諸眾生故；
同語業，以隨類音演說一切諸法門故；	同語業，以隨類音，演說一切諸法門故；
同意業，普攝眾生置一切智境界中故；	同意業，普攝眾生，置一切智境界中故；
同莊嚴，嚴淨一切諸佛刹故；	同莊嚴，清淨莊嚴一切十方諸佛刹故；
同親近，有佛出世皆親近故；	同親近，見一切佛出興于世，皆親近故；
同勸請，請一切佛轉法輪故；	同勸請，請一切佛為諸眾生，轉法輪故；
同供養，常樂供養一切佛故；	同供養，常樂供養承事一切諸如來故；
同教化，調伏一切諸眾生故；	同教化，調伏成熟一切世間諸眾生故；
同光明，照了一切諸法門故；	同光明，普能自在照了一切諸法門故；

附C38-1：入法界品善財童子第三十八參得與大願精進力夜神無量同行之二

八十華嚴	四十華嚴
同三昧，普知一切眾生心故；	同三昧，普知一切十方世界眾生心故；
同充遍，以自在力充滿一切諸佛刹海修諸行故；	同充遍，以自在力遍一切刹修諸行故；
同住處，住諸菩薩大神通故；	同住處，住諸菩薩神通海故；
同眷屬，一切菩薩共止住故；	同眷屬，一切菩薩共止住故；
同入處，普入世界微細處故；	同趣入，普入世界微細處故；
同心慮，普知一切諸佛刹故；	同心慮，普知廣大諸佛刹故；
同往詣，普入一切佛刹海故；	同往詣，隨順往詣普入一切佛刹海故；
同方便，悉現一切諸佛刹故；	同方便，悉能示現遍滿一切諸佛刹故；
同超勝，於諸佛刹皆無比故；	同超勝，遍於一切諸佛刹中無與等故；
同不退，普入十方無障礙故；	同不退，普入十方，威德平等無障礙故；
同破闇，得一切佛成菩提智大光明故；	同破闇，得一切佛成菩提智普光明故；
同無生忍，入一切佛眾會海故；	同無生忍，入一切佛道場眾海無染著故；
同遍一切諸佛刹網恭敬供養不可說刹諸如來故；	同普遍，承事供養不可說刹諸如來故；
同智證，了知彼彼法門海故；	同智證，隨順了知諸法門海，常相續故；
同修行，順行一切諸法門故；	同修行，現前勤求，順行一切諸法門故；
同希求，於清淨法深樂欲故；	同希求，於清淨法周遍勤求，深樂欲故；
同清淨，集佛功德而以莊嚴身口意故；	同清淨，集佛功德，而以莊嚴身口意故；
同妙意，於一切法智明了故；	同妙意，於一切法，正分別智，能明了故；
同精進，普集一切諸善根故；	同精進，勤求成就一切如來諸善根故；
同淨行，成滿一切菩薩行故；	同淨行，成就滿足一切菩薩所行行故；
同無礙，了一切法皆無相故；	同無礙，覺悟了知一切諸法皆無相故；
同善巧，於諸法中智自在故；	同善巧，能於如來一切法中，智自在故；
同隨樂，隨眾生心現境界故；	同隨樂，隨諸眾生心之所樂，現境界故；
同方便，善習一切所應習故；	同方便，善巧修習一切法門所應習故；
同護念，得一切佛所護念故；	同護念，得一切佛自在威力所護念故；
同入地，得入一切菩薩地故；	同入地，得入一切諸佛菩薩所住地故；
同所住，安住一切菩薩位故；	同所住，安住一切諸佛菩薩所證位故；
同記別，一切諸佛授其記故；	同記別，普為一切諸佛如來授記別故；
同三昧，一剎那中普入一切三昧門故；	同三昧，於一念中普入一切三昧海故；
同建立，示現種種諸佛事故；	同建立，於剎那中示現種種諸佛事故；
同正念，正念一切境界門故；	同正念，正念隨順一切如來境界門故；
同修行，盡未來劫修行一切菩薩行故；	同修行，盡未來劫勇猛精進勤修一切菩薩行故；
同淨信，於諸如來無量智慧極欣樂故；	同淨信，於諸如來無量智慧速疾愛敬極欣樂故；
同捨離，滅除一切諸障礙故；	同捨離，滅除一切諸障礙故；
同不退智，與諸如來智慧等故；	同不退智，與諸如來智慧等故；

附C38-1：入法界品善財童子第三十八參得與大願精進力夜神無量同行之三

八十華嚴	四十華嚴
同受生，應現成熟諸眾生故；	同受生，應現成熟諸眾生故；
同所住，住一切智方便門故；	同所住，安住如來一切種智方便門故；
同境界，於法界境得自在故；	同境界，能於甚深法性境界得自在故；
同無依，永斷一切所依心故；	同無依，永滅一切諸有染著所依心故；
同說法，已入諸法平等智故；	同說法，已甚深入種種法門平等智故；
同勤修，常蒙諸佛所護念故；	同勤修，於己身內受持佛法自體威德所護念故；
同神通，開悟眾生令修一切菩薩行故；	同神通，開悟眾生，令修一切菩薩行故；
	同無行，不動深入一切十方諸刹海故；
同神力，能入十方世界海故；	同神力，一念遍遊十方一切世界海故；
同陀羅尼，普照一切總持海故；	同總持，已得一切陀羅尼海普照門故；
同祕密法，了知一切修多羅中妙法門故；	同祕密，了知一切修多羅中妙法門故；
同甚深法，解一切法如虛空故；	同甚深，解一切法離相清淨如虛空故；
同光明，普照一切諸世界故；	同光明，放大光明，普照十方諸世界故；
同欣樂，隨眾生心而為開示令歡喜故；	同智光，普照顯示一切眾生心體性故；
同震動，為諸眾生現神通力普動十方一切刹故；	同震動，為諸眾生現神通力威德自在，普震十方諸佛刹故；
同不虛，見聞憶念皆悉令其心調伏故；	同不虛，一切眾生，種種方所，見聞憶念，皆悉令其心調伏故；
同出離，滿足一切諸大願海成就如來十力智故；	同出離，普為滿足一切菩薩諸大願海，成就如來十力智故；
	同欣樂，隨眾生心而為開示令歡喜故；

(返回第1062頁)

(返回第1068頁)

附C38-2：入法界品善財童子第三十八參大願精進力夜神現無量色身之一

	八十華嚴(九十七種)	四十華嚴(百另二種)
總說	所謂：種種色身，非一色身，	所謂：種種色身，非一色身，
佛十波羅蜜	無邊色身，	無邊色身，
	清淨色身，	清淨色身，
	一切莊嚴色身，	一切莊嚴色身，
	普見色身，	普見色身，
	等一切眾生色身，	等一切眾生形相色身，
	普現一切眾生前色身，	普現一切眾生前色身，
	光明普照色身，	光明普照色身，
		眾所樂見色身，
	見無厭足色身，	見無厭足色身，
	相好清淨色身，	相好清淨色身，
法十波羅蜜	離眾惡光明色身，	離一切惡淨光普照色身，
	示現大勇猛色身，	大力勇猛平等示現色身，
	甚難得色身，	一切世間甚深難得色身，
	一切世間無能映蔽色身，	一切世間無能映蔽色身，
	一切世間共稱歎無盡色身，	一切眾生稱歎無盡色身，
	念念常觀察色身，	念念觀察種種莊嚴色身，
	示現種種雲色身，	示現種種諸形像雲色身，
	種種形顯色色身，	出現種種形色顯色色身，
	現無量自在力色身，	普現無量神力色身，
	妙光明色身，	普放一切眾妙光明色身，
僧十波羅蜜	一切淨妙莊嚴色身，	一切淨妙莊嚴色身，
	隨順成熟一切眾生色身，	隨順成熟一切眾生色身，
	隨其心樂現前調伏色身，	隨其心樂現前調伏色身，
		隨所應度成就善根色身，
	無障礙普光明色身，	現無障礙普光明照色身，
	清淨無濁穢色身，	淨無濁穢廣大光明色身，
		可愛端正增長不壞色身，
	具足莊嚴不可壞色身，	具足莊嚴清淨堅固色身，
	不思議法方便光明色身，	方便開示不思議法微妙光明色身，
	無能映奪一切色身，	一切無能映奪色身，
精進波羅蜜		能映奪一切色身，
	無諸闇破一切闇色身，	無諸暗障色身，能破諸闇色身，
	集一切白淨法色身，	普集一切諸白淨法色身，
	大勢力功德海色身，	具足勢力大功德海色身，
	從過去恭敬因所生色身，	從於過去尊重恭敬為因所生色身，

附C38-2：入法界品善財童子第三十八參大願精進力夜神現無量色身之二

	八十華嚴(九十七種)	四十華嚴(百另二種)
精進波羅蜜	如虛空清淨心所生色身，	如虛空清淨心所起色身，
	最勝廣大色身，	最勝廣大超過妙寶色身，
	無斷無盡色身，	無斷無盡大功德海色身，
	光明海色身，	普遍出現大光明海色身，
	於一切世間無所依平等色身，	一切世間無依無別平等色身，
禪定十波羅蜜	遍十方無所礙色身，	遍滿十方一切世界無礙色身，
	念念現種種色相海色身，	念念出現不可說不可說剎海顯示種種色相海色身，
	增長一切眾生歡喜心色身，	增長一切眾生種種歡喜心色身，
	攝取一切眾生海色身，、	攝取一切眾生海色身，
	一一毛孔中說一切佛功德海色身，	能於一一毛孔之中出師子吼說一切佛功德海色身，
	淨一切眾生欲解海色身，	能淨一切眾生心性甚深信解海色身，
	決了一切法義色身，	決定解了一切法義無疑網色身，
	無障礙普照耀色身，	心無障礙種種光網普照耀色身，
	等虛空淨光明色身，	等虛空量淨光明色身，
般若十波羅蜜	放廣大淨光明色身，	能放廣大摩尼寶王淨光明色身，
	照現無垢法色身，	照現無垢法界影像色身，
	無比色身，	世無能比色身，
	差別莊嚴色身，	種種妙相差別莊嚴色身，
	普照十方色身，	普照十方色身，
	隨時示現應眾生色身，	隨時示現應諸眾生常不斷絕色身，
	寂靜色身，	出生寂靜調伏一切眾生色身，
	滅一切煩惱色身，	善能除滅一切煩惱色身，
	一切眾生福田色身，	一切眾生功德福田色身，
方便十波羅蜜		能清淨一切教色身，
	一切眾生見不虛色身，	一切眾生所見不虛色身，
	大智慧勇猛力色身，	現大智慧勇猛威力色身，
	無障礙普周遍色身，	無障礙普周遍色身，
	妙身，雲普現世間皆蒙益色身，	顯示最勝利益世間色身，
	具足大慈海色身，	現能普集大慈海色身，
	大福德寶山王色身，	普集大福山王色身，
	放光明普照世間一切趣色身，	普光照現一切世趣影像色身，
	大智慧清淨色身，	現能清淨大智慧力色身，
	生眾生正念心色身，	隨順一切世間正念色身，
	一切寶光明色身，	一切寶相光明色身，
	普光藏色身，	顯示毘盧遮那藏色身，

附C38-2：入法界品善財童子第三十八參大願精進力夜神現無量色身之三

	八十華嚴(九十七種)	四十華嚴(百另二種)
願 十 波 羅 蜜	現世間種種清淨相色身，	隨順一切眾生寂靜色身，
	求一切智處色身，	一切智體相現前色身，
	現微笑令眾生淨信色身，	現微笑眼能令眾生普生淨信色身，
	一切寶莊嚴光明色身，	一切眾寶最勝莊嚴普光明色身，
	不取不捨一切眾生色身，	不取不捨一切眾生色身，
	無決定無究竟色身，	無決定無執著色身，
	現自在加持力色身，	顯示自在威力加持色身，
	現一切神通變化色身，	顯示諸法神通變化色身，
	生如來家色身，	種種如來善根光照色身，
	遠離眾惡遍法界海色身，	遍法界海遠離諸惡色身，
力 十 波 羅 蜜	普現一切如來道場眾會色身，	普現親近一切如來道場眾會色身，
	具種種眾色海色身，	現能成就種種妙色海色身，
	從善行所流色身，	普遍出現善行所流相似妙果色身，
	隨所應化示現色身，	隨所應化調伏眾生色身，
	一切世間見無厭足色身，	一切世間見無厭足色身，
	種種淨光明色身，	放種種色淨光明色身，
	現一切三世海色身，	顯示一切三世相海色身，
	放一切光明海色身，	能放一切焰海光明色身，
	現無量差別光明海色身，	顯示無量圓滿光明海色身，
	超諸世間一切香光明色身，	一切妙香光明普遍超諸世間色身，
智 十 波 羅 蜜	現不可說日輪雲色身，	一一毛孔現不可說極微塵數日輪雲色身，
	現廣大月輪雲色身，	廣大無垢月輪雲威德色身，
	放無量須彌山妙華雲色身，	放無量色須彌山王妙華雲光明色身，
	出種種鬘雲色身，	出生種種妙鬘雲光明色身，
	現一切寶蓮華雲色身，	顯示一切寶蓮華雲色身，
	興一切燒香雲遍法界色身，	出興一切燒香形像雲普遍法界色身，
	散一切末香藏雲色身，	念念普散一切末香藏雲現前變化遍滿十方色身，
	現一切如來大願身色身，	現一切如來廣大願雲色身，
	現一切語言音聲演法海色身，	現一切語言普演法海色身，
	現普賢菩薩像色身，	現普賢菩薩形像身雲色身，

(返回第1063頁)

(返回第1069頁)

入法界品善財童子五十三參之第三十九會妙德圓滿神(九地)之一

會 處		閻浮提嵐毘尼園中。(四十華嚴第三十九參，見附A39)	
善財童子	聞法信行	時，善財童子頂禮其足，遶無量匝，合掌瞻仰，辭退而去。爾時，善財童子於大願精進力救護一切眾生夜神所，得菩薩解脫已，憶念修習，了達增長。	
	當法契入	漸次遊行，至嵐毘尼林，周遍尋覓彼妙德神，見在一切寶樹莊嚴樓閣中，坐寶蓮華師子之座，二十億那由他諸天恭敬圍遶，為說菩薩受生海經，令其皆得生如來家，增長菩薩大功德海。	
	發心徵詢	善財見已，頂禮其足，合掌前立，白言：大聖！我已先發阿耨多羅三藐三菩提心，而未能知菩薩云何修菩薩行、生如來家、為世大明？	
妙德圓滿夜神成就第九地力波羅蜜	依十波羅蜜成就十受生藏，依十受生藏成就生如來家	得十種藏	彼神答言：善男子！菩薩有十種受生藏，若菩薩成就此法，則生如來家，念念增長菩薩善根，不疲不懈，不厭不退，無斷無失，離諸迷惑，不生怕劣、惱悔之心，趣一切智，入法界門，發廣大心，增長諸度，成就諸佛無上菩提，捨世間趣，入如來地，獲勝神通，諸佛之法常現在前，順一切智真實義境。何等為十？
		佛	一者，願常供養一切諸佛受生藏；
		法	二者，發菩提心受生藏；
		僧	三者，觀諸法門勤修行受生藏；
		精進	四者，以深淨心普照三世受生藏；
		禪定	五者，平等光明受生藏；
		般若	六者，生如來家受生藏；
		方便	七者，佛力光明受生藏；
		願	八者，觀普智門受生藏；
		力	九者，普現莊嚴受生藏；
	智	十者，入如來地受生藏。	
		一者(佛)	善男子！云何名願常供養一切佛受生藏？善男子！菩薩初發心時，作如是願：我當尊重、恭敬、供養一切諸佛，見佛無厭，於諸佛所，常生愛樂，常起深信，修諸功德，恒無休息。是為菩薩為一切智始集善根受生藏。
		二者(法)	云何名發菩提心受生藏？善男子！此菩薩發阿耨多羅三藐三菩提心。所謂：起大悲心，救護一切眾生故；起供養佛心，究竟承事故；起普求正法心，一切無吝故；起廣大趣向心，求一切智故；起慈無量心，普攝眾生故；起不捨一切眾生心，被求一切智堅誓甲故；起無諂誑心，得如實智故；起如說行心，修菩薩道故；起不誑諸佛心，守護一切佛大誓願故；起一切智願心，盡未來化眾生不休息故。菩薩以如是等佛刹微塵數菩提心功德故，得生如來家。是為菩薩第二受生藏。
		三者(僧)	云何名觀諸法門勤修行受生藏？善男子！此菩薩摩訶薩，起觀一切法門海心，起迴向一切智圓滿道心，起正念無過失業心，起一切菩薩三昧海清淨心，起修成一切菩薩功德心，起莊嚴一切菩薩道心，起求一切智大精進行、修諸功德如劫火熾然無休息心，起修普賢行教化一切眾生心，起善學一切威儀、修菩薩功德、捨離一切所有、住無所有真實心。是為菩薩第三受生藏。

入法界品善財童子五十三參之第三十九會妙德圓滿神(九地)之二

妙德圓滿夜神成就第九地力波羅蜜	依十波羅蜜成就十受生藏，依十受生藏成就生如來家	四者 (精進)	云何名以深淨心普照三世受生藏？善男子！此菩薩具清淨增上心，得如來菩提光，入菩薩方便海，其心堅固猶若金剛，背捨一切諸有趣生，成就一切佛自在力，修殊勝行，具菩薩根，其心明潔，願力不動，常為諸佛之所護念，破壞一切諸障礙山，普為眾生作所依處。是為菩薩第四受生藏。
		五者 (禪定)	云何名平等光明受生藏？善男子！此菩薩具足眾行，普化眾生；一切所有，悉皆能捨；住佛究竟淨戒境界；具足忍法，成就諸佛法忍光明；以大精進，趣一切智，到於彼岸；修習諸禪，得普門定；淨智圓滿，以智慧日，明照諸法；得無礙眼，見諸佛海，悟入一切真實法性；一切世間，見者歡喜，善能修習如實法門。是為菩薩第五受生藏。
		六者 (般若)	云何名生如來家受生藏？善男子！此菩薩生如來家，隨諸佛住，成就一切甚深法門，具三世佛清淨大願，得一切佛同一善根，與諸如來共一體性，具出世行白淨善法，安住廣大功德法門；入諸三昧，見佛神力；隨所應化，淨諸眾生；如問而對，辯才無盡。是為菩薩第六受生藏。
		七者 (方便)	云何名佛力光明受生藏？善男子！此菩薩深入佛力，遊諸佛刹心無退轉，供養承事菩薩眾會無有疲厭，了一切法皆如幻起，知諸世間如夢所見，一切色相猶如光影，神通所作皆如變化，一切受生悉皆如影，諸佛說法皆如谷響，開示法界咸令究竟。是為菩薩第七受生藏。
		八者 (願)	云何名觀普智門受生藏？善男子！此菩薩住童真位，觀一切智一一智門，盡無量劫開演一切菩薩所行，於諸菩薩甚深三昧心得自在，念念生於十方世界諸如來所，於有差別境入無差別定，於無差別法現有差別智，於無量境知無境界，於少境界入無量境，通達法性廣大無際，知諸世間悉假施設，一切皆是識心所起。是為菩薩第八受生藏。
		九者 (力)	云何名普現莊嚴受生藏？善男子！此菩薩能種種莊嚴無量佛刹，普能化現一切眾生及諸佛身，得無所畏，演清淨法，周流法界，無所障礙；隨其心樂，普使知見，示現種種成菩提行，令生無礙一切智道；如是所作不失其時，而常在三昧毘盧遮那智慧之藏。是為菩薩第九受生藏。
		十者 (智)	云何名入如來地受生藏？善男子！此菩薩悉於三世諸如來所受灌頂法，普知一切境界次第。所謂：知一切眾生前際後際沒生次第、一切菩薩修行次第、一切眾身心念次第、三世如來成佛次第、善巧方便說法次第，亦知一切初、中、後際所有諸劫若成若壞名號次第。隨諸眾生所應化度，為現成道功德莊嚴，神通說法，方便調伏。是為菩薩第十受生藏。
	成就此十種受生藏功德		佛子！若菩薩摩訶薩，於此十法修習增長圓滿成就，則能於一莊嚴中，現種種莊嚴；如是莊嚴一切國土，開導示悟一切眾生，盡未來劫無有休息；演說一切諸佛法海種種境界、種種成熟，展轉傳來無量諸法；現不思議佛自在力，充滿一切虛空法界；於諸眾生心行海中而轉法輪，於一切世界示現成佛，恒無間斷；以不可說清淨言音說一切法，住無量處通達無礙；以一切法莊嚴道場，隨諸眾生欲解差別而現成佛，開示無量甚深法藏，教化成就一切世間。

入法界品善財童子五十三參之第三十九會妙德圓滿神(九地)之三

妙德圓滿夜神成就第九地力波羅蜜	說偈		爾時，嵐毘尼林神，欲重明其義，以佛神力，普觀十方而說頌言：
	重宣其義	佛	最上離垢清淨心，見一切佛無厭足，願盡未來常供養，此明慧者受生藏。
		法	一切三世國土中，所有眾生及諸佛，悉願度脫恒瞻奉，此難思者受生藏。
		僧	聞法無厭樂觀察，普於三世無所礙，身心清淨如虛空，此名稱者受生藏。
		精進	其心恒住大悲海，堅如金剛及寶山，了達一切種智門，此最勝者受生藏。
		禪定	大慈普覆於一切，妙行常增諸度海，以法光明照群品，此雄猛者受生藏。
		般若	了達法性心無礙，生於三世諸佛家，普入十方法界海，此明智者受生藏。
		方便	法身清淨心無礙，普詣十方諸國土，一切佛力靡不成，此不思議受生藏。
		願	入深智慧已自在，於諸三昧亦究竟，觀一切智如實門，此真身者受生藏。
		力	淨治一切諸佛土，勤修普化眾生法，顯現如來自在力，此大名者受生藏。
		智	久已修行薩婆若，疾能趣入如來位，了知法界皆無礙，此諸佛子受生藏。
	生如來家		善男子！菩薩具此十法，生如來家，為一切世間清淨光明。善男子！我從無量劫來，得是自在受生解脫門。
	佛——圓滿降生前發大願十種相		善財白言：聖者！此解脫門境界云何？答言：善男子！我先發願：願一切菩薩示受生時皆得親近；願入毘盧遮那如來無量受生海。以昔願力，生此世界閻浮提中嵐毘尼園，專念菩薩何時下生；經於百年，世尊果從兜率陀天而來生此。時，此林中現十種相。何等為十？
		佛	一者，此園中地忽自平坦，坑坎、堆阜悉皆不現。
		法	二者，金剛為地，眾寶莊嚴，無有瓦礫、荊棘、株杌。
		僧	三者，寶多羅樹周匝行列，其根深植至於水際。
		精進	四者，生眾香芽，現眾香藏，寶香為樹，扶疎蔭映，其諸香氣皆逾天香。
		禪定	五者，諸妙華鬘寶莊嚴具，行列分布，處處充滿。
		般若	六者，園中所有一切諸樹，皆自然開摩尼寶華。
		方便	七者，諸池沼中，皆自生華，從地涌出，周布水上。
		願	八者，時此林中，娑婆世界欲色所住天、龍、夜叉、乾闥婆、阿脩羅、迦樓羅、緊那羅、摩睺羅伽，一切諸王，莫不來集，合掌而住。
		力	九者，此世界中所有天女，乃至摩睺羅伽女皆生歡喜，各各捧持諸供養具，向畢洛叉樹前，恭敬而立。
		智	十者，十方一切諸佛臍中，皆放光明，名菩薩受生自在燈，普照此林；一一光中，悉現諸佛受生，誕生所有神變，及一切菩薩受生功德，又出諸佛種種言音。
			是為林中十種瑞相。此相現時，諸天王等即知當有菩薩下生；我見此瑞，歡喜無量。
	法——十種光明	現十種光明	善男子！摩耶夫人出迦毘羅城，入此林時，復現十種光明瑞相，令諸眾生得法光明。何等為十？所謂：
			一切寶華藏光、寶香藏光、寶蓮華開演出真實妙音聲光、十方菩薩初發心光、一切菩薩得入諸地現神變光、一切菩薩修波羅蜜圓滿智光、一切菩薩大願智光、一切菩薩教化眾生方便智光、一切菩薩證於法界真實智光、一切菩薩得佛自在受生出家成正覺光。此十光明，普照無量諸眾生心。

入法界品善財童子五十三參之第三十九會妙德圓滿神(九地)之四

妙德圓滿夜神成就第九地力波羅蜜	僧——菩薩成就自在受生解脫門——菩薩降生十波羅蜜世間成就相	菩提樹下		善男子！摩耶夫人於畢洛叉樹下坐時，復現菩薩將欲誕生十種神變。何等為十？
		佛波羅蜜	除滅煩惱諸天圍遶	善男子！菩薩將欲誕生之時，欲界諸天天子、天女，及以色界一切諸天、諸龍、夜叉、乾闥婆、阿脩羅、迦樓羅、緊那羅、摩睺羅伽并其眷屬，為供養故，悉皆雲集。摩耶夫人威德殊勝，身諸毛孔咸放光明，普照三千大千世界無所障礙，一切光明悉皆不現，除滅一切眾生煩惱及惡道苦。是為菩薩將欲誕生第一神變。
		法	顯現正法神變	又，善男子！當爾之時，摩耶夫人腹中悉現三千世界一切形像，其百億閻浮提內，各有都邑，各有園林，名號不同，皆有摩耶夫人於中止住、天眾圍遶，悉為顯現菩薩將生不可思議神變之相。是為菩薩將欲誕生第二神變。
		僧	往昔淨行成就	又，善男子！摩耶夫人一切毛孔，皆現如來往昔修行菩薩道時，恭敬供養一切諸佛，及聞諸佛說法音聲。譬如明鏡及以水中，能現虛空日月、星宿、雲雷等像；摩耶夫人身諸毛孔亦復如是，能現如來往昔因緣。是為菩薩將欲誕生第三神變。
		精進	微細成就	又，善男子！摩耶夫人身諸毛孔，一一皆現如來往修菩薩行時，所住世界，城邑聚落，山林河海，眾生劫數，值佛出世，入淨國土，隨所受生，壽命長短，依善知識修行善法，於一切剎在在生處，摩耶夫人常為其母；如是一切，於毛孔中靡不皆現。是為菩薩將欲誕生第四神變。
		禪定	普現分明	又，善男子！摩耶夫人一一毛孔，顯現如來往昔修行菩薩行時，隨所生處，色相形貌，衣服飲食，苦樂等事，一一普現，分明辦了。是為菩薩將欲誕生第五神變。
		般若	難捨能捨	又，善男子！摩耶夫人身諸毛孔，一一皆現世尊往昔修施行時，捨所難捨——頭目耳鼻，脣舌牙齒，身體手足，血肉筋骨，男女妻妾，城邑宮殿，衣服瓔珞，金銀寶貨。——如是一切內外諸物，亦見受者形貌、音聲及其處所。是為菩薩將欲誕生第六神變。
		方便	普得見聞	又，善男子！摩耶夫人入此園時，其林普現過去所有一切諸佛入母胎時國土、園林、衣服、華鬘、塗香、末香、幡繒、幢蓋——一切眾寶莊嚴之事，妓樂歌詠上妙音聲，令諸眾生普得見聞。是為菩薩將誕生時第七神變。
		願	入世間大願相	又，善男子！摩耶夫人入此園時，從其身出菩薩所住摩尼寶王宮殿、樓閣，超過一切天、龍、夜叉、乾闥婆、阿脩羅、迦樓羅、緊那羅、摩睺羅伽及諸人王之所住者，寶網覆上，妙香普熏，眾寶莊嚴，內外清淨，各各差別，不相雜亂，周匝遍滿嵐毘尼園。是為菩薩將誕生時第八神變。
		力	威神力相	又，善男子！摩耶夫人入此園時，從其身出十不可說百千億那由他佛刹微塵數菩薩，其諸菩薩身形容貌、相好光明、進止威儀、神通眷屬，皆與毘盧遮那菩薩等無有異，悉共同時讚歎如來。是為菩薩將誕生時第九神變。
		智波羅蜜	本智成就相	又，善男子！摩耶夫人將欲誕生菩薩之時，忽於其前，從金剛際出大蓮華，名為：一切寶莊嚴藏。金剛為莖，眾寶為鬚，如意寶王以為其臺，有十佛刹微塵數葉，一切皆以摩尼所成寶網、寶蓋以覆其上。（金剛際即自性根本智，大蓮華即法界成就智，十佛刹微塵數葉者即十波羅蜜成就微細智）

入法界品善財童子五十三參之第三十九會妙德圓滿神(九地)之五

妙德圓滿夜神成就第九地力波羅蜜	僧——菩薩十波羅蜜世間成就相	智波羅蜜	根本智成就相	一切天王所共執持；一切龍王降注香雨；一切夜叉王恭敬圍繞，散諸天華；一切乾闥婆王出微妙音，歌讚菩薩往昔供養諸佛功德；一切阿脩羅王捨憍慢心，稽首敬禮；一切迦樓羅王垂寶繒幡，遍滿虛空；一切緊那羅王歡喜瞻仰，歌詠讚歎菩薩功德；一切摩睺羅伽王皆生歡喜，歌詠讚歎，普雨一切寶莊嚴雲。是為菩薩將誕生時第十神變。（八部天眾）
		涅槃地成就	正覺成就之相	善男子！嵐毘尼園示現如是十種相已，然後菩薩其身誕生。如虛空中現淨日輪，如高山頂出於慶雲，如密雲中而耀電光，如夜闇中而燃大炬；爾時，菩薩從母脇生，身相光明亦復如是。善男子！菩薩爾時，雖現初生，悉已了達一切諸法，如夢如幻，如影如像，無來無去，不生不滅。
			法界成就之相	善男子！當我見佛於此四天下閻浮提內嵐毘尼園示現初生種種神變時，亦見如來於三千大千世界百億四天下閻浮提內嵐毘尼園中示現初生種種神變；亦見三千大千世界一一塵中無量佛刹，亦見百佛世界、千佛世界乃至十方一切世界一一塵中無量佛刹，如是一切諸佛刹中，皆有如來示現受生種種神變。如是念念，常無間斷。
	菩薩往昔修行成就本事			時，善財童子白彼神言：大天得此解脫，其已久如？
		佛波羅蜜	普寶世界自在功德幢	答言：善男子！乃往古世，過億佛刹微塵數劫，復過是數。時，有世界名為普寶，劫名悅樂，八十那由他佛於中出現；其第一佛，名自在功德幢，十號具足。彼世界中，有四天下，名妙光莊嚴；其四天下閻浮提中，有一王都，名須彌莊嚴幢；其中有王，名寶焰眼；其王夫人，名曰喜光。善男子！如此世界摩耶夫人，為毘盧遮那如來之母；彼世界中喜光夫人，為初佛母，亦復如是。
		法波羅蜜	妙寶樓一切施樹	善男子！其喜光夫人將欲誕生菩薩之時，與二十億那由他采女詣金華園；園中有樓，名妙寶峯；其邊有樹，名一切施。喜光夫人攀彼樹枝而生菩薩，諸天王眾各持香水共以洗沐。時，有乳母名為淨光，侍立其側。既洗沐已，諸天王眾授與乳母。乳母敬受，生大歡喜，即得菩薩普眼三昧；得此三昧已，普見十方無量諸佛，復得菩薩於一切處示現受生自在解脫。
		僧波羅蜜	見一切佛受生自在	如初受胎識，速疾無礙；得此解脫故，見一切佛乘本願力受生自在，亦復如是。善男子！於汝意云何？彼乳母者，豈異人乎？我身是也。
				我從是來，念念常見毘盧遮那佛示現菩薩受生海調伏眾生自在神力。如見毘盧遮那佛乘本願力，念念於此三千大千，乃至十方一切世界微塵之內，皆現菩薩受生神變；見一切佛悉亦如是，我皆恭敬承事供養，聽所說法，如說修行。
	妙德神說偈重宣			時，嵐毘尼林神，欲重宣此解脫義，承佛神力，普觀十方而說頌言：（二十三偈）
		往昔成就根本智十偈		佛子女所問，諸佛甚深境；汝今應聽受，我說其因緣。
				過億刹塵劫，有劫名悅樂；八十那由他，如來出興世。
				最初如來號，自在功德幢；我在金華園，見彼初生日。
				我時為乳母，智慧極聰利；諸天授與我，菩薩金色身。
				我時疾捧持，諦觀不見頂，身相皆圓滿，一一無邊際。
			離垢清淨身，相好以莊嚴，譬如妙寶像，見已自欣慶。	

入法界品善財童子五十三參之第三十九會妙德圓滿神(九地)之六

妙德圓滿神成就第九地力波羅蜜	妙德圓滿神說偈重宣	往昔成就根本智十偈		思惟彼功德，疾增眾福海；見此神通事，發大菩提心。
				專求佛功德，增廣諸大願，嚴淨一切刹，滅除三惡道。
				普於十方土，供養無數佛，修行本誓願，救脫眾生苦。
				我於彼佛所，聞法得解脫，億刹微塵數，無量劫修行。
		成就護持正法十偈	佛	劫中所有佛，我悉曾供養，護持其正法，淨此解脫海。
			法	億刹微塵數，過去十力尊，盡持其法輪，增明此解脫。
			僧	我於一念頃，見此刹塵中，一一有如來，所淨諸刹海。
			精進	刹內悉有佛，園中示誕生，各現不思議，廣大神通力。
			禪定	或見不思議，億刹諸菩薩，住於天宮上，將證佛菩提。
			般若	無量刹海中，諸佛現受生，說法眾圍遶，於此我皆見。
			方便	一念見億刹，微塵數菩薩，出家趣道場，示現佛境界。
			願	我見刹塵內，無量佛成道，各現諸方便，度脫苦眾生。
			力	一一微塵中，諸佛轉法輪，悉以無盡音，普雨甘露法。
			智	億刹微塵數，一一刹塵內，悉見於如來，示現般涅槃。
		三寶成就		如是無量刹，如來示誕生；而我悉分身，現前興供養。
				不思議刹海，無量趣差別；我悉現其前，雨於大法雨。
				佛子我知此，難思解脫門，無量億劫中，稱揚不可盡。
		自法門		善男子！我唯知此菩薩於無量劫遍一切處示現受生自在解脫。
		自宗門精進		如諸菩薩摩訶薩，能以一念為諸劫藏，觀一切法，以善方便而現受生；周遍供養一切諸佛，究竟通達一切佛法；於一切趣皆現受生，一切佛前坐蓮華座；知諸眾生應可度時，為現受生方便調伏；於一切刹現諸神變，猶如影像悉現其前。我當云何能知能說彼功德行？
		推薦精進		善男子！此迦毘羅城，有釋種女，名曰瞿波。汝詣彼問：菩薩云何於生死中教化眾生？

附A39：四十華嚴善財童子之第三十九會妙德圓滿神(九地)之一

會 處		閻浮提菩提樹恒河西北，迦毘羅城嵐毘尼園中。(此處經文依四十華嚴)	
善財童子參訪第九善慧地	聞法信行	時，善財童子頭面禮敬彼夜神足，遶無數匝，慇懃瞻仰，一心戀慕，辭退而去。	
	前法契入以解脫力現種種身	爾時，善財童子，正念思惟彼大願精進力守護一切眾生光明夜神，以解脫力，現等一切眾生心所見身，現等一切眾生形像身，現等無邊色相海身，現等一切處方俗威儀海身，普門示現，如是等身，隨諸眾生心之所應，以種種方便教化成熟，令其開悟增長善根，隨順修行，證入甚深菩薩解脫。善財如是以正念力，憶持分別，彼主夜神所得解脫所有教法，一一字句，名相體性，以總持力憶念攝持，以慧解力分明顯示，以行願力發起廣大，如是隨順，獲得無量殊勝功德。	
	見當位菩薩成就	漸次而行，度恒河北入憍薩羅國，向迦毘羅城，詣嵐毘尼林，到已右遶周旋，求覓妙德圓滿愛敬林神，見在林中大寶樹下，莊嚴圓滿寶樓閣中，坐摩尼藏師子之座，二十億那由他諸林神女，前後圍遶，廣為演說一切菩薩受生海經，令其皆得生如來家，疾入菩薩大功德海。(坐師子座，二十億眾圍遶者即自性地成就之二十波羅蜜顯用入世間)	
	發心徵詢	善財見已，頂禮雙足，合掌前立，作如是言：大聖！我已先發阿耨多羅三藐三菩提心，而未知菩薩云何生如來家，云何行菩薩行，云何能作一切眾生種種照世大光明燈。	
妙德圓滿夜神成就第九地力波羅蜜	依十波羅蜜成就十受生藏，依十受生藏成就生如來家	得十種藏	時彼林神，告善財言：善男子！菩薩有十種受生藏，若諸菩薩成就此法，則能速疾生如來家，念念增長菩薩善根，不休不懈不退不斷，無厭倦無繫縛，無疑惑，無迷亂，無怯弱，無惱悔，無遺失，一切智體等十方界，隨順佛境入法界門，不退廣大菩提之心，增長一切波羅蜜行，捨離一切世間趣類，疾入一切如來智地，神通智力常現在前，種種佛法皆能順入，究竟獲得真實義境，何等為十？所謂：
		佛	願常供事一切諸佛菩薩受生藏。
		法	普遍成就菩提心菩薩受生藏。
		僧	觀諸法門方便修行菩薩受生藏。
		精進	以深淨心普照三世菩薩受生藏。
		禪定	平等光明普照一切菩薩受生藏。
		般若	生三世一切諸如來家菩薩受生藏。
		方便	佛力光明普遍莊嚴菩薩受生藏。
		願	微細觀察普遍智門菩薩受生藏。
		力	法界變化種種莊嚴菩薩受生藏。
		智	速疾履踐諸如來地菩薩受生藏。
	一者(佛)	善男子！云何名願常供事一切諸佛菩薩受生藏？善男子！此菩薩初發心時，作如是願，我當親近承事諸佛，及諸菩薩，現見諸佛，恒生歡喜，於諸佛所，以尊重心，恭敬供養，無有厭足，增長淨信，心無退轉，積集功德，恒不斷絕，為欲清淨一切智性，積集善根，令增長故，是為菩薩第一受生藏。	
	二者(法)	云何名菩薩普遍成就菩提心受生藏？善男子！此菩薩發阿耨多羅三藐三菩提心，所謂：	
		起深厚大悲心，於諸眾生，能救護故，	
		起供養諸佛心，令諸如來增歡喜故，	
			起勤求正法心，於諸所有，無吝惜故，

附A39：四十華嚴善財童子之第三十九會妙德圓滿神(九地)之二

妙德圓滿夜神成就第九地力波羅蜜	依十波羅蜜成就十受生藏，依十受生藏成就生如來家	二者（法波羅蜜）	起所作廣大心，令一切智悉現前故，
			起圓滿大慈心，為普攝取一切眾生，作饒益故，
			起不捨眾生心，被求一切智堅誓甲故，
			起無諂幻心，得如實智，普照一切差別法故，
			起如說而行心，修習菩薩一切難行諸苦行故，
			起不誑一切諸佛心，願常守護一切如來大誓願故，
			起一切智大願心，盡未來際調伏眾生，無斷絕故，
			此十為首，有佛刹極微塵數菩提心大功德聚，若諸菩薩，成就此法，則得常生諸如來家，是為菩薩第二受生藏。
		三者（僧波羅蜜）	云何名菩薩觀諸法門方便修行受生藏？善男子！此菩薩，
			於一切法門海，起現前觀察心，
			於一切智圓滿道，起成就迴向心，
			於諸威儀清淨業海，起正念觀察心，
			於一切菩薩種種三昧海，起普遍清淨心，
			於一切菩薩種種功德海，起修習成滿心，
			於一切菩薩道，起莊嚴出生心，
			於一切智精進功德，起如劫火熾然不休息心，
			於一切眾生界，起令成就普賢行心，
			於一切威儀中，起修菩薩種種功德心，
			於真實中道，起捨離有無入真實正觀心，
			是為菩薩第三受生藏。
		四者（精進波羅蜜）	云何名菩薩以深淨心普照三世受生藏？善男子！
			此菩薩成就清淨增上深心，得佛菩提，光明遍照，
			深入菩薩方便法海，
			其心堅固猶如金剛，
			攝取眾生，畢竟不捨，
			遠離一切諸有趣生，成就如來種種神變，
			起於菩薩殊勝行願，具足菩薩明利諸根，
			增長菩薩清淨善心，
			成就不動大誓願力，
			得諸如來之所護念，破壞一切諸障礙山，
			與諸眾生，作所依怙，
			是為菩薩第四受生藏。
		（禪五定者）	云何名菩薩平等光明普照受生藏？善男子！
			此菩薩具修種種方便行海，調伏成熟一切眾生，
			一切所有悉能棄捨，
			成就無邊清淨戒體，住佛境界，

附A39：四十華嚴善財童子之第三十九會妙德圓滿神(九地)之三

妙德圓滿夜神成就第九地力波羅蜜	依十波羅蜜成就十受生藏，依十受生藏成就生如來家	五者（禪定波羅蜜）	具足安忍得一切佛法忍光明，
			以大精進勇猛志力，趣向出生一切智體，
			勤修清淨諸三昧門，成就一切神通智力，
			以智慧光，照明法界，得一切法差別光明，
			成就清淨無障礙眼，見一切佛諸色相海，
			悟入一切甚深法性，自在教化成熟眾生，
			能令世間皆生歡喜，勤修差別如實法門，
			是為菩薩第五受生藏。
		六者（般若波羅蜜）	云何名菩薩生三世一切諸如來家受生藏？善男子！
			此菩薩生如來家，
			隨如來住成滿一切殊勝行門，
			具足三世如來願海，
			得一切佛純一善根，
			與一切佛同一體性，
			成就出世白淨法行，
			安住普賢廣大功德，
		七者（方便波羅蜜）	入一切佛甚深三昧，
			見一切佛自在神力，所化眾生，咸令清淨，
			得佛平等迴向法門，能隨問答辯才無盡，
			是為菩薩第六受生藏。
			云何名菩薩佛力光明普遍莊嚴受生藏？善男子！
			此菩薩深入一切佛威神力，
			光明遍照，心不退轉，
			遊諸佛刹，無有動作，
		八者（願）	承事供養菩薩眾海，無有疲厭，
			如實了知諸法如幻，知諸世間悉皆如夢，
			見一切佛示現色身，所有相好，猶如光影，
			知一切佛神通所作，自在遊戲，猶如變化，
			知諸有趣隨類受生，如鏡中像，
			知一切佛所轉法輪，令眾生聞，如空谷響，
			以方便力開法界門，咸令證入，到於彼岸，
			是為菩薩第七受生藏。
			云何名菩薩微細觀察普遍智門受生藏？善男子！此菩薩住童真位，
			獲得菩薩種種威儀，一切功德具足圓滿，微細觀察一切智門，
			於一一門，盡無量劫，開演分別無邊菩薩所行境界，
			於諸菩薩甚深三昧，心得自在，成就最勝諸波羅蜜，
			念念普生一切世界諸如來所，

附A39：四十華嚴善財童子之第三十九會妙德圓滿神(九地)之四

妙德圓滿夜神成就第九地力波羅蜜	依十波羅蜜成就十受生藏，依十受生藏成就生如來家	八者（願波羅蜜）	能於一切差別境中，入於平等無差別定，
			於無差別平等法中，現於自在有差別智，
			於無量無邊境中，自在入出無有障礙，
			於無境中，起於種種差別境界，
			於微小境中，見廣大境，於廣大境中，見微小境，
			知諸世間皆假施設，通達諸法因緣性相皆是自心之所現起，
			是為菩薩第八受生藏。
		九者（力波羅蜜）	云何名菩薩法界變化種種莊嚴受生藏？善男子！此菩薩於念念中，
			種種莊嚴無量佛刹，普隨眾生，現變化身，
			得無所畏最勝彼岸，示現種種諸佛威儀，
			成就種種方便善巧，依止清淨無礙法界，
			隨眾生心現眾色相，令其見者無不調伏，
			普使安住不思議乘，具足開演成菩提行，
			行無障礙一切智道，相續出現，轉於法輪，
			住無中邊薩婆若海，
			隨所應化，不失其時，
			常能平等，正念饒益，
			成就如來智慧之藏，
			是為菩薩第九受生藏。
		十者（智波羅蜜）	云何名菩薩速疾履踐諸如來地受生藏？善男子！此菩薩悉於三世諸如來所，受灌頂法，悉知一切三世諸佛同一體性境界次第，所謂：
			知一切世界隨心現起相續次第，
			知一切眾生前後歿生相續次第，
			知一切眾生種種心念相續次第，
			知一切菩薩前後際劫凡所受生相續次第，
			知一切菩薩前後際劫所行之行相續次第，
			知一切菩薩所有修習種種智境相續次第，
			知一切諸佛前後際劫現成正覺相續次第，
			知一切法功能善巧親近供養相續次第，
			知一切劫盡前後際若成若壞種種事相種種名號相續次第，
			知隨所應度，現成正覺，功德莊嚴，開悟調伏，示現威力，智慧神通，轉正法輪，令諸眾生親近供養，皆不失時相續次第，
			於無邊眾生界，以巧方便而調伏故，是為菩薩第十受生藏。
	成就此十種受生藏功德		善男子！如是菩薩十種受生藏，一切菩薩無不從生，若諸菩薩，為欲成就廣大菩提，修習增長，圓滿此法，
			則能積集種種功德，於一莊嚴中，出一切莊嚴，
			普遍莊嚴一切佛刹，示現變化種種威儀，

附A39：四十華嚴善財童子之第三十九會妙德圓滿神(九地)之五

妙德圓滿夜神成就第九地力波羅蜜	成就此十種受生藏功德		普遍調伏諸眾生界，盡未來劫，無有休息，
			諸佛法海，種種因緣，種種境界，展轉流通相續不斷，現前覺悟無不周遍，
			現不思議佛自在力，普遍充滿虛空法界，
			於諸眾生心行海中，為攝取故，而轉法輪，
			普於十方一切世界諸如來所，親近不捨，無量法雲，普遍現前，
			以清淨音，演諸法海，住一切處，所行無礙，
			以一切法妙光明網，莊嚴種種菩提道場，
			隨諸眾生心之樂欲，開演無邊種種法藏，
			顯示種種諸佛境界，隨應開悟一切世間。
	說偈重宣		爾時，嵐毘尼園妙德愛敬林神，欲重宣說菩薩廣大受生藏義，以佛神力，觀察十方，為善財童子而說偈言：
	重宣其義	佛	最上無垢深淨心，見一切佛無厭足，願盡未來常供養，此明慧者受生藏。
		法	三世一切刹海中，所有眾生及諸佛，悉願救度恒瞻敬，此名稱者受生藏。
		僧	受法雲雨無厭足，普觀三世無所著，身心清淨如虛空，此無比者受生藏。
		精進	心恒遊止大悲海，堅固高勝如須彌，通達一切種智門，此自在者受生藏。
		禪定	大慈遍覆於十方，普行無垢波羅蜜，以法光明照群品，此雄猛者受生藏。
		般若	覺法自性心無礙，生於三世諸佛家，深入法界智無邊，此明慧者受生藏。
		方便	法身清淨心無著，普詣十方無量土，一切佛力靡不成，此難思者受生藏。
		願	入深智海得自在，住三昧海咸究竟，觀一切智方便門，此實智者受生藏。
		力	嚴淨一切諸佛刹，成熟一切諸群生，現佛神力普莊嚴，此大名者受生藏。
		智	諸佛法智皆修習，速能普入如來地，了知法界皆無礙，此真佛子受生藏。
	生如來家		善男子！若諸菩薩具此十種受生藏，則得生如來家，為諸世間作大明燈，善男子！我得此一切菩薩自在受生解脫門，無量劫來神通遊戲，顯示菩薩無礙境界。
	佛——圓滿降生前大願十種相		善財白言：聖者！此解脫門境界云何？林神答言：善男子！我先發願，願一切菩薩現受生時，我身皆得親近供養，願入毘盧遮那如來無量廣大受生海，以昔願力，而來生此娑婆世界，此四天下閻浮提中迦毘羅城嵐毘尼園，於此林中，專念菩薩何時下生，經一百年，果見世尊從兜率天而來下生。善男子！爾時菩薩將下生時，此大林中，先現十種莊嚴瑞相。何等為十。所謂：
		佛	一者，此林中地忽自平坦，阬坎堆阜，悉皆不現。
		法	二者，林中所有荊棘瓦礫，不淨之物，皆悉不現，金剛為地，眾寶莊嚴，如歡喜園，柔軟細妙。
		僧	三者，園中復有寶多羅樹，其根深植，下至水際，次第行列，分布莊嚴。
		精進	四者，林中復現一切香芽，一切香藏，塗香末香，幢幡寶蓋，及諸妙寶摩尼形像，種種香樹蔭映莊嚴，出過人天所有香氣。
		禪定	五者，林中復有諸妙華鬘寶莊嚴具，處處充滿，微妙分布。
		般若	六者，林中一切諸大寶樹，自然開發摩尼寶華，於華葉間，流出真金柔軟鬘線。
		方便	七者，林中所有一切池沼，皆生妙華，柔軟鮮潔，從地涌出，彌布水上。

附A39：四十華嚴善財童子之第三十九會妙德圓滿神(九地)之六

妙德圓滿夜神成就第九地力波羅蜜	佛——降生前十種相	願	八者，時此林中，娑婆世界，所有欲色諸大天王，及諸天龍，夜叉，乾闥婆，阿脩羅，迦樓羅，緊那羅，摩睺羅伽，鳩槃荼等，一切世主，莫不來集合掌而住。
		力	九者，此三千世界所有欲界諸天，采女，龍女，夜叉女，乾闥婆等及諸世主一切采女，皆生歡喜，各持種種諸供養具，向畢洛叉樹，恭敬而立。
		智	十者，十方所有一切諸佛，皆從臍輪放大光明，名菩薩受生種種自在燈，普照林中一切諸物一一光中，悉現諸佛受生誕生，所有神變，及現一切菩薩受生種種功德，又出諸佛種種言音，令諸眾生咸得聞見。
			是為林中十種瑞相，現此相已，時諸天王及諸世主，即知菩薩當欲下生，我時見此十種瑞相難思境界，心生歡喜，踊躍無量。
	法——入菩提場現十種光明		善男子！時菩薩母摩耶夫人，出迦毘羅城入此林時，復現十種光明瑞相，普照一切，令諸眾生得一切智，法性光明速疾增長，歡喜愛敬，何等為十？所謂：
		佛	於此林中，眾寶樓閣，香芽香藏，悉放光明，普照十方一切世界。
		法	又此林中，一切池沼，所有蓮華，悉放光明，於光明中，出微妙音，演說如來真實法句。
		僧	又令十方一切世界初發心菩薩，悉放光明，而來照此嵐毘尼林，無不遍滿。
		精進	又令十方一切佛刹所有住地諸大菩薩，現大神變放大光明，而來照此嵐毘尼林。
		禪定	又令十方一切佛刹，修行成就圓滿一切波羅蜜行諸大菩薩，放大光明而來照此嵐毘尼林。
		般若	又令十方一切佛刹，住大願海諸大菩薩，悉放一切自在無礙願智光明，而來照此嵐毘尼林。
		方便	又令十方一切佛刹，住大悲海諸大菩薩，悉放一切願智光明而來照此嵐毘尼林。
		願	又令十方一切佛刹，住方便海諸大菩薩，悉放種種調伏眾生善巧光明，而來照此嵐毘尼林。
		力	又令十方一切佛刹，諸大菩薩，悉放真實教智光明，而來照此嵐毘尼林。
		智	又令十方一切佛刹，諸大菩薩，放一切佛自在下生出家成道大智光明，而來照此嵐毘尼林。
			此十種光出現之時，普令除滅一切眾生無明黑暗
	僧——十種世間成就相		善男子！時摩耶夫人，現此十種光明相已，於畢洛叉樹下，將欲誕生，復現十種廣大神變，何等為十？（坐菩提樹下）
		佛	善男子！菩薩將欲誕生之時，色界天王，及諸天子，欲界諸天，及諸采女，諸龍，夜叉，乾闥婆，阿脩羅，迦樓羅，緊那羅，摩睺羅伽，一切世主并其眷屬，為供養故，皆悉雲集，時摩耶夫人，色相威德莊嚴殊勝，身諸毛孔咸放光明，如燈如日，如融金聚，普照三千大千世界，無所障礙，其中所有一切光明，咸皆飲蔽，悉不復現，除滅一切眾生煩惱及惡道苦，是為菩薩將誕生時第一神變。（除滅一切眾生煩惱及惡道苦）
		法	又善男子！當爾之時摩耶夫人於其腹中，悉現三千大千世界一切形像，其中百億四天下閻浮提內，種種都邑，各有園林，名號不同，一一皆有摩耶夫人，各於樹下，一切世主，并其眷屬圍遶而住，悉現菩薩將欲誕生不可思議神變之相，是為菩薩將誕生時第二神變。（悉現菩薩將欲誕生不可思議神變之相）

附A39：四十華嚴善財童子之第三十九會妙德圓滿神(九地)之七

妙德圓滿夜神成就第九地力波羅蜜	僧——菩薩成就力波羅蜜法門境界——菩薩降生十波羅蜜世間成就相	僧	又善男子，摩耶夫人於身一切毛孔之中，悉現世尊毘盧遮那過去所修菩薩行時，親近供養一切諸佛，及聞諸佛說法音聲，普震十方一切世界，諸所現境如於明鏡及淨水中，能現虛空日月星宿雲雷等像，摩耶夫人身諸毛孔，所現如來過去所行神通等事，亦復如是，是為菩薩將誕生時第三神變。(淨行成就)
		精進	又善男子，摩耶夫人身諸毛孔，一一皆現如來往修菩薩行時，所住一切世界海，一切世界種，世界體性，世界形狀，及世界中，城邑聚落，山林河海，泉流池沼，所度眾生，所經劫數，所有佛現，所入淨刹，所有受身，所有壽命，所事善友，所得法門，所修行願，所獲果證，從初發心，乃至獲得不退轉地，於一切處，在在所生，摩耶夫人，皆為其母，如是如來過去所有一切境界，於毛孔中，靡不皆現，是為菩薩將誕生時第四神變。(一一毛孔現如來往昔所住世界海)
		禪定	又善男子，摩耶夫人一一毛孔，顯現如來過去所修菩薩行時，凡所受生，種種色相，種種形貌，種種威儀，種種資具，衣服飲食，苦樂等事，一一明現，無不辦了，是為菩薩將誕生時第五神變。(過去所行一一明現)
		般若	又善男子，摩耶夫人身諸毛孔，一一皆現世尊過去修施行時，捨所難捨，身分肢節，頭目耳鼻，脣舌牙齒，血肉骨髓，肝膽腸胃，皮膚筋脈，及其妻妾，男女眷屬，宮殿城邑，及諸珍寶，金銀瑠璃，珂貝璧玉，瓔珞環佩，衣服飲食，如是一切內外諸物，亦見受者，種種方處，形貌言辭，是為菩薩將誕生時第六神變。(身諸毛孔皆現世尊過去施行)
		方便	又善男子，時此林中，普現過去一切劫中，所有諸佛，入母胎時，種種佛刹，種種園林，種種莊嚴，種種眷屬，及其種種幢幡傘蓋，華鬘衣服，塗香末香，摩尼寶等，種種瓔珞，諸莊嚴具，種種妓樂，歌詠讚歎，上妙音聲，遍滿林中，令諸眾生，普得聞見，是為菩薩將誕生時第七神變。(普現往昔諸佛入母胎時莊嚴)
		願	又善男子，摩耶夫人從其身中胎藏之內，出現菩薩應所受用，摩尼寶王宮殿樓閣，超過一切天龍，夜叉，乾闥婆，阿脩羅，迦樓羅，緊那羅，摩睺羅伽，及諸人王之所住處，摩尼王網，羅覆其上，復以一切人天形像摩尼寶王諸莊嚴具，校飾莊嚴，熏以無垢上妙香王，令諸眾生心得清淨，如是一切，遍滿林間，各各差別，不相雜亂，是為菩薩將誕生時第八神變。(出現菩薩所應受用)
		力	又善男子，摩耶夫人從其腹中，出十不可說不可說百千億那由他佛刹極微塵數菩薩摩訶薩，其諸菩薩身形容貌，色相光明，進止威儀，神通眷屬，一切皆與毘盧遮那菩薩等無有異，悉共同時讚歎如來，是為菩薩將誕生時第九神變。(與佛同等)
		智	又善男子，摩耶夫人將欲誕生菩薩之時，忽於其前，從金剛際出大蓮華，名一切寶王莊嚴藏，以無能勝，金剛摩尼王寶為莖，以眾生影像海摩尼王寶為藏，一切上妙摩尼王寶而作其鬚，清淨無垢如意寶王，以為其臺，有十佛刹極微塵數葉，一切皆以摩尼所成，周匝莊嚴，光輝間發，摩尼寶王而為其網，周匝垂覆堅固難壞，金剛寶王而為其蓋，以覆其上，一切天王所共執持。(依根本智成就顯相) 一切龍王起大香雲，降注香雨；一切諸天雨天妙華，及諸嚴具；一切夜叉王恭敬圍繞；一切乾闥婆王出美妙音，歌讚菩薩往昔親近供養諸佛所有功德；一切阿脩羅王捨憍慢心，曲躬恭敬，合掌頂禮；一切迦樓羅王銜寶繒帶，莊嚴虛空；一切緊那羅王發歡喜心，歌詠讚歎菩薩功德；一切摩睺羅伽王皆生歡喜，出大音聲，歌詠讚歎，普雨一切寶莊嚴雲。是為菩薩將誕生時第十神變。(八部天眾)

附A39：四十華嚴善財童子之第三十九會妙德圓滿神(九地)之八

妙德圓滿夜神成就第九地力波羅蜜	涅槃地成就顯相	正覺成就	善男子！我見摩耶夫人，於此林中，將誕菩薩，示現十種神通之相，不可思議種種功德，無量光明，心無厭足，摩耶夫人，然後右脇而生世尊，如虛空中現淨日輪，如高山頂出於慶雲，如密雲中而耀電光，如夜闇中然大火炬，爾時菩薩，從母脇生，身相光明，亦復如是。善男子！菩薩是時，為欲顯示一切諸法，如影如像，如夢如幻，無去無來，無生無滅，示現誕生。
		法界成就	善男子！我當見佛毘盧遮那於此四天下閻浮提內嵐毘尼園，示現初生神變之時，亦見如來，於三千大千世界百億四天下閻浮提中嵐毘尼園，示現初生種種神變，亦見於三千大千世界極微塵數佛刹，亦見於百佛世界極微塵數佛刹乃至十方一切世界極微塵數佛刹，示現初生種種神變，亦見在於十方世界極微塵中，所有種種無量佛刹，一一皆現受生誕生種種神變，如是念念盡未來際，普於十方一切法界所有刹海，一一塵中無量世界，示現初生種種神變次第相續，無有間斷，雖念念中，普遍一切無邊刹海，示現誕生種種神變，而心無著，無有障礙。
	菩薩能利自他有三種法——異熟因果，福德因果及智慧因果	云何出生圓滿	爾時，善財童子白妙德圓滿愛敬吉祥嵐毘尼園主林神言：聖者！菩薩云何住最後身，要生於此大族姓中？
			林神告言：善男子！一切菩薩將成正覺住最後身，皆生王宮，或生大族婆羅門家，何以故？為能成就種種利益，調伏自他，令成熟故。
			善男子！能利自他，有三種法：一者異熟因果。二者福德因果。三者智慧因果。云何異熟？謂有八種：一者壽量圓滿。二者色相圓滿。三者種族圓滿。四者自在圓滿。五者信言圓滿。六者大勢圓滿。七者丈夫相圓滿。八者勇力圓滿。
		異熟八種圓滿	善男子！云何菩薩壽命圓滿？所謂壽命長遠久住世間。
			云何菩薩色相圓滿？所謂形色端嚴，相好殊勝，人所樂見，心無厭足。
			云何菩薩種族圓滿？所謂生於豪貴刹帝利種，婆羅門家。
			云何菩薩自在圓滿？所謂得大財位及大眷屬，所作隨心，人所宗奉。
			云何菩薩信言圓滿？所謂出言誠諦，人必信受，理諸諍訟，心無高下，凡所決斷，如執權衡，言行無違，無求無諂。
			云何菩薩大勢圓滿？所謂名稱高遠，勇猛精進，志性柔和，毀譽不動，工巧藝業，無能過者，處大眾會，咸所尊重。
			云何菩薩丈夫相圓滿？所謂具丈夫相，離諸殘缺。
			云何菩薩勇力圓滿？所謂報力殊勝，身常無病，心力勇健，有勝堪能。
			如是八法，是為菩薩異熟圓滿，
		異熟圓滿之八種因	善男子！菩薩云何，修此八種異熟之因。
			所謂菩薩，於諸眾生，起大慈愍，無殺害心，是為壽量圓滿之因。
			若諸菩薩，於佛菩薩形像之前，及諸一切黑闇之處，施諸光明，及施種種鮮潔衣服，是為色相圓滿之因。
			若諸菩薩，處於種種部類之中，心常謙下，是為種族圓滿之因。
			若諸菩薩，於諸貧匱困厄眾生，隨心所欲，而行給施，是為自在圓滿之因。
			若諸菩薩，常修實語，和合語，柔軟語，不變異語，是為信言圓滿之因。
			若諸菩薩，為欲攝取未來世身，種種色相，殊勝功德，發大誓願，供養三寶及善知識父母師長，心恒不捨，承事恭敬，無有斷絕，是為大勢圓滿之因。

附A39：四十華嚴善財童子之第三十九會妙德圓滿神(九地)之九

妙德圓滿夜神成就第九地力波羅蜜	菩薩能利自他有三種法——異熟因果，福德因果及智慧因果	異熟八種圓滿之因	若諸菩薩，心恒愛樂丈夫之身，於女人相，常生厭棄，怖畏女色，猶如猛火，於丈夫身，生福德想，亦勸眾生厭離女身，欣丈夫相，是為丈夫圓滿之因。
			若諸菩薩恒以身力供事眾生，如理作役皆往營助，於師長處，按摩塗洗，及以種種上妙飲食，施諸飢渴，咸令充飽，令其安樂，色力增盛，是為勇力圓滿之因。
			如是菩薩，修習八種異熟之因，感異熟果。善男子！如是八種異熟之因，復由三緣而得增長，能感圓滿廣大饒益殊勝異熟，云何為三？一者清淨心。二者清淨行。三者清淨境。
		異熟三種緣	若諸菩薩內心清淨，所有善根悉用迴向阿耨多羅三藐三菩提，及證甚深一味法界，廣大信樂純一無雜，勤求修習不顧身命，與善知識同一志行，見同法者深生歡喜，日夜思惟念念隨順，行住坐臥心無厭足，是為第一發清淨心。
			若諸菩薩，即於如是廣大志樂所起善根，長時修習念念無間，方便善巧皆使成就，未受行者令得受行，已受行者令其堅固，是為第二行清淨行。
			若諸菩薩於彼一切所行境中，令心清淨，能正發起，令行調柔，如是趣求，至究竟果，是為第三趣清淨境。
		云何菩薩異熟果	善男子？云何菩薩異熟果耶？
			謂由菩薩壽量具足故，能得長時無間修習，所有善根，積集增長，能久住世，自利利他，是為壽命圓滿之果。
			又由菩薩色相端嚴眾生愛敬故，一切大眾咸來歸仰，凡所發言，無不樂聞，既聞法已，皆悉順行，是為色相圓滿之果。
			又由菩薩種族真正故，世所宗重，令諸眾生，隨順菩薩所有言教，精勤修習，速疾捨離諸不善業，修諸善業，是為種族圓滿之果。
			又由菩薩自在圓滿具足財位故，能以種種珍寶僕使，給施群生，隨其所須，咸令充足，以此攝取然後調伏，而成熟之，是為自在圓滿之果。
			又由菩薩成就實語故，能以愛語，攝諸眾生調伏成熟，令其信受，皆得解脫，是為信言圓滿之果。
			又由菩薩豪貴自在，有大勢力故，能令眾生，感德從化，心生慚愧，尊重愛樂，凡所出言隨順不逆，是為大勢圓滿之果。
			又由菩薩具足圓滿大丈夫相，諸根成就無有殘缺，是故堪為勝功德器，精進勤求一切智境，得無所畏無障礙行，能大饒益一切眾生，所作隨心，皆無障礙，一切世間諸天及人，無能譏毀，是為具足大丈夫相圓滿之果。
			又由菩薩成就勇力故，普能積集一切善法，安樂成就諸眾生界，勇猛精進，成就智通，是為勇力圓滿之果。
			如是名為異熟因果。
		云何福智	云何福智？謂施戒忍三波羅蜜，名之為福，般若波羅蜜，名之為智。
			精進禪定，亦名為福，亦名為智，謂因精進，修施戒忍慈無量等，則名為福，若因精進，起聞思修，則名為智。
			又因精進，修蘊善巧，處善巧，界善巧，緣起善巧，處非處善巧，能知四諦善不善法，煩惱勝劣黑白諸業，微細觀察，皆名為智。
			若因禪定，修四無量，是名為福，若因禪定，修行般若，及諸善巧，則名為智。

附A39：四十華嚴善財童子之第三十九會妙德圓滿神(九地)之十

妙德圓滿夜神成就第九地力波羅蜜	三種法	云何福智	是故菩薩，能大饒益一切眾生，於諸佛刹大眾會中而為師首，普能隨順一切諸佛，轉正法輪，能自調伏，亦能調伏一切眾生，令其速入一切智道，菩薩成就如是種種殊勝因果，即能疾得阿耨多羅三藐三菩提。
	菩薩往昔修行成就就本事		爾時，善財童子白林神言：聖者！得此解脫，其已久如？林神告言：
		佛波羅蜜	普寶世界自在功德幢佛
		佛波羅蜜	善男子！乃往古世過億佛刹極微塵數劫，復倍是數，時有世界，名普寶，劫名悅樂，八十億那由他佛於中出現，其第一佛，名自在功德無能勝幢，十號具足，彼世界中有四天下，名種種莊嚴光，閻浮提中有一王都，名清淨莊嚴須彌幢，其中有王名寶光焰眼。時彼大王第一夫人，名大焰自在歡喜光，如此世界閻浮提中摩耶夫人為毘盧遮那如來之母，彼種種莊嚴光世界閻浮提中，大焰自在歡喜光夫人，為彼最初自在功德無能勝幢如來之母，亦復如是。
	僧波羅蜜	法波羅蜜	清淨妙寶峯樓閣一切施樹王
		僧波羅蜜	見一切佛受生自在
	妙德圓滿神說偈重宣	往昔成就根本智十偈	善男子！時喜光夫人將欲誕生彼菩薩時，與二十億那由他采女前後圍遶，詣圓滿廣大金華園中，示現種種不可思議菩薩受生神通變化，時彼園中有一樓閣，名清淨妙寶峯，有大樹王名一切施。時彼夫人即以右手攀彼樹枝，於其右脇誕彼菩薩，諸天捧持香水沐浴，一切世主廣陳供養。時有乳母名無垢光，侍立其側，於是諸天授與乳母，乳母敬受，以手抱持，生大歡喜，即得菩薩普眼境界三昧，得此三昧故，普見十方一切世界無量諸佛，復得此一切自在受生解脫法門。

善男子！如初受胎識速疾無礙，得此三昧故，速疾能見十方諸佛乘本願力受生神變，亦復如是。善男子！於意云何？彼時乳母無垢光者，豈異人乎，我身是也。時二十億那由他采女者，今此林中我之眷屬二十億那由他諸林神女是。彼時夫人大焰自在歡喜光者，今摩耶夫人是。時彼大王寶光焰眼者，今淨飯王是。

善男子！我從是來於念念中，常見毘盧遮那菩薩自在受生大神變海。善男子！如見世尊毘盧遮那，念念於此娑婆世界，及此世界一一塵中，乘本願力，自在受生神變海門，亦見世尊普於十方一切刹海所有世界及彼塵中，示現受生自在神變。如見現在，亦見如來盡未來際十方世界，及彼世界一一塵中，示現受生自在神變。善男子！如見今佛毘盧遮那普遍受生自在神變，亦見十方一切諸佛各乘本願，遍一切處，盡前後際，所有世界，及彼世界所有塵中，一切世界，示現受生自在神變，皆得親近承事供養，及聞諸佛所轉法輪，皆能受持，隨順悟入。

爾時，妙德林神欲重宣此解脫門義，承佛威力，觀察十方，而說偈言：(二十三偈)

善哉佛子汝所問，最勝難知諸佛境，深生尊重信樂心，我說此因應諦聽。
 億刹塵劫復倍是，過彼有劫名悅樂，八十億數那由他，諸佛於中相續現。
 最初有佛出興世，號自在德無勝幢，時我在彼金華園，見彼如來誕生相。
 彼時我身為乳母，名無垢焰而供侍，諸天授我菩薩身，金色光明勝無比。
 我時受得天人師，捧持諦觀不見頂，左右身量無邊際，諸相圓滿巨思議。
 見彼離垢清淨身，相好莊嚴甚微妙，猶如妙寶真金像，歡喜自慶發淨心。
 思惟彼佛諸功德，增長無量深福海，見佛神通無與等，即發廣大菩提心。

附A39：四十華嚴善財童子之第三十九會妙德圓滿神(九地)之十一

妙德圓滿夜神成就第九地力波羅蜜	妙德圓滿神說偈重宣	往昔成就根本智十偈		專求一切佛功德，增長一切諸大願，嚴淨一切微塵刹，滅除一切險惡道。
				普於十方一切國，供養諸佛無央數，為求解脫遍修行，願滅一切眾生苦。
				我聞彼法能受持，獲此難思解脫力，億刹塵數無邊劫，具修菩薩清淨行。
		成就護持正法十偈	佛	劫中次第所興佛，一一我皆曾供養，受持其法備修行，莊嚴淨此解脫海。
			法	億刹塵數刹塵劫，過去所有十力尊，盡持其法亦修行，此解脫輪轉清淨。
			僧	我於一念皆能了，一切佛刹極微中，所有一切諸如來，各各莊嚴諸刹海。
			精進	彼諸刹海所有佛，園中示現初誕生，念念所現難思議，廣大自在神通力。
			禪定	我見億刹諸菩薩，專求最勝佛菩提，將成正覺住天宮，顯現難思諸佛境。
			般若	或見無邊刹海中，諸佛受生神變事，一切眾會共圍遶，廣說正法令開悟。
			方便	我於一念能普見，億刹塵數諸菩薩，出家降魔坐道場，示現種種佛境界。
			願	或見一切刹塵中，無量仁尊成正覺，各現難思方便力，度脫一切苦眾生。
			力	或見一切極微內，諸佛皆轉妙法輪，悉以無盡微妙音，普雨無邊甘露法。
			智	於念念中見一切，億刹塵數諸佛刹，悉有如來現受生，及現涅槃無所著。
		總說		如是無量佛刹海，如來於彼現初生，我皆普往不分身，一一現前興供養。
				不思議刹諸界趣，無邊品類諸眾生，悉以方便現其前，雨大法雨令開悟。
				佛子我悉能知此，最勝難思解脫門，設於無量億劫中，開示稱揚不能盡。
	自宗門——十波羅蜜精進	自法門		善男子！我唯知此菩薩於無量劫遍一切處示現受生自在神變解脫法門。
				如諸菩薩摩訶薩，能以一念，
		佛		為一切劫發生之藏，開顯證悟諸法本性，
		法		以善方便普現受生，願常供養一切諸佛，
		僧		精勤究竟佛法現前，諸趣受身如影普現，
		精進		一切佛所坐蓮華座，隨應化度成熟眾生，
		禪定		普於世間現大神變，圓滿大智通達無礙，
		般若		於諸三昧皆得自在，示成正覺轉妙法輪，
		方便		證入甚深無礙法界，了知一切眾生心性，
		願		開示一切功德之相，發起廣大心自在力，
		力		獲得一切降魔怨智，
		智		順入一切如來境界，隨諸眾生普現色身，
				如是菩薩智功德行，而我云何能知能說。
		推薦精進		善男子！從此西南迦毘羅城，有釋種女，名曰瞿波，汝詣彼問，菩薩云何於生死中，成熟眾生，行菩薩行。

入法界品善財童子五十三參之第四十會釋女瞿波(十地)之一

會 處		迦毘羅城。(四十華嚴第四十參，見附A40)
善財童子參訪第十法雲地善知識	聞法信行	時，善財童子頂禮其足，遶無數匝，慇懃瞻仰，辭退而去。爾時，善財童子向迦毘羅城，思惟修習受生解脫，增長廣大，憶念不捨。
	無憂德神迎接善財入光明殿觀察善財童子所能成就	漸次遊行，至菩薩集會普現法界光明講堂，其中有神，號無憂德，與一萬主宮殿神俱，來迎善財作如是言：善來丈夫！有大智慧，有大勇猛，能修菩薩不可思議自在解脫，心恒不捨廣大誓願，善能觀察諸法境界；安住法城，入於無量諸方便門，成就如來功德大海；得妙辯才善調眾生，獲聖智身恒順修行，知諸眾生心行差別，令其歡喜趣向佛道。
		我觀仁者修諸妙行心無暫懈，威儀所行悉皆清淨，汝當不久得諸如來清淨莊嚴無上三業，以諸相好莊嚴其身，以十力智瑩飾其心，遊諸世間。我觀仁者勇猛精進而無有比，不久當得普見三世一切諸佛聽受其法，不久當得一切菩薩禪定解脫諸三昧樂，不久當入諸佛如來甚深解脫。
		何以故？見善知識親近供養，聽受其教，憶念修行，不懈不退，無憂無悔，無有障礙，魔及魔民不能為難，不久當成無上果故。
	十地圓滿依根本智起大慈悲(佛)	善財童子言：聖者！如向所說，願我皆得。聖者！我願一切眾生，息諸熱惱，離諸惡業，生諸安樂，修諸淨行。聖者！一切眾生，起諸煩惱，造諸惡業，墮諸惡趣，若身若心恒受楚毒，菩薩見已心生憂惱。
	十地滿位起大智慧(法)	聖者！譬如有人唯有一子，愛念情至，忽見被人割截肢體，其心痛切不能自安。菩薩摩訶薩亦復如是，見諸眾生以煩惱業墮三惡趣受種種苦，心大憂惱。若見眾生起身語意三種善業，生天人趣受身心樂，菩薩爾時生大歡喜。
		何以故？菩薩不自為故求一切智，不貪生死諸欲快樂，不隨想倒、見倒、心倒、諸結、隨眠、愛見力轉，不起眾生種種樂想，亦不味著諸禪定樂，非有障礙、疲厭、退轉住於生死。但見眾生於諸有中，具受無量種種諸苦，起大悲心，以大願力而普攝取。悲願力故，修菩薩行，為斷一切眾生煩惱，為求如來一切智智，為供養一切諸佛如來，為嚴淨一切廣大國土，為淨治一切眾生樂欲及其所有身心諸行，於生死中無有疲厭。
於諸眾生起十六種大利益(僧)		聖者！菩薩摩訶薩於諸眾生，為莊嚴，令生人天富貴樂故；
		為父母，為其安立菩提心故；
		為養育，令其成就菩薩道故；
		為衛護，令其遠離三惡道故；
		為船師，令其得度生死海故；
		為歸依，令捨諸魔煩惱怖故；
		為究竟，令其永得清涼樂故；
		為津濟，令入一切諸佛海故；
		為導師，令至一切法寶洲故；
		為妙華，開敷諸佛功德心故；
		為嚴具，常放福德智慧光故；
		為可樂，凡有所作悉端嚴故；
		為可尊，遠離一切諸惡業故；
		為普賢，具足一切端嚴身故；

入法界品善財童子五十三參之第四十會釋女瞿波(十地)之二

善財童子參訪第十法雲地善知識	前行	利益十六種	為大明，常放智慧淨光明故；
			為大雲，常雨一切甘露法故。
			聖者！菩薩如是修諸行時，令一切眾生皆生愛樂、具足法樂。
	說偈讚歎隨逐善財恒不捨離		爾時，善財童子將昇法堂，其無憂德及諸神眾，以出過諸天上妙華鬘、塗香、末香，及以種種寶莊嚴具，散善財上，而說頌言：
		佛	汝今出世間，為世大明燈，普為諸眾生，勤求無上覺。
		法	無量億千劫，難可得見汝；功德日今出，滅除諸世間。
		僧	汝見諸眾生，顛倒惑所覆，而興大悲意，求證無師道。
		精進	汝以清淨心，尋求佛菩提，承事善知識，不自惜身命。
		禪定	汝於諸世間，無依無所著，其心普無礙，清淨如虛空。
		般若	汝修菩提行，功德悉圓滿，放大智慧光，普照一切世。
		方便	汝不離世間，亦不著於世，行世無障礙，如風遊虛空。
		願	譬如火災起，一切無能滅；汝修菩提行，精進火亦然。
		力	勇猛大精進，堅固不可動，金剛慧師子，遊行無所畏。
		智	一切法界中，所有諸刹海，汝悉能往詣，親近善知識。
			爾時，無憂德神說此頌已，為愛樂法故，隨逐善財，恒不捨離。
	光明講堂見善知識及其圍遶智慧功德		爾時，善財童子入普現法界光明講堂，周遍推求彼釋氏女，見在堂內，坐寶蓮華師子之座，八萬四千采女所共圍遶。
			是諸采女，靡不皆從王種中生，悉於過去修菩薩行同種善根，布施、愛語普攝眾生；已能明見一切智境，已共修集佛菩提行；恒住正定，常遊大悲，普攝眾生猶如一子；慈心具足，眷屬清淨；已於過去成就菩薩不可思議善巧方便，皆於阿耨多羅三藐三菩提得不退轉，具足菩薩諸波羅蜜；
			離諸取著，不樂生死；雖行諸有，心常清淨，恒勤觀察一切智道；離障蓋網，超諸著處，從於法身而示化形；生普賢行，長菩薩力，智日慧燈悉已圓滿。
	問十地法於生死中而能不染		爾時，善財童子詣彼釋女瞿波之所，頂禮其足，合掌而住，作如是言：聖者！我已先發阿耨多羅三藐三菩提心，而未知菩薩云何…（十一云何）
		總說	於生死中，而不為生死過患所染？
		佛	了法自性，而不住聲聞、辟支佛地？
		法	具足佛法，而修菩薩行？
		僧	住菩薩地，而入佛境界？
		精進	超過世間，而於世受生？
		禪定	成就法身，而示現無邊種種色身？
		般若	證無相法，而為眾生示現諸相？
		方便	知法無說，而廣為眾生演說諸法？
		願	知眾生空，而恒不捨化眾生事？
		力	雖知諸佛不生不滅，而勤供養無有退轉？
		智	雖知諸法無業無報，而修諸善行恒不止息？

入法界品善財童子五十三參之第四十會釋女瞿波(十地)之三

釋女瞿波成就第十法雲地	說親讚 近歎善 善知財 知識徵 功詢德 善行法		時，瞿波女告善財言：善哉善哉！善男子！汝今能問菩薩摩訶薩如是行法，修習普賢諸行願者能如是問。諦聽諦聽！善思念之！我當承佛神力，為汝宣說。（修習普賢諸行願）
			善男子！若諸菩薩成就十法，則能圓滿因陀羅網普智光明菩薩之行。何等為十？所謂：依善知識故，得廣大勝解故，得清淨欲樂故，集一切福智故，於諸佛所聽聞法故，心恒不捨三世佛故，同於一切菩薩行故，一切如來所護念故，大悲妙願皆清淨故，能以智力普斷一切諸生死故。是為十。若諸菩薩成就此法，則能圓滿因陀羅網普智光明菩薩之行。（十地之涅槃十波羅蜜）
			佛子！若菩薩親近善知識，則能精進不退修習出生無盡佛法。佛子！菩薩以十種法，承事善知識。何等為十？所謂：於自身命無所顧惜，於世樂具心不貪求，知一切法性皆平等，永不退捨一切智願，觀察一切法界實相，心恒捨離一切有海，知法如空心無所依，成就一切菩薩大願，常能示現一切刹海，淨修菩薩無礙智輪。佛子！應以此法承事一切諸善知識，無所違逆。（菩薩十波羅蜜）
			爾時，釋迦瞿波女，欲重明此義，承佛神力，觀察十方，而說頌言：
	依根本智起十種世間行	佛	菩薩為利諸群生，正念親承善知識，敬之如佛心無怠，此行於世帝網行。
		法	勝解廣大如虛空，一切三世悉入中，國土眾生佛皆爾，此是普智光明行。
		僧	志樂如空無有際，永斷煩惱離諸垢，一切佛所修功德，此行於世身雲行。
		精進	菩薩修習一切智，不可思議功德海，淨諸福德智慧身，此行於世不染行。
		禪定	一切諸佛如來所，聽受其法無厭足，能生實相智慧燈，此行於世普照行。
		般若	十方諸佛無有量，一念一切悉能入，心恒不捨諸如來，此向菩提大願行。
		方便	能入諸佛大眾會，一切菩薩三昧海，願海及以方便海，此行於世帝網行。
		願	一切諸佛所加持，盡未來際無邊劫，處處修行普賢道，此是菩薩分身行。
		力	見諸眾生受大苦，起大慈悲現世間，演法光明除闇冥，此是菩薩智日行。
		智	見諸眾生在諸趣，為集無邊妙法輪，令其永斷生死流，此是修行普賢行。
	普能現身	菩薩修行此方便，隨眾生心而現身，普於一切諸趣中，化度無量諸含識。	
		以大慈悲方便力，普遍世間而現身，隨其解欲為說法，皆令趣向菩提道。	
	法門徵詢		時，釋迦瞿波說此頌已，告善財童子言：善男子！我已成就觀察一切菩薩三昧海解脫門。善財言：大聖！此解脫門境界云何？
	觀察一切菩薩三昧海解脫門	根本智	答言：善男子！我入此解脫，知此娑婆世界佛刹微塵數劫，所有眾生於諸趣中，死此生彼，作善作惡，受諸果報，有求出離、不求出離，正定、邪定及以不定，有煩惱善根，無煩惱善根，具足善根，不具足善根，不善根所攝善根，善根所攝不善根；如是所集善、不善法，我皆知見。
		知諸佛覺悟世間	又彼劫中所有諸佛名號、次第，我悉了知。彼佛世尊從初發心，及以方便求一切智，出生一切諸大願海，供養諸佛，修菩薩行，成等正覺，轉妙法輪，現大神通，化度眾生，我悉了知。
		知眾生成就世間	亦知彼佛眾會差別，其眾會中有諸眾生依聲聞乘而得出離，其聲聞眾過去修習一切善根，及其所得種種智慧，我悉了知。
			有諸眾生依獨覺乘而得出離，其諸獨覺所有善根、所得菩提、寂滅解脫、神通變化、成熟眾生、入於涅槃，我悉了知。

入法界品善財童子五十三參之第四十會釋女瞿波(十地)之四

釋女瞿波成就第十法雲地	觀察一切菩薩三昧海解脫門	知眾生成就世間	亦知彼佛諸菩薩眾，其諸菩薩從初發心，修習善根，出生無量諸大願行，成就滿足諸波羅蜜種種莊嚴菩薩之道，以自在力，入菩薩地，住菩薩地，觀菩薩地，淨菩薩地，菩薩地相、菩薩地智、菩薩攝智、菩薩教化眾生智、菩薩建立智、菩薩廣大行境界、菩薩神通行、菩薩三昧海、菩薩方便，菩薩於念念中所入三昧海、所得一切智光明、所獲一切智電光雲、所得實相忍、所通達一切智、所住剎海、所入法海、所知眾生海、所住方便、所發誓願、所現神通，我悉了知。
		知一切世界因緣所有成就	善男子！此娑婆世界，盡未來際，所有劫海，展轉不斷，我皆了知。 如知娑婆世界，亦知娑婆世界內微塵數世界，亦知娑婆世界內一切世界，亦知娑婆世界微塵內所有世界，亦知娑婆世界外十方無間所住世界，亦知娑婆世界世界種所攝世界，亦知毘盧遮那世尊此華藏世界海中十方無量諸世界種所攝世界， 所謂：世界廣博、世界安立、世界輪、世界場、世界差別、世界轉、世界蓮華、世界須彌、世界名號。盡此世界海一切世界，由毘盧遮那世尊本願力故，我悉能知，亦能憶念。
		知一切諸佛十波羅蜜圓滿成就本事	亦念如來往昔所有諸因緣海。所謂：修集一切諸乘方便，無量劫中，住菩薩行淨佛國土，教化眾生承事諸佛，造立住處聽受說法，獲諸三昧得諸自在； 修檀波羅蜜入佛功德海，持戒苦行，具足諸忍，勇猛精進，成就諸禪，圓滿淨慧；於一切處示現受生，普賢行願悉皆清淨，普入諸剎，普淨佛土，普入一切如來智海，普攝一切諸佛菩提，得於如來大智光明，證於諸佛一切智性，成等正覺，轉妙法輪； 及其所有道場眾會，其眾會中一切眾生，往世已來所種善根，從初發心，成熟眾生，修行方便，念念增長，獲諸三昧神通解脫。如是一切，我悉了知。
		成就因緣	何以故？我此解脫，能知一切眾生心行、一切眾生修行善根、一切眾生雜染清淨、一切眾生種種差別、一切聲聞諸三昧門、一切緣覺寂靜三昧神通解脫、一切菩薩一切如來解脫光明，皆了知故。
		徵詢	爾時，善財童子白瞿波言：聖者得此解脫，其已久如？
	十地菩薩大智與慈悲同生本事	根本智世間	答言：善男子！我於往世，過佛刹微塵數劫，有劫名勝行，世界名無畏。彼世界中，有四天下，名為安隱。其四天下閻浮提中，有一王城，名高勝樹，於八十王城中最為上首。彼時，有王名曰財主，其王具有六萬采女、五百大臣、五百王子；其諸王子皆悉勇健，能伏怨敵。
		王太子即出世間智慧	其王太子，名威德主，端正殊特，人所樂見，足下平滿，輪相備具，足趺隆起，手足指間皆有網縵，足跟齊正，手足柔軟，伊尼耶鹿王腦，七處圓滿，陰藏隱密，其身上分如師子王，兩肩平滿，雙臂傭長，身相端直，頸文三道，頰如師子，具四十齒悉皆齊密，四牙鮮白，其舌長廣出梵音聲，眼目紺青睫如牛王，眉間毫相頂上肉髻，皮膚細軟如真金色，身毛上靡髮帝青色，其身洪滿如尼拘陀樹。
		入世間因緣	爾時，太子受父王教，與十千采女詣香牙園遊觀戲樂。太子是時，乘妙寶車，其車具有種種嚴飾，置大摩尼師子之座而坐其上；五百采女各執寶繩牽馭而行，進止有度，不遲不速；（表智慧太子與十波羅蜜行法共乘妙車入於法界）

入法界品善財童子五十三參之第四十會釋女瞿波(十地)之五

釋女瞿波法雲地往昔成就因緣	十地菩薩大智與慈悲同生本事	六波羅蜜圍遶	百千萬人持諸寶蓋，百千萬人持諸寶幢，百千萬人持諸寶幡，百千萬人作諸妓樂，百千萬人燒諸名香，百千萬人散諸妙華，前後圍遶而為翊從。道路平正，無有高下，眾寶雜華散布其上；寶樹行列，寶網彌覆，種種樓閣延袤其間。
		正法樓閣顯現	其樓閣中，或有積聚種種珍寶，或有陳列諸莊嚴具，或有供設種種飲食，或有懸布種種衣服，或有備擬諸資生物，或復安置端正女人，及以無量僮僕侍從；隨有所須，悉皆施與。
		入世間慈悲法前行	時，有母人名為善現，將一童女名具足妙德，顏容端正，色相嚴潔，洪纖得所，修短合度，目髮紺青，聲如梵音，善達工巧，精通辯論，恭勤匪懈，慈愍不害，具足慚愧，柔和質直，離癡寡欲，無諸諂誑，乘妙寶車，采女圍遶，及與其母從王城出，先太子行。(母即慈悲，出生行法即具足妙德。)
		合會發心	見其太子言辭諷詠，心生愛染，而白母言：我心願得敬事此人，若不遂情，當自殞滅。母告女言：莫生此念。何以故？此甚難得。此人具足輪王諸相，後當嗣位作轉輪王，有寶女出，騰空自在。我等卑賤，非其匹偶。此處難得，勿生是念。
	具足妙德童女遇佛因緣		彼香牙園側，有一道場，名法雲光明。時有如來名勝日身，十號具足，於中出現已經七日。時彼童女暫時假寐，夢見其佛；從夢覺已，空中有天而告之言：勝日身如來，於法雲光明道場成等正覺已經七日，諸菩薩眾前後圍遶。天、龍、夜叉、乾闥婆、阿脩羅、迦樓羅、緊那羅、摩睺羅伽、梵天乃至色究竟天，諸地神、風神、火神、水神、河神、海神、山神、樹神、園神、藥神、主城神等，為見佛故，皆來集會。
	童女於太子前自申美德		時妙德童女夢觀如來故，聞佛功德故，其心安隱，無有怖畏，於太子前而說頌言：(十偈)
		佛	我身最端正，名聞遍十方，智慧無等倫，善達諸工巧。
		法	無量百千眾，見我皆貪染；我心不於彼，而生少愛欲。
		僧	無瞋亦無恨，無嫌亦無喜，但發廣大心，利益諸眾生。
		精進	我今見太子，具諸功德相，其心大欣慶，諸根咸悅樂。
		禪定	色如光明寶，髮美而右旋，額廣眉纖曲，我心願事汝。
		般若	我觀太子身，譬若真金像，亦如大寶山，相好有光明。
		方便	目廣紺青色，月面師子頰，喜顏美妙音，願垂哀納我！
		願	舌相廣長妙，猶如赤銅色；梵音緊那聲，聞者皆歡喜。
		力	口方不褻縮，齒白悉齊密，發言現笑時，見者心歡喜。
		智	離垢清淨身，具相三十二，必當於此界，而作轉輪位。
	詢問童女誰為守護		爾時，太子告彼女言：汝是誰女？為誰守護？若先屬人，我則不應起愛染心。爾時，太子以頌問言：(十二偈)
		徵詢根本所依	汝身極清淨，功德相具足；我今問於汝，汝於誰所住？
			誰為汝父母？汝今繫屬誰？若已屬於人，彼人攝受汝。
		佛	汝不盜他物，汝不有害心，汝不作邪淫，汝依何語住？
		法	不說他人惡，不壞他所親，不侵他境界，不於他恚怒。
		僧	不生邪險見，不作相違業，不以諂曲力，方便誑世間。
		精進	尊重父母不？敬善知識不？見諸貧窮人，能生攝心不？

入法界品善財童子五十三參之第四十會釋女瞿波(十地)之六

釋女瞿波法雲地往昔成就因緣	太子詢問童女誰為守護	禪定	若有善知識，誨示於汝法，能生堅固心，究竟尊重不？	
		般若	愛樂於佛不？了知菩薩不？眾僧功德海，汝能恭敬不？	
		方便	汝能知法不？能淨眾生不？為住於法中，為住於非法？	
		願	見諸孤獨者，能起慈心不？見惡道眾生，能生大悲不？	
		力	見他得榮樂，能生歡喜不？他來逼迫汝，汝無瞋惱不？	
		智	汝發菩提意，開悟眾生不？無邊劫修行，能無疲倦不？	
	妙德童女之母善現說頌以申女德及所生因，蓮花中化生與太子同日生。		爾時，女母為其太子而說頌言：（三十一偈）	
		所生因緣	太子汝應聽，我今說此女，初生及成長，一切諸因緣。	
		佛十波羅蜜	佛	太子始生日，即從蓮華生，其目淨修廣，肢節悉具足。
			法	我曾於春月，遊觀娑羅園，普見諸藥草，種種皆榮茂。
			僧	奇樹發妙華，望之如慶雲；好鳥相和鳴，林間共歡樂。
			精進	同遊八百女，端正奪人心，被服皆嚴麗，歌詠悉殊美。
			禪定	彼園有浴池，名曰蓮華幢；我於池岸坐，采女眾圍遶。
			般若	於彼蓮池內，忽生千葉華，寶葉瑠璃莖，閻浮金為臺。
			方便	爾時夜分盡，日光初出現，其蓮正開剖，放大清淨光。
			願	其光極熾盛，譬如日初出，普照閻浮提，眾歎未曾有。
			力	時見此玉女，從彼蓮華生，其身甚清淨，肢分皆圓滿。
			智	此是人間寶，從於淨業生，宿因無失壞，今受此果報。
		法十波羅蜜	佛	紺髮青蓮眼，梵聲金色光，華鬘眾寶髻，清淨無諸垢。
			法	肢節悉具足，其身無缺減，譬如真金像，安處寶華中。
			僧	毛孔梅檀香，普熏於一切；口出青蓮香，常演梵音聲。
			精進	此女所住處，常有天音樂；不應下劣人，而當如是偶。
			禪定	世間無有人，堪與此為夫，唯汝相嚴身，願垂見納受！
			般若	非長亦非短，非麤亦非細，種種悉端嚴，願垂見納受！
			方便	文字算數法，工巧諸技藝，一切皆通達，願垂見納受！
			願	善了諸兵法，巧斷眾爭訟，能調難可調，願垂見納受！
			力	其身甚清淨，見者無厭足，功德自莊嚴，汝應垂納受！
			智	眾生所有患，善達彼緣起，應病而與藥，一切能消滅。
		僧十波羅蜜	佛	閻浮語言法，差別無量種，乃至妓樂音，靡不皆通達。
			法	婦人之所能，此女一切知，而無女人過，願垂速納受！
			僧	不嫉亦不慳，無貪亦無恚，質直性柔軟，離諸麤獷惡。
			精進	恭敬於尊者，奉事無違逆，樂修諸善行，此能隨順汝。
			禪定	若見於老病，貧窮在苦難，無救無所依，常生大慈愍。
			般若	常觀第一義，不求自利樂，但願益眾生，以此莊嚴心。
			方便	行住與坐臥，一切無放逸；言說及默然，見者咸欣樂。
			願	雖於一切處，皆無染著心；見有功德人，樂觀無厭足。
			力	尊重善知識，樂見離惡人；其心不躁動，先思後作業。
			智	福智所莊嚴，一切無怨恨，女人中最上，宜應事太子。

入法界品善財童子五十三參之第四十會釋女瞿波(十地)之七

釋女瞿波法雲地往昔成就因緣	威德主太子入香牙園問妙德童女及善現母：我行菩薩行，汝將障礙不。		爾時，太子入香牙園已，告其妙德及善現言：善女！我趣求阿耨多羅三藐三菩提，當於盡未來際無量劫，集一切智助道之法，修無邊菩薩行，淨一切波羅蜜，供養一切諸如來，護持一切諸佛教，嚴淨一切佛國土，當令一切如來種性不斷，當隨一切眾生種性而普成熟，當滅一切眾生生死苦置於究竟安樂處，當淨治一切眾生智慧眼，當修習一切菩薩所修行，當安住一切菩薩平等心，當成就一切菩薩所行地，當令一切眾生普歡喜；當捨一切物，盡未來際行檀波羅蜜，令一切眾生普得滿足衣服飲食、妻妾男女、頭目手足，如是一切內外所有，悉當捨施，無所吝惜。
			當於爾時，汝或於我而作障難：施財物時，汝心吝惜；施男女時，汝心痛惱；割肢體時，汝心憂悶；捨汝出家，汝心悔恨。
	太子徵詢童女和合大願		爾時，太子即為妙德而說頌言：(十偈)
		佛	哀愍眾生故，我發菩提心，當於無量劫，習行一切智。
		法	無量大劫中，淨修諸願海，入地及治障，悉經無量劫。
		僧	三世諸佛所，學六波羅蜜，具足方便行，成就菩提道。
		精進	十方垢穢刹，我當悉嚴淨；一切惡道難，我當令永出。
		禪定	我當以方便，廣度諸群生，令滅愚癡暗，住於佛智道。
		般若	當供一切佛，當淨一切地，起大慈悲心，悉捨內外物。
		方便	汝見來乞者，或生慳吝心；我心常樂施，汝勿違於我。
		願	若見我施頭，慎勿生憂惱；我今先語汝，令汝心堅固。
		力	乃至截手足，汝勿嫌乞者；汝今聞我語，應可諦思惟。
		智	男女所愛物，一切我皆捨；汝能順我心，我當成汝意。
	妙德童女發願敬奉來教		爾時，童女白太子言：敬奉來教。即說頌言：(十四偈)
		心願圓滿願成大智	無量劫海中，地獄火焚身；若能眷納我，甘心受此苦。
			無量受生處，碎身如微塵；若能眷納我，甘心受此苦。
			無量劫頂戴，廣大金剛山；若能眷納我，甘心受此苦。
			無量生死海，以我身肉施；汝得法王處，願令我亦然！
		佛	若能眷納我，與我為主者，生生行施處，願常以我施！
		法	為愍眾生苦，而發菩提心；既已攝眾生，亦當攝受我。
		僧	我不求豪富，不貪五欲樂，但為共行法，願以仁為主！
		精進	紺青修廣眼，慈愍觀世間，不起染著心，必成菩薩道。
		禪定	太子所行處，地出眾寶華，必作轉輪王，願能眷納我！
		般若	我曾夢見此，妙法菩提場，如來樹下坐，無量眾圍遶。
		方便	我夢彼如來，身如真金山，以手摩我頂，寤已心歡喜。
		願	往昔眷屬天，名曰喜光明；彼天為我說，道場佛興世。
		力	我曾生是念：願見太子身。彼天報我言：汝今當得見。
		智	我昔所志願，於今悉成滿；唯願俱往詣，供養彼如來！

入法界品善財童子五十三參之第四十會釋女瞿波(十地)之八

釋女瞿波法雲地往昔成就因緣	智悲和合成就五百摩尼寶		爾時，太子聞勝日身如來名，生大歡喜，願見彼佛，以五百摩尼寶散其女上，冠以妙藏光明寶冠，被以火焰摩尼寶衣。其女爾時，心不動搖，亦無喜相；但合掌恭敬，瞻仰太子，目不暫捨。其母善現，於太子前而說頌言：(十偈)
		佛	此女極端正，功德莊嚴身；昔願奉太子，今意已滿足。
		法	持戒有智慧，具足諸功德；普於一切世，最勝無倫匹。
		僧	此女蓮華生，種姓無譏醜，太子同行業，遠離一切過。
		精進	此女身柔軟，猶如天繒續；其手所觸摩，眾患悉除滅。
		禪定	毛孔出妙香，芬馨最無比；眾生若聞者，悉住於淨戒。
		般若	身色如真金，端坐華臺上；眾生若見者，離害具慈心。
		方便	言音極柔軟，聽之無不喜；眾生若得聞，悉離諸惡業。
		願	心淨無瑕垢，遠離諸諂曲，稱心而發言，聞者皆歡喜。
		力	調柔具慚愧，恭敬於尊宿，無貪亦無誑，憐愍諸眾生。
		智	此女心不恃，色相及眷屬；但以清淨心，恭敬一切佛。
	和合成就詣法雲光明道場		爾時，太子與妙德女及十千采女并其眷屬，出香茅園，詣法雲光明道場。至已下車，步進詣如來所。見佛身相端嚴寂靜，諸根調順，內外清淨，如大龍池無諸垢濁；皆生淨信，踊躍歡喜，頂禮佛足，遶無數匝。
	太子童女聞佛說法各得成就		于時，太子及妙德女，各持五百妙寶蓮華供散彼佛。太子為佛造五百精舍，一一皆以香木所成，眾寶莊嚴，五百摩尼以為間錯。時，佛為說普眼燈門修多羅；聞是經已，於一切法中得三昧海，所謂：
		佛	得普照一切佛願海三昧、
		法	普照三世藏三昧、
		僧	現見一切佛道場三昧、
		精進	普照一切眾生三昧、
		禪定	普照一切世間智燈三昧、
		般若	普照一切眾生根智燈三昧、
		方便	救護一切眾生光明雲三昧、
		願	普照一切眾生大明燈三昧、
		力	演一切佛法輪三昧、
		智	具足普賢清淨行三昧。
			時，妙德女得三昧，名難勝海藏，於阿耨多羅三藐三菩提永不退轉。
	太子與妙德童女還宮大王等捨王位授與太子		時，彼太子與妙德女并其眷屬，頂禮佛足，遶無數匝，辭退還宮；詣父王所，拜跪畢已，奉白王言：大王當知，勝日身如來出興于世，於此國內法雲光明菩提場中成等正覺，于今未久。
			爾時，大王語太子言：是誰為汝說如是事？天耶？人耶？太子白言：是此具足妙德女說。時，王聞已，歡喜無量，譬如貧人得大伏藏，作如是念：佛無上寶難可值遇，若得見佛，永斷一切惡道怖畏。佛如醫王，能治一切諸煩惱病，能救一切生死大苦；佛如導師，能令眾生至於究竟安隱住處。
			作是念已，集諸小王、群臣、眷屬，及以刹利、婆羅門等一切大眾，便捨王位，授與太子；灌頂訖已，與萬人俱，往詣佛所；到已禮足，遶無數匝，并其眷屬悉皆退坐。

入法界品善財童子五十三參之第四十會釋女瞿波(十地)之九

釋女瞿波法雲地往昔成就因緣	離王暗陀羅尼得	爾時，如來觀察彼王及諸大眾，白毫相中放大光明，名一切世間心燈，普照十方無量世界，住於一切世主之前，示現如來不可思議大神通力，普令一切應受化者心得清淨。
		爾時，如來以不思議自在神力，現身超出一切世間，以圓滿音普為大眾說陀羅尼，名一切法義離闇燈，佛刹微塵數陀羅尼而為眷屬。
		彼王聞已，即時獲得大智光明；其眾會中，有閻浮提微塵數菩薩，俱時證得此陀羅尼；六十萬那由他人，盡諸有漏，心得解脫；十千眾生，遠塵離垢，得法眼淨；無量眾生，發菩提心。
		時，佛又以不思議力廣現神變，普於十方無量世界演三乘法化度眾生。
	財主得王無上三千昧	時，彼父王作如是念：我若在家，不能證得如是妙法；若於佛所出家學道，即當成就。作是念已，前白佛言：願得從佛出家修學！佛言：隨意，宜自知時。
		時，財主王與十千人，皆於佛所同時出家。未久之間，悉得成就一切法義離闇燈陀羅尼，亦得如上諸三昧門，又得菩薩十神通門，又得菩薩無邊辯才，又得菩薩無礙淨身，往詣十方諸如來所聽受其法，為大法師演說妙法；復以神力遍十方刹，隨眾生心而為現身，讚佛出現，說佛本行，示佛本緣，稱揚如來自在神力，護持於佛所說教法。
	威德太子於十五日在正殿上	爾時，太子於十五日在正殿上，采女圍遶，七寶自至——一者、輪寶，名無礙行；二者、象寶，名金剛身；三者、馬寶，名迅疾風；四者、珠寶，名日光藏；五者、女寶，名具妙德；六、藏臣寶，名為大財；七、主兵寶，名離垢眼。——七寶具足，為轉輪王，王閻浮提，正法治世，人民快樂。
		王有千子，端正勇健，能伏怨敵。其閻浮提中有八十王城，一一城中有五百僧坊，一一僧坊立佛支提，皆悉高廣，以眾妙寶而為校飾；一一王城皆請如來，以不思議眾妙供具而為供養。
		佛入城時，現大神力，令無量眾生種諸善根，無量眾生心得清淨，見佛歡喜，發菩提意，起大悲心，利益眾生，勤修佛法，入真實義，住於法性，了法平等，獲三世智，等觀三世，知一切佛出興次第，說種種法攝取眾生，發菩薩願，入菩薩道，知如來法，成就法海，能普現身遍一切刹，知眾生根及其性欲，令其發起一切智願。
		太子及妙德童女往昔因緣結會，（依李通玄長者《華嚴經論》，見附C40-1）
（威德主太子成就本事）		佛子！於汝意云何，彼時太子得輪王位供養佛者，豈異人乎？今釋迦牟尼佛是也。財主王者，寶華佛是。其寶華佛，現在東方過世界海微塵數佛刹有世界海，名現法界虛空影像雲，中有世界種，名普現三世影摩尼王，彼世界種中有世界，名圓滿光，中有道場，名現一切世主身，寶華如來於此成阿耨多羅三藐三菩提，不可說佛刹微塵數諸菩薩眾前後圍遶而為說法。寶華如來往昔修行菩薩道時，淨此世界海；其世界海中去、來、今佛出興世者，皆是寶華如來為菩薩時教化令發阿耨多羅三藐三菩提心。
		彼時女母善現者，今我母善目是。其王眷屬，今如來所眾會是也，皆具修行普賢諸行成滿大願，雖恒在此眾會道場而能普現一切世間，住諸菩薩平等三昧，常得現見一切諸佛，一切如來以等虛空妙音聲雲演正法輪悉能聽受，於一切法悉得自在，名稱普聞諸佛國土，普詣一切道場之所，普現一切眾生之前，隨其所應教化調伏，盡未來劫修菩薩道恒無間斷，成滿普賢廣大誓願。

入法界品善財童子五十三參之第四十會釋女瞿波(十地)之十

釋女瞿波法雲地往昔成就因緣	妙德女與威德主太子往昔供養五十佛		佛子！其妙德女與威德主轉輪聖王以四事供養勝日身如來者，我身是也。彼佛滅後，其世界中，六十億百千那由他佛出興于世，我皆與王承事供養。
		十住	(勝日身如來滅後，)其第一佛，名清淨身；次名一切智月光明身；次名閻浮檀金光明王；次名諸相莊嚴身；次名妙月光；次名智觀幢；次名大智光；次名金剛那羅延精進；次名智力無能勝；
		十行	次名普安詳智；次名離垢勝智雲；次名師子智光明；次名光明髻；次名功德光明幢；次名智日幢；次名寶蓮華開敷身；次名福德嚴淨光；次名智焰雲；次名普照月；
		十迴向	次名莊嚴蓋妙音聲；次名師子勇猛智光明；次名法界月；次名現虛空影像開悟眾生心；次名恒嗅寂滅香；次名普震寂靜音；次名甘露山；次名法海音；次名堅固網；次名佛影髻；
		十地	次名月光毫；次名辯才口；次名覺華智；次名寶焰山；次名功德星；次名寶月幢；次名三昧身；次名寶光王；次名普智行；次名焰海燈；
		等覺	次名離垢法音王；次名無比德名稱幢；次名修臂；次名本願清淨月；次名照義燈；次名深遠音；次名毘盧遮那勝藏王；次名諸乘幢；次名法海妙蓮華。(其最後佛，名廣大解。)
			佛子！彼劫中，有如是等六十億百千那由他佛出興于世，我皆親近承事供養。
	而未能知普賢解脫門	成就菩薩廣大解	其最後佛，名廣大解，於彼佛所，得淨智眼。爾時，彼佛入城教化。我為王妃，與王禮覲，以眾妙物而為供養，於其佛所聞說出生一切如來燈法門，即時獲得觀察一切菩薩三昧海境界解脫。佛子！我得此解脫已，與菩薩於佛刹微塵數劫勤加修習，於佛刹微塵數劫中承事供養無量諸佛；或於一劫承事一佛，或二、或三、或不可說，或值佛刹微塵數佛，悉皆親近承事供養，而未能知菩薩之身形量色貌及其身業心行智慧三昧境界。
		成就菩薩廣大解	佛子！若有眾生，得見菩薩修菩提行，若疑若信；菩薩皆以世、出世間種種方便而攝取之，以為眷屬，令於阿耨多羅三藐三菩提得不退轉。佛子！我見彼佛得此解脫已，與菩薩於百佛刹微塵數劫而共修習；於其劫中，所有諸佛出興于世，我皆親近承事供養，聽所說法讀誦受持。於彼一切諸如來所，得此解脫種種法門，知種種三世，入種種刹海，見種種成正覺，入種種佛眾會，發菩薩種種大願，修菩薩種種妙行，得菩薩種種解脫，然未能知菩薩所得普賢解脫門。
	普賢門		何以故？菩薩普賢解脫門，如太虛空，如眾生名，如三世海，如十方海，如法界海，無量無邊。佛子！菩薩普賢解脫門，與如來境界等。
	於念念中見無邊刹海	十地菩薩業用自在	佛子！我於佛刹微塵數劫，觀菩薩身無有厭足。如多欲人男女集會，遞相愛染，起於無量妄想思覺。我亦如是，觀菩薩身一一毛孔，念念見無量無邊廣大世界種種安住、種種莊嚴、種種形狀，有種種山、種種地、種種雲、種種名、種種佛興、種種道場、種種眾會，演種種修多羅，說種種灌頂、種種諸乘、種種方便、種種清淨。
		十地菩薩業用自在	又於菩薩一一毛孔，念念常見無邊佛海，坐種種道場，現種種神變，轉種種法輪，說種種修多羅，恒不斷絕。又於菩薩一一毛孔，見無邊眾生海種種住處、種種形貌、種種作業、種種諸根。又於菩薩一一毛孔，見三世諸菩薩無邊行門，所謂：無邊廣大願、無邊差別地、無邊波羅蜜、無邊往昔事、無邊大慈門、無邊大悲雲、無邊大喜心、無邊攝取眾生方便。

入法界品善財童子五十三參之第四十會釋女瞿波(十地)之十一

釋女瞿波成就第十法雲地	菩薩所見無有邊際		佛子！我於佛刹微塵數劫，念念如是觀於菩薩一一毛孔，已所至處而不重至，已所見處而不重見，求其邊際竟不可得，乃至見彼悉達太子住於宮中、采女圍遶。我以解脫力，觀於菩薩一一毛孔，悉見三世法界中事。
	自法門		佛子！我唯得此觀察菩薩三昧海解脫。
	自宗門精進		如諸菩薩摩訶薩，究竟無量諸方便海，為一切眾生現隨類身，為一切眾生說隨樂行，於一一毛孔現無邊色相海；知諸法性無性為性，知眾生性同虛空相無有分別，知佛神力同於如如，遍一切處示現無邊解脫境界；於一念中，能自在入廣大法界，遊戲一切諸地法門。而我云何能知能說彼功德行？
	推薦精進		善男子！此世界中，有佛母摩耶。汝詣彼問：菩薩云何修菩薩行，於諸世間無所染著，供養諸佛恒無休息，作菩薩業永不退轉，離一切障礙、入菩薩解脫不由於他，住一切菩薩道，詣一切如來所，攝一切眾生界，盡未來劫修菩薩行、發大乘願，增長一切眾生善根常無休息？
	釋迦女瞿波重宣成就不事說偈結會		爾時，釋迦瞿波女，欲重明此解脫義，承佛神力即說頌言：（三十一偈）
		佛	若有見菩薩，修行種種行，起善不善心，菩薩皆攝取。
		法	乃往久遠世，過百刹塵劫，有劫名清淨，世界名光明。
		僧	此劫佛興世，六十千萬億；最後天人主，號曰法幢燈。
		精進	彼佛涅槃後，有王名智山，統領閻浮提，一切無怨敵。
		禪定	王有五百子，端正能勇健，其身悉清淨，見者皆歡喜。
		般若	彼王及王子，信心供養佛，護持其法藏，亦樂勤修法。
		方便	太子名善光，離垢多方便，諸相皆圓滿，見者無厭足。
		願	五百億人俱，出家行學道，勇猛堅精進，護持其佛法。
		力	王都名智樹，千億城圍遶；有林名靜德，眾寶所莊嚴。
		智	善光住彼林，廣宣佛正法，辯才智慧力，令眾悉清淨。
		佛	有時因乞食，入彼王都城，行止極安詳，正知心不亂。
		法	城中有居士，號曰善名稱；我時為彼女，名為淨日光。
		僧	時我於城中，遇見善光明，諸相極端嚴，其心生染著。
		精進	次乞至我門，我心增愛染，即解身瓔珞，并珠置鉢中。
		禪定	雖以愛染心，供養彼佛子；二百五十劫，不墮三惡趣。
		般若	或生天王家，或作人王女，恒見善光明，妙相莊嚴身。
		方便	此後所經劫，二百有五十，生於善現家，名為具妙德。
	法十波羅蜜	願	時我見太子，而生尊重心，願得備瞻侍，幸蒙哀納受。
		力	我時與太子，覲佛勝日身，恭敬供養畢，即發菩提意。
		智	於彼一劫中，六十億如來，最後佛世尊，名為廣大解。
		佛	於彼得淨眼，了知諸法相，普見受生處，永除顛倒心。
		法	我得觀菩薩，三昧境解脫，一念入十方，不思議刹海。
		僧	我見諸世界，淨穢種種別，於淨不貪樂，於穢不憎惡。
		僧	

入法界品善財童子五十三參之第四十會釋女瞿波(十地)之十二

釋女瞿波成就法雲地	重宣成就本事說偈結會	僧十波羅蜜	精進	普見諸世界，如來坐道場，皆於一念中，悉放無量光。
			禪定	一念能普入，不可說眾會；亦知彼一切，所得三昧門。
			般若	一念能悉知，彼諸廣大行，無量地方便，及以諸願海。
			方便	我觀菩薩身，無邊劫修行，一一毛孔量，求之不可得。
			願	一一毛孔刹，無數不可說，地水火風輪，靡不在其中。
			力	種種諸建立，種種諸形狀，種種體名號，無邊種莊嚴。
			智	我見諸刹海，不可說世界；及見其中佛，說法化眾生。
		甚深總說		不了菩薩身，及彼身諸業；亦不知心智，諸劫所行道。
		聞法信行		爾時，善財童子頂禮其足，遶無數匝，辭退而去。

附A40：四十華嚴善財童子之第四十會釋女瞿波(十地)之一

會 處			迦毘羅城。(此處經文依四十華嚴)
善財童子證入十地圓滿	聞法信行 思惟觀察		爾時善財童子，頂禮右遶嵐毘尼神，經無數匝，慇懃瞻仰，戀慕一心，辭退而去。爾時善財童子，從嵐毘尼林，向迦毘羅城，思惟觀察，彼神所得諸佛受生自在神變菩薩解脫，思惟修習增長廣大，隨順悟入憶持不忘。
	無憂德神 觀察善財童子所能成就		漸次行詣菩薩集會普現法界影像光明宮殿，其中有一主宮殿神，名無憂德，與一萬主宮殿神，來迎善財，作如是言：善來丈夫！有大智慧，勇猛無畏，
		佛	能修菩薩不可思議受生神變自在解脫，心恒不捨廣大誓願，
		法	善能觀察諸法境界，心常安住無上法城，
		僧	入於清淨妙法宮殿，開示無量善巧方便，
		精進	調伏眾生令其悟入，成就如來功德大海，
		禪定	得佛無盡微妙辯才，無礙智輪隨眾生轉，
		般若	令其歡喜增長大願，迴向趣求一切智道，
		方便	我觀仁者，於甚深行心無暫捨，威儀寂靜無諸垢濁，
		願	不久當得如來無上清淨最勝身語意業，以諸相好莊嚴其身，
		力	十力智光瑩其心地，遊行世間作大光耀，
		智	我觀仁者，勇猛精進難可沮壞，不久當得普見三世一切諸佛相好圓滿，普聞諸佛所轉法輪，普能受用一切菩薩禪定解脫諸三昧樂，隨順證入如來境界，
		總說	何以故？由汝已能見善知識，親近承事恭敬供養，隨其教命念其功德，修行不斷無憂無惱，不懈不退無有障礙，一切世間天人魔梵不能為難，不久當成無上菩提，亦令眾生證佛果故。
	善財童子演說十地前行菩提心大願	佛波羅蜜	十地圓滿依根本智起大慈悲 時，善財童子聞是語已，白言：聖者！如向所說種種功德，願我一切悉當具得，聖者！我願永息眾生諸煩惱熱，滅除眾生諸不善業，與諸眾生無上安樂，令諸眾生修清淨行。聖者！一切眾生心常散亂，起於煩惱造諸惡業，隨業流轉墮惡趣中，身心長夜受諸楚毒，菩薩見之心生憂惱。
		法波羅蜜	十地滿位起大智慧 聖者！譬如有人唯有一子，愛念情至，忽見被人割截肢體，其心痛切不能自安，菩薩摩訶薩亦復如是，見諸眾生集不善業，墮三惡趣受種種苦，心大憂惱不能自安，若見眾生起身語意三種善行，生於善道受身心樂，生大歡喜。
		僧波羅蜜	十地滿位利益眾生 何以故？菩薩不為利益自身求一切智，亦不為貪種種生死諸安樂故，亦不為貪五欲樂故，亦復不為專求欲界眷屬愛敬莊嚴樂故，亦復不隨想倒，心倒，見倒，諸結隨眠愛見力轉，於諸眾生恩愛縛著，心無貪戀，亦不味著諸禪定樂，亦無種種障礙厭退，住於生死流轉沈溺。
			菩薩但見一切眾生，於有海中具受無邊諸苦逼迫，起大悲心願皆攝取，令其速出生死大海，以悲願力，勤行種種難行苦行，普斷一切眾生煩惱，令其出離，永無退轉，是故精勤求於如來一切智智，承事供養一切諸佛，見諸雜染不淨刹土，為其嚴淨諸佛刹海。見諸眾生種種名相皆無真實，令其皆得清淨法身。見諸眾生身心雜染，令得清淨莊嚴三業。見諸眾生心行不具，令其皆得清淨具足。

附A40：四十華嚴善財童子之第四十會釋女瞿波(十地)之二

善財童子證入十地圓滿	善財童子演說菩提心大願即十地前十波羅蜜大願	總說	聖者！菩薩如是，於諸眾生大悲深厚，能行一切難行苦行，經無邊劫心不疲厭，一切所行皆得成就。猶如父母，亦如乳母，如地如水，如火如風，如太虛空，如日如月，亦如大海，如同生天，能生種種圓滿利益，
		佛波羅蜜	云何菩薩猶如父母？為其安立菩提心故。
		法波羅蜜	云何菩薩猶如乳母？令其成就菩薩道故。
		菩薩於諸眾生起如大地十種利益（僧波羅蜜）	云何菩薩猶如大地？譬如大地有十種事，何等為十？所謂：
			佛 猶如大地廣大無量，普遍成就一切事物，菩薩摩訶薩亦復如是，成就無量廣大福智功德之聚。
			法 又如大地，能生世間種種資具，一切眾生依之存活，菩薩摩訶薩亦復如是，能生出世功德財寶，所謂布施持戒，忍辱精進，禪定智慧，菩提分等妙法資具，養育眾生功德慧命。
			僧 又如大地平等饒益，無憂無喜，無分別想，菩薩摩訶薩亦復如是，於怨親所，都無愛憎，不生二想。
			精進 又如大地能受大雲所注之雨，菩薩摩訶薩亦復如是，能受如來大法雲雨。
			禪定 又如大地，一切眾生依之而住，菩薩摩訶薩亦復如是，與諸眾生世出世間種種樂事，而為依止。
			般若 又如大地，一切種子依之而生，菩薩摩訶薩亦復如是，一切眾生善法種子依之生長。
			方便 又如大地，能生眾寶及諸寶器，菩薩摩訶薩亦復如是，能生眾生種種法器諸功德寶。
			願 又如大地，能生眾藥滅除諸病，菩薩摩訶薩亦復如是，依大慈悲，出生法藥，滅除種種煩惱重病。
			力 又如大地，諸惡毒蟲腹行之類，種種觸惱，安住不動，菩薩摩訶薩亦復如是，恒被一切內外諸苦觸惱，身心終無搖動。
			智 又如大地，大雷龍吼，種種惡聲，不驚不懼，亦無聞想，菩薩摩訶薩亦復如是，諸魔外道種種惡聲，不驚不恐無憂無怖，亦無聞想。
			善男子！是為菩薩具足圓滿十種功德，猶如大地自在成就，
		精進波羅蜜	善男子！云何菩薩猶如於水？譬如水大，能令一切藥草叢林，及大樹王，生成增長，菩薩摩訶薩亦復如是，以三昧水，出生一切菩提分法種種藥草，增長福德智慧大樹，成就無上菩提之果。
		禪定波羅蜜	云何菩薩猶如於火？譬如火大能燒一切不淨之物，及能焚蕪大地所有草木稠林。菩薩摩訶薩亦復如是，能以種種大智慧火，燒諸眾生所有煩惱隨眠習氣不淨罪垢。
		般若波羅蜜	云何菩薩猶如於風？譬如風大無有色相，亦無住處，無依無著，而能成就世界所有水陸空行一切宮殿，及須彌等大小諸山，而一切人皆不能見，菩薩摩訶薩亦復如是，於一切處，無所依著，而能成就蘊界處等菩薩功德，一切世間聲聞緣覺所不能見。
		方便波羅蜜	云何菩薩猶如虛空？譬如虛空體無障礙，一切諸法依之成就，菩薩摩訶薩亦復如是，本性無礙，一切白法因之成就。
		願波羅蜜	云何如月？譬如月輪從初一日至十五日，漸次增長乃至圓滿，菩薩摩訶薩亦復如是，從初發心一切淨法漸漸增長，乃至成佛坐菩提場，一切功德具足圓滿。

附A40：四十華嚴善財童子之第四十會釋女瞿波(十地)之三

善財童子證入十地圓滿	善財童子演說菩提心大願即十地前十波羅蜜大願	力波羅蜜	云何如日？譬如日輪出現之時，一切黑闇悉皆除滅，菩薩智日亦復如是，顯現之時，一切眾生，無明黑闇，悉皆除滅。
		智波羅蜜	云何如海？譬如大海性能出生一切眾寶，令諸眾生受用無盡，菩薩摩訶薩亦復如是，從福智海出生一切功德智寶，饒益眾生終無有盡。
		十一地成就	云何如同生天？譬如二天與人同生，隨逐於人，如影隨形不相捨離，菩薩摩訶薩亦復如是，常隨眾生，乃至惡道嶮難之處，守護隨逐不令墮落。
		菩薩成就自性圓滿入法界智復於諸眾生起十八種利益大願	又善男子，菩薩摩訶薩，於諸眾生，（復十八種）
			為大船師，令其得度生死海故。
			為歸依處，令離諸魔煩惱怖故。
			為所恃怙，令除熱惱得清涼故。
			為大津濟，引諸眾生入法海故。
			為海導師，令至諸佛法寶洲故。
			為淨蓮華，開敷諸佛功德心故。
			為莊嚴具，福智光明恒莊嚴故。
			為可愛樂，令成普賢清淨三業悉端嚴故。
			為堪尊重，令勤捨離諸惡業故。
			為普賢行，令成微妙圓滿體故。
			為所樂見，令隨所樂無不現故。
			為大光明，普放智慧光明焰故。
			為大明燈，照種種法咸通達故。
			為能照耀，令菩提心性明淨故。
			為大勇將，摧滅一切諸魔業故。
			為日珠寶，能放智焰光明網故。
			為月愛珠，放遍法界清涼光故。
			為大雲雨，能雨一切甘露法故。
			聖者！菩薩如是修諸行時，令諸眾生皆生愛敬，具足成就真實法樂。
		說偈讚歎隨逐善財恒不捨離	爾時，無憂德神與其眷屬一萬神俱，於其路側，聞善財童子自說所發菩提心相，得未曾有，踊躍歡喜，即以一切出過諸天上妙華鬘塗香末香寶莊嚴具，散善財上，隨順圍遶，入菩薩宮殿，而說偈言：
			佛 汝為諸眾生，發心求正覺，當於無盡劫，為世大明燈。
			法 無量億劫中，難可得見汝，大智日今出，照明於世間。
			僧 汝見諸眾生，無明闇所覆，能發大悲心，履踐無師道。
			精進 汝以清淨心，專求佛功德，能事善知識，不顧於身命。
			禪定 汝心於世間，無依無所著，決定恒無垢，清淨如虛空。
			般若 汝修勝智行，轉妙功德輪，放大智慧光，普照無邊際。
			方便 汝不離世間，不著於世間，如風遊虛空，所行無障礙。
			願 汝向善提行，勇進難屈伏，如劫火熾然，一切無能滅。
			力 無畏猶師子，堅固如金剛，汝智行亦然，一切無能動。
		智	十方法界中，所有諸佛法，汝事善知識，一切皆能入。

附A40：四十華嚴善財童子之第四十會釋女瞿波(十地)之四

善財童子證入十地圓滿	入普現法界影像光明宮殿		爾時，無憂德神以此妙偈，稱讚善財功德行已，樂聞正法，隨逐善財，如影隨形，不相捨離，爾時善財童子，入普現法界影像光明宮殿，周遍觀察釋女瞿波，見在堂內一切菩薩大集會中，坐於普現一切宮殿影像摩尼寶王大蓮華藏師子之座，八萬四千采女眷屬之所圍遶。(坐自性成就座而顯相法界)
		佛	是諸采女，莫不皆從釋種中生，悉於過去修菩薩行，同種菩薩一切善根，
		法	布施，愛語，利行，同事，攝諸群品，一切智境常現在前，
		僧	已集種種佛菩提行，恒住平等無盡大悲，普攝眾生猶如一子，
		精進	慈心滿足廣大清淨，普能隨順一切眾生，
		禪定	曾於過去修集種種不可思議善巧方便，皆於阿耨多羅三藐三菩提得不退轉，
		般若	深入菩薩諸波羅蜜，具修菩薩一切學處，心常遠離妄想執著，
		方便	厭離生死愛樂正法，雖行諸有心常清淨，恒勤觀察一味法界，
		願	速疾趣求薩婆若道，離諸蓋網超眾患難，得淨法身化現無量，
		力	調伏成熟一切世間，成就甚深功德大海，
		智	從普賢行之所出生，速疾增長勇健大力，智燈慧日圓滿普照。
	云何菩薩於生死中能不染		爾時善財童子，即前頂禮釋女瞿波，右旋圍遶，合掌而立，作如是言，聖者，我已先發阿耨多羅三藐三菩提心，而未知… (十四云何)
			菩薩云何於生死中，而能不著生死過患？
			菩薩云何了法自性，而能不住一切聲聞辟支佛地？
			菩薩云何住於佛地，而能遍入諸菩薩地？
			菩薩云何住菩薩位，而能入佛種種境界？
			菩薩云何超於世間，而能成就世間之法？
			菩薩云何證得法身，而能示現種種色身？
			菩薩云何得無相法，而隨諸眾生現眾色相？
			菩薩云何知法無說，而為眾生廣說諸法？
			菩薩云何知眾生空，而恒不捨化眾生事？
			菩薩云何常知諸佛不生不滅，而勤供養無有退轉？
			菩薩云何超過一切幻化境界，而常起幻調伏眾生？
			菩薩云何深信諸法本性如空，而成就無邊方便智慧？
			菩薩云何知一切法無有執著，而常供養一切諸佛深心不退？
			菩薩云何深入諸行無業無報，而修善行無有休息？
釋女瞿波第十地	說讚親近善財徵詢功德法		時，彼釋女告善財言：善哉善哉！善男子！汝今能問一切菩薩所修諸行種性體相，若有能修普賢行願，乃能發起如是之問，汝今諦聽，善思念之，我當承佛威神之力，為汝宣說。(修習普賢諸行願)
			善男子！若諸菩薩修習十法，則能圓滿因陀羅網普智光幢菩薩之行，何等為十？一者依止諸善知識。二者獲得廣大信解。三者發起清淨樂欲。四者積集廣大福智。五者於佛聽聞正法。六者親近三世諸佛。七者同修菩薩妙行。八者得佛共所護念。九者大悲本願悉皆清淨。十者能以智力永斷生死。若諸菩薩成就此法，則能圓滿因陀羅網普智光幢菩薩之行。(十地之涅槃十波羅蜜)

附A40：四十華嚴善財童子之第四十會釋女瞿波(十地)之五

釋女瞿波成就第十法雲地	善讚 知法 歎說 善功 親財 德近 徵善 詢		善男子！若諸菩薩親近承事諸善知識，則能精進勇猛不退修習，出生廣大平等無盡佛法，佛子！菩薩復以十法，事善知識常令歡喜，何等為十？一於身命財無所吝惜。二於世資具心不貪求。三知一切法本性平等。四一切智願恒不退捨。五常樂觀察實相法界。六於諸有海心不厭離。七知法無住猶如虛空。八發無障礙菩薩大願。九普現其身遍諸刹海。十淨修菩薩無礙智輪。善男子！以此十法，承事一切真善知識，皆令歡喜，所行無逆至一切智。（菩薩十波羅蜜）
	依根本智起十種世間行		爾時，釋女瞿波欲重宣此義，承佛威力，觀察十方，而說偈言：
		佛	專求佛智利群生，普事一切善知識，正直離諂心無怠，此行於世帝網行。
		法	勝解廣大恒清淨，如空遍入於三世，佛刹及佛與眾生，此是普智光幢行。
		僧	志樂廣大等虛空，離染寂靜無邊際，於諸佛所修功德，此行於世身雲行。
		精進	菩薩積集一切智，不可思議功德海，清淨福德智慧身，此行於世無著行。
		禪定	能於一切如來所，聽聞正法無厭足，隨聞生解為慧燈，此行於世普照行。
		般若	十方三世所有佛，一念一切咸親近，心恒不捨諦思惟，此向菩提大願行。
		方便	普詣一切如來所，同修菩薩方便海，三昧願海悉無邊，此行於世帝網行。
		願	得一切佛所加持，處處修行普賢道，盡未來際無邊劫，此行於世分身行。
		力	見諸眾生受眾苦，起大慈悲現世間，演法光明除闇冥，此行於世智日行。
		智	見諸眾生墮諸趣，為集無邊妙法輪，令其永斷生死流，此是修行普賢行。
		普能現身	菩薩修行此十法，則能普現眾生前，恒於有海諸趣中，度脫一切群生類。
			以大慈悲方便力，普現種種莊嚴身，隨心為轉妙法輪，皆令趣向菩提道。
	陳述法門		爾時瞿波說此偈已，告善財童子言：善男子！我已獲得觀一切菩薩三昧境界海解脫門。善財白言：大聖！此解脫門境界云何？
	觀一切菩薩三昧境界海解脫門境界	世間知眾生	答言：善男子！我入此解脫，知此娑婆世界過不可說不可說佛刹極微塵數劫，一一劫中所有眾生種種形類，作善作惡死此生彼，於諸趣中受諸果報，及其修習禪定解脫，等持等至，或有出離，或不出離，正定邪定及以不定，或有善根與煩惱俱，或有善根不與煩惱俱，或有具足善根，或有不具足善根，或有不善根所攝善根，或有善根所攝不善根，如是所集善不善法，我皆了知無有疑惑。
		覺悟世間知諸佛	又彼劫中，所有諸佛出現於世，種種名號，相續次第，我皆了知，又彼一一諸佛世尊，從初發心求一切智，所發一切大誓願海，所事一切善知識海，所有供養一切佛海，所行一切菩薩行海，所有莊嚴佛國土海，所有圓滿佛功德海，所有出現成正覺海，所有示現大神通海，所有方便轉法輪海，所有調伏諸眾生海，我皆了知無有罣礙。
			亦知彼佛眾會差別，其眾會中，有諸眾生，依聲聞乘，而得出離，其諸聲聞，過去所習一切善根，所有受持聲聞乘法，及其所得種種智慧，我悉了知。
		成就世間知眾生	其眾會中，有諸眾生依獨覺乘而得出離，其諸獨覺所有修習一切善根，所有證悟獨覺乘果，所住寂靜最勝解脫，所入三昧所現神通，所化眾生乃至入滅，我皆了知。
			亦知彼佛菩薩眾會圓滿普遍無有邊際，其諸菩薩從初發心種善根時，發起無量種種大願，修行種種難行之行，圓滿成就諸波羅蜜，種種莊嚴菩薩之道，以自在力，入於菩薩種種諸地。

附A40：四十華嚴善財童子之第四十會釋女瞿波(十地)之六

釋女瞿波成就第十法雲地	觀一切菩薩三昧境界海解脫門境界	成就世間知眾生	所謂：菩薩地，種種助道菩薩地，種種自在行菩薩地，種種入出三昧菩薩地，種種自在神通菩薩地，種種自在出現菩薩地，種種建立菩薩地，種種觀察菩薩地，種種淨治菩薩地，種種依止菩薩地，種種相菩薩地，種種體菩薩地。
			種種智，菩薩攝智，菩薩成就智，菩薩住處，菩薩廣行境界，菩薩大神通，菩薩三昧海，菩薩解脫方便海，菩薩所入三昧差別海，所得一切教智光明，所得一切智電光雲，所獲一切忍，所有一切勇猛智，所有悟解一切法海，所入一切諸佛刹海，所度一切諸眾生海，所有顯示諸方便海，所有發起諸神通海，所有深廣諸弘誓海，我皆了知。
		相續成就次第知一切世界	善男子！此娑婆世界，從過去際，至今現在，不可說不可說佛刹極微塵數劫，所有種種差別劫海，所有眾生佛及眾會盡未來際，所有劫海展轉不斷相續次第，我皆了知。
			善男子！如知此娑婆世界，亦知娑婆世界中出生一切世界極微塵數世界相續次第，亦知娑婆世界內一切世界相續次第，亦知娑婆世界所有一切極微塵內所有世界相續次第，亦知娑婆世界外，十方無間次第建立所住世界相續次第，亦知娑婆世界所依普照十方熾然寶光明刹種所攝一切世界相續次第，亦知毘盧遮那世尊在此華藏莊嚴世界海中十方無量諸世界種所攝世界相續次第，亦知華藏世界海中一切世界極微塵內所有世界相續次第。
		知一切世界成就第十法雲地	又亦知彼一切世界，種種安立，種種形狀，種種分量，種種依住，種種際畔，種種莊嚴，種種成就，種種滅壞，所有眷屬，所有輪輞，所有旋轉，所有蓮華，所有須彌，所有河海，所有草樹，種種名號，我皆了知。
			亦知此華藏世界海，往昔皆由毘盧遮那如來本願力故，出生如是種種世界，所有種種諸因緣海。亦知華藏世界海外，十方無邊盡法界虛空界，一切世界海中一切世界。亦知世尊毘盧遮那過去所經無量劫海，所有一切諸本事海：
		十二種過去所修集本事海	過去所發廣大願海，
			過去所集諸乘教海，
			過去所修菩薩行海，
			過去所淨佛國土海，
			過去所事一切佛海，
			過去所化諸眾生海，
			過去所起諸神通海，
			過去所入諸方便海，
			過去所受諸佛法海，
			過去所入諸三昧海，
		十波羅蜜	過去所得諸自在海，
			過去所成諸功德海，
			過去所施一切資具檀波羅蜜，
			過去所持種種梵行戒波羅蜜，
			過去所受種種境界忍波羅蜜，
			過去所修猛利勇健勤波羅蜜，

附A40：四十華嚴善財童子之第四十會釋女瞿波(十地)之七

釋女瞿波成就第十法雲地	知一切世界成就皆由往昔毘盧遮那本願力故	十過波羅蜜修	過去所入種種三昧禪波羅蜜，
			過去所成種種清淨慧波羅蜜，
			過去所現遍入世間諸影像身方便波羅蜜，
			過去所發清淨圓滿普賢行海願波羅蜜，
			過去所獲一切如來種種自在諸神通海力波羅蜜，
			過去所證一切如來智光照世自在智海智波羅蜜，
		自性三寶所能成就微細智	普攝一切諸佛菩提，普獲諸佛大智光明，證於諸佛一切智性，於一切處成等正覺，神通遊戲，所轉法輪，所有一切道場眾會，其眾會中一切菩薩，過去所種一切善根，從初發心行菩薩行，積集方便成熟眾生，及彼菩薩所事諸佛及善知識，
			念念增長獲諸三昧，
			念念所入陀羅尼門，
			念念所得辯才大海，
			念念所起自在神通，
			念念所修菩薩行網，
			念念所集諸方便門，
			念念所知眾生根網，
			念念所集菩提分法，
			念念證入等持等至神通門海，
			如是一切，皆是毘盧遮那如來普遍十方一切法界無量劫海所修行海，我悉了知。亦知十方遍滿法界盡虛空界，一切如來劫海所修，乃至盡於未來際劫，神力加持，幻智境界，如是一切。我悉了知。
		成就因緣	何以故？我入此觀一切菩薩三昧境界海解脫門時，於一念中，盡能了知一切眾生種種心行，雜染清淨，流轉還滅，一切聲聞種種三昧，一切獨覺寂靜解脫三昧神通，一切菩薩種種三昧，種種地位，種種法門，種種趣入，及能了知一切如來解脫光明神通海故。
			爾時善財白瞿波言：聖者！得此解脫其已久如。
	十地菩薩慈悲與大智同生本事	自性自地十波羅蜜顯發	瞿波告言：善男子！我於往世過百佛刹極微塵數劫，有劫名最勝行，世界名勝無畏，彼世界中，有四天下，名常具眾樂閻浮提，中有一王都，名大樹妙高吉祥，於八十四千億王都之中，最為上首，時此王都，復有八十四千億城而為眷屬。（所居王都者即自性居城，入世間故名大樹妙高吉祥）
			其諸城邑一一嚴飾，悉皆清淨，毘琉璃寶以為其地，七重寶牆周匝圍遶，一一皆以雜色影像光明寶網，以覆其上，
			其諸寶牆，一一皆以寶塹圍遶，金沙布底，香水盈滿，優鉢羅華，鉢頭摩華，拘物頭華，芬陀利華，彌布水上，
			此一一河，皆有自然眾寶欄楯，及諸寶網，莊嚴其岸，一一河間，復有寶多羅樹，七重圍遶，
			復有自然寶莊嚴樹，垂諸瓔珞，衣服鬘帶，真金寶網，彌覆其上，
			其諸城邑，往來之處，所有道路左右八步，皆以種種上妙雜寶，間錯莊嚴，發耀舒光，輝映一切，

附A40：四十華嚴善財童子之第四十會釋女瞿波(十地)之八

釋女瞿波成就第十法雲地	十地菩薩慈悲與大智同生本事	自性自地十波羅蜜顯發	又有無量持明呪仙，嚴潔其身，如自在天，經行遊履，保護眾生， 又彼城邑，一一各有無量園苑遊戲之處，華果樹林無不備足，雜類眾鳥哀鳴和雅，遊集其中歡樂無畏， 常有無量清淨微妙可愛男女止住其中，身出妙香普熏一切，諸天晝夜常雨妙華，色類百千繽紛亂墜， 彼諸城邑，一一皆有百千地神而為守護，其諸城邑，內外所有，眾寶樹林，瓔珞鬘帶及寶鈴網諸莊嚴具，微風吹動演出種種妙法音聲，聞皆喜悅，煩惱銷除，身意清涼，法喜充滿， 於阿耨多羅三藐三菩提，得不退轉，具足普賢常所稱讚妙行功德。
		財主	彼時有王，名為財主，常以正法化周率土，妃嬪采女八萬四千，輔相大臣其數五百，五百王子色力具足，形相端嚴，勇猛無畏能伏怨敵，王有夫人名蓮華吉祥藏，威德殊勝顏貌第一。
		太子威德主表	所生太子名威德主，端正奇特人所樂見，具足圓滿三十二相，所謂：足下平滿猶如奩底，千輻輪相圓滿備足，手足柔軟如兜羅綿，其指纖長網縵成就，足跟齊圓足趺豐起，一一相稱光潔妙好，雙腦傭圓如仙鹿王，垂臂過膝猶如象鼻，馬王陰藏峯勢隱密，一一毛孔各生一毛，紺髮右旋螺文不亂，身皮金色細薄潤滑，一切塵垢所不能著，手足肩項七處平滿，臂膊傭圓脊骨不現，周圓相稱如尼拘陀樹，頤頤胸臆猶如師子，頸如紺蒲三約成就，常光四照面各一尋，四十牙齒鮮白齊密，舌相紅赤長廣覆面，梵音清美人所樂聞，目睫青潤齊整不亂，目上下瞬猶如牛王，青白分明，面部圓滿猶如淨月，眉相纖曲如帝釋弓，白毫皎潔文相右旋，頂有肉髻猶如天蓋，如是眾相莊嚴其身。
		太子眷屬出城二	善男子！太子有時受父王教，與二十千妓侍采女，并諸眷屬前後圍遶，從宮城出，詣光明雲峯大香茅園，遊觀嬉戲。 是時太子，乘閻浮檀上妙寶車，其車嚴飾世無倫匹，大焰金剛以為其輪，天妙金剛以為其轂，香摩尼寶以為其箱，上妙栴檀間廁嚴飾，眾寶華網彌覆其上，大莊嚴藏寶摩尼王為師子座，五百采女各執寶繩牽馭而行，不遲不速進止合度，寶馬千匹駕以金車，前後導從，白瑠璃摩尼寶王以為其蓋，放不思議一切希有雜色光明，摩尼寶王而為莊校，一切影像紺瑠璃王摩尼妙寶而作其竿，使人執持隨覆其上。(太子表智慧，十千采女即十波羅蜜行法，乘妙車入於法界)
		太子出遊	百千萬人持諸寶蓋，百千萬人持諸寶幢，百千萬人持諸寶幡，百千萬人奏諸音樂，百千萬人散諸寶華，百千萬人持諸香爐，燒眾名香，前後圍遶，而為翊從。其路寬平八衢齊列，界以雜寶，布以金沙，種種寶華而散其上，雜寶行樹及寶欄楯，於八衢間次第行列，覆以種種妙寶鈴網，及諸繒綵懸布樹間，以為嚴飾。 於其路側，處處建立義堂福舍，眾寶樓閣及諸倉庫，遞相連接，延袤遠近，珍寶財物悉皆充滿，或於其中，積諸珍寶瓔珞嚴具，或積繒綵上妙衣服，或辦甘美上味飲食，或貯香華身諸資具，或畜象馬雜寶車乘，或復安置端正女人及諸僮僕，善閑一切世儀禮則，一切藝能無不成就，隨諸眾生有來求索，悉皆施與，靡不令其意願充滿。
		有吉祥童女	爾時大樹妙高吉祥王都之中，有一母人名為善現，有一童女名具足豔吉祥，顏容端正色相嚴潔，洪纖得所修短合度，眾相圓備目髮紺青，言同梵音清澈美妙，智慧聰明人所尊重，善達技能精通辯論，恭勤匪懈質直柔和，少欲寡思慈愍不害，具足慚愧無諂無憍，志量弘深人無與等。(母即慈悲，出生行法即具足妙德。)

附A40：四十華嚴善財童子之第四十會釋女瞿波(十地)之九

釋女瞿波成就第十法雲地	十地菩薩慈悲與大智同生本事	吉祥童女 願敬事威 德主太子	及與其母，乘妙寶車，將諸眷屬，無量采女前後圍遶，先於太子從王都出，歌詠嬉戲隨路而行，見其太子奏諸妓樂，言辭諷詠心生愛染，而白母言：善哉慈母，我心願得敬事此人，若不遂情自當殞滅。時母善現，告其女言：汝今不應生如是念，何以故？今此仁者，是王太子，具足圓滿轉輪王相，不久當紹轉輪王位，時有女寶自然出現，飛行乘空，有大威德。我今與汝，種族卑賤，非其匹偶，此甚難得，勿生是意。是時童女，其心決定，堅固不捨。	
			時香芽雲峯園苑之側，有一道場名法雲光明，時有如來名勝日身，於此道場成等正覺，已經七日。是時童女，遊觀疲極，暫時假寐，時彼如來，即於夢中，為現神變，從夢覺已，時有宿世守護菩薩親友使天，於虛空中而告之言：童女汝向所夢，是勝日身如來，於香芽雲峯園苑之側，法雲光明菩提場中，成等正覺，始經七日，諸菩薩眾前後圍遶，及諸天龍，夜叉，乾闥婆，阿脩羅，迦樓羅，緊那羅，摩睺羅伽，梵世諸王淨居天等，并諸一切主河主海，主地主水，主風主火，主山主城，主園主藥，主林主稼，主方主空，主晝主夜，身眾足行道場神等，男女眷屬，為欲見佛聽聞法故，皆悉來集，汝今亦應親近禮敬。	
		童女自申美德心願侍奉	時具足豔吉祥童女，以於夢中觀佛神變，得佛功德所加持故，其心無畏安隱快樂，以其宿心景慕太子，即於其前，而說偈言：(十偈)	
			佛	我身端正無等倫，智慧色相皆圓滿，言辭禮則咸通達，功德名聞遍十方。
			法	世間無量諸眾生，見我身者皆貪著，我於彼眾恒清淨，曾不生於染愛心。
			僧	我心一切無憎愛，亦離愚癡瞋恨心，但以清淨大慈悲，究竟饒益諸含識。
			精進	我於今時見太子，最勝功德相莊嚴，其心大喜充遍身，諸根悅樂思親近。
			禪定	色如淨妙光明寶，毛髮紺青而右旋，鼻高修直妙端嚴，額廣平正眉纖曲。
			般若	身如妙寶真金聚，相好光明無等倫，妙眼長廣若青蓮，齒白齊密踰珂雪。
			方便	月面圓明師子頰，口方脣赤色如丹，所發曾無非法言，願最勝尊哀納我。
			願	舌相長廣能柔軟，色若赤銅眾寶光，聲如梵響緊那羅，眾生聞者咸欣悅。
			力	發言現笑辭清妙，威光蔽眾德難量，喜顏美貌自莊嚴，能令見者無厭足。
			智	心無垢染身清淨，三十二相所莊嚴，必於此界作輪王，唯願慈悲垂納受。
		詢疑	爾時威德主太子，為於世間顯示女人，多諸過患，障諸世間出世間樂，乃至能障無上菩提，於眾會中，即為童女，而說偈言：(說五十七偈，此女人義者，當依《大涅槃經》之如來性品，即如來說煩惱糾纏不見自性者名為女人)	
		障十住位	佛	世間妄計諸宗族，愛敬適悅唯女人，一切最勝無比倫，能成住止諸善伴。
			法	女為第一人中寶，亦作天人解脫因，紹續勝種功德身，世智說言女為勝。
			僧	一切熱惱燒心苦，種種煩惱所逼身，妻慰令使得清涼，譬如毒暑逢甘雨。
			精進	凡夫心沒諸憂惱，猶遭重病之所纏，因妻佞媚所歡娛，妄謂除憂最勝藥。
			禪定	邪見眾生興是念，女人能為世界因，生成長育福莊嚴，天地變化無能勝。
			般若	勤勞世業唯由女，勸夫普作諸善事，能令男子隨意轉，此女無染別人心。
			方便	智人所說諸煩惱，一切過業由女生，況取卑族以為妻，世間極惡無過此。
			願	女人弊執為其性，如地堅住匪能移，但隨富樂榮貴遷，貧賤衰羸咸棄捨。
			力	五通仙人大威德，退失神通因女人，隨意自在騎項行，王女能令寂靜轉。
			智	琰魔死王及猛風，亦如地下沃焦海，炎火黑蛇刀毒藥，女人為害過於此。

附A40：四十華嚴善財童子之第四十會釋女瞿波(十地)之十

釋女瞿波成就第十法雲地	十地菩薩慈悲與大智同生本事	障十行位	佛	敬心給足諸財寶，質直承事意無違，智慧方便或剛柔，無有能知女心者。
			法	見人嘑笑皆過彼，種種幻惑誘其心，貌恭嬌媚於男夫，心藏很戾無知者。
			僧	極虛誑語示真實，極真實言皆虛妄，恒如毒獸害眾生，咄哉丈夫寧共處。
			精進	長時敬事益憍慢，暫遇違緣惡轉增，若出若處一切時，陵突於夫無愧恥。
			禪定	如火焚薪恒不足，如海吞流無滿時，琰魔不厭殺眾生，女人欲男心亦爾。
			般若	女人不觀於種族，老少貴賤與妍媸，一切男子悉馳求，無厭恣欲情如是。
			方便	女人志欲無厭足，曾無少分繫夫心，猶如野牛自在行，恒思漸食於新草。
			願	少年盛色心流轉，富貴從夫繫屬人，豐盈玉饌瓔珞衣，常願貧窮隨自意。
			力	種種供事咸充足，塗香沐浴妙莊嚴，未嘗慚愧丈夫恩，縱意邪思心不絕。
			智	或染欲語憐愍語，舌上猶如甘露生，心中猛惡興毒害，是故女言難定信。
		障十迴向位	佛	女人能間夫宗族，匪令雍穆暫同居，父母兄弟甚怨讎，一切姻親皆捨離。
			法	外現美容懷諂媚，一切愆違滿腹中，不應觀視一須臾，況久甘其麤惡語。
			僧	女人恒於一切處，防諸過患及猜嫌，一行有虧眾所輕，傷風敗俗人咸棄。
			精進	女人童幼及中年，乃至老時過百歲，內外種族皆榮貴，動止恒須人所防。
			禪定	處女居家隨父母，笄年適事又從夫，夫亡從子護嫌疑，由是常名不自在。
			般若	出家捨欲修寂靜，心思女境非聖賢，猶鬱金香染垢衣，離善常為智人笑。
			方便	如囚得出思還入，如狂遇差願重生，癩病已除念病時，捨女思女過於是。
			願	如澄靜水蛟龍止，亦如金窟猛獸居，雖修戒定念女人，智者觀之亦如是。
			力	智人寧吞於熱鐵，不觀女色亂其心，戒定慧品遍成怨，寂靜資緣皆棄捨。
			智	女人不觀於勝族，吉祥富貴智名聞，唯求染欲無異心，云何慧者所親近。
		障十地位	佛	有住諸禪及威勢，能殺勇力與王仙，或時女色染其心，退失調伏諸功德。
			法	鬪諍象馬諸軍陣，亡軀濟海集珍財，勝族乞匄為僕隸，行非正法皆由女。
			僧	女人喜怒情難見，染心邪計量無涯，世間名稱諸智人，無有能知女心者。
			精進	五通神仙及天主，能知大海水多少，終身計算莫能知，一一女人差別意。
			禪定	諂言悅耳甘如蜜，心如利劍害於人，亂意巧妙奪人心，懷惡興謀肆諸毒。
			般若	女人妙飾或無飾，行住坐臥悉猜嫌，邪視愚智諸女人，見畫像女亦憎惡。
			方便	愚童樂攀毒樹枝，癡亂欲住毒蛇窟，狂人執持於熱鐵，親近女色過於是。
			願	染著女色心昏醉，違意忿毒害於身，怖彼女人喜怒時，智者云何親近住。
			力	女人惡法滿其心，如河深水蛟龍止，不觀勇力色種族，恣欲從心無是非。
			智	女心不定如疾風，亦如迅速浮雲電，百歲供承資所欲，曾無少念丈夫恩。
		障等妙覺位	佛	不敬有德輕無德，憎貧樂富徇貪求，美言敬養增慢高，資財闕乏無心顧。
			法	虵蛇枯磧狼毒華，共住戴持傷一世，暫近女色過於彼，永害未來功德身。
			僧	女人譏巧恒是非，離間六親及朋友，覆藏已過揚他失，一切過患由女人。
			精進	女心不定如猿狖，恒思少過忘多恩，愚夫敬事若師尊，如奴奉主情無足。
			禪定	女性如河滋汎溢，漂諸勝法壞多身，如流湍激兩岸崩，女人害善過於是。
			般若	女人欲網甚堅密，顧視徐行無愧容，笑語歡諍無異心，羅諸富貴如昏醉。

附A40：四十華嚴善財童子之第四十會釋女瞿波(十地)之十一

釋女瞿波成就第十法雲地	十地菩薩慈悲與大智同生本事	障等妙覺	方便	女人染愛由妄起，如樹無根欲盡燈，色衰愛息一須臾，所有恩情咸滅盡。
			願	女人愛欲須臾頃，染心邪語信難依，或時寶重過殊珍，或生厭棄如菟草。
			力	象王自在拔樹力，色如浮空大白雲，由為女象醉其心，一切隨人所調伏。
			智	菩薩為法攝女人，雖恒教授心遠離，若時太過而親近，如鳥折翼不能飛。
		總說	本體	女人志趣恒卑下，如河流處岸崩摧，所往能令善法衰，毀宗滅族皆因此。
			力用	女人能張愛欲網，羅捕一切諸愚夫，世間染欲諸眾生，如魚吞鉤為所食。
		勸離	觀三種障三寶過惡	智者觀知本不淨，九竅常流晝夜時，如是厭離女人身，云何於此生貪著。
				女身虛幻如浮泡，老病死苦所依處，積集不淨過山嶽，云何於此生貪著。
				一切憂惱及恐怖，皆從女色之所生，若能觀察無貪著，解脫無憂無恐懼。
			本體	是故智者不觀女，或時觀察以慈心，想如母女及姊妹，隨應為說無貪法。
			力用	能了女人身內外，種種不淨之所生，如何境動思欲火，焚燒累劫諸善根。
		太子詢問童女誰為守護先屬何人		爾時妙威德主太子，說此偈已，告具足豔吉祥童女言：汝是誰女先繫屬誰，為誰守護，若已屬人，我則不應重攝受汝，爾時太子，以偈問曰：
			徵詢	汝具清淨功德身，色相端嚴甚微妙，我今問汝應實答，汝本從生及所居。
				父母親屬為是誰，汝復今依誰所住，若已繫屬於他人，我則不應重攝受。
			佛	汝不好盜他財物，汝不無慈害有情，汝不邪行染其心，畢竟汝依何語住。
			法	汝不離間他親友，口出一切麤惡言，虛誑無義惱群生，貪求境界懷嫉妬。
			僧	汝不於他生恚怒，以邪險見自纏心，不行諂幻誑世間，作諸相違重業不。
			精進	尊重父母師長不，恭敬一切善友不，見諸困厄貧窮人，能起慈心饒益不。
			禪定	若有一切善知識，誨示於汝真實法，能以堅固信樂心，恭敬勤修供養不。
			般若	汝能愛樂諸佛不，汝能尊重菩薩不，最勝佛法功德僧，一切能生恭敬不。
			方便	汝能安住正法不，汝能遠離非法不，聞讚無邊功德海，能生愛樂尊重不。
			願	汝見孤獨無所依，能起慈心救護不，汝見惡道諸眾生，能生廣大悲心不。
			力	於他所有榮樂事，能生最極歡喜不，於諸逼迫眾生中，能住平等捨心不。
			智	汝為癡闇諸眾生，求大菩提開悟不，無邊劫海修諸行，不起身心疲倦不。
		童女從三寶而生		爾時太子如是問已，女母善現即於其前，自說童女從初誕生，乃至成長所有吉祥功德之相，而說偈言：(三十三偈，科判依八十華嚴偈)
		所生因緣		太子仁今應善聽，所問此女諸因緣，初生漸次及長成，具德莊嚴我當說。
		佛十波羅蜜	佛	曩於太子初生日，此女亦從蓮華生，諸根清淨相圓明，肢節莊嚴皆具足。
			法	我時遊觀於春月，入彼最勝娑羅園，觀諸卉木華始生，百穀藥草皆榮茂。
			僧	奇樹名華開眾色，發耀舒光如慶雲，黑蜂遊集鳥和鳴，聞者忘憂恣歡樂。
			精進	同遊八百諸采女，容儀端正奪人心，袿服姝麗備莊嚴，言談歌詠皆殊妙。
			禪定	園有浴池寶嚴飾，名為種種蓮華幢，我將采女詣池邊，散華布地而敷座。
			般若	於彼清淨芳池內，忽生千葉寶蓮華，閻浮檀金以為臺，瑠璃為莖摩尼葉。
				妙香眾寶為華藥，普放一切大光明，眾生觀相盡生疑，中夜云何日光照。
			方便	夜分既盡日初出，光明照此蓮華開，蓮華放光出妙音，示此童女初生相。

附A40：四十華嚴善財童子之第四十會釋女瞿波(十地)之十二

釋女瞿波成就第十法雲地	十地菩薩慈悲與大智同生本事	佛	智	我時見此人間寶，從彼蓮華之所生，往修淨業悉無虧，今獲圓明諸妙果。
		法十波羅蜜	佛	紺瑠璃髮青蓮眼，面貌端嚴金色光，華鬘寶髻具莊嚴，吉祥無垢蓮華色。
			法	身分肢節皆圓滿，相好光明無比倫，儼然端坐寶華中，猶如淨妙真金像。
			僧	遍身所有諸毛孔，咸出一切栴檀香，口中常出青蓮香，所有言音同梵響。
			精進	或時微笑有宣說，猶如天樂妙音聲，此是女寶世間希，非諸下劣當斯偶。
			禪定	我觀世間無有人，堪與此女為其主，唯仁功德相莊嚴，願賜弘悲哀納受。
			般若	此女非長亦非短，亦復不龐亦不細，身諸部分悉端嚴，眾相圓備無譏醜。
			方便	世間所有諸技藝，文字算印工巧法，言辭諷詠皆清妙，唯願仁尊哀納受。
			願	亦能解了諸兵法，弓劍技術無不通，善和鬭訟以慈心，聞名仰德咸調伏。
			力	宿因勝行皆圓滿，一切功德自莊嚴，見者歡喜永無厭，唯願仁尊哀納受。
			智	眾生所有一切病，知其因起及增損，應病與藥使無差，能令眾苦皆銷滅。
		僧十波羅蜜	佛	閻浮一切語言法，音聲隨轉無量種，名言訓釋各不同，如是一切咸通達。
				世間所有諸音樂，歌舞嬉戲及讚詠，言辭辯論適人心，能令見者咸欣悅。
				動止威儀皆有則，取捨進退合其宜，於染不染諸眾生，但以慈心無所著。
				徐步諦觀心不亂，諸根寂靜念無虧，身口恒隨智慧行，女人過失咸皆離。
			法	女人所有諸功德，此女一切備修持，人間女寶汝應知，願速垂悲哀納受。
			僧	其心不慳亦不嫉，亦無嗜欲及貪瞋，質直柔軟性調和，言音美妙無龐獷。
			精進	恭敬一切諸尊長，專求功德志無移，於諸梵行悉堅持，唯願慈悲哀納受。
			禪定	見諸衰老及重病，受諸困厄處貧窮，無主無親無所依，常起慈心而救護。
			般若	不念自身安隱樂，常樂利益諸眾生，以此功德莊嚴心，究竟觀於真實諦。
			方便	行住坐臥心無逸，動靜語默常應時，未曾一念捨眾生，能令見者咸尊重。
			願	雖於一切眾生處，不起凡夫染污心，見有慈悲具德人，常樂親近無厭足。
			力	普能尊重善知識，遠離一切惡知識，心無躁競恒順行，所作先思無謬失。
			智	普於一切無怨恨，恒修眾福以嚴身，智慧人間無等倫，此女宜應奉太子。
		太子入香 牙園問吉 祥童女及 善現母： 行菩薩行 將障礙不		爾時，威德主太子於香牙雲峯園苑之內，對諸眾會及善現前，問童女言：善女！我為求阿耨多羅三藐三菩提，願盡未來行菩薩行，積集一切助道之法，淨修一切諸波羅蜜，供事未來一切諸佛，護持一切諸佛教法，嚴淨一切諸佛刹土，當紹一切如來種性，當誓成熟一切眾生，當斷一切眾生苦惱，當令一切置安隱處，當淨一切眾生智眼，當修一切菩薩妙行，當入菩薩平等體性，當住一切諸菩薩地，當令二乘圓滿佛果，當令一切眾生歡喜，我為滿足檀波羅蜜，究竟成就無上菩提，內外財寶乃至頭目，一切皆捨無所顧戀。(申己所願)
				當於爾時，汝或於我而作障難，令我施行不得圓滿，施財物時，汝心慳吝，施男女時，汝心痛惱，割肢體時，汝心憂悶，捨汝出家，汝心悔恨。
		太子徵詢		爾時，太子如是問已，復為童女，而說偈言：(十偈)
			佛	我為哀愍眾生故，發起廣大菩提心，當於無量億劫中，積集成滿菩提智。
			法	無量無邊大劫海，淨修諸願如虛空，入地治障具修行，究竟當獲如來地。
			僧	誓於三世諸佛所，備學一切波羅蜜，具足方便正修持，成就最勝菩提道。

附A40：四十華嚴善財童子之第四十會釋女瞿波(十地)之十三

釋女瞿波成就第十法雲地	十地菩薩慈悲與大智同生本事	徵詢童女和合大願	精進	十方所有垢穢刹，我當普遍皆嚴淨，及諸惡趣苦難中，我當救護咸令出。
			禪定	一切眾生居有海，煩惱癡惑恒纏覆，我當除滅盡無餘，普令安住如來道。
			般若	我當供養一切佛，我當普修菩薩地，常起廣大慈悲心，所須皆與無貪吝。
			方便	汝見一切來乞者，於財或起慳吝心，我心常樂施群生，汝當隨我無違逆。
			願	我當於彼施頭時，汝心慎勿生憂惱，我今先語汝令知，令汝心堅恒不動。
			力	割截肢體及手足，乃至妻子心無吝，汝於乞者莫憎嫌，應可諦思無退轉。
			智	為滿一切眾生欲，內外所有皆能捨，汝能順我菩提心，我亦當隨於汝意。
		吉祥童女發願敬奉來教		爾時，具足豔吉祥童女聞是語已，即白太子威德主言：善哉丈夫！如仁所問，諸菩薩行，難行能行，難忍能忍，如是一切，我當隨順精勤修習，親近不捨，如影隨形，令仁所願皆得成滿。爾時童女即向太子，而說偈言：
			心願圓滿求於大智	設於無量無邊劫，一切地獄火焚身，仁尊若能眷納我，甘心分受無辭苦。
				設於無量受生處，以身碎末如微塵，仁尊若能眷納我，堅心忍受無搖動。
				設於無量無邊劫，頂戴一切金剛山，仁尊若能眷納我，甘心分受無疲厭。
				汝於生死諸劫海，以我身肉施眾生，汝得安處法王家，願我如仁亦當獲。
			佛	唯願太子垂哀納，與我為主共修行，所生劫海行施時，常以我身施一切。
			法	汝為愍念眾生故，而發廣大菩提心，既已普攝諸群生，亦願慈悲攝受我。
	僧		我心本不求豪富，亦復不貪五欲樂，但為同法共修行，由是願以仁為主。	
	精進		紺青修廣慈悲眼，普觀一切諸眾生，不起凡夫染污心，必成寂靜菩提果。	
	禪定		太子凡所經行處，地神涌出寶蓮華，光明妙相具莊嚴，必作輪王垂納我。	
	般若		我於夢中曾見此，法雲光照菩提場，佛成正覺放光明，無量菩薩同圍遶。	
	方便		夢彼如來勝日身，如紫金山光照耀，即時以手摩我頂，寤已踊躍心歡喜。	
	願		空中有天名喜光，與我昔世曾同行，出妙言音來告我，雲彼如來今出世。	
	力	由我昔時生是念，願見太子功德身，彼天告我如是言，汝必於今當得見。		
	智	蒙佛加持今見汝，昔所志願悉皆圓，願共俱往詣如來，同心共學菩提道。		
	智悲和合成就五百摩尼寶		爾時太子，聞勝日身如來名已，即得速疾清淨心，名見佛差別無障礙大歡喜，即散五百摩尼寶華於童女上，冠以吉祥藏摩尼寶髻，被以雜色火焰摩尼寶衣。爾時童女，端心正念曾無搖動，亦無喜相，但一心合掌瞻仰太子，正念現前目不暫捨，時母善現即向太子，而說偈言：(十偈)	
		佛	此女希有人間寶，淨福妙相莊嚴身，宿心誓願奉仁尊，一切志樂今成滿。	
		法	堅持淨戒恒無缺，智慧圓滿念無虧，功德具足相圓明，一切女人無與等。	
		僧	此女本從蓮華生，種姓清淨無譏醜，女人之過咸皆離，堪隨太子共修持。	
		精進	其身細妙如繒纈，手足柔軟兜羅綿，隨其摩觸病皆除，身心安樂無諸苦。	
		禪定	身諸毛孔所出香，芬馨超世無倫匹，若暫嗅聞心離染，住於淨戒獲身安。	
		般若	身如淨妙真金色，不著塵垢如蓮華，眾生見者離貪瞋，皆具慈悲無怒害。	
		方便	言音美妙聲柔軟，一切眾生咸樂聞，經心歷耳悅諸根，惡業消除煩惱滅。	
		願	內心清淨無瑕穢，柔和質直性無偏，言辭稱悅不乖宜，聞皆歡喜心調伏。	
		力	具足慚愧無欺誑，不憍不諂有慈悲，為求正法度眾生，恭勤善友無厭足。	
		智	不於色相及種族，乃至榮樂無迷醉，但以謙恭無我心，專求無上菩提道。	

附A40：四十華嚴善財童子之第四十會釋女瞿波(十地)之十四

釋女瞿波成就第十法雲地	十地菩薩慈悲與大智同生本事	往太子場與童女見佛	爾時威德主太子，與具足豔吉祥童女，及二萬采女，并諸眷屬，為欲親近恭敬供養勝日身如來，各乘寶車，出香茅園，詣法雲光明道場，至已下車，步進佛所，見佛身相，端嚴寂靜，諸根調順，猶若象王，內外清淨，無諸垢濁，如大龍池。以見佛故，踊躍歡喜，心生淨信，增長愛樂，頂禮佛足，遶無數匝。
			于時太子及彼童女，各持五百大摩尼寶上妙蓮華，奉散於佛，以佛神力，於虛空中，普覆如來一切眾會。爾時太子，復為彼佛，造立精舍，其數五百，一一皆以香木所成，五百摩尼而為間錯，種種雜寶，周遍莊嚴。
		如來演說普眼燈門修多羅，太子及童女各得三昧	時彼如來，知其太子根已成熟，即為演說普眼燈門修多羅。是時太子，聞是經已，於諸法中，證得十三昧海門。所謂：(太子得十波羅蜜三昧門)
			得一切如來願海出現光明三昧門。
			得普照三世光明藏三昧門。
			得現見一切佛道場三昧門。
			得入一切眾生界光明普照三昧門。
			得普照一切世間智聚光明燈三昧門。
			得普照一切眾生諸根海智燈三昧門。
			得救護一切眾生智光明雲三昧門。
			得調伏成熟一切眾生大智光明燈三昧門。
			得聞持諸佛轉法輪聲悉現前三昧門。
			得圓滿普賢清淨行願海雲三昧門。
			以得如是三昧門故，於諸法中，靡不獲得甚深三昧。時具足豔吉祥童女，以聞法故，即得三昧，名難摧伏智海藏，於阿耨多羅三藐三菩提，得不退轉。
		威德主捨王吉祥授童女還宮	爾時太子與彼童女，并其眷屬，聞法獲益，頂禮佛足，遶無數匝，辭退還宮，詣父王所，到已禮足，而白王言：大王當知勝日身如來，出興于世，於此國內香茅雲峯園苑之側法雲光明菩提場中，成等正覺，於今未久。
			時財主王忽聞是語，問太子言：是誰為汝說如是事？天耶人耶？太子白言：是此具足豔吉祥童女所說。時王聞已，歡喜無量，譬如貧人得大伏藏，作如是念：佛無上寶，難得出世，難可值遇，若有得見，必斷一切煩惱惡業，不墮一切生死險道，如來出世為大醫王，能治眾生煩惱重病，如來出世為大明燈，能破眾生無明黑闇，如來出世為大導師，能引眾生至一切智安隱住處。
			作是念已擊鼓宣令，敕諸小王群臣眷屬，及刹帝利，諸婆羅門，長者居士，城邑聚落，一切人眾，皆悉來集，而告之言：汝等當知，如來出世，希有難值，我今欲往親近禮敬，王於是時，即捨王位，授與太子，灌頂訖已，與諸眷屬十千人俱，往菩提場，詣如來所，到已頂禮，遶百千匝，與諸眷屬退坐一面。
		翳王眾陀羅尼得離	爾時如來，普遍觀察道場眾會，及財主王，并其眷屬，從於眉間白毫相中，放大光明，名照現一切眾生心燈，普照十方無量世界，住於一切世主之前，示現如來不可思議種種佛事廣大神變，令諸眾生應受化者，心得清淨。
			爾時如來，以不思議自在神力，示現超出一切世間最高大身，以圓滿音，普隨一切諸語言海，為大眾說陀羅尼門，名入一切法義離翳燈，以佛刹極微塵數陀羅尼門，而為眷屬。

附A40：四十華嚴善財童子之第四十會釋女瞿波(十地)之十五

釋女瞿波成就第十法雲地	十地菩薩慈悲與大智同生本事	得王陀眾羅聞尼法	時王聞已，即時獲得一切法大智光明，其眾會中，有閻浮提極微塵數諸菩薩等，俱時證得入一切法義離翳燈陀羅尼門，六十那由他眾生，盡諸有漏，心得解脫，十千眾生，遠塵離垢，得法眼淨，無量眾生，發阿耨多羅三藐三菩提心。
			爾時如來又以不思議力，普於十方一切世界，廣現神變，以三乘法教化眾生。
		出家財主得王無上三昧眾	時財主王，得大法光照其心故，即作是念：今此甚深功德法味，我若在家不能證得，若佛聽我親近出家，即於是法當得成就。作是念已，前白佛言：我今願欲親近如來出家為道。佛告大王：當隨汝意，宜自知時。
			時財主王即與眷屬十千人等，同於佛所出家學道，精勤修習未久之間，悉皆獲得入一切法義離翳燈陀羅尼門，亦得如上諸三昧門，又得菩薩十種神通門，又入菩薩無邊辯才門，又得菩薩無礙清淨身，普詣十方諸如來所，聽佛所轉微妙法輪，悉能受持無有忘失，又於佛所作大法師，廣為眾生演說諸法，復以神力，遍十方刹，隨眾生心而為現身，於諸世間為大明燈，稱讚諸佛出現世間，稱讚諸佛本修行願稱讚諸佛所集功德，稱讚諸佛本生因緣，稱讚諸佛自在神力，護持諸佛所有教法。
		在正殿威德太子圍遶七寶自至	爾時太子於十五日，昇於正殿，坐師子座，采女圍遶，輪王七寶自然而至，一者輪寶，名無礙行，輻輳具足，百千妙寶，以為莊嚴，閻浮檀金光明普照。二者象寶名金剛山，威力廣大。三者馬寶名迅疾風。四者珠寶名日光藏雲。五者女寶名具足豔吉祥。六主藏臣寶名為大財。七主兵寶名離垢眼。如是七寶，欽然出現具足成就，為轉輪王主四天下，威德自在行正法化，能伏一切人皆快樂。
			王有千子端正勇健，威力雄猛無諸怨敵，化境寬博盡大海際，其地柔軟無諸荊棘，安隱豐樂離眾災患。時閻浮提八萬四千諸小王都，一一王都皆有僧坊，其數五百，一一僧坊建百樓閣，環廊四遶樹林蓊鬱，冬夏安居經行之處，一切皆以眾寶莊嚴，及諸一切資生之具無不備足，復於處處僧伽藍內立佛支提，皆悉高廣莊嚴妙好，彼諸城內，皆請如來，以不思議華香幡蓋妙寶繒綵諸供養具，而為供養。
等眾成就太子	威德主太子		爾時如來，感受其請，以自在力，其身普入一切王都，令無量眾生種諸善根，無量眾生心得清淨，無量眾生發歡喜心，無量眾生增長愛敬，無量眾生速疾發起大菩提意，廣以大悲饒益群品，勤修一切諸佛正法，隨所修習皆能悟入，迴向諸佛一切智道，了達諸佛甚深法海，普入三世無差別智，普照三世諸眾生界，知一切佛出興于世相續次第，得一切佛種智，方便善巧調伏一切眾生，發起菩薩廣大行願，清淨一切諸菩薩道，安住菩薩平等智性，入佛無盡辯才大門，轉佛清淨無礙法輪，普現其身遍一切刹，住於一切眾生之前，知諸眾生根性欲解種種心海，隨應調伏，皆令成熟。
			爾時大威德主轉輪聖王，及彼一切王都城中，皆得見彼勝日身如來，示現種種不可思議大神通力，如是自在廣大饒益
			威德主太子及具足妙德童女往昔因緣，（依李長者《華嚴經論》，見附C40-1）
			善男子！於意云何，彼時太子大威德主，受於父王灌頂昇位，作轉輪王，供養佛者，豈異人乎？今世尊毘盧遮那如來是也。彼時父王名財主者，豈異人乎？今寶華光如來是也。
			其佛現在東方過世界海極微塵數刹海之外，有世界海，名普現法界虛空影像雲，彼刹海中有世界種，名普現三世影像摩尼王，彼世界種中有一世界，名佛圓滿燈，彼世界中有菩提場，名一切世主身影像幢，寶華光如來，於此成阿耨多羅三藐三菩提。

附A40：四十華嚴善財童子之第四十會釋女瞿波(十地)之十六

釋女瞿波成就第十法雲地	威德主太子等眾成就本事 (成就根本智慧)		有不可說不可說佛刹極微塵數諸菩薩眾前後圍遶，於眾會中轉正法輪，令無量眾生皆得成熟，彼佛過去為菩薩時，修習莊嚴此世界海，彼刹海中，去來今佛，成正等覺出興世者，皆悉是彼寶華光佛之所化度，最初令其發阿耨多羅三藐三菩提心，乃至究竟，令其成熟。
			善男子！時財主王第一夫人大威德主太子之母，蓮華吉祥藏者，豈異人乎？今此佛母摩耶夫人，得幻智光明無礙解脫，於其身中含藏出生過去未來一切諸佛，今於此界，生佛世尊，毘盧遮那如來者是。時具足豔吉祥女母善現者，豈異人乎？即今我母執杖釋種善目夫人是也。
			善男子！彼時大威德主轉輪聖王所有眷屬，豈異人乎？今佛世尊，所有眾會一切菩薩是也。如是菩薩，皆具修集普賢諸行，圓滿成就普賢大願，雖恒在此佛會道場，而能普現一切世界，住諸菩薩平等三昧，常得現見一切諸佛，悉能聞持一切如來等虛空界妙音聲海所轉法輪，住一切法自在智力，名稱普聞諸佛國土，能普親近一切如來道場眾會，隨諸眾生應受化者，演說正法，悉令成熟，盡未來際一切劫海修菩薩行，恒無間斷，成滿普賢廣大誓願。
	吉祥女與威德主太子往昔供養五十佛		善男子！彼時童女具足豔吉祥，與威德主轉輪聖王，盡其形壽，以四事供養勝日身如來者，豈異人乎？我身是也。
		十住	善男子！彼佛滅後，於此世界復有佛出，名清淨身，我於彼佛，親近供養，聞法受持，亦為眾生行菩薩道。次有佛出，名一切智影像月身，我於彼時，親近供養。次有佛出，名閻浮檀金光明王；次有佛出，名大梵音相莊嚴身；次有佛出，名種種焰妙月光；次有佛出，名妙高智觀察幢；次有佛出，名廣大智光明王；次有佛出，名那羅延金剛精進力；次有佛出，名智勢力無能勝。(勝日身如來滅後九佛出世，凡十佛)
		十行	次有佛出，名普觀察智；次有佛出，名廣大智吉祥雲；次有佛出，名無畏智光明身；次有佛出，名淨智焰光雲；次有佛出，名功德幢；次有佛出，名智日幢；次有佛出，名蓮華開敷身；次有佛出，名福德嚴淨光；次有佛出，名智焰雲；次有佛出，名毘盧遮那月。(十行位十佛)
		十迴向	次有佛出，名莊嚴蓋大聲王；次有佛出，名大勇猛普智光明；次有佛出，名法界境界智月王；次有佛出，名普現影像開悟眾生如虛空心；次有佛出，名語言相寂滅香；次有佛出，名普震隨順寂靜聲；次有佛出，名堅固智無障礙光網；次有佛出，名甘露山威德王；次有佛出，名法海雷音；次有佛出，名佛虛空光照髻。(十迴向位十佛)
		十地	次有佛出，名月光毫相雲；次有佛出，名月面妙圓滿；次有佛出，名妙覺智拘蘇摩華光；次有佛出，名寶焰山吉祥威德；次有佛出，名廣大功德星宿光；次有佛出，名具一切智三昧身；次有佛出，名焰圓滿身；次有佛出，名最勝威德寶光明；次有佛出，名普智速疾行；次有佛出，名光焰海門燈。(十地位十佛)
		等覺	次有佛出，名大法宮殿妙聲王；次有佛出，名無比功德名稱幢；次有佛出，名脩臂；次有佛出，名清淨本願神變化月；次有佛出，名虛空智實義燈；次有佛出，名法上虛空自在王；次有佛出，名毘盧遮那德藏王；次有佛出，名那羅延法聚；次有佛出，名諸乘智積幢；次有佛出，名法海妙蓮華。(等覺位十佛)
			如是等六十百千億那由他如來，於彼劫中，相續次第，出興于世，我皆親近承事供養。

附A40：四十華嚴善財童子之第四十會釋女瞿波(十地)之十七

釋女瞿波成就第十法雲地	境界成就觀門一切菩薩三昧海微細界	其最後佛，名廣大歡喜出現威德，最後於此出興于世，爾時彼佛來入王城，我於彼時，為王正妃，同與大王以諸供具，供養彼佛，於其佛所，聞說法門，名一切如來受生出現燈，即時獲得差別智眼，名觀一切菩薩三昧海微細境界解脫門。	
		善男子！我時於彼得此解脫，經佛剎極微塵劫，常與菩薩勤加修習，是諸劫中，所有諸佛無量無邊，我皆一一親近供養，受行其法，或有劫中承事一佛，或有劫中承事二佛，或有劫中承事三佛，或百或千，乃至或有於一劫中，親近承事不可說不可說佛，或有劫中值於佛剎極微塵數佛，如是諸佛，我皆親近承事供養，猶未能知菩薩之身，形量色貌，及身語意，業行果報，三昧解脫，所有境界。	
		善男子！若有眾生得見菩薩，為一切智修諸行時，或逆或順，若疑若信，菩薩皆以世出世間種種方便而攝取之，以為眷屬，令於阿耨多羅三藐三菩提得不退轉。	
		善男子！我從於彼廣大歡喜出現威德如來之所，得此觀一切菩薩三昧海微細境界解脫已，於百佛剎極微塵數劫，常與菩薩，而共修習，爾所劫中所有諸佛，出興于世，我皆親近承事供養，彼諸如來，各以異門說修多羅，隨順修行憶持不忘，令此解脫展轉增廣。	
	十地圓滿而未能知普賢解脫	由是能知種種修多羅，獲種種功德身，得種種解脫門，見種種三世海，詣種種佛剎海，見種種成正覺，入種種佛眾會，發種種菩薩願，行種種菩薩行，滿種種菩薩解脫，亦未能知菩薩所成普賢解脫。	
		何以故？菩薩所得普賢解脫神通境界，如大虛空，如眾生名，如三世海，如十方界，如法界海，無量無邊無際畔故。善男子！應知菩薩所得普賢解脫法門，與諸如來境界齊等。	
	十地菩薩業用自在見無邊剎海	涅槃智自在	善男子！我於爾所佛剎極微塵數劫，觀菩薩身所有境界，無有厭足，如多欲人男女集會，更相染愛，於念念中起於無量妄想思覺，隨彼境轉無有盡極，
			我亦如是，於爾所劫，觀菩薩身一一毛孔，念念悉見無量無邊廣大世界，種種生起，種種安立，種種莊嚴，種種形狀，種種依住，種種分量，種種時劫，種種際畔，種種山海，種種大地，種種雲覆，種種名字，種種佛出興，種種菩提場，現種種大神通，於種種大眾會，演種種修多羅，立種種諸乘教，開種種方便門，放種種光明輪，嚴種種佛世界，設種種灌頂法。
		菩薩行自在	又於菩薩一一毛孔，於念念中，常見十方無邊佛海，坐種種道場，現種種神變，轉種種法輪，說種種修多羅，次第相續恒不斷絕。
			又於菩薩一一毛孔，念念常見十方一切諸眾生海，種種住處，種種形貌，種種威儀，種種作業，種種根器，種種心量。
	菩薩所見無有邊際	又於菩薩一一毛孔，悉見三世諸菩薩海，無量無邊諸行門，無量無邊大願海，無量無邊菩薩地，無量無邊波羅蜜，無量無邊本生事，無量無邊嚴剎行，無量無邊大慈門，無量無邊大悲雲，無量無邊精進海，無量無邊大喜心，念念攝取無邊眾生，方便調伏皆令成熟。(十種無量無邊菩薩海)	
		善男子！我於爾所佛剎極微塵數劫，念念如是觀於菩薩一一毛孔所有境界，已所經處更不重經，已所見處更不重見，已所聞處更不重聞，已所得處更不重得，乃至見於悉達太子處，於內宮采女圍遶我以解脫力，觀於菩薩一一毛孔，悉見三世一切法界，無邊境界深入無際。	

附A40：四十華嚴善財童子之第四十會釋女瞿波(十地)之十八

釋女瞿波成就第十法雲地	自法門	善男子！我唯得此觀察菩薩大三昧海微細境界解脫門。
	自宗門——十波羅蜜精進	佛
		如諸菩薩摩訶薩，能悉成就諸方便海，等諸眾生現隨類身，普住一切眾生之前，
		法
		隨諸眾生種種根性，演說種種諸乘教法，
		僧
		一切毛孔，悉能出生無量色相變化海雲，
		精進
		知一切法本來清淨，無性為性，知諸眾生，同於虛空無相為相，
		禪定
		住無分別究竟解脫，現無中邊廣大境界，知佛神力畢竟如如，能隨大願普現神變，
		般若
		一念能入廣大法界，令一切法自在，隨轉得一切法普遍智門，
		方便
		悉能遊戲諸菩薩地，遠離一切煩惱結使，獲得清淨圓滿智通，知諸眾生究竟寂滅，普隨現身皆令歡喜，
		願
		與諸菩薩平等一緣，常共集會不相捨離，得大神通究竟不退，
		力
		自在遊行一切世界，隨諸眾生現成正覺，普坐一切道場眾會，普隨諸趣而現受生，乘不退輪，行菩薩行，見聞獲益，
		智
		如藥樹王滿眾生心，如如意寶，一音普演咸令歡喜，於大智地安立諸法，智幻神通遍周法界，
		如是菩薩行智功德，而我云何能知能說
	推薦精進十地成就十力四智入等覺地	爾時釋女瞿波，告善財言：善男子！此世界中，有大摩尼毘盧遮那寶蓮華藏師子之座，佛母摩耶而坐其上，汝詣彼問，(十七種云何)
		總說
		菩薩云何修菩薩行，於諸世間無所染著，
		佛
		菩薩云何得自在力，於諸法中遠離塵垢，
		法
		菩薩云何得信樂力，供事諸佛恒無懈怠，
		僧
		菩薩云何得勇進力，成就一切菩薩事業，
		精進
		菩薩云何得淨智力，遠離一切煩惱障礙，
		禪定
		菩薩云何得深解力，有所聞法自然開悟，
		般若
		菩薩云何得現前力，成就菩薩觀察智慧，
		方便
		菩薩云何得周遍力，普詣一切諸如來所，
		願
		菩薩云何得弘誓力，普攝一切諸眾生界，
		力
		菩薩云何得不退力，盡未來劫修菩薩行，
		智
		菩薩云何得觀察力，悉見諸法無有罣礙，
		四智
		菩薩云何入緣起智，見一切法悉無有我，(東方-大圓鏡智)
		菩薩云何得隨順智，善解一切世出世法，(南方-平等性智)
		菩薩云何得微細智，善能觀察諸法體性，(西方-妙觀察智)
		菩薩云何得神通智，能為眾生說諸祕密，(北方-成所作智)
	普賢成就	菩薩云何發起大願，增長一切眾生善根，常無休息，(大願行)
		菩薩云何親近承事諸佛菩薩，及以一切聲聞獨覺，恒不斷絕，(根本智)

附A40：四十華嚴善財童子之第四十會釋女瞿波(十地)之十九

釋女瞿波成就第十法雲地	釋迦女瞿波重宣成就本事說偈結會		爾時，釋女瞿波欲重宣說此解脫門義，承佛威力，向善財童子，而說偈言：（三十一偈）
		佛波羅蜜	佛 若有眾生見菩薩，修集種種菩提行，起於不善及善心，悉皆攝取令饒益。
			法 往昔百刹極微數，倍是塵數復有劫，名為平等淨莊嚴，刹名最勝須彌光。
			僧 彼劫有佛出興世，三十六億那由他，最後出現天人師，號正法幢為世燈。
			精進 爾時彼佛涅槃後，有王名智威德山，自在統領閻浮提，力能摧伏諸怨敵。
			禪定 時王具有五百子，端正勇健無能勝，才智善巧悉過人，眾生瞻仰無厭足。
			般若 其王及子心清淨，深於佛法生信心，受持守護及修行，勇猛精進恒無退。
			方便 彼時太子名焰光，具相莊嚴三十二，離垢功德皆圓滿，善能饒益諸群生。
			願 將其眷屬五百億，聞法出家行學道，皆修梵行共精勤，勇猛護持於佛法。
			力 時有王都名智樹，具足千億城圍遶，林名寂靜大吉祥，寶樹莊嚴皆勝妙。
			智 焰光佛子住其中，為眾弘宣佛正法，辯才智慧無窮盡，令其聞者除煩惱。
		法波羅蜜	佛 菩薩有時因乞食，執持衣鉢入王城，威儀寂靜步安詳，諦視正觀心不亂。
			法 時彼城中有長者，名為善稱歡喜幢，我為童女在居家，名淨日光端嚴相。
			僧 我時遙見此佛子，念慧清淨常現前，諸根調伏相端嚴，所有威儀皆寂靜。
			精進 次行乞食至我門，我見即時生愛染，解身瓔珞莊嚴具，歡喜并珠施鉢中。
			禪定 我時雖以染愛心，供養焰光真佛子，由是不經三惡趣，常生天上及人間。
			般若 二百五十劫中，所生為女皆尊勝，恒見焰光修學處，具相莊嚴離垢身。
			方便 過彼二百五十劫，次生善現母人家，身為童女相端嚴，名妙吉祥具足豔。
			願 見彼太子威德主，而生尊重愛敬心，願得奉事共修行，幸彼宿因蒙納受。
			力 我於彼時隨太子，同詣如來勝日身，即發廣大菩提心，供養聞法生歡喜。
			智 彼劫所有佛興世，六十千億那由他，最後佛號解脫光，次第我皆興供養。
		僧波羅蜜	佛 於彼最後如來所，獲得覺法清淨心，觀諸法性無有生，成就宿命除煩惱。
			法 即得菩薩三昧海，觀察微細解脫門，一念能入於十方，不可思議諸刹海。
			僧 普見一切諸世界，或有雜穢或清淨，於雜穢刹無憎惡，於清淨刹不貪著。
			精進 悉見十方諸刹海，一切世界菩提場，如來遍坐放光明，我於一念皆能了。
			禪定 彼佛所有大眾海，我於一念皆能入，亦知彼眾所修行，三昧解脫神通力。
			般若 彼眾所有廣大行，諸地諸度諸方便，及諸誓願海無涯，我於念念皆深入。
			方便 我觀菩薩相好身，一一毛孔神通事，歷劫同修諸妙行，求其邊際不可得。
			願 一一毛孔所有刹，不可言說無央數，於中地水火風輪，微細容持不相雜。
			力 彼諸世界所安立，形量名體皆不同，刹中種種眾生身，色相莊嚴亦無量。
			智 我又以此解脫力，盡見十方諸刹海，諸佛現化滿其中，調伏一切眾生界。
		甚深總說	雖於無量劫修行，見彼諸佛神通力，猶不能知此菩薩，身心及智所行道。
			爾時，善財童子聞是法已，頂禮瞿波，遶百千匝慇懃瞻仰，戀慕一心辭退而去。

附C40-1：入法界品善財童子所問釋女瞿波發心久如因緣之一

太子出遊，瞿波婚禮及見佛所有因緣，於此段中，約分立十門，明太子納妻。	一太子出行遊觀。
	二善現母女見太子心生愛染。
	三女母自念卑賤非其匹偶。
	四童女寐夢見勝日身佛，覺已，有天告其童女云：勝日身佛出興於世。
	五童女自申美德，自進請約為夫人，願垂納受。
	六太子問女：誰為守護，先屬何人？
	七母說頌以申女德及所生因，蓮華中化生與太子同日生。
	八太子入香牙園問女及母：我行菩薩行，汝不障礙不？
	九女白太子言：敬奉來教。
	十太子納女為夫人，以五百摩尼寶散其身上。
童女受位已下，女母善現歎女智德，於此已下復分十門，明財主王得道。	一女母歎女之德。
	二太子與妙德及十千姝女往香牙園法光道場見佛。
	三太子及女見佛歎供養。
	四佛為說普眼燈門經。
	五太子及女聞法，於一切法中得三昧海。
	六妙德女得三昧，名難勝海藏，永不退轉大菩提心。
	七太子辭佛還宮啟白父王如來出世。
	八王聞歡喜，集諸小王群臣眷屬授太子灌頂職，與諸眷屬俱詣佛所。
	九王見佛禮敬遶畢退坐一面，如來放光以神通力，示化其王三乘法化。
	十其王及眷屬皆獲利益，出家學道不久得離暗燈陀羅尼門。
已下明太子為王，十五日七寶來至，於此段中復立十門，明都結本緣因果。	一太子登紹王位七寶自至。
	二八十王城安置僧坊。
	三請佛入城。
	四佛入城已，以大神力眾生歡喜，眾生獲益。
	五太子輪王者，今毘盧遮那如來是。
	六財主王者，寶華佛是，現在東方世界。
	七其女母者，我母善目是。
	八為輪王夫人妙德者，我身是者，即瞿波是。
	九自此已去明供養佛，數都舉六十億百千那由他。
	十通本勝日身如來至末佛，號廣大解，有五十。
從最後佛號廣大解已下，復立十門。	一於此佛所得法門。
	二明得法門，名觀察一切菩薩三昧，已經佛刹微塵數劫勤加修習。
	三明率化勸修此門。
	四雖多劫勤修自念，猶未能盡知菩薩行。
	五推德勝進。

附C40-1：入法界品善財童子所問釋女瞿波發心久如因緣之二

從最後佛號廣大解
已下，復立十門。

六正歎後善友之德。

七示其善友所居世界之處。

八舉善友之名，名曰佛母摩耶。

九瞿波說頌重頌前法。

十更舉往古初時遠因為居士女時所緣之行。

（八十華嚴返回第1107頁，四十華嚴1125頁）